

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/





joogle



OFOI NORMARHY

848 875245 s 1873

. Google







LES SEREES

DE

GVILLAVME BOVCHET

LYON

IMPRIMERIE ALF. LOUIS PERRIN & MARINET

LES

SEREES

D F

GVILLAVME BOVCHET

Sieur de Brocourt,

AVEC NOTICE ET INDEX

C. E. ROYBET

TOME SECOND



PARIS,

ALPHONSE LEMERRE, ÉDITEUR, 27-29, passage Choifeul, 27-29.

M. D. CCC. LXXIII.



n.

H F. Thime



PREMIER LIVRE

DES SEREES

GVILLAVME BOVCHET, Sieur de Brocourt.

(www)

SIXIESME SEREE

Du Poisson.

E iour deuant ceste Seree, qui estoit le leudi, on bailla le bouquet à vn des nostres pour le lendemain: qu'il resusa, toutessois en riant: disant qu'il coustoit dauantage

de bailler à fouper à vn iour maigre, parce que le poisson est plus cher que la chair, & puis le beurre, qui valoit dix sols la liure, & aussi qu'on boit plus en mangeant du poisson que de la chair, encore que le poisson soit plus humide, & aussi qu'on ne trouuoit pas le poisson à poince nommé, & qu'il ne rassaire pas tant que la chair, à ceste cause qu'on deuoit bien couurir la table à iour de poisson. Parquoy il prioit la compagnie de le tenir pour excusé, s'ils n'estoient bien traictez. Vn des nostres alors

 $\mathsf{Digitized}\,\mathsf{by}\,Google$

luy va dire, que pour s'ofter de la peine de s'excufer, il ne falloit que bien apprester à souper, & nous traicter bien.

La plus-part de ceux de nos Serees aimans mieux le poiffon que la chair, s'y trouuerent tous : tant pource que c'estoit du poisson de la mer Oceane, qui est beaucoup meilleur, plus gras, plus grand, que celuy de la mer Mediterranee, comme en peuuent iuger ceux qui en ont mangé de ces deux mers, que aussi c'estoit en Septembre, & que depuis Septembre iusques en Mars la maree est la meilleure, & toutesfois, comme dit Bodin, le plus que nous en mangeons c'est en Mars & Auril, quand elle est la pire : car en Mars le poisson commence à frayer, & perd fon goust : parquoy ne se faut esmerueiller s'il fasche à plusieurs d'en manger en ce temps-là. D'entree de table quelqu'vn fe va esmerueiller comme vne contree de mer abonde en vne forte de poisson, & l'autre n'en a point : vne espece de poisson n'allant point courir dedans la region affignee à vne autre, mais fe contente de ses bornes & limites: toutesfois, disoit-il, il n'y a montagnes ne murailles, qui les separent, & n'y a point d'arpenteur de terre qui leur ait borné leurs limites. Puis on fit vne question, à sçauoir si le prouerbe commun estoit veritable, qui dit, Il n'est que ieune chair & vieil poisson: car estant le poisson ieune, & d'humeur & suc trop fade, pour estre du tout semblable à fon element aqueux, s'enuieilliffant, l'aquofité baueuse s'euapore, & le bon suc naist : & comme és bestes vieilliffantes la chair s'endurcit, és poiffons groffiffans la fubstance s'affermit. Que si on le prend, comme ceux qui

font friands de chair le prennent, il n'y aura pas grande difficulté: mais le prenant fainement & au pied de la lettre, il y en eut vn de la Seree qui disoit que soit de chair ou de poisson, les ieunes animaux estoient tousiours les meilleurs à manger: car alors, adioustoit-il, la chaleur & l'humidité se trouuent en leur grand'bonté, qui manquent aux vieux animaux, qui à ceste cause sont secs, & sans suc, & ainsi sort durs, & sans goust. Et m'esbahis des Medecins, que le peuple a suiuy, ou ils ont suiuy le peuple, qui sont grand cas d'vn chappon vieux, & pour les sains & pour les malades: combien qu'il soit dur sec, sans suc, & sans grande nourriture: n'ayans esgard à la commune voix, qui dit, Ieune chair & vieux poisson.

Vn autre luy repliqua, que tant la chair que le poiffon est lors le meilleur, quand il n'est ne trop ieune ne trop vieux : sa raison estoit, que le ieune est trop humide, parce qu'il n'est gueres loing de sa natiuité & naiffance : le vieux dur & fec, fans fuc ne humidité, estant bien loing du commencement de sa generation. Et va puis apres bailler vne exposition à ce triuial prouerbe, Il n'est que vieux poisson: C'est, expliquoit-il, que le poisfon foit grand & gros, & gras, estans les vieux communément plus gros, & grands, & plus gras que les ieunes. Et ainsi l'entendoit, disoit-il, celuy qui au bas de la table prenoit vn petit poiffon qu'on auoit feruy deuant luy, & le mettoit à fon oreille, & quand ceux qui estoient au hault bout, & en la place des niais, luy demanderent pourquoi il faifoit cela, il respond, qu'il demandoit à ce petit poisson, si la riuiere où il auoit esté prins estoit bien creuse & dangereuse, & que ce petit poisson luy auoit dit qu'il le falloit plustost demander à ces bons & grands peres, qui estoient au plus hault de la table, le sçachans mieux que luy. Pour corroborer ce qu'il auoit dit, que le gros & grand poisson estoit le meilleur, il va faire vn Axiome: Que lors que l'animant est venu à sa iuste croissance, c'est lors qu'il est en sa fleur de bonté, & le meilleur: parce, disoit-il, que de deux poissons de mesme grandeur, de mesme mer & riuiere, prins & mangez en mesme temps, accoustrez en mesme façon, il s'en trouuera vn bon, & l'autre mauuais: & c'est que l'vn est ieune & en sa iuste croissance, & l'autre est vieil.

Il y en eut vn autre qui ne s'accordoit pas à cela, que le poiffon print sa bonté pour estre ieune ou vieux, ou sa iuste croiffance : mais faisoit ceste distinction. Si les poissons sont mols & tendres, les vieux poissons sont meilleurs que les ieunes : parce, disoit-il, que quand le poisson est mol & sans sermeté, cela prouient de l'humidité, qui n'est pas digeree au ieune poisson, comme elle est aux vieux : dont il aduient que les ieunes poissons engendrent plus de slegmes que les vieux. Mais si les poissons sont durs & sermes, les ieunes sont plus sains & meilleurs, & de plus facile digestion : car la dureté resiste à la digestion, le vieil poisson ayant moins d'humidité que le ieune : le vieil poisson se cognoissant quand il a les escailles dures.

Il luy fut repliqué, que ce qu'il auoit dit pouuoit auoir lieu és poiffons de diuerfes especes, mais non pas au poiffon de mesme espece, qui prend sa bonté selon la riuiere où il a esté nourry & pesché, & non selon l'aage & grandeur. Et qu'il foit ainfi, acheua-il de dire, vous trouuerez en vne riuiere ou estang du poisson fort petit, qui sera meilleur que le gros & grand d'vne autre riuiere, encores qu'ils soient de mesme genre: comme vne carpe de Clan sera meilleure qu'vne de Vienne, si toutes-fois ne sera pas si grosse & grande.

Vne Feffe-tondue va dire qu'il croioit que le poisson grand & gros, de quelque aage & riuiere soit-il, estoit tousiours meilleur que le petit & menu : mais qu'il soit aussi sain, i'en doute, à cause que la grosseur & grandeur du poisson, monstre vne grande humidité : qui sait que les Medecins baillent plustost à leurs malades des petits poissons que des gros. Et aussi qu'en matiere de poisson les semelles sont plus grosses & grandes que les masses, & les masses sont meilleurs que les semelles, excepté l'anguille, & en Latin le Silurus.

Or pour vous monstrer qu'on court plustost au gros & grand poisson, comme meilleur, plus vis, & de longue vie, escoutez comme vn mendiant d'vne douzaine de carpes sceut bien choisir la plus grande & plus grosse, & la plus viue: car on dit que le plus vis poisson est le meilleur.

Voicy l'histoire au vray. Ce Frere apres auoir presché tout le iour en vne Parroisse, se retira pour coucher & souper en la maison d'vn gentilhomme : lequel pour le bien sestoyer luy dit qu'il allast luy-mesme au viuier & gardoüer, & qu'il apportast la plus belle carpe. Il y sut, il en print deux, vne qu'il apporta pour le souper, & l'autre, qui estoit la plus grosse, & la plus grande, & la plus viue, sut pour luy : qu'il attacha à ses chausses, auec vne esguillette, au dessous de son habit.

Apres le fouper, le feigneur de la maifon, fa femme, fes filles, fes Damoifelles fe retirerent vers le feu, & le Frere aussi, apres auoir dict les graces. La carpe qu'il auoit dessous fon habit, sentant la chaleur, se remue, & sautille bien fort, tellement que par fois elle faisoit leuer son habit : il met la main dessus pour couurir son larrecin : tant plus il la presse, tant plus elle fretille, faisant tousiours leuer sa robbe : si bien que les Damoiselles ne se pouvoient garder de rire, pensant que ce sust autre chose. Se regardans l'vne l'autre, elles se mettent si fort à rire que le Seigneur de la maison voulut sçauoir dequoy elles rioient. Ces silles ne pouvoient honestement luy dire qui les incitoit à rire si fort.

Ce Frere penfant que ces Damoifelles feroient mal edifiees de ce que son habit se leuoit & baissoit, & qu'elles songeroient à l'infirmité de la chair, pour leur monstrer que ce n'estoit pas l'esguillon de la chair qui faisoit leuer sa robbe, leuant son grand habit leur va dire, Tenez, regardez, ce n'est pas ce que vous pensez, friandes : car vous estimez que ce soit de la chair, & c'est du poisson. Mais les filles ne virent ne chair ne poisson : car cuidans qu'il voulust monstrer ce qu'elles imaginoient faire sautiller son habit, & qui les faisoit rire, mirent la main au deuant de leur visage.

Le gentil-homme, & fa femme, qui ne sçauoient dequoy les Damoiselles rioient, & qui les auoit faict cacher, virent bien la carpe, & cogneurent bien que ce Frere n'auoit point soucy du lendemain: mais ils ne firent pas semblant d'auoir veu la carpe, & ne s'en firent que rire. Que si ce Frere eust tenu aussi bon que l'ensant Lacedemonien, qui aima mieux estre rongé le ventre par vn Renard qu'il auoit desrobé, que se descouurir, on n'eust rien sceu de son larrecin, ny pourquoy les Damoiselles rioient si fort : car elles qui pensoient plustost à la chair qu'au poisson, ne se sufficient iamais auancees de dire qui les faisoit ainsi rire. Le conte acheué, il ne se trouua personne qui n'eust aussi grand'enuie de rire que les Damoiselles.

Les femmes qui estoient en ceste Seree, vont dire à nostre Fesse-tonduë, qu'il contreuenoit à l'ordonnance qu'on auoit faicte, qui estoit de ne sortir hors du propos commencé, & que parlant de la chair, ils sortoient hors du sujet de la Seree, qui estoit du poisson. Parquoy se remettans aux premieres erres, quelqu'vn va demander, Qui sait qu'il y a du poisson qui n'est pas si tost sorty de l'eau qu'il ne meure, ou bien tost apres, & cestuy sera bien achepté tout mort : & qu'il y en a d'autre qui vit long temps apres estre sorti de l'eau, & ne sera achepté s'il ne grouïlle?

Les vns difoient que le poiffon ne pouvoit gueres viure hors de l'eau, à cause qu'il est froid de nature, & sentant la chaleur de l'air, il est contraint de mourir. Les autres disoient qu'il ne mouroit point estant hors de l'eau, à raison de la chaleur, qui luy est contraire, estant froid de nature, mais pourautant qu'il n'est pas en son lieu naturel : tout ainsi que l'homme ne peut viure en l'eau, ouy bien en l'air.

Il y en auoit qui n'approuuoient pas vne de ces deux opinions, mais affermoient que les poiffons ne pouuoient viure estans fortis de l'eau, dautant qu'ils n'ont point de respiration, pour pouvoir humer l'air: tellement que ce que l'air est aux animaux terrestres, l'eau l'est aux poissons: & comme les animaux terrestres s'estouffent en l'eau, ainsi les aquatiques s'estouffent en l'air. Et combien qu'ils n'ayent point de poulmons, les ouïes, qu'ils remuent & eslargissent, & par lesquelles ils prennent & rejettent l'eau, leur feruent de poulmon pour la respiration. Toutessois ils ne rendoient point la raison pourquoy vne forte de poiffon viuoit plus que l'autre, tous deux estans hors de l'eau : mesme que le haranc n'a pas si tost prins l'air, qu'il est mort. Et l'anguille peut demeurer viue huich iours fans eau, durant le vent d'Aquilon. Puis vn de la Seree nous conta auoir veu en Angleterre diuiser le ventre d'vn brochet, en Latin Lucius, pour monstrer fon laict, fans qu'il en mourust : car ayant esté recousu & ietté en vn viuier, où il y auoit des tanches, il guerist.

Vn de nostre Seree, ne voulant laisser passer ce qu'on auoit dict du haranc, nous va asseurer qu'il auoit veu à Poictiers des harancs en vie, combien qu'il soit à plus de vingt lieuës de la mer. Son seruiteur qui auoit apporté sa torche, pensant bien luy aider, afferma qu'il auoit veu des harancs sorets en vie, dicts par les Latins, halecæ nocturni. On se print si fort à rire qu'on oublia à dire pourquoy le haranc mouroit incontinent qu'il auoit prins l'air, aussi bien que le Dauphin, plustost que tout autre poisson. Et en lieu de cela, quelqu'vn demanda pourquoy les harancs, plustost que tout autre poisson, venoient à grand'troupe depuis la mer Septentrionale iusques à la mer du Couchant, contre le naturel de

tout poiffon, qui le plus fouuent va contre l'eau & la maree, de peur que le vent & la maree ne redreffe & face enleuer ses escailles.

Il fut respondu qu'il y auoit bien d'autre poisson que le haranc, qui à certain temps voyage & change de region. La raifon estoit, à fon aduis, pour iouir de la temperature de l'air couchant. Car ayant prins le poisfon fon aise en la mer du Septentrion tout l'esté, estant fon eau plus douce que des autres mers, le poisson de la mer aimant les eaux douces, qui le fait fouuent monter contre les riuieres, si tost que l'Hyuer reuient, il s'en retourne és lieux qui font plus frappez du Soleil, plus chauds, & plus profonds, moins agitez des vents, fuyant les tempestes Septentrionales : car la mer Septentrionale estant fort platte, est plus subjecte aux grands vents. ayant le riuage bas, & peu de lieu où elle se puisse gayer & espandre, si bien que le vent messe souuent le fable auec les flots : & voilà pourquoy le poiffon voyage & change de region.

Ie me contente de cefte raison, va dire quelqu'vn, moyennant qu'on me die pourquoy la mer Septentrionale a son eau plus douce que les autres mers. Il luy sut respondu, que c'estoit à cause que le Soleil estant moins ardent & brussant sur ceste mer, ne tiroit pas par ses rayons toute l'eau douce qui y est, comme il fait és autres mers.

Vn de la compagnie fans fortir hors du propos des harancs, en va faire vn plaifant conte, & commença ainfi, fi i'ay bonne memoire: l'auois vn mien amy qui se tenoit prés de la poissonnerie, & prés d'vn vendeur de poisson falé. Ce poiffonnier auoit fai& grand' prouision ce Carefme de harancs blancs : & estans fort chers, les pauures gens disoient qu'ils estoient empoisonnez, pleins de ferpens, & de vers. Auec ce bruit, il arriua que ce mien amy, voifin du poiffonnier auquel il vouloit mal, commanda, vn premier iour de Carelme, à sa chambriere, de mettre vn haranc fur le gril, pour fon desiuner, puis l'enuova en la caue : laquelle estant de retour trouuant que le chat auoit mangé le haranc, de cholere, luy baille si doucement d'un baston sur la teste qu'elle tue ce chat. Son maistre ovant le bruit monte en la chambre, & sçachant pourquoy sa chambriere auoit tué son chat, il le prend, & le iettant par la fenestre au beau milieu de la poissonnerie, il va crier tout haut; Ce chat est mort pour auoir mangé d'vn haranc. Cela diuulgué par toute la poissonnerie, puis par toute la ville, personne ne vouloit achepter ne manger des harancs: tout le peuple difant que c'estoit vn homme de bien qui l'auoit dit, & que s'il n'eust esté vray, qu'il ne l'eust pas dit. Le poiffonnier (çachant cela, & que fes harancs luy demeuroient fur les bras, met fon voifin en Iustice, difant qu'il luy vouloit mal, & qu'il auoit controuué ces paroles pour empefcher la vente de ses harancs. Il fut ordonné que celuy qui auoit semé ce bruit seroit ouy par sa bouche. Estant deuant le luge, il perseuere à ce qu'il auoit dict, que ce chat qu'il auoit ietté par la fenestre estoit mort pour auoir mangé vn haranc, & qu'il le prouueroit par sa chambriere, qui auoit tué le chat, pourautant qu'il auoit mangé vn haranc qu'elle auoit mis sur le gril, ce pendant qu'elle alloit querir du vin pour le desseuner.

Le luge, & tous ceux du iugement, se prenans à rire mirent les parties hors de Cour & deprocés, & sans despens.

De punir la chambriere, nous ne fommes pas Egyptiens, qui punificient ceux qui tucient les chats, & auec vn grand dueil les inhumoient, & ne tenons la superstition des Romains, qui ont faict cest honneur aux chats que de les mettre pour deuise aux enseignes des troupes d'Auguste. Tous ceux de la Seree de force de rire se resueillerent les vns les autres, & mirent en dispute lequel poisson estoit le meilleur & plus sain, le poisson de mer ou celuy d'eau douce. Il su arresté que le poisson de mer bailloit vn nourrissement qui n'auoit pas tant de supersluité que celuy d'eau douce : mais parce que le poisson de mer est plus serme & dur que celuy d'eau douce, il se digeroit plus difficilement, combien qu'il soit de grande nourriture.

A ceste cause, disoient-ils, le poisson d'eau douce est meilleur pour les malades, qui digerent difficilement, à cause de leur estomach qui est debile, & le poisson de mer est meilleur aux sains, nourrissant dauantage. Que si au poisson d'eau douce y a quelque viscosité, frigidité, & humidité, qui nuiroit aux malades, elle est corrigee par le sel qu'on y met en cuisant. Et si sut affermé qu'il n'y auoit viande au monde qui plus humestast que le poisson frais, & qu'il n'y auoit aussi rien meilleur pour les choleres, estant le poisson froid & humide, & les choleres chauds & secs. Mais demanda quelqu'vn, puis que tout poisson est froid & humide, qui fait qu'apres en auoir mangé, on est plus alteré que si on auoit mangé

de la chair, qui n'est pas si humide & froide, veu que la foif n'est qu'vn appetit d'humeur & de froideur? Il luv fust respondu, que le poisson estant slegmatique, c'est à dire,- froid & humide, fe cuifoit & digeroit difficilement dans le ventricule : par ce demeurant long temps en l'estomach, il se pourrit par la chaleur estrange, qui est & domine en toute putrefaction, dont vient la soif qui est causee de ceste chaleur estrange. Il ne s'ensuit pas pour cela, va dire vn friand de poisson, que si le poiffon altere plus que la chair, il ne foit aussi bon, aussi fain, & auffidelicat, & friand que la chair: car s'il altere, ce n'est que par accident. Et parce que le poisson se corrompt aifément, dont vient l'alteration, il fera bon en mangeant du poisson de manger sorce pain, lors le poiffon ne vous fera nul mal: mais que le poiffon apres qu'il est cuit, & estant encores chaud, ne soit laissé en lieu humide : car il feroit fort dangereux, & feroit telle nuisance que font bien souvent les potirons, en Latin fungi. Et pour empescher que le poisson ne face mal, & aussi à fin qu'il soit meilleur, & plus sain, il le faut faire bouillir & accoustrer auec du vin, si nous croyons le prouerbe qui dit, que le poisson depuis qu'il a perdu l'eau, ne la doit plus fentir : de là vient que la faulfe d'Allemagne est meilleure, non seulement au goust, ains plus faine.

Les anciens, adiouftoit-il, auoient le poiffon en fi grande recommandation, & le prenoient pour fi bon augure, qu'il falloit que le nouueau marié, fortant premierement de la maifon, qui estoit le septiesme iour, acheptast du poisson, lequel estoit ietté par vne de ses parentes fur les pieds de la nouvelle mariee. Entre les Turcs le poiffon est en telle estime, que les Mahometans leur iettent du pain en l'eau où ils sont, pour l'amour de Dieu.

Quel animal, va-il dire en continuant, est plus net & plus fain que le poisson, veu qu'on dit, il est sain comme le poisson en l'eau? Et comme dit monsieur Bodin, il n'est point ladre, ainsi qu'est le pourceau & le lieure : teigneux, roigneux, & farcineux comme le mouton & la brebis, qui est tousiours morueuse & hydropique, plein d'apostumes comme le bœuf : il n'est point subiect au mal caduc, ainsi que font les cailles & coqs d'Inde : aux inflammations, comme les poules & chappons : aux poulx, comme les pigeons. Et si on ne meurt point subitement, adiousta-il encores, pour auoir mangé du poisfon, comme on fait pour auoir mangé de la chair : car fi vous mangez de la chair d'vne beste qui aura mangé d'vne autre beste veneneuse, auant que le venin soit bien digeré, alteré & changé de fa nature par la chaleur, vous en mourrez : car on void fouuent de la poulaille qui mange des ferpens. Et ne suis pas de l'opinion de Mattheole, qui tient que les animaux veneneux mangez par autres bestes ne peuuent nuire. Il y a du poisson, va repliquer vn de la Seree, qui est bien plus dangereux que vous ne dites : car les Egyptiens, & S. Ambroife, qui fuit fainct Bafile, maintiennent auec Nicandre, que les murenes fortans de la mer se mettent sur la terre, & lors fravent & s'accouplent auec les ferpents. Celuy qui estimoit tant le poisson, respond qu'Andreas Physicien, auec Aristote, dit que ce n'est que mensonge de dire

que la murene s'accouple auec les ferpents : mesmes il tient, contre Aristote, que les murenes ne se prennent point en terre : que si elles n'eussent esté bonnes, Cesar n'en eust pas tant donné au peuple Romain en vn sien triomphe : qui emprunta de C. Hircius six mille murenes, qu'il fit seruir à table en vn festin de son triomphe. Ie ne croirai aussi iamais, disoit-il, que le lieure de mer mangé foit vn poifon à l'homme : combien que Philostrate tienne que Domitian empoisonna l'Empereur Titus auec ceste viande, dont Neron s'aidoit à l'encontre d'aucuns. Que s'il y eust eu du poison veneneux, les anciens ne l'eussent pas tant estimé, & eu en si grande reuerence : car ils ont pensé toute chose maritime facree, & si faisoient conscience de pescher, & plusieurs poissons estoient nommez sacrez : comme nous trouuons en Martial.

Portez l'acipenser aux tables palatines, Ornez de beaux presens les viandes divines.

Ce poiffon acipenfer, que les François appellent Efturgeon, & ceux de Bordeaux Creal, ne fe servoit iamais à la table des Romains sans vne grand'pompe, les ioüeurs d'instrumens allans deuant, & ceux qui le servoient estans coronnez : comme ils auoient de coustume, en servant à la table les choses rares, de faire marcher la lyre & violon deuant ceux qui les servoient. On dit que ce poisson a les escailles tournees vers la teste, vnique en cela.

Diodore dit, adioustoit-il, qu'en Sicile il y a vne sontaine, qu'on nomme Arethusa, qui est pleine de poissons

si facrez qu'on n'en oseroit manger : que si quelque estranger en mange, il s'en trouuera mal. Que si nous voulons adiouster foy à aucuns, qui disent que tant plus les animaux font de longue vie, tant meilleurs & fains font-ils à manger, le poiffon emportera le prix : car on a trouué des poissons ayans vn collier au col, par lequel on cognoiffoit qu'ils auoient vescu deux cents ans : la longue vie prouenant d'vne bonne humidité, difficile à corrompre, auec vne chaleur parfaicte: laquelle humidité ne peut estre consommee par la chaleur du Soleil : ce qui est cause que les animaux de mer sont plus grands que ceux de la terre : la vertu du Soleil corrompant l'aliment des animaux qui viuent fur la terre, ce qu'il ne peut faire aux animaux cachez foubs les eaux. Que le poiffon foit de longue vie, adiouftoit-il encores, Gefner escrit que l'an de salut 1497, sut prins vn brochet en vn estang prés de Haylprun, cité Imperiale de Siene, lequel auoit vn anneau de cuiure attaché à fes brouches & oreilles, auguel estoit escrit en characteres Grecs, le fuis le premier poiffon qui fut mis en cest estang par les mains de Federic fecond Gouverneur du monde, le cinquiesme d'Octobre 1230. De sorte qu'il apparoist, que ce brochet auoit vescu en cest estang 267. ans.

Il fut adiousté à tout cecy, pour prouuer la bonté du poisson, & sa delicatesse, que iamais les anciens n'ont fai& leurs grands sestins sans poisson, encores qu'ils l'acheptassent au prix de l'or, aussi bien qu'vn mulet qui a esté achepté de nostre temps par vn Seigneur de France au poids de l'or: lequel disoit qu'il n'estoit saulce que de cherté, le coust luy donnant bon goust: car quand il estoit prés de la mer, il ne mangeoit point de poisson, & quand il en estoit essoigné, il en vouloit.

Nous trouuons auffi, adiouftoit-il, que les poiffons delicats, comme le Mulet, le Turbot, la Dorade, l'Efturgeon, la Murene, s'acheptoient au prix d'argent pur & fec. Et qu'il y euft vn friand, qui ne merite pas d'eftre nommé, qui paya deux cents escus d'vn mulet de mer, ne pesant que deux liures, qui estoit l'achepter au poids de l'or.

Caton le Cenfeur auffi trouuoit cela fi estrange, ce dit Plutarque, qu'il asseure qu'vne ville ou vn païs ne sçauroit gueres durer, où vn poisson est vendu plus cher qu'vn bœus. Et aussi que les Romains ont laissé par escrit qu'il y auoit plus de quatre cents sortes de poissons à manger, & qu'il n'y auoit pas quarante sortes de bestes terrestres, qui puissent seruir de nourriture. Qui est pour monstrer que Dieu n'eust pas creé tant de poisson, qui ne couste rien à nourrir, qui n'est iamais malade, qui est si net, s'il n'eust esté bon. Et le premier Empire qui nous est baillé, est sur les poissons, quand il est dit en Genese, que l'homme commande sur les poissons.

Encores qu'on die, repliqua quelqu'vn, Il est sain comme le poisson en l'eau, si est-ce que i'ay veu respandre sur l'eau des estangs & viuiers du persil, & qu'on dissoit que cela resiousssoit & guerissoit les poissons malades. Et si Seneque dit qu'il y a dans des cauernes & sosses de la mer, des eaux cachees, qui viennent à desborder de là, auec grande quantité de poissons, qui sont mortels à ceux qui en mangent, parce qu'ils sont engressez & nourris à l'ombre.

Dauantage Gefner dit qu'il s'est trouvé vn poisson ayant la figure si hideuse, qu'on le disoit estre vn diable de mer, auec cornes & oreilles. Il peut estre, luy sut-il respondu, qu'en la mer y ait quelques monstres, comme il en y a sur la terre. Galien aussi a escrit qu'il se trouve en la mer vn poisson, qu'il nomme Ouranoscope, lequel regarde le Ciel, combien qu'il regarde plus l'eau que le Ciel: car il n'y a que l'homme qui ait la face esseu ciel, à ceste cause on dit que les Grecs l'ont nommé anthropos.

le ne sçay, va dire vn de la Seree, quel poiffon c'estoit que certains Charlatans monstroient à Paris l'an 1587. estant en vie, qu'ils nourrissoient dedans l'eau, & gaignoient leur vie le monstrans au peuple, le faisans tourner d'vn costé sur l'autre, auec mugissement.

Celuy qui aimoit tant le poiffon, reprenant ses premiers arremens, va dire que les Grecs n'auoient pas moins estimé le poifson que les Romains, & qu'ils l'auoient trouué aussi friand & delicieux: & le prouuoit de ce que les friands ont esté par eux appellez Philopsoi, & Opsophagi, ce dit l'Autheur du Dialogue du nouueau langage Italiannizé, n'ayans les Grecs entendu le mot opson de la chair, mais du poisson, par excellence, comme tesmoignent Athenee & Plutarque.

Regardez, adiouftoit-il, que faifoit Antagoras le Poëte, quand le Roy Antigonus le trouua en fa cuifine, & fa gentile refponfe. Vous fouuienne, comme dit Plutarque, que Demosthene reproche à Philocrate, qu'il acheptoit des putains & des poissons: & ce que Ctesiphon dit à vn gourmand, qui crioit en plein Senat, qu'il creueroit

J ...

plutoft: Garde toi bien, dit-il, mon amy, de le faire: car tu nous ferois manger icy aux poiffons. Nous trouuons, difoit-il, que la Royne des Syriens, nommee Gatis, aima tant le poiffon, qu'elle fit proclamer que nul n'euft à manger aucun poiffon fans elle.

Vne de nos femmes de la Seree lors va dire, le ne fçay comme il y a des femmes qui aiment tant le poiffon: car quant à moy i'aimerois mieux vne poignee de chair qu'vn plein plat de poiffon. Celuy qui parloit de la bonté du poiffon, voyant que ceste femme auoit rougy de ce qu'on s'estoit prins à rire, poursuiut en ceste forte.

Les Romains auoient le poisson en si grandes delices, qu'en Esté ils faisoient souuent en leurs sales basses couler de l'eau fresche & clere dans les canaux au dessous d'eux, où il y auoit force poisson en vie, que les assistans choifissoient & prenoient en la main pour le faire apprester chacun à fon goust : car le poisson a tousiours eu ce priuilege, comme il a encores, que les grands se messent de le sçauoir apprester : repetant souuent le prouerbe militaire, qui dit, Celuy n'estre soldat, qui ne scait apprester son disner : les grands ayans tousiours esté si curieux du poisson, qu'on trouue qu'vn Romain nommé Vedius Pollio, du temps d'Auguste, sut si friand de poisson, qu'il le nourrissoit dans ses viuiers de la chair de fes ferfs, qu'il leur bailloit pour nourriture, apres les auoir tuez, à fin que ses poissons nourris de chair humaine fussent plus delicats. Plutarque dit que Crassus auoit vne lamproye, laquelle estoit si appriuoisee qu'elle luy obeiffoit, dont luy auoit donné vn nom comme à vne

befte domestique, & l'appellant la faisoit venir vers luy : laquelle estant morte il pleura.

Les Romains gardoient ces lamproyes en leurs viuiers : parce qu'aucuns disent que la lamproye est poisson veneneux en la mer, mais qu'il est rendu bon, quand il est desgorgé, & entré dans les grands fleuves. Mesmes qu'Antoine Loys Medecin dit que manger des lamproyes est fort bon, pour resister au venin de la peste, par vne vertu & proprieté naturelle : & que le masse des lamproves est tout d'une couleur, & que la femelle est marquetee, fans dire laquelle est la meilleure. Et à fin que ne trouuiez estrange la priuauté de la lamproye de Craffus, plufieurs autheurs ont escrit que les bestes aquatiques fe pouuoient appriuoifer, entre lesquelles on nomme les anguilles, principalement celles qui se tiennent en la fontaine d'Arethuse : là où Athenee dit auoir veu des anguilles si priuees qu'elles prenoient du pain, du fromage frais, & de la tripaille des facrifices, entre les mains de ceux qui les appelloient. En paffant, il fut dia, que les anguilles mortes ne reuenoient iamais fur l'eau, comme les autres poissons.

C'est vn grand cas, va dire vn autre, de la diuersité des poissons: car nous trouuons que l'Empereur Vitellius se sit seruir pour vn souper de mille sortes de poissons. Ce qui donna occasion de dire, à quiconque ce sut, qu'vne seule sorest suffit pour repaistre plusieurs Elephans, qui sont grandes bestes, là où l'homme seul à grand peine se contente-il de tout ce que la terre & la mer peuuent nourrir. Qui est pour monstrer que si le poisson n'eust esté delicieux, les grands seigneurs n'eussent esté

fi curieux d'en couurir leurs tables, plustost que d'autres viandes, & n'eussent pas tant despendu d'argent à construire leurs viuiers, & à les achepter.

Nous trouuons que Caton, curateur de Lucullus, vendit vn grand prix les piscines & viuiers de son mineur, pour l'acquitter. Et que l'Empereur Caracalle a tant chery le traicté de poissons d'Oppion, que de luy donner de chasque vers autant de ducats. Et que les Romains ne faisoient leurs plus friands banquets que de poisson : ce que tesmoigne l'Empereur Caligula, qui fit vn festin de poiffon, qui dura fix mois: & pour le faire, on pescha toute la mer Mediterranee : apres auoir prins tout le poiffon qui estoit dans leurs viuiers & referuoirs si amples, qu'ils n'espargnoient rien à les construire. Et si les Romains estoient si soucieux de poisson, qu'ils le domestiquoient & appriuoifoient de telle forte qu'il venoit manger en leur main au bout de leurs viuiers, au fon de leur fifflet : quelquesfois leur attachans de petits affiquets, & lames d'or & d'argent, aux oreilles. Encores aujourd'huy tout le païs de Grece & de Turquie, est plus friand de poiffon que de chair, la chair leur ayant toufiours esté inferieure au poisson. Si bien qu'encores auiourd'huy les Religieux d'Egypte s'abstiennent toute leur vie de manger du poisson, pensans se priuer d'aussi grandes delices comme font nos Moines, qui s'abstiennent de manger de la chair.

Les Romains, adiousta-il, ont eu le poisson en telle estime, qu'on les à surnommez du nom de quelque poisson, qu'ils auoient prins en peschant, ou qu'ils aimoient : comme sut Sergius Orata, & Licinus Murena:

aussi bien que s'ils eussent prins le nom d'vn pass surmonté par eux. Paul loue trouue mauuais que le Pape Adrien preservit le Merlus à tous delices & mangers: ne regardant pas, dit-il, que c'estoit son goust, & son appetit, où il auoit esté nourry: & qu'il ne saut pas chausser tous hommes à la mesure & sorme de son pied.

Quelqu'vn luy confessa le poisson estre plus delicat & friand que la chair, mais non pas qu'il sust si sin : pource, disoit-il, que les Medecins le desendoient : principalement aux sieures, encores que le poisson soit froid & humide, à cause qu'il est de facile transmutation, & aussi subiecce à putresaction, qui se fait par chaleur estrange : dont le poisson engendre la sois, combien qu'il soit froid & humide, qui esteint la sois.

Que fi nous trouuons que les anciens l'ont permis aux malades : c'estoit qu'ils regardoient à leur coustume d'auoir le poiffon en grand vfage. Il se trouus vn disciple de monfieur Syluius, qui nous va affeurer que son maistre se moquoit de ces Medecins à l'estuuee, ne sçachans qu'vne lecon & routine de caballe, qui defendent indifferemment tout poisson: & disoit que son maistre desendoit seulement le poisson salé, la diversité des mets de poisson, & la chair & le poisson ensemble : à cause de la diversité de la concoction : &, comme dit Stuckius, c'est mefler le ciel, la terre, & la mer, quand nous mettons en vn mesme lieu les oiseaux, les bestes & fruicts, & les poissons, & qui sert de seu, qui est le quatriesme element, les vins forts, l'hypocras, & les espiceries. Parquoy les elemens ainfi mellez & confus, ne fe faut elmerueiller s'ils engendrent diverses tempestes & maladies en nostre

corps. Et sur tous poiffons nostre maistre estimoit ceux de roche, & ceux qui sont prins aux bords de la mer, estre de meilleure digestion que les autres: à cause qu'ils n'ont pas tant de viscosité que ceux qui sont en pleine mer, & aussi qu'ils sont plus friables.

A ce propos Plutarque dit, que Philoxenus disoit, qu'entre les poissons ceux qui estoient les moins poissons estoient les plus sauoureux, comme entre les chairs celles qui estoient les moins chairs. Et pour nous monstrer que le poisson estoit bien sain, il nous disoit qu'il n'y auoit point peuple qui vesquit plus long temps, & sans medecine, ne maladie, que les Islandois, & Ichthyophages, combien qu'ils ne mangent que du poisson. Et que Zenon & Crantor, bons Medecins, renuoyoient au poisson ceux qui se sentoient mal disposez : Galien aussi disant en deux lieux, qu'il n'y a point meilleure nourriture que de poisson de roche.

le croy, va dire vn Drolle, qu'il n'y a que les auaricieux qui trouuent le poiffon mauuais, & de dangereuse nourriture, pour estre fort cher à ceux qui sont vn peu loing de la mer : car vous ne trouuerez iamais les gens chiches à la poiffonnerie, mais ouy bien ceux qui se veulent bien traicter : lesquels ne se sont que pourmener ordinairement en la poiffonnerie, ayans l'oreille tousiours ouuerte à escouter le son de la cloche, quand on deliurera le poiffon au marché. Et ceux-cy n'y enuoyent iamais leurs semmes, s'asseurans bien qu'à cause de la cherté elles diroient à leurs maris n'y auoir point de maree. Et non sans raison : car auec la cherté, le poisson couste encores beaucoup à l'accoustrer & fricasser,

comme nous trouuons d'vn Laconien, qui ayant achepté du poiffon, le bailla à habiller à vn tauernier, qui luy demanda du fourmage, & de l'huile pour ce faire. Et lors le Laconien luy dit, Si i'eusse eu ce que tu me demandes, ie n'eusse pas achepté de poisson. La cherté du poiffon est confirmee par Caton, qui disoit que l'on vendoit plus le poisson que nulle autre viande qui vint au marché: si bien que declamant contre la superfluité & les delices, disoit qu'vn poisson se vendoit plus cher à Rome que non pas vn bœuf. Il fut dit aussi que les anciens auoient en si grand honneur le poisson, qu'ils l'auoient transmis iusques au Ciel, & que les Syriens pour leur reuerence n'en mangeoient point : mais feulement faisoient mettre en leurs sepulchres autant de poiffons qu'ils auoient tuez d'hommes en guerre : & si firent vn Dieu, qui s'appelloit Dagon, parce que c'estoit vne idole, qui estoit poisson depuis le nombril en bas, comme nous depeignons Mellufine.

Et à propos de la cherté du poiffon, ie vous diray ce qui m'arriua. Il n'y a pas long temps, commença il à dire, que ie trouuay vn mien voifin qui alloit à la poiffonnerie, & i'en reuenois : il me demanda si i'auois achepté du poiffon, ie luy dy que non, parce qu'il estoit trop cher, & qu'il m'eust fallu mettre beaucoup d'argent si i'eusse voulu que toute ma samille s'en sust series.

Il me reprocha que i'estois trop chiche, & apres il me dit, Veux-tu bien faire, puis que le poisson est si cher? achepte-moy pour deux liards d'aulx seulement, ie t'asseure que tu t'en sentiras plus, & tous ceux de ta maifon, que pour yn escu de poisson.

le cogneu bien lors qu'il se moquoit : mais escoutez comme il en fut puny. C'est qu'apres m'auoir conuié à difner, il s'en alla fur les ponts, où l'on vend le poiffon d'eau douce: le fuiuant de loing, ie le trouue nud teste, & à genoux sur les ponts. le luy demande qu'il faisoit là, il me respond qu'il disoit graces, & qu'il auoit disné. Puis me conta qu'ayant achepté vne carpe toute viue, & que voulant remettre le retour de fon argent en fa bourfe, il auoit mis fa carpe fur les accoudouers du pont, & qu'elle n'y auoit pas si tost esté, que faisant le fault de la carpe, elle n'eust faulté en la riuiere. Av-ie pas donc disné? me demanda-il. Me prenant à rire, ie luy dy que i'auois achepté des aulx pour deux liards, comme il m'auoit confeillé, & que s'il vouloit venir difner auec moy, il s'en fentiroit plus que s'il auoit mangé fa carpe qui luy coustoit trente sols.

Quelqu'vn demanda pourquoy les Pythagoriens ne mangeoient point de poisson, puis qu'il est si bon, a si delicat. Ce n'est pas, respond vn autre, que le poisson soit mauuais, a qu'on l'estime tel : mais c'est à cause du silence qui leur estoit commun auec le poisson : ou bien les Pythagoriens ne mangeoient point de poisson, parce qu'il est si goulu a si affamé, qu'il se mange l'vn l'autre, a que les grands mangent les petits, vn poisson estant le tombeau de son semblable : a pour ce vice-là, ie croy qu'ils s'en abstenoient, ne voulans seulement suir ceste rapacité de s'entremanger l'vn l'autre, mais euitans aussi de participer a communiquer en quelque sorte que ce soit aux animaux qui de leur naturel estoient tels.

Ie croy, va dire vn autre, que les Pythagoriens

n'vsoient point de poisson, à cause qu'il excite plus l'acte Venerien que la chair : dautant que la femence qui en prouient en est plus aiguë & piquante, dont elle sollicite plus la vertu expultrice: combien que le poiffon n'engendre pas tant de semence que la chair, la chair nourriffant mieux. & la semence n'estant que superfluité de bonne nourriture. Et quelque bonté qu'aye le poiffon, adiousta-il, si est-ce qu'entre toute autre viande, dont nous vions, nous aimons mieux la chair, & nous profite plus: à cause, comme ie croy, que la chair fortifie plus, & remplit mieux nos corps : ou bien qu'elle approche plus de nostre substance. Et aussi que la continuation du poiffon est plus fascheuse & ennuyeuse que celle de la chair. Si vous m'en demandez la raison, disoit-il, ie ne la fçay pas : non plus que ie ne fçay pas pourquoy les anciens vendoient le poisson sonitu tintinnabuli. Et que cela foit vray, nous trouuons qu'vn Philosophe se plaignoit de ses disciples qui l'auoient laissé au milieu de sa lecon, pour aller achepter du poiffon, fors d'vn qui estoit demeuré tout seul, qu'il loüa beaucoup, disant qu'il luy estoit plus aggreable que tous les autres : mais il fe trouus qu'il eftoit fourd, & qu'il n'auoit point ouy le fon de l'instrument auquel on vendoit le poisson, comme auoient faict ses compagnons, ce qui l'auoit retenu là.

le ne fçay, dit vn de la Seree, fi autresfois en Poictou on n'a point vendu le poiffon au fon & cry du cornet, qui feruoit de tintinnabule dont vfoient les Grecs en la vente de leur poiffon : car on dit en ce païs que le poiffon corne, quand il est gasté, puant, & corrompu. Ceste

н.

derniere question nous arresta tout court : & fut conclud que monsieur de l'Escalle, qui estoit lors de pardeçà, en seroit consulté, comme celuy qui n'ignore rien.

A ce propos, va-il dire en continuant, ie ne sçay non plus, pourquoy le poisson de mer, estant hors de l'eau, est plustost corrompu & gasté que celuy d'eau douce, veu que l'eau dont est sorty le poisson de mer est salee : qui ne se corrompt pas si tost que l'eau douce. Et si ne sçay aussi pourquoy les sleurs d'aubespin de leur senteur gastent le poisson, principalement les maigres : les chasses marees de nostre pass de Poissou en amenant vendre leur poisson de mer, suyans les hayes garnies d'aubespins.

Vn de la Seree qui se vouloit retirer, va dire qu'il s'en alloit en sa maison consulter ses liures, & que si on le vouloit attendre à retourner, il leur en rendroit si bonne raison qu'ils s'en contenteroient. Et quand & quand leur diroit pourquoy il saut plus saler le poisson de mer en le cuisant, que celuy d'eau douce: & aussi pourquoy le poisson salé, ou la chair salee, se dessalent mieux, & plustost, en l'eau de mer qu'en l'eau douce: & dauantage leur diroit pourquoy le poisson est beaucoup meilleur cuit en son eau, là où il a esté nourry & prins, qu'en vne autre: & pourquoy le poisson salé, ou la chair salee, deuiennent plus doux si on les laue auec de la saulmure, que si on les lauoit auec de l'eau douce.

Vne Feffe-tondue va dire alors, le poiffon donc d'vn lac, qui s'appelle *lacus Dumenfis* en Latin, deuroit eftre bon : car nous trouuons dans Gaguin, que l'eau de ce lac par vne grande chaleur vint tellement à bouillir, que

le poiffon tout cuit venoit au riuage, dont ceux du païs mangeoient, & fans l'accoustrer autrement le trouuoient si bon qu'ils ne s'en pouvoient saouler: & c'estoit, à ce que vous dites, parce que ce poisson estoit cuit en l'eau où il auoit esté nourry.

Encores, repliqua quelqu'vn, ceste chaleur fit plus de bien aux habitans de ce païs, que ne fit pas la froideur du temps de Phocas Empereur: car Blondus & Nicephore disent qu'en ce temps, le froid fut si grand, que la mer deuint toute gelee, & que par apres elle ietta le poisson tout mort. Puis en continuant, & se remettant encores sur les doutes, va demander pourquoy le poisson se corrompoit par la teste, & tous les autres animaux par le ventre.

Ne feroit-ce point, luy fut-il respondu, que le poisson ne digerant point ce qu'il mange dautant qu'il n'a qu'vn intestin, où ce qu'il prend passe, il rend ce qu'il mange tout crud, & auant qu'il soit alteré & corrompu? Et par ce ne se gaste le poisson par le ventre, à cause que la nourriture qu'il prend n'y demeure gueres : & n'en estant pas beaucoup nourry, ne gardant qu'vn peu ce qu'il mange, & le rendant crud, ne faut s'esmerueiller si le poiffon aussi a tousiours vne auidité de manger : qui cause, comme il a esté dit, que les Pythagoriens n'en vouloient iamais manger, de peur de participer à leur rapacité: dont est venu le prouerbe François, Les gros mangent les petits. Auec ce que les grands poissons mangent les petits, il y a vn païs où les poiffons font fi gros & grands, qu'ils font tout plein de maux, si nous croyons Paul Venitien, qui a escrit qu'au Royaume de

Var, en l'Indie maieure, y a plufieurs Magiciens & Sorciers, nommez Abraiamins, lesquels par leur art diabolique coniurent les poiffons, qui sont fort grands en leur païs, de peur qu'ils ne facent mal. Ces poiffons estans si grands que l'on en fait des armes offensiues & desensiues. Il me souuient auoir leu, que Bajazet Empereur des Turcs, ayant vescu miserable & prisonnier de Tembarlan vingt ans moins seize mois, rensermé en vne cage, se perça le gozier auec vn os de poisson, qu'vn esclaue luy ietta par moquerie en sa cage, se desplaisant tant de sa honteuse calamité, qu'il ne demandoit qu'à se tuer.

Les Rhodiens, adiouftoit-il, estans bien de contraire opinion à ces Philosophes, qui tenoient ceux qui ne mangeoient point de poisson, & aimoient mieux la chair, pour sauuages & goulus, ce dit Ælian: lesquels auoient le poisson en si grande recommandation, que le peuple aimoit ceux qui l'aimoient, & en mangeoient, & les estimoit liberaux, sobres, & humains.

Vn des nostres s'auança de dire qu'il n'auoit point aimé le poisson d'eau douce, depuis qu'il auoit veu vn pescheur en la riuiere de nostre Clan, qui auoit mis au fondement d'vn cheual Reistre mort, vne poche, & que le pescheur pressant le ventre de ce cheual auoit fait sortir autant de poissons, comme il fortit de soldats du cheual de Troye.

Poffible, va dire vn autre, que ces poiffons ne naiffoient point de la pourriture de la beste morte : mais s'estoient retirez là dedans, pour euiter que les autres poiffons ne les mangeassent : ne pouvans pas voler, comme font ceux de l'isse Occidentale: car i'ay leu, adiousta-il, en leur histoire, qu'il se trouue là vne sorte de poisson qui a des aisles, & qu'il sait à chasque vol cent & deux cents pas, n'estant iamais à repos: dautant que les autres poissons de la mer le voulans manger, il pense se fauuer au vol, mais il trouue des oiseaux de mer & plongeons, qui sont prests pour l'empoigner en volant, de sorte qu'il n'est afseuré ny en l'eau ny en l'air, viue image, disoit-il, de la vie des hommes.

Ils disent, adiousta-il, que ce poisson volant est presque de mesme sorme que le haranc, auec petits barbillons soubs la gorge, & les aisses comme vne chauue-souris, & presques aussi longues que tout le corps, & sauoureux pourtant à manger. Et pource qu'on n'en a point veu au delà le Tropique de Cancer, aucuns estiment que ce poisson aimant la chaleur, & se tenant soubs la Zone bruslante, n'outrepasse delà ny deçà le Pole.

Il fe trouue bien, adiousta vn de la Seree, des poissons de pardeçà qui sortent de l'eau d'eux-mesmes: & sont cela à mon aduis, quand ils sentent la pluye venir, se refiouissans de l'eau qui doit tomber, ou que le mouuement des vapeurs de l'eau qui montent en haut, les saschent dedans, qui est cause qu'ils sortent en l'air.

Quelqu'vn prenant la parole, va dire qu'il ne laifferoit à manger de ce poiffon, qui fort du ventre d'vn cheual, non plus que du poiffon qui est en la riuiere de Smede, encore que l'eau en soit noire, ce dit Olaus, & que tout le poiffon qui est dedans, soit aussi noir que les cafferons : car il ne laisse pour ceste couleur d'estre fort bon. Et ma raison, disoit-il, est que le poisson ne vient point de

pourriture & putrefaction, n'y ayant que deux especes de poissons: l'vne qui engendre des œuss, & l'autre celle qui porte & engendre vn animal viuant, comme le chat & chien de mer, le dauphin, & le marsouin, & generalement tous ceux qui ont cartilages: desquels on escrit, que quand leurs petits, estans encores ieunes & soibles, sont espouventez de quelque chose en la mer, que leurs meres les reprennent & resserrent en leur ventre, pour les cacher: tout animal aquatique ne voyant rien quand il naist.

Et n'y a forte de poiffon que ie ne mange, adioustail encores, hors vn poiffon qui se prend en la mer Oceane enuiron le temps de Pasques, que l'on nomme Megre, qui est grand comme vn petit ensant: car en ayant mangé vne sois, tout le corps, les mains, le visage, me vinrent à peler, & ne sus iamais si estonné, disoit-il: car ie pensois bien cela estre venu de la chair plustost que du poisson.

C'estoit, luy fut-il respondu, pour auoir mangé du soye de la Megre, & non pas du reste : & dit-on que cela se fait quand ce poisson se prend estant en chaleur : car on mange bien d'aucunes Megres, que cela n'arriue point.

Quelqu'vn de la Seree prenant la parole, nous va enfeigner à cognoiftre comme on pouvoit achepter de bon poiffon, en difant: Si vous acheptez du poiffon frais, s'il est mort, prenez celuy qui sera tout de trauers & gauche: parce que le poiffon qu'on tue, & qui meurt de force, en mourant se retire & demeure tout de biais, & non pas celuy qui meurt de luy-mesme. Et aussi, enco-

res que le poiffon foit falé, acheptez pour le meilleur celuy qui fera le plus de trauers & gauche, estant signe qu'il a esté salé auant qu'estre gasté & corrompu. Que 'si voulez sçauoir si le poifson est frais, & qu'il n'est point gasté, faut le regarder aux oreilles, que s'il les a rouges & vermeilles, il n'y a pas long temps qu'il est mort, & n'est point vieil. Que si vous acheptez du poisfon falé, prenez celuy-là qui est le plus blanc : & foit le poisson frais ou salé, celuy-là est le meilleur qui est prins quand le Soleil est au signe de Piscés, & aussi que la pesche de tous poissons est la meilleure en ce signe, qu'elle n'est tout le reste de l'an. Et si adioustoit ce que dit Plutarque, qu'au voyage que fit Alexandre és Indes, il trouua vn païs où les hommes ne viuent que de brebis, qu'ils nourriffoient de poiffon de mer, & que iamais on ne mangea de meilleure chair. Aussi nous trouuons par escrit que les loups aiment fort le poisson : que si les pescheurs le long des palus Meotides ne leur laissent de bonne foy vne part efgale de leur prinse, ils vont incontinent deschirer leurs rets.

La fin de la Seree fut la fin de nostre sçauoir: car l'vn d'icelle commençant à parler des poissons armez de coquilles, & foustenant l'opinion de Bernard Pallissi, dit que les coquilles qu'on trouue de pierre bien loing de la mer, sont venués des riuieres, & depuis se sont petrifiees: & que les tais & coquilles qu'on trouue en des pierrieres qu'uent auoir esté engendrees sur le lieu mesme, pendant que les rochers n'estoient que de l'eau & de la vase, lesquels depuis ont esté petrifiez auec les-dits poissons. Que s'il se trouue, disoit-il, des coquilles

mesmes dans les pierrieres, & de toute espece de poisson portant coquilles, c'est qu'il y auoit en ces pierrieres quelque receptacle d'eau, auquel estoit vn nombre de poissons armez de coquilles, engendrez là par la chaleur, & depuis petrifiez & congelez.

le croirois plustost, repliqua quelqu'vn, que ces coquilles ont esté iettees en la terre, apres auoir mangé le poisson, & estans en terre par leur vertu salsitiue ont peu faire attraction d'vn sel generatif, qui estant ioinct auec celuy de la coquille en quelque lieu aqueux ou humide, l'affinité desdites matieres estans ioinctes à ce corps mixte, ont endurcy & petrissé la masse principale. Que s'il se trouue de ces coquilles de poisson petrisses és montagnes, aussi bien qu'és vallees, ce n'est pas à dire, selon Pallissi, qu'elles y soient du temps du deluge, comme tient Cardan: car és Ardennes tu trouueras de ces coquilles petrisses iusques dans le beau milieu de ces rochers, encores qu'ils soient continus & bien ioincts: & ne sçauroit-on penser par quelle porte entra la mer en ces roches.

Il faut donc dire, va dire vn autre, felon Palliffi, qu'au parauant que cesdictes coquilles suffent petrifiees, les poissons qui les ont sormees estoient viuans dedans l'eau, qui reposoit dans les receptacles desdictes montagnes, & que depuis l'eau & les poissons se sont petrifiez en vn mesme temps par la vertu de l'eau congelatiue, qui a penetré tout au trauers des coquilles en les changeant de nature en autre, sans ofter rien de leur forme: ces sormes ne se pouuans saire, sans estre sormees par choses animees. Que si vous trouvez, adioustoit-il, bien

loing de la mer des coquilles de poiffons, femblables à celles de la mer Oceane, qui n'ont point encores efté petrifiees, ains font encores telles comme elles eftoient quand le poiffon eftoit dedans: cela doit faire à croire qu'il y a autresfois eu des eaux en ce lieu-là, qui produifoient les poiffons qui ont formé lefdices coquilles: mesmes qu'il se trouve des poifsons aussi bien petrifiez que la coquille.

Ceux de la Seree trouuerent ce propos si nouueau, qu'il fallut venir à ce qu'en dit Pline, qui escrit de ces coquilles petrifiees, que c'est Nature qui semble se iouer: mais vn de la Seree, approuuant l'opinion de Pallissi, se ioue aussi de ce que Pline en dit. Et pour prouuer que la mer en beaucoup d'endroits s'est reculee de la terre, & qu'elle a laissé là les coquilles, il le prouua de ce qu'à Puzoles, dicte autressois Puteoli, il y a quelques annees que la mer se retira de la terre d'enuiron vne lieue & demie: du haure d'Ambrace de mille pas, & d'Athenes de cinq mille, aussi bien que d'Ephese, & d'aupres de Troye.

Pindare tient, adiouftoit-il, que Rhodes apparut par le retirement de la mer. Quant est de la region d'Ammon, où estoit le magnifique temple de Iupiter, Strabon apres Eratosthene en fait mention, disant que tout le long de trois mille stades on veoid vne infinité d'escailles, esparses par cy par là.

Croirez-vous bien, adiousta quelqu'vn, que si on trouue vn Dauphin prins aux rets, où il mange les poissons prins, qu'on ne luy fait nul mal, & que seulement
on le sesse à chastie comme on feroit de petits enfans?

2.

à cause que les Dauphins aiment les hommes, & les sauuent estans iettez en l'eau. On dit aussi que le veau marin aime les hommes, mesmes qu'estant mort, & porté sur soy, sa peau s'eleue si la mer se trouble, & se rabaisse quand la mer est calme, & qu'à ceste raison les mariniers s'en habillent.

l'adiousteray encores que l'Escare ayant aualé l'hameçon du pescheur, ses compagnons s'affemblent en foule autour de luy, & rongent la ligne : que si d'auanture il y en a vn qui ait donné dedans la nasse, les autres luy baillent la queuë par dehors, & luy la serre tant qu'il peut, & à belles dents, ils le tirent ainsi au dehors.

Croiriez-vous bien, demanda quelqu'vn, que le poiffon meurt du fon de l'artillerie, & que le fon des harque-buzes de ceux qui tirent au gibbier fait mourir le poiffon? Parquoi ceux qui ont des estangs & riuieres, doi-uent bien empescher ces gibboyeurs. l'ay veu, adioustoit-il, qu'en nostre païs de Poictou on amenoit force Saumons, & y estoit aussi commun que l'Aloze : mais depuis que les galeres furent à Nantes, le son de l'artillerie les a faicts mourir, ou pour le moins si bien estrangez, que nous auons esté plus de dix ans sans en auoir, ou pour le moins si peu que rien.

Chacun se retiroit, n'eust esté quelqu'vn qui nous affeura auoir ouy dire à plusieurs, qui auoient voyagé aux Indes Occidentales, qu'il se trouue là vn poisson, appellé Chasseur, auec lequel on pesche, & qu'on s'aide en ce païs-là de ce poisson à en prendre d'autres, comme pardeçà on se sert de quelques oiseaux à en prendre

d'autres. On tient, ce disoit-il, ce poisson appriuoisé en quelque vase plein d'eau, comme nous tenons les Esparuiers sur le poing. Et depuis qu'il est priué, on luy attache vne corde fort longue au chaignon du col, & deuant que les pescheurs le mettent dans la mer, ils luy font seste, luy disant qu'il ne prenne pas des petits poissons : ce faict, ils le laschent auec la corde, iusques à ce qu'ils sentent la prinse : car il s'en va au ventre de quelque poisson des plus grands, & s'y attachant, il demeure prins, en sorte que les pescheurs sentans cela, tirent ce poisson à eux, qui iamais ne laisse sa prinse.

Quand celuy qui faisoit ce conte, s'apperceut qu'on en rioit, il nous va dire, Vous croirez mieux possible Rondelet, qui escrit y auoir vn grand poisson de mer, qu'il nomme Manat, reffemblant à vn bœuf, qui a le dos plat, & le cuir fort dur, & pese tant que deux bœuss font bien empeschez de le trainer. Il dit qu'on l'appriuoise comme on feroit vn chien, mais il se souuient bien des torts qu'on luy fait. Pierre Martyr Milanois dit bien dauantage: car il escrit que ce poisson Manat se peut appriuoifer, & qu'il a veu vn Cacique, ou Seigneur Indien, qui en auoit vn qui donnoit plus de paffetemps qu'vn Singe, & si portoit par sois sur son dos dix Indiens. les paffant d'vn riuage à l'autre. Et dautant, dit-il, qu'il vit en terre, ayant quatre pieds, comme la Loutre, par fois il lutte auec les Indiens, & prend à manger de leurs mains.

Le refte de la Seree se rioit de ce poifson, quand celuy qui l'auoit conté leur va dire, Vous croirez facilement mon conte, si vous croyez ce que dit Pline du poiffon Anthias, que nous appellons Barbier de Mer, vn desquels le pescheur remarque, sçachant bien que c'est le capitaine & conducteur des autres: & ce poisson cognoissant le pescheur prend à manger de sa main, & en recompense ne fault tous les iours ce capitaine de luy amener vn escadron de Barbiers, qu'il prend auec vn peu d'amorce: mais sur tout ce pescheur se donne bien garde de prendre ce conducteur & moyenneur de sa pesche, attendu que c'est luy qui amene les autres à la boucherie.

Et dit-on, ce dit Pline, qu'vn pescheur qui vouloit mal à son compagnon de pescheur, pour luy nuire, remarqua le maistre Barbier de son armee, & de said, le luy print, pour luy dessaire son armee: & que l'autre pescheur recognoissant à la poissonnerie son capitaine Barbier, sit conuenir celuy qui l'auoit prins: lequel par arrest sut condamné à dix liures enuers partie.

Ie vous feray vn conte, commença à dire vne Fessetondue, aussi ioyeux & gaillard qu'il est veritable. C'est qu'vn pescheur des Sables d'Olonne en peschant print vn iour vn fort beau Cancre, poisson bon à manger. Or estant de retour, & presse d'aller souper auec vn sien voisin, met son Cancre dans le premier pot qu'il trouua, qui estoit le pot à pisser de luy & de sa semme, puis s'en va. Estant tard, la semme de ce pescheur se voulant coucher, prend son pot accoustumé pour pisser. Elle n'eut pas acheué de pisser, que ce Cancre, sentant la chaleur de l'vrine, voulant sortir du pot, l'empoigne à son ie ne sçay comment a nom. Ceste pauure semme bien estonnee, ne sçachant que c'estoit, crie tant qu'elle

peut. Les voilins y accourent, elle ne leur peut dire qui luy causoit son mal, & aussi qu'elle auoit honte de monftrer le lieu où elle fentoit fon grand mal. Parquoy ils vont querir fon mary, lequel estant venu, & scachant que c'estoit, & recognoissant le pot où il auoit mis son poisson, fait fortir tout le monde, & ferme la porte, puis tasche à faire lascher prinse à ce poisson. Et pour ce faire s'approche de ce Cancre, & fouffle là à fa force : car il scauoit ce que Pline ne sceut iamais, que ceste sorte d'animal ne desmord iamais & ne laisse prinse, sinon qu'à force de fouffler. Or il aduint qu'en foufflant, ce Cancre, qui a plusieurs pieds & serres, luy accroche la bouche : tellement que le mary & la femme font tous deux prins. Le mary qui ne pouuoit plus fouffler, va dire à sa femme que si elle ne souffloit du derriere, que ceste beste ne les laisseroit iamais. Ceste semme sait son devoir de souffler, & sait jouër le petard de telle sorte que ce Cancre laisse sa prinse, & sans cela, & qu'on ne fust allé de force, il eust emporté les pieces.

Ce qui fembla fi estrange à ceux de la Seree, qu'ils l'estimerent estre vn fonge. Et cela les ayant fai et fouuenir du dormir, s'y en allerent: car comme l'exercice est bon auant le repas, il est bon apres le souper de se mettre à dormir: le dormir aidant, selon l'authorité des Medecins, à la digestion & concocion des viandes, le ventricule estant rendu plus chaud par le sommeil: & c'est pour cela que les anciens apres le souper auoient de coustume facere libamina au Dieu Somnus & à Mercure: & que Homere descriuant le banquet des Dieux, adiouste qu'ils seretirerent, & s'en allerent dormir, comme

nous fifmes tous. Et auffi que plufieurs difent que quand on fe va coucher bien faoul, & incontinent apres le repas, qu'on ne refue point toute la nui&.



(Herekerekerekerekerekereke)

SEPTIESME SEREE.

Des Chiens.

I'annee mil cinq cents foixante & dix-huiâ, il fut vn grand bruit, en ce païs de Poiâtou, des chiens, des loups, & autres animaux enragez : fi bien que plufieurs laiffoient d'aller à leurs affaires, pour le bruit, qui effoit toutesfois plus grand que l'effeâ. Voilà qui fut caufe que durant le fouper, & apres, on ne parla gueres d'autre chofe, que de la rage, & des chiens, qui entre tous animaux y font les plus subieâts. Et aussi que i'auois vn Espagneul qui durant le souper ne voulut boire ne manger, & craignois fort qu'il ne sust enragé : car outre cela, il bauoit, & au lieu de boire, il gratoit des pieds en l'eau.

Quelqu'vn me dit qu'il n'eftoit point enragé, & que c'eftoient des cordonniers qui s'esbatent à bailler à manger aux chiens de leur poix meflee auec de la greffe, qui leur paue si bien le palais & le gosier, qu'ils ne peuuent les desprendre & separer. Ie ne sçay si cela estoit vray ou non, tant y a qu'il en guerit : dont ie sus bien ioyeux, estant mon chien beau & bon, & encores meilleur la nuit que le iour, car la nui& il ne despendoit rien. Et combien qu'aucuns se moquans de ceste

Seree diront que c'est vne belle Seree de chien, si ne laisseray-ie à vous conter ce qui sut dict des chiens, & de leur rage.

Aucuns dirent que la rage des chiens frequente denonçoit la pefte, parce qu'ils deuiennent enragez ou par l'air, ou par les eaux, l'vn ou l'autre eftant corrompu. Les autres trouuoient eftrange ce qu'Ariftote a efcrit, qu'entre tous les animaux il n'y auoit que l'homme feul, qui mordu d'vn chien enragé, ou d'vne autre befte qui le foit, n'enrage point, & n'en meurt point aussi : veu que par experience on sçait que l'homme mordu d'vne beste enragee, enrage, & si en meurt.

Combien qu'il fut repliqué defendant Aristote, que ce qui arriue à l'homme par la morfure d'vne beste enragee, n'estoit pas rage, mais vne manie : & alleguant Festus disoient que la rage proprement est la maladie des chiens : & qu'il falloit bien dire que du temps d'Aristote ce mal n'auoit point encores apprehendé les hommes: mais que depuis on s'estoit apperceu qu'ils en estoient attaints aussi bien que les autres animaux : comme nous trouuons que deuant Pompee on n'auoit à Rome iamais ouy parler de ladrerie : & auant que les Espagnols fiffent le voyage des terres neusues, les Indiens n'auoient cognoiffance aucune des escroüelles, ne de la rage qu'ils y porterent, auec les chiens qu'ils y menerent: & en recompense prindrent la verole, qu'ils apporterent par decà. Ou bien ce disoient aucuns, si la rage estoit vne maladie du temps d'Aristote entre les hommes, comme elle est maintenant, elle n'auoit point esté cogneuë pour estre rage.

Adioustant qu'encores auiourd'huy les effects de la rage font fi incertains, que Galien dit qu'ayant vn homme efté mordu d'vn chien enragé, qu'on ne peut enrager si huich mois sont passez, & pour le plus vn an, combien qu'Auicenne fouftienne qu'on peut enrager iusques à la douzielme. Puis on demanda s'il eftoit vray que les chiens de la premiere ventree ne valuffent rien, & s'ils sont plus subiects à la rage que les autres, dautant qu'on iette la premiere portee : mais parce qu'on n'en bailla point de raison que la coustume, il n'en fut dit autre chose. Mais fut mis en dispute pourquoy les chiens estoient plus subiecas à la rage que les autres animaux. Et il fut respondu, que c'estoit à cause que les chiens estoient fort chauds & fecs de nature, qui les fait abonder en cholere : & à cause de ceste cholere, ils ont les sens & l'ouie fort aigue, dont vient que si vn chien iappe, les autres l'entendent de bien loing, & en font autant : estans donc chauds & fecs, ne faut s'esmerueiller s'ils ont beaucoup d'humeurs melancholiques bruflez, principalement durant les grandes chaleurs des jours Caniculaires, & és grandes gelees, la chaleur du chien s'augmentant par les subites mutations.

Car l'Automne brufle les humeurs, qui effoient rendues chaudes & augmentees par l'air de l'Effé, penetrant iufques au dedans, qui caufe vne fiebure ardente & phrenefie dans le corps du chien, que nous nommons rage. Et l'Hyuer les humeurs fe bruflent par l'abondance de la chaleur du dedans : laquelle y effant repouffee à la raifon de l'air froid, s'augmente & s'allume, & auec foy fait allumer les humeurs pourries, lesquelles lors

2..

font plus dangereuses, dautant que ne pouuant s'euaporer par les pores, & pertuis du cuir, qui sont tous sermez par le froid, elles demeurent au dedans, & sont les mesmes accidens que la chaleur de l'Essé.

Et combien qu'aucuns voulurent dire que la rage se faisoit en Hyuer par la vertu de la froidure, qui gele le sang, cela pourtant sut reprouué, parce que le froid engourdiroit plustost les esprits, que d'esmouvoir vne telle sureur: & qu'aussi le sang ne se gele point tant que l'animal est en vie, encores que le sang puisse pourrir à cause qu'il n'est point esuenté, le froid resserrantses pores & conduits.

Quelques-vns pourtant doubtoient si les chiens estoient si chauds & si secs qu'on disoit, veu que quand on demande la raison pourquoy les chiens ne voyent que douze iours apres qu'ils sont nez, & que celuy qui void le dernier est le meilleur, on dit que leur trop grande humidité en est cause: ce que demonstre bien leur nez qu'ils ont tousiours froid : car d'où viendroit ceste froideur sinon d'humidité?

Vn de la Seree reprenant le propos qu'on auoit dit, que le chien qui voyoit le dernier estoit le meilleur, va dire que les chasseurs asseurent, que pour choisir d'vn nombre de petits chiens le meilleur, il ne falloit que mettre la mere au propre de le choisir elle mesme : comme si on les emporte hors de leur giste, le premier qu'elle y rapportera, sera tousiours le meilleur : ou bien si on fait semblant d'entourner de seu leur giste de toutes parts, celuy des petits au secours duquel elle courra premierement, sera le meilleur. S'il est vray, demanda

vn de la Seree, que si vous ostez aux petits chiens vn petit nerf qu'ils ont sur la langue, qui ressemble à vn petit ver, qu'ils n'enragent iamais.

Laiffant ce doute, on demanda s'il estoit vray que l'escume d'vn chien enragé, sans morsure ne piqueure, peut faire enrager: dautant que le venin est si contagieux & malin, qu'on dit que les verges d'vn cornoiller, & l'herbe fanguinaria, qu'on appelle à Paris de saince Innocent, vulguairement la renoüe, eschausses en la main, reuoquent la rage à ceux qui ont esté autressois mordus par des chiens enragez, qui autrement estoient deliurez du peril.

Il fut dit qu'on trouuoit escrit que la faliue d'vn chien enragé verfee fur la main de Socratés, luy fit oublier toute sa sagesse, le rendant insensé: & que l'escume seule d'vn chien enragé, & sans bleffure, pouvoit faire enrager, touchant feulement à la peau : pourautant que ceste baue, retenant la nature des parties dont elle procede, porte ce venin tellement fubtil, que facilement il paffe par les pertuis du cuir, & estant attiré dans les arteres, par le continuel mouvement d'icelles, il est conduit à la fin au demeurant du corps. Cela s'entendant, si la baue faisoit long sejour sur la peau: car si elle est essuyee, & le lieu promptement laué d'eau salee, ou d'vrine, la baue ne feroit nulle nuisance. Or le venin estant entré, ou par la subtilité de ceste escume, ou par la playe faice par vne morfure, ou piqueure d'vne beste enragee, gaigne peu à peu, sans s'arrester aux parties où il paffe, tellement qu'on est bien quarante iours, deux mois, yn an, fans rien y apperceuoir : la rage estant vne espece de melancholie operant tardement, qui se peut cacher long temps. Car selon la disposition de l'air, la vehemence du venin, le lieu de la morsure, la force de ceux qui sont mordus, selon l'habitude, & que les humeurs sont preparez à estre pourris, les accidens apparoissent plustot ou plus tard. Et lors que ce venin aura apprehendé l'animal, il entre en sureur quand il suit l'humidité, & les choses resplendissantes, à cause de l'horreur qu'il a de soy-mesme, ayant vne grande sois sans vouloir boire, son corps ayant prins vne affection contraire à la naturelle, dont il aduient qu'il ne desire les choses qui naturellement appaisent la sois.

Or pource qu'ils ont l'eau en grande horreur, difoientils, encores qu'ils foient bien alterez, ceste maladie s'appelle Hydrophouie, c'est à dire, crainte d'eau, & ceux qui font tombez en Hydrophouie, iamais ne guerissent : & est plus cruelle en vne beste sauuage, laquelle de soymesme est seche, la rage estant vne putresaction seche.

La meilleure raison, dont il me souvienne, qui sut donnee de ce que ceux qui sont enragez craignent tant les eaux, estans si alterez, c'est qu'à cause de la continuelle imagination qu'ils ont du chien qui les a mordus, il leur est aduis que l'eau soit toute pleine de chiens : car en leur esprit animal, qui est instrument de la vertu imaginatiue, la figure du chien y est imprimee & parce ils iappent comme vn chien : & à cause de ceste vehemente imagination, qui est en l'esprit naturel & humiditez du corps, en leur vrine se representent semblances de chiens, la vertu naturelle obesissant à la vertu animale imaginatiue, imprimant ces sigures és humiditez, & en

l'vrine, tant l'imagination a de force & de puissance sur les humeurs du corps. On s'esbahissoit comme les chiens sur tous les autres animaux estoient les plus subiects à ce venin, veu que leur langue tire tout le venin & la visco-sité d'vne playe, & que sa teste a des sutures (contre l'opinion d'Aristote) par lesquelles ces vapeurs choleriques peuuent s'euaporer.

Quelqu'vn demanda s'il y auoit des remedes efcrits contre la rage, puis qu'elle est si commune? Il sut respondu que Serspion & Galien auoient laissé par leurs receptes, que la rage suruenue par la morsure d'vn chien enragé se guerit, si celuy qui en a esté mordu boit du sang d'vn chien, la rage facilement apprehendant ce sang canin, & se convertissant en luy, & cependant laissant le sang de l'homme en paix : & ce à cause de l'assimité qui est entre le sang du chien & la rage.

Comme auffi on tient que le poil du mesme chien, qui vous aura mordu, mis en cendre, & beu auec du vin, peut guerir vn enragé, & empescher qu'il n'enrage : ce venin prins le dernier, combatant & chaffant le premier. Il se lit en Pline qu'vne vieille sut aduertie en songe de la proprieté de l'herbe Cynorrhodon, ou Esglantine, qui est vne espece de rose sauuage, & qu'elle en guerist son fils, qui auoit esté mordu d'vn chien enragé.

Les autres tiennent que la rage est guerie si on sait des pilules du crane d'vn homme pendu.

Les autres affeuroient que l'eau de la mer gueriffoit les enragez, fi on les iette dedans: & de faict, on les mene maintenant à la mer, comme le plus affeuré remede, & les guerit par vne vertu falfitiue, comme fait le lard vieil, & comme la morfure des serpents se guerit par la saliue, à cause du sel. Combien qu'aucuns ont voulu dire, que ce n'estoit point la vertu de l'eau de la mer qui les guerissoit, mais que cela se faisoit par vne crainte qu'on leur donne quand on les iette à l'impourueuë dans l'eau, qui chasse vne autre peur qu'ils ont de l'eau : car nous trouuons plusieurs maladies se perdre par vne soudaine frayeur : à cause que les amas d'humeurs s'escartans çà & là, s'euacuent plus facilement, l'humeur euacué la maladie s'appaisant. Plonger aussi les affligez de rage en eau salee & tiede, fait guerir leur rage : l'eau marine ou salee ayant vne grande vertu contre ce mal.

Les autres difent que les enragez estans plongez par fept fois en l'eau la teste la premiere, n'ayans plus peur de l'eau, qu'ils appetent toutessois, ils viennent à en boire à bon escient, ce qui les fait guerir. Ou bien c'est que par ceste apprehension & mutation subite, les mettans la teste la premiere en l'eau, se fait vne commutation & transport des matieres, estans en la teste, aux autres parties, comme il se fait aux insensez, qui se precipitent dans l'eau, ou se iettent par les senestres, qui guerissent.

Si est-ce qu'on repliqua, que Ferrand Ponzet Cardinal, en son liure des Venins, auoit dit plusieurs auoir esté plongez en la mer, qui n'ont laissé à estre surpris de la rage: & que s'ils beuuoient de ceste eau de la mer, ou d'vne autre, qu'ils gueriroient plustost: pource que Aece raconte d'vn Philosophe, qui voulant resister à ce mal de Hydrophouie, entra dans le bain, & en beut, dont il guerit. Et auffi fi nous voulons croire Paufanias, il dit qu'il y a en Arcadie vne fontaine, que fi ceux qui font mordus des bestes enragees en boiuent de l'eau, ils en font gueris: ce que demonstre le nom de la fontaine, qui s'appelle Alysson. Comme aucuns tiennent que la rage est guerie, & la morsure des chiens enragez, en ysant de la cendre des chancres marins.

Aucuns ne fe fians en ces remedes, ont recours aux charmes, & aux enchanteurs: mais ie ne sçay comment auec leurs coniurations ils pourroient guerir vn tel mal, veu qu'ils mettent seulement dans vn morceau de pomme ces mots, Hax, pax, max, Deus, adamax. On mit aussi en auant si la rage pouvoit survenir d'elle mesme, sans avoir esté mordu d'vne beste enragee.

Il fust arresté, que puis que la rage estoit vne espece de manie, qu'elle pouvoit survenir sans aucune morsure : estant la rage vne sorte & espece de melancholie, qui peche par vne qualité seche, maligne & veneneuse : & que tous animaux pouvoient enrager à cause de mauuais regime : ou en vsant de viandes trop chaudes & seches, & demeurans en lieux chauds, la chaleur multipliant la melancholie par adustion, ou au contraire en vsant de froides & seches par trop, & habitant en lieu beaucoup froid, le froid multipliant la melancholie par voye d'ingrossation, congelation, & inspissation : tout ainsi que les humeurs se brussans peuvent causer vn chancre, ou ladrerie, principalement aux melancholiques.

Quelqu'vn adiousta que les maladies & rage des chiens, venoient de la rate : que si les prestres Egyptiens vou-

loient dire vn homme estre splenetique, le signifioient par le chien: ceste maladie estant si contagieuse en vn chien, que si aucun le veut guerir de la rage, ou qu'il en sace ouuerture estant mort, il sera en danger de prendre le mal, ou d'estre splenetique, par l'exhalation. Mesmes, on dit, que si vous marchez sur l'vrine d'vn chien enragé, & que vous ayez vn vlcere, cela vous nuira beaucoup: & encores qu'il ne soit enragé, l'vrine du chien est si dangereuse, que si vostre vrine, en pissant où il a pissé, se messe aucc la sienne, vous ne serez apte à la generation.

Il fut bien dit dauantage, car quelqu'vn affeura que fi vn homme a efté mordu d'vn chien, ne fut-il point enragé, que cest homme par vne contagion nuira aux œus que la poulle coüera, fera auorter les oüailles, & s'il survient à vn accouchement, causera l'auortement de la femme, & augmentera les playes à vn viceré par sa presence.

Vn de noître Seree se faschant d'oüir parler d'vne maladie si estrange, & à craindre, & apres auoir ouy conter que Balde lurisconsulte en estoit mort, va dire que pour resiouïr la compagnie, qui estoit toute troublee d'ouïr parler de si estrange maladie, il vouloit faire vn petit conte d'vn grand Seigneur, & de ses chiens,

Le Seigneur à qui estoient ces chiens, commença-il à conter, auoit en son chasteau vne chappelle, en laquelle son chapellain, qui luy seruoit aussi de veneur, disoit ordinairement la Messe. Ce prestre estant vn iour en la chapelle, en attendant son maistre, se va reuestir, prest à dire la Messe.

Le Seigneur arriué, commanda à son prestre de commencer la Messe. Le prestre voyant qu'il n'y auoit point de seu, pria son maistre d'aller querir du seu pour allumer vn cierge, parce qu'il estoit reuestu : ce que son maistre refusa, disant, le ne vous seruiray pas, puis que ie vous paye. Dont le chapelain fut contrain&, tout chappé qu'il eftoit, d'aller querir du feu en la cuiline. Les chiens le voyans ainsi accoustré, le mescogneurent, sussi bien que les chiens d'Acteon, de telle forte qu'ils mirent & sa chappe, qui estoit de veloux rouge, & son aube, & fon omitton, en cent pieces, & le gouspillerent de forte, que ses habillemens mesmes estoient tous à lambeaux, & fans fon tison de seu qu'il auoit prins pour allumer le cierge, ie croy qu'ils l'eussent mis en pieces. Eftant fauué auec peine, il fe renferme dans la chapelle, & reuenu à luy, & ayant prins haleine, il demande à monfieur s'il vouloit pas ouïr la Meffe. Ce monfieur, le voyant ainsi haillonné, respond que non, & qu'il ne vouloit point du demeurant de chiens.

Le pauure chapelain n'ayant pas grand' peine à fe deuestir, se retire en sa chambre, où il sut plus de quinze iours sans se monstrer, tant pour le mal qu'il auoit, & de ses habillemens qui estoient tous deschirez, que pour la moquerie.

Si ce chapelain, va dire vn autre, eust esté bien aduisé, il se deuoit affeoir, voyant les chiens venir contre luy: car on tient qu'vn chien ne mord iamais vn homme quand il est assis, & qu'il perd sa cruauté tant qu'on sera assis: & que la couleuure aussi, qui craint l'homme nud, ne mordra jamais vn homme tant qu'il sera nud. Mais,

11.

,

demanda quelqu'vn, ne sçauroit-on auoir recours contre le maistre d'vn chien qui a accoustumé de mordre? Parce qu'ayant vn procés contre vn de mes voisins pour cela, le luge condamna seulement le chien, huict iours au pain & à l'eau.

Et conseillerois, adiousta-il, à ceux qui craignent les chiens, & aux pauures, & à ceux qui sont mal vestus : car les chiens sont mauuais principalement à ceux-là, de porter auec eux vn siege pour se seoir, si d'auenture ils rencontroient de mauuais chiens qui les voulussent mordre.

Et moy, repliqua vne Fesse-tondue, se leur persuaderois plustost de porter de l'eau, pour la ietter sur les chiens, s'ils vouloient mordre, comme on fait pour les despartir: car l'eau estant froide, elle amortist la chaleur, & sede la cholere.

Vn Drolle prenant la parole, va dire qu'il le croyoit bien, pourueu que l'eau fust chaude: & que quand on leur en auroit ietté sur eux, qu'ils seroient bien enragez s'ils auoient enuie de mordre. Et pource qu'il n'en voudroit pas ietter que sur les enragez, & qu'il en vient de grandes querelles (car quand on veut mal à vn chien, on dit qu'il est enragé) il prioit la compagnie de luy dire comment il pourroit cognoistre si vn chien est enragé. Si vous voulez cognoistre, luy sut respondu, si le chien qui vous a mordu est enragé, baillez-luy vous mesme du pain, que s'il le prend, & qu'il le mange, asseurez-vous qu'il n'est aucunement enragé.

Quoy, va-il repliquer, que ie donnaffe du pain à vn chien qui m'auroit mordu? le meriterois que tous les chiens du païs me vinffent mordre. Bien, luy fut-il refpondu, si ne voulez effayer cestuy-là, il y a assez d'autres moyens pour recognoistre le chien enragé: comme
s'il n'abbaye point, & qu'il soit muet, & s'il tremble
quand il void de l'eau, s'il ne boit ny ne mange, s'il ne
cognoist point son maistre, combien qu'il l'aime tant que
pour l'auoir perdu, & esgaré, il peut de sascherie enrager, à cause que courant çà & là, il laisse le manger &
le boire, dequoy s'ensuit ebullition de son sang, qui se
tourne puis apres en melancholie.

Si la playe, adiousta-il, qu'aura faist vn chien est frottee de pain. & vn autre chien n'en veulle manger, le chien qui a mordu est enragé : aussi bien comme quand vne poulle meurt dans vingt-quatre heures apres auoir mangé le pain qui aura touché à la blessure, ce que Paré nie toutessois : l'ayant souvent experimenté.

Mais pourquoy, demanda quelqu'vn, est-ce que les iours ardens sont les plus dangereux, & que communément les chiens enragent, quand la Canicule, ou petit Chien se leue? C'est, va dire quelqu'vn, qu'enuiron le seziesme de Iuillet, la Canicule se leue, & durant son cours, qui est de six sepmaines, qu'on appelle les iours Caniculaires, la chaleur se renforce : cela se faisant à cause que plusieurs estoilles chaudes se leuent lors auec le Soleil, & augmentent la chaleur d'iceluy : car toutes les estoilles soubs le signe du Lion sont chaudes & martiales, comme est ce signe. A ceste cause il est fort bon, pour peur de la rage des chiens, les faire souuent baigner durant la Canicule, & leur bailler, tant que regnera la Canicule, parmy leur viande de la fiente de poulaille :

qui est souveraine pour les empescher d'enrager. Que si on s'apperçoit qu'vn chien soit enragé, il saut incontinent luy faire aualler du ius de bettes auec moüelle de suzeau, ou luy imprimer au front vne marque de ser de cheual. Ne saut donc s'esmerueiller si la chaleur augmentee brusse la cholere du chien, en laquelle humeur il abonde. Et croi, adioustoit-il, que ces iours-là, auquel temps les chiens enragent plus souvent qu'en autre saison, pour cela ont esté appellez Caniculaires. Les Allemans craignans tant ceste rage, qu'en certain pass d'Allemagne, durant ces iours Caniculaires, ils sont assommer par l'executeur de haulte-iustice, tous les chiens vagabonds, & qui ne donnent à cognoistre par certaine marque qu'ils portent au col, qu'ils ont maistre.

Mais, adiouîta-il, il ne s'enfuit pas qu'encores qu'vn homme foit mordu d'vn chien enragé, que pourtant il enrage neceffairement : car tous animaux mordus de beîtes enragees n'enragent pas, seulement ceux qui font disposex à receuoir ce venin : comme neus voyons que tous ne prennent pas la peste.

Apres il fut dict que pour euiter la rage, il esteit bon d'estuuer la plaie auec du vin-aigre, & du nitre, puis faire vn cataplasme de noix, d'oignons, de miel, & de sel, cuits ensemble, & petris auec farine de froment: ayant auparauant dilaté la playe, scaristé la peau, & appliqué ventouses, sans saigner & ouurir la veine, en luy sassant prendre du theriaque & mitridat.

Quelqu'autre prenant la parole va dire qu'il y auoit à vne lieuë de Poictiers, prés de Croutelles, vne famille, qui par grace speciale, de pere en fils, gueriffoit la morfure des chiens enragez, non feulement és hommes, mais aussi à tous animaux, à aussi empeschoit le venin de la morsure des serpens.

Ne feroient point ces gens-là, repliqua quelqu'vn, de la compagnie de ceux qu'on appelle Sauueurs? Ce qui est aisé à sçauoir, car on dit que ces gens-là ont la rouë de saincte Catherine au palais de la bouche : & possible, adiousta-il, que c'est la raison pourquoy ce village, où demeure ceste samille, s'appelle le Palais, pour auoir ceste rouë au palais. Mais pour vous en dire la verité, ceux de ce village sont gens de bien, & Dieu peut auoir desparty ses graces à ceux-cy, qui sauuent & remedient à vn si grand mal que celuy de la rage, & aux morsures des serpens. Et si me souvient, que ces guerisseurs demandoient à ceux qui auoient esté mordus de chiens ou de serpens, s'ils auoient tué le chien ou le serpent, & qu'ils gueriroient plustost, s'ils ne les auoient point tuez.

Il y auoit en ceste Seree vn petit bonhomme qui va confirmer tout ce qu'on auoit dict de ceste famille qui demeure au Palais, & qu'il auoit esté en ce village, & auoit parlé à vne bonne semme, qui estoit de la lignee & famille de ces medecins de rage, & sauueurs, pour luy demander moyen de pouuoir guerir & pouruoir à de pauures silles ses voisines : ceste bonne semme luy demande, si ces silles estoient enragees, le bonhomme lui respond que non : mais qu'elles estoyent sur le poince d'enrager. Ceste bonne semme, voyant qu'il vouloit rire, luy dit, qu'il se les sçauroit guerir, à qu'on ne luy sçauroit apprendre à guerir ces pauures silles, parce qu'il estoit trop vieil.

lls vouloient rire, quand quelqu'vn va dire qu'Albert le Grand escrit auoir veu vn homme, qui ayant esté mordu d'vn chien enragé à vn bras, que sept ans apres la cicatrice se vint si bien à ensier, qu'il mourut delà à deux iours.

Il y a bien dauantage, adiousta-il, c'est que si vn chien vous mord, encores qu'il ne soit point enragé, & que puis apres il vienne à enrager, vous serez en danger de l'estre, encores que la playe de la morsure soit guerie, & consolidee, & qu'il y ait long temps qu'il vous ait mordu. Parquoy seroit bon, disoit-il, en temps dangereux, & és iours Caniculaires, de faire tuer le chien, ou autre beste, qui veus auroit mordu, de peur qu'elle enrage, & vous aussi, combien qu'il en puisse arriuer de grandes querelles, car qui m'aime, il aime mon chien.

Auffi, adiousta quelqu'vn, il est bien à aimer, ne laisfant iamais son maistre, tant pauure soit-il, pour en suiure vn plus riche: faisant tousiours la sentinelle pour son maistre, quelque mal que son maistre luy face: à ceste cause Platon compare le bon soldat au chien, pource qu'il saut & à l'vn & à l'autre vser de grande sidelité & diligence.

Il n'est pas iusques à Codrus, le plus pauure du monde, qui n'eust vn chien, qui s'appelloit Chiron, qui ne laissa iamais son maistre, tant le chien est fidele. Quelqu'vn va repliquer ainsi: Si dit-on que les chiens qui sont en vn camp auec leurs maistres, les laissent, & se retirent en l'armee qu'ils pensent & presagient deuoir emporter la victoire, & qu'ils suiuent ceux qui doiuent estre maistres. A ce propos, adiousta-il, ie m'en vais vous reciter

les propres mots de Froiffard qu'il escrit d'vn chien qui presagea, laissant son maistre, celuy qui deuoit estre Roy.

Le Roy Richard, dit Froiffard, auoit vn Leurier, lequel on nommoit Math, tres-beau Leurier outre mefure: & ne vouloit ce chien cognoiftre nul homme, fors le Roy. Et quand le Roy vouloit cheuaucher, celuy qui le gardoit le laiffoit aller, & ce Leurier venoit tantost vers le Roy le festoyer, & luy mettoit incontinent qu'il estoit eschappé les deux pieds sur les espaules. Et adonc aduint que le Roy & le Comte d'Erby parlans ensemble en la place de la court du chasteau: & estans leurs cheuaux tous sellez, ce leurier nommé Math, qui estoit coustumier de faire au Roy ce que did est, laissa le Roy, & s'en vint au Comte d'Erby, & luy sit toutes telles contenances que parauant il auoit accoustumé faire au Roy, & luy assit les deux pieds sur le col, & le commença grandement à cherir.

Le Comte d'Erby, qui point ne cognoiffoit ce leurier, demanda au Roy, Et que veut ce leurier faire? Cousin, dit le Roy, ce vous est vne grande signifiance, & à moy petite. Comment, dit le Comte, l'entendez vous? le l'enten, dit le Roy: c'est que le leurier vous sestoye & recueult auiourd'huy comme Roy d'Angleterre, que vous serez, & i'en seray deposé, & le leurier en a cognoissance naturelle. Si le tenez lez vous: car il vous sui-ura, & m'essongnera. Le Comte d'Erby entendit bien ceste parole, & sit chere au leurier, lequel onc puis ne voulut suiure Richard de Bourdeaux, mais suiuit le Comte d'Erby, Duc de Lanclastre.

Et fi les Grecs & les Latins ont eu les chiens en fi grande

recommandation, que de coustume ancienne ils entroient aux affemblees publiques, & aux conuocations du peuple auec les Heroës. Les Lares des anciens, c'est à dire Dieux domestiques, estoient vestus de la peau des chiens : parce qu'ils gardent les maisons, & veillent la nuict pour la defense de ceux qu'ils ont entreprins garder, comme les chiens. Si est-ce, repliqua vn autre, que si nous suiuons le liure des Spectres, & que les Lares foient Demons, nous dirons auec Plutarque, que les Lares estoient vestus de peaux de chien : pourautant que tout ainsi que le chien a bon fentiment, aussi les Lares odorent de loing les pechez & meschancetez des personnes, à fin de les punir & chastier aigrement. Ciceron appelle les chiens gardes fideles par deffus tous autres animaux. Les femmes accouchees, qui se veulent faire tarir, font bien ceft honneur aux petits chiens de se faire tetter à eux. Cyrus de Perse fut nourry par vne chienne. Les Egyptiens pour le hieroglyphique d'vn noble courage, qui recerche plus volontiers l'honneur que le profit, ont mis le pourtrai& d'vn chien, qui fe tient coy aupres d'vn lieure mort. Les Bactriens & Caspiens les ont tant honorez, qu'ils ont voulu que les chiens leur feruiffent de fepulchres, nourriffans leurs fepulchres, & appelloient tels chiens, fepulchraux : plufieurs de nos anciens faifans enterrer leurs chiens auec eux en mesme sepulchre, tant ils les aimoient, pour le moins on le void és vieux sepulchres : au contraire de ceux de l'isse de Corse, qui mangent & se nourriffent de chiens: aussi sont-ils iraconds, hardis, cruels, agiles & prompts, fi nous croyons Cardan : qui dit cela apres Strabo & Pline, lesquels affeurent que les Ethio-

piens vioient entre autres viandes de la teste des chiens. Hercule auoit vn chien qui le fuiuoit d'ordinaire, qui fut cause de l'inuention du pourpre : aussi bien que la vigne, qui fut trouuee, ce dit Atheneus, prés la montagne d'Ethna, par vn chien, lequel se pourmenant par là, arracha vn rameau de terre, & replanté, fortirent plusieurs reiettons, que le fils de Deucalion nomma Oenus, du nom du chien qui auoit arraché le rameau : & à ce qu'on m'a dit les anciens Grecs appelloient les vignes 'Oeneas. Quelqu'vn en doutant va demander s'il estoit vray que les petits chiens tenus fur les membres gouteux appaifent le tourment, & par quelle raison. Il fut respondu que cela se faisoit par vne douce & chaude exhalation, refueillant la chaleur naturelle de l'homme languissante : ou bien attirant à eux l'humeur qui cause les douleurs : ou bien les dissipant par vne vertu digestiue & consumative: tellement que quand on les en tire, ces payures petits chiens ne se peuvent aider de leurs membres. Les chiens aussi gueriffent les playes & viceres en les lechans : & ce à cause de la detersion & mondification de la playe : la langue du chien estant deterfiue, à raifon du sel dont elle est abbreuuee : la langue nettoyant l'vicere, & le sel y adherant, detergeant l'ordure qui est dessus, la faliue estant dicte à sale, ful autem detergit. De ce que dessus on peut rendre raison, de ce que la saliue de l'homme, principalement à ieun, fait mourir le Scorpion, la Tarentule, & autres tels animaux veneneux: & fe trouuent certains hommes. qu'aucuns appellent Marses & Pselles, qui font profession de fuccer les venins. Il fut adjoufté qu'vne grand' Dame,

comme il est escrit en Lucian, aima tant sa chienne Myrrhene, pour luy seruir de quelque detersion, qu'elle pria vn Philosophe de la mettre auec luy en sa coche, pour la traicter & gouverner, estant prochaine à auoir des petits.

Nostre Fesse-tondue va repliquer qu'il sçauoit bien pourquoy le chien fuit toufiours fon maistre. Et quand on luy eust demandé, pourquoy? Il va respondre, le chien suit son maistre, pource que le maistre va deuant. Aussi l'obeiffance du seruiteur au maistre, est representee par vn chien destournant la teste, selon les lettres sacrees des Egyptiens. Puis se met à faire vn conte qu'il commença ainfi. Ie fus n'a pas long temps affailly du chien de mon voifin, d'auenture i'auois vne pertuifanne, dont ie me defends contre ce chien seulement de la hante: mais ie ne sceu si bien faire, qu'il ne me baillast vne dentade, & que les dents ne me fissent grand mal. Lors ie ne me pus tenir de tourner la poince & le tranchant de ma pertuisanne contre le chien, si bien que ie le bleffay. Le maistre du chien me va dire, qu'il me deuoit suffire de frapper son chien du manche & derriere de la pertuifanne. le luy responds, il ne me deuoit donc mordre aussi que de la queuë.

Quelqu'vn prenant la parole va dire, qu'à cause des querelles qui viennent des grands chiens qui mordent, & qu'on se sait bien mordre à son chien, qu'il aimeroit mieux auoir de ces petits chiens de l'isse Melita, que nous appellons Malte: car ces petits chiens ne mordent point, & s'ils mordent, ils ne sont nul mal, dont il n'en arriue pas tant de querelles que des grands: & si

les petits fe vendent mieux que les grands, ce qui trompa le Limoufin. Que si on veut empescher, disoit-il, que des chiens deviennent grands, il faut tout incontinent qu'ils font nez qu'on les lie estroictement de bandes & linges. ou bien les mettre en vn petit vaisseau, où ils soient bien ferrez : car ainsi renfermez, ils ne croiffent point, par faulte d'exercice : croiffans plus icy qu'en l'isle de Malte, & auec cela ne les faut gueres nourrir, si vous voulez qu'ils demeurent petits. I'ai veu, fut-il repliqué, autant de querelles pour les petits chiens que pour les grands, pource qu'on les defrobe plus aifément, & ne retournent point à leurs premiers maistres comme font les grands. Toutesfois i'ay vn mien voifin qui fçait fi bien traicter les chiens qu'il desrobe, que iamais ne retournent à leurs premiers maistres, de quelque ordre puissentils estre encores qu'on leur ait baillé à manger des grenouïlles cuites, ou du sel broyé, ou du pain long temps tenu foubs les aiffelles : car on dit que cela fert à vous faire fuiure de vos chiens. le voulus sçauoir, disoit-il, de quelle recepte il vioit, non pas pour foustraire les chiens des autres, mais pour me garder de luy, & d'autres, qui font mestier de les desrober, sans que les chiens facent conte de reuenir où ils ont esté esleuez & nourris petits. On m'affeura que quand il pouuoit empoigner quelque beau chien, il le renfermoit en vne chambre, & le faisoit iusner tant qu'il pouvoit porter la faim : le visitant tous les iours, luy bailloit vn peu à manger à chafque fois : tellement que le chien recognoissant le bien qu'il receuoit de cestuy-cy, qui luy bailloit tous les iours à manger en fa grand' faim, l'aimoit à iamais, iusques à ne le

plus laiffer, & à oublier fon premier maistre : car le chien n'oublie iamais le bien qu'on luy a fai& : parquoi il fignifie hieroglyphiquement celui qui n'oublie iamais le bien fai& qu'il a receu : & aussi represente la memoire, dont nous trouuons que Socratés, in Phædro, iure par le chien, apres qu'il pense auoir bien apprins l'oraison de Lysias. Et vrayement, va dire quelqu'vn, le Magistrat deuoit auoir esgard à ceux qui font ainsi endurer la faim aux chiens, pour les retenir, sans auoir la peine de les esleuer : car si nous voulons croire à ce que dit Eusebe, les chiens peuvent enrager par la faim, & à faulte de boire : & à fin que le croyez, il escrit que sous l'empire de Maximinus y eut si grande famine, qu'on fut contrain & de tuer tous les chiens, de peur que par la faim ils ne vinffent à enrager, puis apres à mordre, & à manger les hommes. l'ay veu, adiousta-il, vn gentil-homme Limousin, qui fut contrainct, à cause d'vne grande cherté de bleds, de laisser ses chiens : mais tant s'en faut qu'il les voulust faire tuer, qu'en pleurant & regardant ses chiens, il leur bailla congé, en leur difant, Mes amis, il n'y a si bonne compagnie qui ne se desparte : on ne peut pas toufiours demeurer enfemble. Celuy qui auoit conté comment fon voifin gaignoit ainfi les chiens, va dire que depuis qu'il eust sceu cela, ne voulut iamais hanter auec ce voisin : tant pource qu'il faisoit tort à beaucoup de personnes, que pour la cruauté qu'il exerçoit enuers les chiens, si fideles gardiens & compagnons des hommes. Et tant s'en faut, disoit-il, que ie voulusse faire comme mon voisin, que ie me repens de vous l'auoir dict, de peur que quelqu'vn s'en serue, l'ayant apprins de moy.

Mais ie m'affeure, adioufta-il, que tous ceux qui font icy ne font pas plus cruels que les Turcs, qui font si essonez de saire eudurer les chiens, qu'encores qu'ils ne foient pas à eux, ils leur donnent du pain pour l'honneur de Dieu, & des Trespassez : comme aussi ils acheptent des oiseaux, qui font prisonniers en cage, leur baillans liberté, par la mesme raison qu'ils donnent du pain aux chiens.

l'ay leu aussi qu'vn Duc de Silesie dota vn certain lieu pour nourrir les chiens qui n'auoient point de maistre, & à qui leurs maistres auoient donné congé, ou qui les auoient perdus. Que si i'en estois creu, ceux qui font ainsi ieusner les chiens, seroient punis, ou bannis, comme fut celuy qui creuoit les yeux aux corneilles, ne pouuant rien esperer de bon de telles gens. Et vous affeure, disoit-il en continuant, que i'ay vn parent qui ne se feindroit point de tuer ceux qui commettroient telles cruautez enuers fes chiens : car il les aime tant, qu'il n'en a pas vn, voire le plus chetif, qui n'ait vn collier, que les Latins appellent Millus, tout garny de clous & poinctes aigues : qui fert tant à se desendre des autres chiens, qu'à les offenser: ce qui a meu la maison de Petillan à prendre ce Millus pour le corps de leur deuise, auec ce mot, qui lui sert d'ame, Sauciat & defendit. Ce mien cousin, adiousta-il encores, aime tant les chiens, que si ses voisins ont des chiens qui ayent les oreilles vicerees de mousches, il les frottera auec amendes ameres broyees: & fi fera mourir leurs puces, frottant les chiens auec eau de mer, ou de faulmure auec eau, ou de vieille lie d'huile d'oliues. On ne luy

fcauroit faire à croire, que Cerbere, dit Medufean, Triple-chef, Portier d'Enfer, foit vn chien: & que cela est faux, de dire que c'est vn chien qui produit l'aconit de sa baue: & qu'on le donne au Dieu de l'Enfer, quelque chose qu'en dient les statues des Dieux. Et dit aussi qu'Acteon ne fut point deuoré par ses chiens, & que ce ne font que fictions poëtiques: encore qu'aucuns ayent voulu dire que les chiens d'Acteon estans enragez, & ne recognoissans leur maistre, l'ont pu manger, il disoit cela estre faux : pource que les chiens, encores qu'ils foient enragez, ne font nul mal à leur maistre, ny à ceux de la maison. Et ne pouvoit croire aussi ce que dit Suidas, que Heraclitus Ephelien ait esté deuoré par ses chiens, qui penfoient, le trouuans en vn fumier, que ce fust vne beste sauuage: là où il s'estoit mis au Soleil, estant oingt de fient de bœuf, ou de fon suif, pour se guerir d'hydropifie. Et que les Latins faisoient fort mal d'offrir vn chien à leurs Dieux, & appelloient la feste Catulatio, auant que tondre les oüailles, veu que les chiens les gardent des loups. Et qu'Alcibiadés ne fit gueres fagement de couper la queüe à vn beau chien qui luy coustoit sept cents escus : à fin, disoit-il, que les Atheniens comptans cela de moy, ne s'amusent point à me recercher curieusement plus auant.

Puis nous va dire que ce cousin gardoit comme l'or l'histoire d'vn chien qui sut si fidele à son maistre, apres sa mort, que toutes les sois qu'il trouuoit celuy qui l'auoit affassiné & occis de guet à pent, il l'affailloit, & se ruoit sur luy: si bien que par ceste coniecture, & que le chien alloit souuent où auoit esté enterré son maistre,

qu'on trouua là, il fut conuaincu d'homicide : comme il fe trouue escrit & pourtraid en vne sale de Montargis. Tout cela est aisé à croire, luy fut-il accordé, à ceux qui ont leu que le chien du Roy Lysimachus, aussi bien que celuy de Pyrrhus, se ietterent dans le seu, où les corps de leurs maistres furent bruslez. Ie ne vous diray point, adjoufta-il, pour estre affez commun, comme ce mesme Pyrrhus trouus yn homme mort, syant fon chien aupres de lui, qui n'auoit mangé il y auoit trois iours. Le Roy Pyrrhus faifant enterrer cest homme, retint le chien pour luy, qui puis apres recogneut ceux qui auoient tué fon maistre, le chien se iettant sur eux, en vne reueüe que sit ce Roy: tellement qu'estans prins ils confesserent le meurtre, & furent punis. Le facrilege n'en eut pas meilleur marché, lequel fut fuiuy par vn chien, qui gardoit le temple, si de prés toute vne nuich, que le larron auec des pierres ne le pouuoit efloigner de luy : & s'il demeuroit en vn lieu, aussi le chien, & si ne iappoit qu'à ce facrilege, fans vouloir manger. Le larron estant prins, ce chien garde-temple commença à se resiouir, & à manger, & ne iappa plus.

A ceste cause il sut ordonné que ce chien, qui auoit nom Caparus (il meritoit bien d'auoir vn nom) seroit nourry du public, & que les prestres auroient soucy de luy. Cedrenus raconte, adiousta-il encores, qu'vn hoftellier trouua vn passant mort, qu'on auoit vollé & tué, ayant son chien aupres de luy qui le gardoit. Cest hoste meu de pitié fit enterrer ce mort, le chien le gratissant se donne à luy, & le suit, demeurant auec luy en l'hostellerie. Il arriue qu'vn iour le meurtrier de son maistre

arriue là dedans pour loger, ce chien luy faulte au vifage, avant accouftumé de faire bonne chere aux autres hostes. Cela donna si grande presomption à l'hoste, qui auoit faict enterrer le maistre au chien, que ce brigand estant prins sut conuaincu d'auoir fai& le meurtre. & condamné d'estre roué. Celius aussi escrit, continuoit-il à dire, qu'vn Nicias chaffant auec ses chiens, poursuyuoit vne beste de si grande ardeur, qu'il tomba en la fournaile d'vn charbonnier, & là fe brufia : combien que ses chiens, estans tous autour de luy, le prenans par ses habillemens, le vouluffent fauuer. Kantippus recompenfant la fidelité de fon chien, qui l'auoit fuiuy d'Athenes nageant iufques à Salamine, luy fait eriger là vn fepulchre, qu'on appella Cynotaphium. Alexandre le grand. ce dit Theopompus, avant perdu fa chienne Pertha, fit bastir vne ville qu'il nomma de son nom.

L'Empereur Adrian aima tant les Chiens, & la chaffe, qu'il fit dreffer vn fomptueux fepulchre à vn de fes chiens qu'il aimoit fort: combien que le Concile tenu de fon temps, ne laiffa à defendre la chaffe au Clergé. Les Egyptiens ont erigé aux chiens des monumens, & magnifiques fepulchres, & les ont tenus en telle eftime & reuerence (comme ont escrit ceux qui ont interpreté leurs lettres Hieroglyphiques) que par l'effigie du chien ils entendoient l'interprete des chofes diuines, leurs prophetes, qui deuoient crier apres les vices, comme le chien iappe & est mauuais aux estrangers, & doux aux domestiques. Pour ceste raison, on mettoit le chien gardien des temples, & des simulachres des Dieux, qu'il femble auoir en admiration, les regardant bien souuent.

Que si les Lacedemoniens ont chassé les chiens de leurs temples, ce n'est pas qu'ils les eussent en haine, ou pource que publiquement ils s'accostent des chiennes, car les autres bestes en sont bien autant : mais c'estoit que ceux qui pouuoient toucher le prestre de Iupiter, estoient en franchise, & le chien eust empesché d'en approcher.

Les Ptamphaoniens, peuple d'Afrique, n'auoient pas seulement en reuerence l'effigie du chien, mais en choififfoient yn viuant pour leur Roy: le mouuement & inclination duquel ils observoient, & entendoient, par vn facré augure, ce qui leur estoit besoing de faire, où ils devoient demeurer. & en quel lieu ils se devoient transporter. Et si ce chien leur seruoit d'Astrologue: car quand le ventre du chien murmure fort & fait grand bruit, cela denote la pluye : à cause que l'air humide rend leurs boyaux pleins de vents & vapeurs : de mesmes le chien fignifie la pluye, s'il grate en la terre faifant des fosses: ce qu'il fait pour eschauffer ses pieds, qui font rendus froids par l'air humide. On pensoit estre forty de l'amour & fidelité des chiens enuers leurs maistres, quand quelqu'vn de la Seree commença à parler des trois pucelles violees, & iettees en vn puits, qui y furent trouuees de leur pere, par le cry du chien, qui alloit & venoit du puits au pere, & du pere au puits. Et du chien d'vn Poëte, qui se laissa mourir de fascherie de la mort de fon maistre. Hircanus le chien du Roy Lyfimachus, fon maistre mort, demeura obstiné sus son lict, fans vouloir boire ne manger: & le jour qu'on en brufla le corps, il print fa courfe, & fe ietta dans le feu,

où il fut brussé. Et puis nous dit, que si nous voulons croire à Elianus, la fidelité des chiens ne s'estend pas seulement à leurs maistres, mais ont soucy de ce qui leur appartient: quand il dit qu'vn marchand allant à ses affaires, & sortant du chemin, oublia sa bourse, que le chien garda iusques au retour de la soire, où son maistre n'auoit rien saict par saute d'argent: ayant le chien tant enduré de saim, qu'il mourut tantost apres: le maistre estant plus sasché de son chien, que ioyeux de son argent retrouué. Puis nous va conter deux histoires des chiens, vne ancienne & l'autre moderne.

Nous trouuons, commenca-il encores à dire, que du temps que Appius Iunius & Publius Silo estoient Confuls à Rome, vn cheualier fut condamné à mort, qui auoit vn chien qui l'accompagna prisonnier, & quand il le vid mort, & qu'on le tiroit de la prison, c'estoit pitié de veoir ce chien, & de l'ouyr encores plus. Et comme on iettoit à ce pauure chien à manger, il prenoit la viande, & la portoit à la bouche de son maistre. Et quand le corps, fuiuant la fentence, fut ietté dans le Tybre, le chien se mit à nager, & soustint le corps de son maistre desfus son dos, tant qu'il l'attira au bord de la riuiere. Ce conte attrifta si bien aucuns, qu'on le pria de ne dire point la moderne histoire : mais la plus-part l'en folliciterent, fi bien qu'il ne laissa à reciter, que Dom Alouse, Comte de Beneuent, auoit vn chien, qui s'appelloit Melchorique (indigne de mourir fans nom, & digne d'en auoir encores vn plus long) qui l'aimoit tant, que quand ce chien vid fon maistre mort, il ne voulut iamais manger, & demeura ainsi trois iours, iusques à tant que

quelqu'vn estant en la maison, contresaisant le Comte en la parole, & le semblant de visage, & de toutes choses, fe desguisa auec les habits du defunct, & entra en la chambre où estoit le chien, l'appellant par fon nom, & luy faifant feste, ny plus ny moins que le Comte auoit accouftumé de faire. Le chien de grand aife fit plusieurs faults, & mangea de ce qu'on luy bailla : mais depuis cognoiffant qu'il auoit esté deceu, il retourna en sa premiere tristesse, & ne voulut plus manger, & mourut en peu de temps. Froissard aussi raconte qu'au camp du Duc de Bourbon, tenant le fiege deuant la ville d'Afrique en Barbarie, il fe trouua vn chien qui auoit fuiuy les Geneuois, & toutesfois n'estoit aduoué: lequel fit infinis feruices au camp des Chrestiens: car toutes fois & quantes que les Sarrazins dreffoient quelques embusches. & fortoient à quelque entreprinfe, ce chien clapoit, iappoit. & menoit fi grand bruit, qu'il refueilloit tout l'oft, les Chrestiens n'estans iamais surprins : & les Geneuois appelloient ce chien, le chien de nostre Dame.

Il y a des chiens, va dire vn autre, qui n'aiment & ne cognoiffent que leurs maistres, sans se soucier de ceux de la maison, si vous voulez croire Pline, qui raconte que la semme de Nicomede, Roy de Bithynie, sut tuee du chien du Roy, sollatrant auec son mary. Il y auoit des chiens, adiousta-il, au mont d'Etna, qui est en Sicile, qui gardoient là vn temple, lesquels chiens applaudissoient les gens de bien, & ceux qui venoient là en bonne intention d'accomplir leurs vœux: que s'ils estoient vicieux & meschans, & sans deuotion, ils les mordoient: comme il y en auoit à Rome gardans le Capitole, qui

ne disoient mot à Scipion l'Afriquain. Cardan dit, adiousta-il, qu'en Escosse il y a des chiens qui cognoissent les larrons, & les poursuivent : si bien que ceux qui habitent entre les Escossois & Anglois, n'oseroient fermer leurs portes à ces chiens, que s'ils les ferment, & qu'ils ne les veulent receuoir en leurs maisons, on les estimera larrons. Diogene, acheua-il de dire, estima tant les chiens, qu'il ne se fascha point d'estre appellé chien: & pource qu'il y a plusieurs fortes de chiens, quand on luy demandoit quel chien il estoit : Si i'ay faim, leur respondoit-il, ie suis Melitee, car ie flatte: si ie suis repeu, ie fuis Moloffe, car ie mords. Franciscus Dandalus estant creé Duc de Venise ne trouva point mauvais qu'on le nommast chien. Et qui luy sit donner ce nom, c'est que luy estant ambassadeur des Venitiens, & ne pouuant faire la paix auec le Pape Clement, pource que les Venitiens auoient receu les Ferrarois en leur protection, durant le fouper du Pape, ce Venitien se mit à quatre pieds foubs la table comme vn chien, avant vne chaine au col. Dequoy estonné le Pape, il le receut en grace, & pardonna aux Venitiens. Le chien estant remply de si grande fidelité, que d'ancienneté il a efté toufiours receu à la table de son maistre : mesme nous trouuons, selon Plutarque, que les Rois de Perse auoient accouftumé de leur table de bailler à fouper à leurs chiens. Sur la fin on se mit à parler de la generosité, noblesse, & hardiesse des chiens.

Le premier qui en parle, va dire que si vn heure meurt & estousse, estent roidement poursuiuy des chiens, qu'ils ne le toucheront point : comme bestes genereufes, qui bataillent pour la victoire, & non pour la chair. L'autre commença en ceste sorte. Les chiens les plus mauuais & furieux, qui foient en tout le monde, font en Albanie, fi courageux & prefomptueux, dis-ie, qu'ils desdaignent combatre les bestes les moins sortes & surieufes. Solin escrit que le Roy d'Albanie enuova deux chiens à Alexandre, passant pour conquester l'Indie : l'vn desquels ne voulut combatre vn Ours, ne contre vn Sanglier: dont Alexandre fe fascha, & le fit tuer. Mais ceux qui les auoient amenez aduertirent Alexandre que le chien defdaignant vne si petite prinse, n'auoit voulu employer les forces, & que mettant autres bestes plus furieuses deuant le chien qui estoit demeuré, il en verroit l'experience. Alexandre commanda qu'on le mit deuant vn lion merueilleufement furieux, lequel il combatit & tua facilement. Curtius dit, adiousta-il, qu'Alexandre, en ce melme voyage, auoit plusieurs fois veu, que quand ces chiens ont vne fois faich prinfe, que vous leur couperiez plustost les jambes l'une apres l'autre, que de la leur faire laisser. Les chiens estans si hardis & courageux, que la furie en laquelle ils font, quand ils combatent quelque beste sauuage, leur esblouit si fort les yeux, que le plus fouuent ils en perdent la veuë, par mutuelle affection de l'esprit & du corps : encores qu'on die que les chiens ont bonne veuë, & qu'ils voyent autant la nuich que le iour.

Vn Drolle en repliquant va dire, Vous ferez les chiens tant hardis que vous voudrez, fi ay-ie veu vn Sanglier qui faifoit fuir les chiens de deuant lui : & voici comment. l'estois vn iour à la chaffe auec vn grand Seigneur,

lequel auoit les meilleurs chiens du monde pour les groffes bestes. Allans à la chaffe, on m'instruit de ce que ie deuois faire, & me baille-l'on vn cor, qui me feruit bien : car vn grand Sanglier estant party de sa bauge, & chassé des chiens, s'en vient droit à moy de grand' fureur. Ne fçachant à quel Sain& me vouer, n'ayant que mon cors en ma main, & voyant qu'il auoit les nazeaux fort ouverts, ie m'aduise de luy mettre mon cors dedans les nazeaux : ce qu'ayant faich, mon Sanglier passe oultre, & commence à corner de telle forte que tous les chiens commencerent en lieu de le poursuiure à fuir de deuant luy. Les piqueurs voyans ce Sanglier corner de telle forte, & venant à eux, s'enfuïrent qui çà qui là, les cheuaux n'en voulans approcher non plus que leurs maistres. Le maistre de la chasse n'estoit pas plus asseuré que ses gens: & tous pensoient que ce fust vn diable encorné qui les vouloit punir de ce qu'ils gastoient les bleds des pauures gens. Moy scachant comme le tout estoit arriué, en lieu de suir, le poursuiuois ce maistre cornard, tellement que ie fus estimé le plus hardy de la troupe, iusques à ce que fussions au logis : où voyant que de frayeur les chaffeurs ne pouvoient foupper, ie leur contay ma vaillance, & comme ie luy auois mis mon cornet dans les nazeaux.

Mais laissant les choses antiques, poursuivoit-il, que peut-on iuger du chien appellé Leoncique, qui passa auec vn foldat, quand Colom commença à descourir les Indes Occidentales? Ce chien combatoit de si grand courage, que les Indiens le craignoient plus que vingt Chrestiens: &, qui est bien plus, si quelque Indien de

ceux que l'on prenoit estoit eschappé, on le disoit à Leoncique, & il le fuiuoit à la trace, & s'en alloit droict à luy, combien qu'il fust entre mil autres Indiens : & si ce prisonnier Indien eschappé se laissoit mener, il ne luy faisoit point de mal: s'il se desendoit, il le mettoit incontinent en pieces. Diego de Salazar, adiousta-il encores, à la conqueste des Indes, auoit vn chien nommé Bezerillo (digne de ce nom) de couleur rouge, & gueule noire: lequel recognoissant ses Capitaines, & y obeissant, tiroit commune paye de foldat, pour se bien porter contre les Indiens, qu'il desmembroit. Si bien que les Espagnols auoient à la conqueste des Indiens, plusieurs tels chiens, qu'ils auoient accoustumé contre les Indiens, comme à la chasse d'autres bestes: & pour ce ne les nourrissoient que de chair d'hommes, qu'ils mettoient en quartiers comme chappons. Mais, demanda quelqu'vn, qu'est deuenuë la race de ces grands & genereux chiens? Car combien, disoit-il, qu'en Angleterre se trouuent de grands & puissans chiens, & en la Bretagne, que nous nommons Dogues, fi ne font-ils pas tels que le temps passé: parce que nous trouuons Heliogabale, qui en vn sien triomphe se fait tirer, estant en vn char, à quatre chiens. Et nous trouuons que Iuba Roy de Mauritanie, fit amener de grands chiens des Canaries, ce païs nommé Canarie, pour la belle race de chiens qu'il produit. Toutesfois les Espagnols, qui depuis peu de temps ont subjugué ce païs de Canarie, disent qu'on ne void en ces ifles aucuns chiens. On luy va respondre, qu'il ne falloit s'esbahir fi les chiens n'y font plus tels : veu qu'il n'y a rien qui ne se perde, & que les accidens depuis furuenus en ont peu faire perdre l'engeance & la memoire. Et, comme disent les trois mondes, si on n'entretenoit fongneusement la race des cheuaux d'Espagne, & chiens Dogues d'Angleterre, la race s'en perdroit bien toft. Vn de la Seree, respondant à celuy qui auoit dit que les Espagnols n'auoient trouvé nuls chiens en Canarie, luy va repliquer, Et possible aussi que ce païs a esté appellé Canarie, à cause des cannes de succre, que produit ceste contree, & non pas à cause des chiens. Et ne se trouve plus de grands chiens, adioustoit-il, en toute l'Europe, qu'on nomme Dogues, qu'en la grande & petite Bretagne : où i'ay veu que l'isle de fain a Malo est gardee par de grands Dogues, qui ne cognoiffent que ceux qui ont le soing d'eux pour les nourrir & garder : de telle forte, que quand on veut tirer ces chiens de leurs cachots pour la garde de ceste isle, on est contrainct de fonner la trompette & les tabours, pour faire retirer le peuple : car la retraicte sonnee, il n'y a homme qui ofast se presenter deuant eux.

Vn autre de la Seree nous va dire, qu'il auoit leu vn plaifant conte, à propos des Dogues: c'eft que le Roy d'Angleterre, Henry huictiefme, efcriuit au Roy François premier de ce nom, vne lettre, où il y auoit entre autres chofes, Mitto tibi duodecim Moloffos: qui est à dire en bon Latin, le vous enuoye vne douzaine de chiens. Or le Roy donnant à son Chancelier à lire ceste lettre, il luy va dire que le Roy d'Angleterre luy enuoyoit vne douzaine de mulets, priant le Roy de lui en donner vn couple. Le Roy esbahy de cela, sit lire la lettre à vn autre plus scauant que ce Chancelier, qui se

moqua de luy, & de ses mulets, & de ses asnes. Vous ferez vos chiens, respond quelqu'vn, tant vaillans & hardis que vous voudrez, mais s'ils estoient aux montagnes que les Grecs appellent Mænalos, pourfuiuans les bestes fauuages, si n'entreroient-ils pas dans ces montagnes: car toutes fortes de bestes sont là en si grande seureté, que les chiens n'y entrent iamais. Possible, luy fut-il dit, que c'est à cause que les chiens par la grand' odeur des fleurs, qui furmonte leur odorement, perdent tout sentiment des bestes qu'ils poursuivent : dont ne se faut esmerueiller s'ils ne les poursuivent plus. Ou bien que les chiens font enchantez: car il fe trouve quelquefois que les chiens ne prendront rien : & lors les chaffeurs vient d'vn approuué remede, c'est qu'ils fendent par le milieu vn arbriffeau de chefne, & font paffer tout au trauers d'iceluy tant les chiens que les chaffeurs : ce qu'estant fai&, il leur est aduis qu'ils ont rompu toute forte de charme.

Vn de nostre Seree en sortant du logis où auions souppé, tira de sa poche vn lopin de pain, qu'il y auoit mis apres s'en estre nettoyé les mains, au lieu que les autres du conuiue s'estoient lauez & essuyez. Apres luy auoir demandé qu'il vouloit faire de ce morceau de pain, il nous dit qu'il auoit apprins des anciens, & qu'Erasme en auoit faist mention en ses Chiliades, que cela seruoit contre les esprits & Demons qu'on trouue la nuist és carresours, & contre les chiens qui sont aux places publiques, qui la nuist se mettent à affaillir les passans, & que deux ou trois sois ils l'eussent affollé sans ce remede : & qu'ayant ouy parler de la rage des chiens en ceste

u.

Seree, il les craignoit plus que iamais. Mais à la verité. c'estoit qu'au departir de la compagnie, il faisoit estat d'aller veoir vne fienne maistresse, & qu'il craignoit les chiens, qui volontiers font contraires & importuns aux amoureux. Car depuis on m'a dit, qu'il auoit tasché à auoir vne beste qui s'appelle Hyene, qui frequente les cimetieres & tombeaux, & que par fon attouchement les chiens, mal-gré qu'ils en ayent, cessent leurs abbois. Et aussi que pour n'estre assailly des chiens ny abbayé, on ne le trouuoit gueres sans tenir en sa main l'œil d'vn chien noir, arraché de son viuant, ou l'œil & le cœur d'vn loup, ou la langue d'vne louue, ou l'arriere-faix d'vne chienne. Si ay-ie veu des chiens, repliqua quelqu'vn, qui n'estoient point fascheux aux amoureux, cognoissans bien les larrons des amoureux, comme pourrez entendre par ce Distique :

> Latratu fures excepi, nutu amantes: Sic placui domino, fic placui domina.



CHENCHENCHENCHENCHENCHEN

HVICTIESME SEREE.

Des Cocus, & des Cornards.

ntomba à parier en caste Saree d'une grande querelle, auec un long procez, entre gens de qualité, pour auoir appellé un homme marié, lan, Sot, Cocu, Cornard, Becco-cornuto, à parent de Moyse. Puis sut disputé, si c'estoit une iniure de delay à atroce, d'appeller par ces beaux noms un homme marié, soit que sa femme soit impudique, ou qu'elle soit chaste.

'Vn de la Seree voyant qu'on s'en alloit parler des Cocus, se prenant à rire, va dire, Messieurs, ie vous prie, si nous auons à parler de ces gens-là, que nous y allions sagement, & que parlions correct; car estans mariez, pourrions parler de nous-mesmes, & en faire des contes, sans en sçauoir rien, & sans y penser en mai: tout homme marié estant cocu achu vel potentia: &, comme dit Rondibilis à Panurge, qui se vouloit marier, coquuage est naturellement des appennages de mariage, & quand vn homme est marié, il a esté, ou est, ou sera, ou peut estre cocu.

En premier lieu il fallut fçauoir dont venoit ce mot de cocu, estant le plus commun. Il fut dist, qu'on appelloit vn homme marié cocu, qui auoit vne semme impudi-

que, d'vn bel oifeau qu'on appelle le cocu, les autres l'appellent couquou, ainsi nommé de son chant. Et pource que ce bel oiseau, si renommé, va pondre au nid des autres oiseaux, estant si sot qu'il n'en scauroit faire vn pour luy, par antithese & contrarieté on appelle celuy-là cocu, au nid duquel on vient pondre, c'est à dire, faire des petits. Puis fallut apprendre d'où venoit ce mot de Becco-cornuto, & de ce qu'on dit que les cocus ont des cornes, & pour cela font appellez cornards. On dit que les Italiens appellent celuy de qui la femme s'esbat Becco-cornuto, de ce que le bouc ne se soucie, & n'est nullement jaloux si vn autre bouc va à sa cheure tout deuant luy, estant entre tant d'animaux seul sans jalousie. Combien qu'Elian tienne du contraire : quand il dit qu'vn bouc jaloux, conducteur du troupeau, fit fortir la ceruelle du pasteur Calabrois, auec ses cornes, pourautant que ce pasteur aimoit sa cheure: ce que Volaterran & Celius escriuent auffi.

Quelqu'vn va dire, qu'il trouuoit bonne ceste raison d'appeller Becco-cornuto celuy qui est Ian de luymesme, sa patience estant vn consentement : mais celuy qui est Ian de contraince, & qui empesche par tous moyens de n'auoir point de compagnon, qui luy aide à faire sa besongne, ie ne voy point, disoit-il, puis qu'il ne ressemble point le bouc, qui n'est nullement jaloux de sa femelle, qu'il doiue porter des cornes : trouuant vn grand deshonneur à de pauures Ians mariez, les saire cornus comme bestes brutes : qui mesmes sont desplaisantes de les auoir : car nous voyons que la Licorne, le Cers, & l'Elephant cachent leurs cornes, à fin que les

cachans, ne refte memoire d'icelles. Ce qui nous enfeigne, adioufta-il, qu'à leur imitation, fi nous auons des cornes, qu'il les faut cacher le mieux que nous pourrons. Mais i'ay peur que les animaux qui ont des cornes, que tout le monde void, les puissent mieux cacher, que ceux qui en ont, encores qu'on ne les voye point.

Vn autre de la Seree repliqua, que Becco venoit plustost du cropion, qui s'appelle en Italien becco, à cause d'vn bec qui y est, que du bouc : parce que ce mot Becco en Italien fignifie & l'vn & l'autre. Auquel il fut respondu, que puis qu'on appelle vn homme cornard, & qu'on baille des cornes à celuy qui a vne femme qui fe fait feruir à couvert, le mary le fcache ou ne le fcache pas, qu'il falloit bien que ces cornes prinffent leur origine du bouc, qui les porte grandes. Et que ce n'estoit pas vne inuention tant nouuelle, qu'elle ne reffente son antiquité, d'appeller bouc celuy qui est mary d'vne femme adultere: parce qu'anciennement, disoit-il, on vsoit de cest hieroglyphique, & de cest adage, contre les baftards, fi quelqu'vn d'auenture s'enqueroit de leur pere: en difant, il va de la mere comme de la cheure, à cause de l'incertitude du pere : la cheure estant mobile & legere, & pourtant le cheureau ne peut estre cogneu que de la mere. C'est donc à bon droit, que l'on appelle l'homme bouc, duquel la femme feule peut recognoiftre les enfans. Si on baille des cornes à ceux qui font cocus, va repliquer quelqu'vn, il faut donc bien dire que les diables font tous cocus : car à tous on leur baille des cornes : & veritablement en portent fur la teste, comme asseurent les peintres & ceux qui en ont veu. Toutesfois, les cocus estans si bonnes gens, & les diables si meschans, il me semble qu'il ne les faudroit pas marquer de mesme marque & enseigne. Combien que l'estime heureux ceux qui portent des cornes, si elles leur demeurent tousiours, dautant que les diables ne leur seront nul mal, pensans que ce soient de leurs compagnons.

C'est volontiers, va dire vne Fesse-tondue, quelques jaloux qui ont said & peint les diables cornus, & ont affeuré qu'ils l'estoient: comme voulans dire, que c'est le plus grand mal & malheur qui puisse arriuer à vn homme que d'auoir des cornes: & pour ceste cause, à fin que tout le monde sçache que les diables sont les plus meschans, miserables & infortunez qu'on sçauroit trouuer, on leur a baillé des cornes aussi bien qu'aux cocus. Ce seroit bien plustost, repliqua quelqu'vn, qu'on fait porter les cornes au diable, parce que le bouc est prins pour le diable, pour peché, & pour toute chose mauuaise, estant sort lascis, insect & puant: dont il estoit en l'ancienne Loy sacrissé pour tout le peuple, en le maudissant, & mettant tous leurs pechez sur sa teste.

Seroit-ce point, demanda vn autre, que les diables en faifant vn homme cocu luy baillent leurs cornes? Parce que les diables, qu'on dit & croit eftre cornus, peuuent auoir copulation charnelle d'vne femme qui est forciere, & s'est donnee à eux. Et Philostrate tient que Lamiæ sont esprits, ou pour mieux dire mauuais Demons, paillards oultre mesure. lacobus Rueps, adioustail, tesmoigne que de son temps vne semme sorciere eut affaire à vn esprit malin, & que des entrailles luy en

tomberent, & qu'vn boucher forcier ayant affaire à vne diableffe, ses parties genitales luy enflerent de telle forte qu'il en mourut.

Vne fille de Constance sorciere disoit que le diable l'auoit engroffee, & de faist ayant le ventre grand, elle sut mise en garde, & fortit de son ventre des clous de ser, des pierres, des os, & autres choses. Puis adiousta que ce qu'on dit, les diables engroffer des semmes, les semmes s'adonner aux diables, & les hommes à des diablesses, que cela ne se fait qu'entre les diables, forciers & sorcieres, Dieu le permettant, s'estans mis à leur service.

Quelqu'vn repliqua que cela eftoit mal-aifé à croire, que les diables peuffent cognoistre les femmes charnel-lement, à que s'il n'y auoit que ceux-là, il n'auroit point peur d'estre cocu, à ne craindroit point leurs cornes, craignant plus les vifs que les morts: les diables à les demons estans de nature spirituelle, n'ayans chair ni fang. Et aussi que les diables n'ont point necessité de succession, parce qu'ils sont immortels, à estans immortels, ils n'ont besoing d'engendrer, à n'en ont nul desir. Que si ainsi estoit disoit-il, que les diables peussent engendrer, il y auroit bien de la diablerie par les champs.

Mais que ie parle à monsieur Bodin, va dire nostre Fesse-tondue, ie luy demanderay, si les diables, pour les punir du tort qu'ils sont aux maris des sorcieres, ne peuuent pas prendre la verolle. Et qui me sait croire qu'oui, c'est qu'on dit, Le pauure diable a la verolle. De la bailler, ie n'en say point de doute: & croy que ce sont eux, & les sorciers, leurs grands amis, qui l'ont

apportee au monde, & qui l'ont baillee aux femmes : veu qu'encores auiourd'huy quand on void quelqu'vn qui en est malade, on dit, il est ensorcelé, c'est vne maladie qu'on luy a baillee. le demanderay aussi à Bodin, si les sorciers, qui ont compagnie de leurs diablesses de femmes, sont les diables cornus, & si pour cela on leur baille des cornes.

Quelqu'autre prenant la parole va dire, qu'on ne bailloit pas des cornes aux diables pour estre cocus, mais que c'estoit parce que bien souuent ils prennent la figure d'vn bouc, qui a des cornes, & qui se sont en ceste forte adorer, & baifer le cul, où il y a encores vne petite corne: comme tesmoignent tous les forciers par leurs depositions, qui appellent ce diable desguisé en bouc, Melampyge, qui est autant à dire comme cul noir : au moins, disoit-il, on me l'a faict à croire: car ie ne fuis point forcier pour entendre ce langage. Puis continuant, confessa qu'il ne sçauoit pourquoy on bailloit des cornes aux diables, mais qu'il sçauoit bien pourquoy on dit que les cocus ont des cornes. C'est, commença-il à dire, que quand ils arriuent prés de leur maison, ils commencent à corner, à fin de ne trouver ce qu'ils ne cerchent pas, & qu'on ne les estime point estre Ians d'eux-mesmes. Ou bien c'est, adiousta-il, qu'on les appelle cornus, de ce qu'ils font contraints de baiffer la veuë & la teste, comme font les bœufs & les toreaux, & autres animaux à corne, quand ils combatent. Ou bien on baille des cornes aux cocus, parce qu'ils deuiennent furieux (au moins aucuns) & dangereux, ainsi que sont ordinairement les animaux armez

de cornes. Car il n'y a pas long temps qu'vn cocu entra en telle fureur, voyant qu'il auoit des cornes, qu'il tua fa femme : & quand on luy difoit qu'il fe deuoit prendre à ceux qui l'auoient encornaillé, il respondoit, que pour empescher que les chiens ne suiuent vne chienne chaude, qu'on a plustost faict de la tuer qu'à chaffer les mastins.

Ce n'est point pour tout cela, va asseurer quelqu'vn, qu'on dit les cocus porter des cornes, mais c'est parce que les cocus font faciles à fe laisser perfuader, & tourner deçà & delà, comme les cornes qui mifes au feu prennent telle forme qu'on veult. Il s'est trouvé vn Copieux, qui estoit lan de luy-mesme, & non de contraince, lequel estant couché auec sa femme, faisoit semblant de dormir & ronfler, à fin qu'on s'approchaît fans crainte, dont est venu l'adage de Ciceron, Non omnibus dormire, ce dit Lucius fur Berald. Et de fait, adiousta-il, il y a des perfonnes qui meritent bien qu'on leur face porter des cornes : parce qu'on les tourne comme on veut, & quelque chose qu'on leur puisse dire de leurs semmes, ils ne le croyent, & s'ils leur baillent tant de liberté, qu'ils meritent estre appellez par leur nom, comme vous entendrez.

Il n'y a pas long temps, difoit-il, qu'vn de mes volfins, homme d'estat & d'aage, remonstra à vn sien amy la trop grande licence qu'il bailloit à sa semme, & que le monde en parloit en mauuaise part. Ce bon-homme de mary n'en voulant ouir parler, ce mien voisin sut contraince de luy dire, comme il auoit trouué sa semme auec vn homme, & de luy declarer par le menu tout ce qu'il

auoit veu, qui estoit suffisant pour l'affeurer d'estre cocu. Ce mary s'affeurant du contraire, va dire à fon voisin, que les gens vieux de maintenant estoient si souspçonneux, que s'ils voyent parler yn homme & vne femme enfemble, ils v pensent en mal: & qu'on se peut bien approcher l'vn de l'autre fans offenser Dieu, ne fon honneur. ne fon mary. Ce voifin tirant fur l'aage, le voyant opiniastre, en des opinions cornués, & qu'il auoit ie ne scav quoy en la teste, qu'on ne luy pouvoit facilement ofter. luy va dire ainsi: Si on le fait comme on faisoit de mon temps, ie vous puis affeurer que vous eftes cocu, & que vous auez des cornes. Cest incredule Ian nioit auoir des cornes, argumentant ainsi: le vous confesse que toutes bestes qui n'ont point de dents és mandibules de desfus, ont des cornes : or i'en ay & dessoubs & dessus : ergo ie n'ay point de cornes. Le voifin luy replique, vrayement je te confesse que tu n'as pas des comes de bœus ne de taureau, mais tu en as d'autres : comme toy-mefine as figné au rapport d'vn tien adiournement, où tu as mis, que celuy que tu auois adiourné, t'auoit voulu outrager, t'appellant cocu & cornard, ce que tu certifiois estre vray, par le present rapport, escrit & signé de ta main. Ce conte acheué, on se remet encores à rendre raison des cornes qu'on baille à ceux de qui les femmes se font feruir à couvert, & qui s'esbatent, & reflouissent auec leurs amis.

L'vn disoit, que c'estoit pource que la coustume & naturelle façon de toutes semmes est, de changer les hommes en cers & moutons toutes les sois qu'il leur plaist : comme Diane sit Acteon.

L'autre affeuroit qu'on attribué les cornes aux lans, parce qu'on facrifie le bouc, qui a des cornes, à Minerue : effant chafteté mortelle ennemie des cornes.

Vn autre, qui auoit veu le Monde des cornus, nous va dire, qu'il y auoit leu, que celuy qui par le moyen de fa femme porte les cornes, n'est dict cornu pour autre raifon, que pourautant que les cornes sonnent à publient par les carresours son desbonneur à infamie, comme les autres choses publiques: parce qu'anciennement l'en auoit accoustumé de faire les trompettes de cornes.

A propos de cornes & de corner, va dire vn de la Seree, il se maria l'autre iour vne ieune fille auec vn homme vesue, qui auoit trois ensans, faisant à croire à sa future semme qu'il n'auoit qu'vn ensant, & que les autres estoient au cimetiere. Quand ils furent mariez, il s'en trouua trois. La nouuelle mariee, sans se safcher autrement, va dire à de ses parents & amis qui la vou-loient consoler de cest ennuy: Mon mary m'a trompee, mais qu'il s'affeure que ie le corneray.

le sçay bien, va dire vne Fesse-tondue, pourquoy on baille aux cocus des cornes : c'est que les ioueurs d'instrumens & les musiciens sont subiects à les porter, & les semmes qui aiment & suivent la danse, & ne demandent qu'estre où il y a des menetriers (ayans leurs lyres & violons faicts de corne) sont subiectes à faire porter les cornes à leurs maris. Et cela sera aisé à croire, si vous considerez que les anciens bastissioient la lyre auec deux cornes d'vn sommet ou coupeau, & d'vn tais voulté, comme Philostratus escrit parlant d'Amphion : ces cornes estans prinses d'vne cheure sauvage, dont les musi-

ciens vioient pour faire leurs inftruments, deuant qu'ils euffent l'viage du bois.

Vn Drolle, prenant la parole, repliqua, qu'au contraire c'estoit vn bon-heur que d'auoir vne belle semme, qui n'ait point d'ennemis, pour viure à fouhait, & en honneur: car il fe peut vanter d'auoir la corne d'abondance. Vn bon mary, adiousta-il, ayant vne belle femme, & en veult faire part aux autres, peut dire qu'il a en fa maison la corne de richesses, & la corne d'Amalthee, qui est tousiours le symbole & enseignement d'abondance. Et ceux qui portent ceste corne, comme faisoit Herculés, ont toute abondance & fertilité, & se peut appeller corne de copie, & de richeffe, là où tout se trouue. Et aussi les Egyptiens en leurs Hieroglyphique & facrees lettres, par la come d'abondance ont remarqué vne grande liberalité & largesse, estant volontiers tousiours mise dans les mains des Dieux : & en toutes les medales où elle se void, c'est pour representer tout bon heur, tout bien, & commodité. De là est venu qu'on appelle vn homme cocu, Ian, qui est à dire en langage Ethiopien, puiffant: & leur Roy s'appelle Prete-Ian. Theuet dit, qu'il se void sen l'isse de Moluque vne beste amphibie, qu'il nomme Camphurch, dont le Roy de l'isle porte volontiers le nom, & ce pour la reuerence d'vne seule come de trois pieds & demy qu'elle porte au front. Le plus grand honneur que les Indois du Calecuth, peuuent faire à leur Dieu de diable, c'est de luy bailler vn diadefine à trois cornes : les cornes de toute ancienneté remarquans vne dignité, puissance, force, authorité & empire en tous les liures hieroglyphiques. Et aussi que la demonstration d'vne vie longue, se fait par les cornes des cerss longues & ouvertes. Que si ie suis destiné, adiousta-il en continuant, à porter des cornes, ayant ce bon-heur d'estre cocu, ie voudrois bien en auoir d'aussi belles & bonnes que celles des Elephans, pour estre les plus grandes & riches cornes de tous les animaux : combien qu'aucuns tiennent que les Elephans n'ont point de cornes, mais des dents.

Si est-ce, luy fut-il repliqué, que Pausanias soustient que les cornes naiffent ou au fourcil, ou au nez : & outre cela, ces cornes tombent à certain temps, au lieu désquelles reuiennent d'autres qui s'amolliffent au feu, ce qui ne fe pourroit faire des dents : ioin& qu'elles fortent & prouiennent du crane ou test. Soient cornes, ou dents, va dire quelqu'vn, si ie dois estre cornu, i'aimerois mieux auoir vne corne de Licorne, que les Grecs nomment Monoceros, & les Latins Vnicornis, pource que c'est la plus digne, riche, & precieuse, & de plus grand prix: & aussi que ie ne serois beste qu'à vne corne, & ainsi à demy cocu. Il lui fut respondu, qu'il n'y auoit point de petits cocus, & de demy cocus, & que la maifon de celuy qui fe marie est toute entiere : à ceste cause luno est tousiours dicte par Eschyle, Telia, & aussi que la plus-part tient qu'il n'y eut iamais de Licorne, ne beste qui n'eust qu'vne corne, & que c'est vne chose imaginee : car il ne fe trouue homme, tant ait-il voyagé, qui en ait veu : si bien que Theuet dit que les cornes, qu'on asseure estre de Licornes, se contresont par ceux du Leuant, & ne font autre chofe que cornes d'Elephant, creusees & allongees. Et à la verité, adioustoit-il, quand on brusle

vne de ces cornes, qu'on dit estre de Licorne, elle rend semblable odeur que l'yuoire.

Et quand tu ne ferois qu'à demy cocu, luy fut-il encores repliqué, n'ayant qu'vne corne de Licorne, penfes-tu que ta corne, & la corne de Licorne, soient de telle vertu contre les venins & poifons que tu estimes, & que les Medecins ceremonieux, qui l'ordonnent, font à croire aux plus grands, & fimple peuple? Car quant à moy, adioustoit-il, ie tiens auec Rondelet, que toutes cornes en general n'ont ny faueur ny odeur pour feruir en Medecine, si ce n'est pour dessecher. Car ie ne puis croire que le parfum des cornes puisse chasser les serpents, & que la peste en soit chassee, si vous faites brusler des cornes en voître chambre : combien qu'il y ait des animaux qui ont toute leur force aux cornes. Parquoy il concluoit de n'aimer point les cornes, puis qu'elles n'auoient les proprietez & vertus que beaucoup leur donnent. Et que le plus grand bien qui vint iamais des cornes, c'estoit d'auoir seruy aux anciens de vaisseaux pour boire, beuuans en des cornes : à ceste cause le bon Denys estoit peint cornu, & appellé cornu : ou bien c'est que ceux qui aiment à boire en ces vaisseaux, estans bons supposts de Bacchus, sont dignes de porter les cornes. Si est-ce, luy sut-il repliqué, que les anciens beuuoient en des cornes, pourautant qu'elles auoient vertu & contre le venin, & contre les maladies : tellement qu'ils mesuroient leurs liqueurs & medecines en des vaisseaux de corne, & en bailloient leurs clysteres, ce dit Galien: n'estimans rien de la porter, & d'y boire, s'ils n'auoient la come au cul, plusieurs affeurans que si nous

mangeons & beuuons en des vaisseaux de corne, principalement de cerf, que la corne a ceste vertu de hebeter la force du venin, s'il y demeure long temps. Les cornes furent si bien cornees, que nous demeurassmes tous escornez, & n'y auoit celuy d'entre nous, qui ne se frottast deux ou trois sois le front: les vns souhaitans en auoir, à cause du bien qui en prouient, les autres n'en vouloient en saçon du monde, combien qu'on ne sçauroit trouuer de meilleures gens que ces porte-cornes: car, comme dit Ronsard,

La corne sur le front ne fait ni mal ni bien : C'est l'esprit seul qui sent, la corne ne sent rien.

I'en sçay, repliqua quelqu'vn, qui à leur escient ont tiré & profit & auancement du coquuage, dequoy le seul nom estonne tant de personnes.

Vn autre de la Seree, de peur qu'on s'accrochaft à fes cornes, nous va faire vn conte d'vn fien voifin, qui ne demande autre chofe que d'auoir des cornes, ayant quelquesfois ouy discourir toutes les commoditez qui en prouiennent: & que pour l'en diuertir & empescher, on luy disoit qu'il ne se falloit point tant haster, & qu'il se faisoit des mariages bien cornus le plus souuent: & que ce lean futur respondit à ses parents, que si on ne se marioit, il n'y auroit point de lans, & que le monde periroit. Quand on luy disoit, Vous estes bien vieil pour celle que voulez prendre: il repliquoit lui auoir bien dist qu'il estoit bien vieil pour sournir aux charges de mariage, & au deuoir que le mary doit à sa femme, &

que celle qu'il pretendoit, luy auoit respondu, Mon amy, ne vous souciez de cela, laissez m'en faire, i'y pouruoiray bien. Quand on le menaçoit que s'il se marioit en ceste maison, qu'il seroit marié en vne corniere de la ville, & que la vaisselle qu'on luy donneroit en mariage seroit de Cornouaille: Si ie suis marié en vne corniere de la ville, disoit-il, tant mieux, ie n'aime pas si grand bruit, ma semme ne sera pas si cogneue & si commune: & si estant marié à vne corniere de la ville, ie seray prés des champs: ie ioueray souuent à cornichon va deuant: i'aime ce ieu, il n'est pas de grand frais, ni de grand' peine. Qu'on me baillera de l'estain de Cornouaille, on ne me sera point de tort, c'est le meilleur.

Quand on luy demandoit en quelle forte il vouloit estre marié, il disoit comme les autres lans. Puis il disoit à ces beaux persuadeurs, que la Fortune auoit plus de lieu & effort au mariage, que la prudence, & qu'il suffisoit, sans tant saire de recerches, à yeux clos se laisser conduire au sacrifice, puis qu'il auoit ce mal-heur pendu au col. Et comme dit Panurge, il se saut mettre en mariage à l'auenture, les yeux bandez, baissant la teste, baisant la terre, & du demeurant se recommander à Dieu. Que s'il y a peu de bons mariages, c'est signe de leur prix & valeur.

Que voulez-vous plus, adiousta celuy qui faisoit le conte, il luy arriua d'estre cocu, comme il estoit destiné, le scachant par sa semme mesme : qui estant de bonne conscience, & se voyant preste à mourir, où il n'est pas à croire qu'on voulust mentir, luy dit qu'ils auoient vne petite fille, qui n'estoit pas à luy, & qu'elle

faisoit conscience de la faire heritiere à son bien, n'estant pas fa fille: parquoy elle luy en demanda pardon, en deschargeant son ame. Ce bon-homme de mary ne s'en fascha nullement, car elle luy auoit bien dit, quand il luy disoit qu'il estoit vieil pour faire bien les besongnes de la maison, qu'on la laissast faire, & qu'elle remedieroit bien à cela. Puis demanda à fa femme : à qui est donc ceste fille? Elle luy respond, qu'elle l'auoit faict faire à leur iardinier : le mary, pour la reconforter, luy redemande, Et ce iardinier estoit-il pas à nostre iournee? Elle respond qu' oui. Tout ce qu'il a donques faict, va dire fon mari, est pour nous, puis qu'il estoit à nostre iournee. Que si i'ay vne caualle, disoit-il à sa femme, & vn cheual la faillit, à qui est le poulain ou la pouline? ne font-ils pas au maistre de la iument? Et ainsi mit hors de scrupule la conscience de sa femme, & la sienne aussi : l'affeurant que la fille estoit à eux deux, & qu'il y auoit part, puis que ce iournalier estoit à leur iournee.

Vous me faites fouuenir, repliqua quelqu'vn, d'vne autre femme, qui auoit douze enfans, laquelle estant en vne extreme maladie fit venir son mary: auquel elle dit, Mon amy Guillaume, il n'est plus temps de se moquer: scachez que de tous ces enfans, le seul premier est vostre fils, entant que la seule annee premiere ie vous ay esté fidele. Puis raconta par ordre sa vie, & les noms de ceux qui s'estans iouëz à elle, estoient peres de ses enfans. Le plus petit de tous, comme il oüit cecy, ioignit les mains, & tout tremblant dit à sa mere, Ha! ma mere m'amie, ie vous prie donnez moy vn bon pere. Escoutez, adiousta-il, d'vn fascheux, qui voyant sa femme

tenant vn fien petit enfant, luy va dire, le voudrois auoir payé la moitié de mon bien, & estre affeuré que cest ensant sust à moy, comme vous estes certaine qu'il est vostre. Sa semme sans s'estonner luy va dire, qu'il luy donnast seulement cinq cents ducats, & qu'elle le mettroit hors de doubte: ce que le mary promist.

La Dame lors prenant fon enfant entre fes bras, s'addreffa à fon mary, auquel elle dit : Seigneur, me confesses vous pas que cest enfant est à moy? ouy vrayement, repliqua-il, mais que s'enfuit-il pour cela? Elle alors luy prefentant, luy dit, Tenez donc, car ie le vous donne, or estes-vous tout asseuré qu'il est vostre. Et Dieu scait si ceux qui estoient presens se peurent tenir de rire de la fotte curiofité de ce mary. Si ne faut-il pas, repliqua quelqu'vn, croire à vne femme mariee, qui dit que tel enfant n'est pas à son mary: car le Iurisconsulte dit que le fils est tousiours presumé estre au mary, encores que la femme foit publique : combien que trouuons par escrit, l'enfant aisné d'vne Roine auoir renoncé à la coronne, parce que sa mere luy auoit dit qu'il n'estoit pas fils du Roy fon mary, mais d'vn gendarme. A cefte cause, adiousta-il, en Calecuth le fils de la sœur vient à la coronne, & non pas les enfans des freres: & les Lyciens faisoient porter à leurs enfans le nom de leur mere, comme le plus affeuré, encores que par leurs loix ils fe declaraffent cocus : confessans librement estre fort difficile de vouloir garder vne chose dont tout le monde pretend auoir la clef.

Ayant acheué, vn autre luy demanda qui effoient eeux qui auoient les plus grands clefs, fçachant bien,

disoit-il, ceux qui auoient les plus grandes poches: ie n'exprimeray les mots François, parce que les femmes ne les sçauroient lire. Et pource, adioustoit-il, que les femmes font enuieuses, il faut que les maris empeschent, tant qu'ils pourront, que leurs femmes ne voyent point autres cless que la leur, & de ne conter à leurs femmes ceux qui font propres à aller fur la mer, pour estre bien enuitaillez: comme ie vous conteray d'vn Italien, lequel deuisant auec sa semme luy va dire, en deuisant de ceux qui font bien emmanchez, qu'ils auoient vn feruiteur qui en estoit bien pourueu : mais ayant dit à sa semme que c'estoit la marque d'vn sot, il pensoit qu'elle ne s'addresseroit point à luy. Mais il aduint bien autrement, car tantost apres il cogneut que sa semme le forçoit d'aller aux champs, pour sçauoir si son mary disoit vray. Parquoy faifant femblant d'aller aux champs, il se cache en vne chambre, & vid ce qu'il ne vouloit point voir, & fa femme cogneut bien que fon mary ne luy auoit point menty: car ne pouuant loger fon courtaut, elle dit à fon valet, qu'il eust recours à l'huile de la lampe, (le conte est Italien) ce qu'il fit, puis tout se porta bien. Ce Becco-cornuto, se prenant par le nez, ne dit mot, finon que deux iours apres il achepte vne teste de mouton, & vn fort petit pot, & commande à sa femme qu'elle face cuire ceste teste en ce pot : laquelle replique que la teste n'y scauroit entrer. Lors il luy dit, prenez de l'huile de la lampe, & elle y entrera. Sa femme luy demande pardon, estant cause de son mal-heur & du sien.

Vn qui auoit perdu fon procés en vne Cour de Parlement, s'auançant de parler, va dire qu'il n'y auoit nation au monde qui eust plus grand' chose que celle où il auoit failly à gaigner fon procés : parce, disoit-il, qu'ils engroffent leurs femmes encores qu'ils en foient loing de vingt lieuës. Puis continuant, va dire que les gens de ce païs-là l'auoient jugé à estre cocu à poids de marc, luy reprochant qu'il en auoit l'encolure, mais qu'il auoit respondu qu'il s'en garderoit bien, parce qu'il ne se mariroit pas en leur païs. Outre, nous va conter, qu'il auoit été contrain de mener en ce païslà fa femme (les procés y estans immortels) auec ses enfans, & que les Dames se moquoient de sa femme. qui auoit de chetifs enfans, maigres & regroüis, au lieu que les leurs estoient frais, gras, & bien potelets : & luy demandoient comment elle faifoit ces petits auortons, si minces, foibles, & definez: & qu'elle leur avoit respondu, que son mary & elle les faisoient tous seuls. fans appeller perfonne à leur aide. Ces contes ne peurent empescher qu'on ne reuint encores aux cocus, chacun s'auançant d'en parler, à fin qu'on ne pensast qu'on le fust, pour n'en ofer rien dire.

Car vn de la Seree va demander, mais s'il est vray ce qu'on dit, que si vous touchez la robbe d'vn cocu, sans qu'il s'en aduise, que vos verrues se perdront? Et si vous auiez des verrues, luy demanda nostre Fesse-tondue, & que sans y penser vous touchissez à vostre robbe, si vous en gueririez aussi bien qu'en touchant à la robbe d'vn autre, & si vous mesmes seriez vostre medecine? le vous entens bien, repliqua ce demandeur à nostre Fesse-tondue: qui luy va dire, Dieu soit loue que ie ne parle point à vn sourd.

Il arriua durant le fouper de ceste Seree, qu'vn bon Drolle ne pouvoit trouver la ioincture d'vn chapon en le voulant decouper : celuy qui estoit assis le plus près de ce Drolle, voyant la peine où il estoit, luy va dire, Pense à vn cocu, & incontinent tu la trouveras.

Le Drolle en se riant luy va dire, & si ie pensois en vous, ou en moy-mesme, seroit-ce pas tout vn? De peur qu'on entrast en debat, quelqu'vn commença à dire: Il n'y a pas trois iours qu'vn mien voisin se vint plaindre à moi de sa femme, qui luy auoit mis ie ne sçay quoy en la teste qu'on ne pouvoit pas facilement luy oster. Ie le prie de me dire que c'estoit, & que ie luy conseillerois ce qu'il auroit à faire. Il me dit, ie le vous conteray comme à mon amy.

Et commença à me dire: Vn iour estant ma femme & moi auec quelqu'vns de nos voisins, on vint à parler des cocus: les vns disans qu'il y auoit des Ians qui le vouloient estre, les autres qui traistoient si mal leurs femmes qu'il ne se falloit esbahir si elles se desendoient, en baillant à leurs maris quelques coups de fourches: d'autres disoient que les cocus estoient les meilleurs gens du monde, mais que pour rien du monde pourtant ils ne voudroient pas l'estre.

Moy me faschant d'ouir tant parler de ces cocus (car à la verité ie ne sçai si ie le suis ou non) ie vais dire à ma semme, & à mes voisins: Ie vous prie laissons là ces cocus, ie voudrois que tous les cocus sussens en l'eau. Ma semme lors me va demander, ie ne sçay à quel propos, si ie sçauois bien nager. Que veut-elle dire par sa belle demande? Lors ie commence à luy interpreter, le

mieux qu'il me fut possible, comme elle entendoit son interrogation, combien que i'eusse grand' enuie de rire, mais ie cogneus bien qu'il estoit vn peu opiniastre, & qu'il auoit quelque chose en la teste qu'on ne luy pourroit iamais oster: non plus qu'à vn mien voisin, qui pourtant n'a pas si grande occasion de se scandaliser de sa femme, pour luy auoir demandé que c'estoit que somication. Car quant à moy, disoit-elle, ie ne sçay que c'est que sornication, & pourtant ie ne laisse tousiours à m'en consesser, à toute aduenture.

Ce conte acheué, quelque autre nous conta d'vn fien voilin, que quand il se fasche auec sa semme, il l'appelle tousiours putain, & sa femme luy dit, Et bien, ie fuis putain. Son mary luy replique, Par-Dieu non es, tu n'es pas putain, tu en as menty. Puis elle replique, Bien donc ie ne suis pas putain. Il dit bien que sa femme est putain, mais il ne veut pas confesser qu'il est cocu : encore qu'il foit des froides queuës : à ceste occasion quand il se fasche à sa femme, & qu'il la menace, elle ne luy fait que dire : Tu ne me sçaurois rien faire, ie n'ay que faire de toy. Et mercy-Dieu, quand ie te dis que le suis putain, que ne me prens-tu au mot? tu n'oserois, car si tu m'auois prins au mot, ie te iure, que ie te prendrois aux cornes. Ce mien voisin vn iour estant en ses bonnes, demandoit à sa semme, M'amie, ie te prie de me dire si ie suis cocu, ie t'asseure que ie ne laisseray à t'aimer, & que tu me deliureras d'vn grand foucy qui me ronge incessemment. Combien qu'elle l'affeurast tousiours qu'il n'estoit point cocu, elle sut pourtant tant importunee de fon mary, qui luy difoit

qu'il ne seroit iamais à son aise, & ne la laisseroit en patience, s'il n'en sçauoit la verité: qu'elle le renuoya à l'Eglise, & qu'il print de l'eau beniste, que si en la prenant il fermoit les yeux, qu'affeurément il estoit cocu, & tous ceux qui en la prenant les sermoient aussi: ce qu'il fit, & en prenant l'eau beniste & sermant les yeux se iugea cocu. Mais voyant tous ceux qui prenoient de l'eau beniste, sermer les yeux comme luy, les appella, & leur dit, Par Dieu vous estes cocus, ce dit ma semme, aussi bien que moy. Et voyant le grand nombre de cocus, ne se sascha nullement de l'estre: car estant de retour, en la salüant luy va dire, Bon iour putain: & elle luy respond, Bon iour cocu. Et par apres ne se salüoient point autrement.

Tous ces petits contes acheuez, quelqu'vn s'auança de parler ainsi. Il n'y a pas long temps qu'vn gentilhomme estant arriué en vne hostellerie de ce païs, bailla affignation à fon hostesse aux priuez, tant à cause du mary, qui estoit ombrageux, qu'à cause du peuple qui estoit logé là dedans : car encores qu'on les eust tous deux trouuez en ce lieu, on n'eust sceu dire, au moins honnestement, autre chofe, sinon qu'ils estoient à leurs affaires. Or n'y faisoient-ils gueres que d'entrer, que voicy le mary, qui ne penfant en rien que d'aller aussi à fes affaires, va trouuer la porte des priuez fermee : & estant pressé par la faculté expultrice, va crier qu'on luy ouure. Le gentil-homme en aussi grand'peine que son hofte, qui estoit bien empesché auec son hostesse, respond, le ne puis. Pourquoy? dit le mary, en rechignant & ferrant les fesses : il y a deux trous. Il est vray, respond

le gentil-homme: mais i'en occupe l'vn, & l'autre est tout foireux. Ce pauure mary tout honteux & foireux, ferrant les ferrails de sa gibbeciere, s'oste de là.

L'hoste deuoit dire, repliqua quelqu'vn, comme ie fis vne sois: car allant à mes affaires, & trouuant vn autre qui auoit occupé le siege auant moy, ie luy dy, c'est la raison qu'il soit primò occupanti. Celuy qui presidoit en ce siege, me respond, Vous dites vray, aussi au cul pendil. Dont ie me prins si sort à rire, que l'enuie d'aller à mes affaires me passa.

Il fouuint à vn de la Seree de nous conter ce qui luy arriua, & à vn gentil-homme, estans logez en mesme logis. Et voicy comment il commença. Nous filmes ma femme & moy vn affez long voyage, comme vous fçauez tous, il arriua que ma femme me logea à la Corne, maugré moy : car i'auois toufiours fuy de me loger au Cerf volant, au petit Cerf, au grand & petit Mouton, au Bœuf coronné, au grand & petit Diable: bref ie craignois tant les cornes que ie n'ay iamais pensé qu'on y fust bien logé ne bien traicté. Et si en l'enseigne où ma semme me logea pendoit vne corne, nostre hoste en auoit deux bien attachees: ainsi qu'il fit cognoistre à ceux qui ne les vovoient point, comme vous oirez. En ceste hostellerie de la Corne, y auoit vn gentil-homme aussi logé, qui estoit accort & bien lest : lequel apres disner se retirant, fut fuiuy de nostre hostesse, qui estant familiere auec luy, comme les Epiftres de Ciceron, voulant rire, prend fon chapeau, fon manteau, fes bottes, & s'en accoustre. Il print enuie à ce gentil-homme, voyant son hostesse gaillarde, ainsi habillee, de scauoir si elle estoit encores

femme, comme autresfois il l'auoit esprouuee, & si elle n'estoit point deuenue homme, comme il s'en est trouvé naturellement, & par magie. Et fans autre forme de procés, habillee en homme, la couche sur vn lit. Nostre hoste, Monsieur de Cornibus doublement, cerchant sa femme, entre en la chambre où ils estoient : & voyant ce gentil-homme fur vn homme botté, ce penfoit-il, sans dire mot, nous vint tous appeller, & fortant en la rue appella aussi tous ses voisins, leur disant, Hé! à nous, mes amis, venez veoir chez nous vn de mes hostes qui est bougre, & cheuauche fon valet : venez moy aider, disoitil, & nous le prendrons sur le faict, & le ferons brusler comme vn bougre qu'il est. Nous y allons tous auec nostre hoste & ses voisins: mesmes les femmes, qui n'aiment pas ces gens-là, disoient qu'il les falloit tuer. Nostre hoste, qui alloit le premier, trouve, & nous aussi. & tous les voifins, que ce valet botté estoit sa femme, & que ce gentil-homme n'estoit point bougre. le vous laisse à penser, adioustoit-il, qui fut plus esbahy de la femme ou du mary, qui auoit esté querir tous ceux de sa ruë pour leur monstrer que de sa teste ronde on en auoit faict vne fourchue, & qu'à bon droict il estoit maistre de la Corne. Nous fortons tous de la chambre : les vns difans que le mary impunément les deuoit tous deux tuer, les ayans trouuez fur le faict : la loy trouuant si mauuais l'adultere, qu'en ce seul peché il est permis de tuer les malfaicleurs, le mary pouuant en ce feul cas faire luy-mesme la iustice. Il y en auoit qui disoient que la loy auoit auffi donné puiffance au pere de tuer fa fille estant trouuee en adultere, mais qu'elle l'auoit faict

11.

pour ofter à la femme le pensement & vouloir de faire mal, l'ayant permis à celuy qu'elle a estimé selon nature qu'il ne le pourroit faire ni ne voudroit.

Les autres disoient que la coustume d'Espagne estoit de mettre l'vn & l'autre entre les mains du mary, pour en faire à fa volonté : que le trouuois le meilleur, & le plus affeuré: car du dépuis i'ay ouy dire qu'elle s'estoit bien gouvernee, & que reprenant les imperfections d'autruy, elle veut r'habiller le monde : combien que ie scache qu'il est mal-aisé à vne semme se contenter de peu, quand vne fois elle a faict brefche à fon honneur : & que le plus souuent la plus-part se repent de s'estre repentie. Ce que les Poëtes, disoit-il en continuant, nous ont bien baillé à entendre, en baillant de si beaux noms à Venus la Deeffe des Courtifannes, & en luy confacrant tant de lieux, desquels elle a prins le nom : car tous ces lieux ont porté tesmoignage qu'ils luy ont seruy d'autant de bourdeaux. Le premier lieu, adjouftoit-il encores, où l'on dit que Venus fut menee fi ieune, & dont on l'appella Cytheree, c'est le lieu où elle commenca à exercer fon mestier : aussi quand on l'appelle Cyprienne, Idalienne, & Acidalienne, ie prefuppose que c'est le lieu où elle a tenu boutique en Cypre, au bois d'Idale, & à la fontaine d'Acidalie, ni plus ni moins qu'en Eryce au païs de Sicile, dont elle porte le nomd'Erycine : & finalement en Syrie, dont elle est appellee Syrienne: en Affyrie, dont on l'appelle Mylitte: en Arabie, dont elle fut nommee Alytte: en Perfe, dont elle a nom Mitre: en Isthme, dont elle est surnommee Ishmienne: & en Pyre, au moyen dequoi on luy donna

le nom de Pyrenee. Et pourtant le pense qu'il n'y a coing dont Venus, qui est la plus chaste des Courtisannes, & reueree pour leur Deeffe, n'ait rapporté quelque trophee, auec sa marchandise. Personne ne prenant le party des femmes, vn Drolle nous va conter comme il auoit honnestement appellé vn sien voisin cocu, qui vouloit tuer tout le monde auec ses cornes, quand on le falüoit tenant fon chappeau auec deux doigts, combien qu'il le fust à vingt & quatre carats : & voicy comment. le vy vn iour ce Fier-Abras de cocu auec fes voifins, & les miens : or estant familier & amy auec vn de ceux-là, ie luy demande: Et que fais-tu là, cocu? Il me respond, le fuis icy auec les autres. Puis ie pren vne pierre, & faisant semblant de la ietter, ie luy di, le m'en vais te monstrer vn cocu: mais voyant que tous les autres, aussi bien que luy, auoient baissé la teste, ie vais dire tout haut, le ne pensois monstrer qu'vn cocu, mais à ce que ie veoy il y en a bien d'autres. Pensez, va dire quelque autre, qu'il feroit beau voir auiourd'huy la compagnie des Cornuts, qui gaignoit la foulde foubs la charge du maistre de camp dist Presential.

le ne doubte point, respondit vn de la Seree, qu'il ne fist beau veoir ceste bande, & qu'elle ne sust bien complete & bien grande. On peut euiter coquuage, repliqua vn autre, si nous nous aidons d'vn arbuste qu'Aristote dit croistre en Colchos: duquel si le mary en rompt vne branche, & la mette au lit de sa semme, cela la rendra pudique.

Il y auoit en cefte Seree vn doubteux & ombrageux, qui va dire en cefte forte: Penfez-vous que l'eftime moins

vn homme pour estre cocu? & que la vertu, la sagesse, & tout le bien, & bon-heur d'vn homme depende ducul d'vne semme? Il n'y a, disoit-il, que les sols qui les en prisent moins, & des mutins, qui leur reprochent : comme vous entendrez par vn vieil conte d'vn sol qui s'en vint à vn Magistrat luy dire : Monsieur, on dit qu'il y a en ceste ville deux Dominiques, dont l'vn est sol, l'autre cocu. Ce luge sasché au possible, luy va dire, Va, va, tu es vn sol. Par-Dieu, repliqua ce Dominique, si ie suis le sol, tu es donc le cocu. Et c'est cestuy-cy de qui on sit vn quatrain: parce qu'à tous propos il se vantoit d'estre personne publique : &, si i'ay bonne memoire, le voicy:

Dy, pourquoy te vantes-tu tant, Par vu tiltre fi magnifique, D'estre vue personne publique? Ta semme en peut bien dire autant.

Il ne se doit fascher, va respondre vn autre, s'il est cocu, ie le cognois bien: car sa semme auoit tousiours bien dit qu'elle ne seroit iamais mariee auec homme qu'il ne porta la cornette (c'est à dire vne petite corne) à le bonnet cornu. Et voilà pourquoy on appelle maistres ceux qui portent ces beaux accoustremens: vnde versus,

Ils font maistres seulement Pour auoir communément Quatre cornes sur la teste: Voire aucuns d'eux sont tenus, Outre les bonnets cornus, D'auoir aussi la cornette. Toutesfois, va-il dire en continuant, il y a des perfonnes de diuerles complexions & humeurs : les vns ne prenans pas les matieres si à cœur, & pour viure sans tourment, ne cerchent iamais ce qu'ils ne voudroient pas trouuer: les autres font si ombrageux & si despits d'estre cocus en propre personne, que vous ne sçauriez parler si correct, encores qu'on leur die, sans parler de vostre semme, qu'ils ne l'interpretent en mauuaise partie. & s'ils ne vous outragent, ils vous mettront en procés, fe faifans declarer cocus par arreft : & cuidans ofter les cornes de leur fein, se les mettent au front : estant vne grande folie de vouloir s'esclaircir d'vn mal, auquel il n'y a point de medecine, qui ne l'empire & le rengrege : & si vous affechez & mourez à la queste d'vne si obscure verification. La frequence de cest accident en doit meshuy auoir moderé l'aigreur : le voilà tantost passé en coustume. Miserable passion, qui a cecy encore, d'estre incommunicable. Et d'vn de ceux-cy, i'en ay yeu vn Epitaphe, au liure des Bigarrures, qui m'a semblé bon de le vous reciter, pour vous monstrer qu'il se fit declarer cocu & durant fa vie, & apres fa mort. Son Epitaphe qu'on a mis sur sa tombe, dit ainsi :

Cy dessoubs gist ja presque tout vse En son viuant, maistre lacques Casse, A qui il couta maint escu
Pour se faire dire cocu.
Helas! son pere le sut bien,
Et pourtant ne luy couta rien:
De telles gens il est assez,
Priez Dieu pour les Trespassez.

Il y a vn procés indecis, disoit-il, qui tourmente bien les luges, d'vn qui a dit à son voisin, qu'il auoit la teste faicte comme vne sourche : se desendant, il iure l'auoir dit ainsi qu'on parle communément quand on reproche à quelqu'vn qu'il a la teste faicte comme vn crujon, ou comme vne courge, ou comme vne boule. Sa partie aduerse insiste, disant qu'il luy a dit, Vous auez la teste faicte comme vne sourche, en se courrouçant, & en l'iniuriant, ne voulant rien prendre en payement : à cause qu'on luy a mis quelque chose à la teste que luy-mesme dit qu'on ne luy sçauroit oster, & que cela luy demeurera tousiours, & tant qu'il viue.

Les chambres se doiuent affembler, nous sçaurons bien tost qu'il en sera ordonné : aussi bien que d'vn autre procés qui est sur le bureau, où il est question de mesme iniure. Car durant les guerres, vn Caporal faifant commandement à vn de son escouade d'aller à la garde, le foldat s'excufant qu'il n'auoit point d'armes demanda à fon pecoral: Dequoy voulez-vous que ie me defende? qui luy respond, des cornes. Ce soldat se sentant iniurié, s'attache à fon Caporal. Lors ce pecoral va dire que s'il le prenoit, qu'il le mettroit au fonds de ses chausses. Vn des foldats luy va dire, Ne faites pas cela: car il vous mettroit la corne au cul. Quand ce foldat de cocu fut au corps de garde, il se plaint de son Caporal, & qu'il n'auoit point d'occasion de luy dire qu'il se desendroit des cornes, s'affeurant de fa femme qui estoit aussi bien accoustree que femme de sa ruë. La Lancespeçade le voyant tout morfondu, fouftenant fon Caporal, luy va dire: Par-Dieu il y en a doncques d'autres que vous qui s'en meslent.

le croy pourtant, va dire vne Fesse-tonduë, que c'est vne bonne defense que les cornes : car nous disons celuylà estre demeuré escorné, ou auoir souffert vne escorne, qui ne se peut reuanger, & est demeuré sans desense, les cornes augmentans la hardieffe : car fi à vn mouton vous oftez les cornes, il deuient timide & doux, laiffant sa hardiesse. Nous bailions, adioustoit-il, à Bacchus des cornes, pour monftrer que le vin prins sans mesure rend les perfonnes hardies & furieuses, comme les bestes qui portent des cornes. Et de faict, ie ne trouue pas vn homme fage, d'iniurier telles gens: car estans conduits de rage, ils frappent de la corne : & fi font fort fumeux, encores qu'ils ayent des cornes à la teste aussi bien que les cheminees. A ceste cause i'ay trouué vn de mes voifins bien aduifé, d'auoir dict à vn cornu, qu'il ne l'auoit point appellé cornard, touchant à l'honneur de sa femme, mais qu'il auoit dit qu'il estoit vn cault Regnard. Si ces fascheux estoient à Naples durant les vendanges, repliqua quelqu'vn, fi faudroit-il bien que ces gens-là, qui ne veulent pas estre appellez par leur nom, endurassent ceste iniure, & d'autres, sans pouuoir auoir action : car alors il est permis sans reprehension, de s'entr'iniurier les vns les autres : melmes les passans appelleront les vendangeurs Becco-cornuto, poltrons, & les vendangeurs ne faudront à leur respondre de mesme, tant grands seigneurs qu'ils soient : à fin de ne retrencher rien de la liberté du pere Liber. On peut adoucir les bestes à cornes, relpond vn autre, if on leur perce les cornes : car on affeure que si vous auez yn Taureau indomptable, lequel on ne puisse appriuoiser, on le rend fort doux en luy perçant les comes bien prés des oreilles. Mais il est malaifé, adiousta-il, de les percer à ceux qui cachent leurs cornes, se fentans deshonorez si quelqu'vn les apperçoit: mais comme il y a à la louange des cornes, parlans aux cocus:

> Dequoy sert de vous fascher, Pour ne pounoir pas cacher Les deux cornes qui vous sortent? Les Satyres demy-Dieux, Qui sont gaillards & ioyeux, En toute saison les portent.

Si vous esleuez les yeux Vers les fignes radieux, Dont le Ciel fait si grand'seste, Les plus honorez de tous Sont les trois, qui comme vous Ont des cornes en la teste.

Apres que la rime fut recitee, quelqu'vn nous va dire, Efcoutez vn plaifant conte de deux miens voifins, qui vn iour estans ensemble aux champs en l'vne de leurs maifons, vont veoir deux grands Cers, ayans de belles ramures, se les cornes bien grandes. L'vn d'iceux semblant attaquer son compagnon, va dire, Pleust à Dieu que tous les cocus eussent d'aussi belles cornes: celuy à qui il sembloit parler, luy dit: Et comment mettrions-nous nos chappeaux sur nostre teste? Ayant ainsi rembarré son compagnon, voicy vn cocu, qui dans le bois, où ils estoient tous deux, va commencer son chant ennuyeux,

faícheux, mal-plaifant, & de deux tons, troublant celuy du roffignol, plaifant, melodieux, & de diuers tons. Parquoy n'aimant pas le ramage de ce bel oifeáu, & le prenant pour mauuais augure, de ce qu'il interrompoit le chant du roffignol, va faire ce Sonnet, qu'il engraua en yn tremble.

Cocu, ne vas troublant de ton vilain ramage La mignarde chanson de ces Rossignolets, Qui desgoisent tousiours en ces bois verdelets Le pouvoir de l'amour, qui les tient en servage.

Ce Dieu, qui des cocus r'anime le courage, Se plaist icy d'ouïr ces petits oiselets, Qui louent son bel arc, sa trousse, & ses filets, Et le traist dont sa main doucement nous outrage.

Cocu, veu que tu es à chacun odieux, Pour n'aigrir contre toy le grand maistre des Dieux, En son bois amoureux desormais ne t'arreste:

Mais vole vers ceux-là qui t'aiment, & qui ont Engrave ton beau nom au plus hault de leur front, Tu te pourras percher aux cornes de leur teste.

Ceux de la Seree prierent celuy qui auoit faict le conte de ces deux voifins, de leur bailler le double de ce Sonnet, l'ayant trouué affez bon. Puis se vont mettre à dire que l'vn des plus grands maux qui procede de coquage, apres l'offense de Dieu, venoit de ce que les ensans viennent à la succession de celuy à qui ils ne sont pas ensans, aussi bien que ceux qui sont à luy. Ce qui

n'arriue pas, disoient-ils, quand vn mary a des bastards, ne succedans pas à son bien, ni au bien de sa semme. Si est-ce qu'ils consessionent, que les illegitimes, qui sont nez en mariage, ne sont pas si mal complexionnez que ceux qui sont nez hors mariage: à cause qu'ils sont instituez auec les autres, & comme s'ils estoient legitimes: ou aux champis, qui sont nez & saicts hors mariage, à cause que l'education & institution en est negligee, il y a tousiours plus de meschanceté qu'aux autres. Et qui en partie en est cause, c'est la mere, qui le plus souuent sera vitiee, larronnesse, vurongne, & grand' paillarde, & aussi que l'amour & affection du pere, pleine d'amour meschant, & d'appetit brutal & immoderé, augmente leurs vices. Et c'est de ceux-cy dont parle le commun prouerbe, quand il dit:

S'ils font bien, c'est aduenture: S'ils font mal, c'est leur nature.

On adiousta, que cessans les choses qu'ils auoient distes des bastards, le bastard seroit semblable aux autres, voire qu'il s'estoit trouvé, & se trouvent encores des bastards mieux aduisez, plus spirituels, plus sorts, & vaillans que les legitimes. Et cela vient, disoient aucuns, de la vehemente amour, qui fait que les semences sont bien entremesses, & quand la semence de l'homme & de la semme convient bien, l'ensant en est de meilleur esprit, pour le moins plus sort & robuste. Aussi que les bastards se sont ordinairement de semence chaude & seche: de laquelle procede la vaillance & l'esprit. Et parce que la semence de celuy qui va cercher la semme

qui n'est pas sienne, est plus cuitte, & parfaictement meure, que celle des maris, qui ont toufiours leurs femmes à leur costé, ne se faut esmerueiller si les bastards font plus vaillans & ont plus d'esprit que les legitimes : reffemblens aussi ordinairement à leurs peres, & les legitimes à leurs meres. Il fut dict que les Allemans, pour retirer les personnes de ces concubinages, ne permettent qu'vn bastard puisse prendre aucun degré en toutes leurs Vniuerlitez, ne qu'il foit passé maistre en aucun mestier & art. Fut adjousté que les Venitiens ne recoiuent iamais les bastards en leur Conseil, encores qu'ils foient legitimez. Les Turcs n'estans pas si scrupuieux en ce cas : car leurs enfans fuccedent efgalement au pere, tant ceux qui font issus de leurs concubines, que de leurs femmes legitimes : deux filles ne prenans pas plus en l'heredité qu'vn des enfans. On blafma fort la defense que prennent les gens mariez, qui vont au change, de dire à leurs femmes que leurs baftards ne viennent point à leur succession : voulans dire par là, que leurs femmes doiuent estre chastes : encores qu'ils ne le foient point, & qu'elles doiuent aimer leurs maris, encores que les maris ne les aiment. Mais il femble, adiouftoient-ils, que l'homme n'eftant pas fage & chafte, & veut que sa femme le soit, commande à sa semme se combattre auec l'ennemy auquel il s'est desia rendu, ou que c'est autant comme si en la guerre quelqu'vn me vouloit empescher de me rendre à l'ennemy auquel il auroit donné sa foi, & se feroit mis entre ses mains. Et me semble aussi, disoient-ils, que si le mary aime la volupté, il fait que sa semme deviendra lubrique &

lafeiue: car s'il n'aime que le corps, fa femme n'aura autre foing que de fe farder: mais quend il aime l'honneur & la vertu, il la rend fage, vertueufe & honnefte.

Il me foutient, va dire vn autre, d'vn bon mary de noître Seree, qui fouîtenoit que les maris, qui aiment le change, ne se deuoient plaindre: car comme disoit Ottocarus, Roy de Boefme, à ceux qui luy parloient de sa semme, la loy de nature veult que ceux qui sont des corres aux autres, ne refusent aussi à les porter. Le gentil-homme, adioustoit-il, qui ces lours rescriuoit de Flandres à sa semme, s'accordoit bien à ce Roy, ne voulent point auoir plus de priuilege que sa semme: lequel mandoit à sa semme, luy estant en Flandres, & elle estant de pardeçà, entre autres choses: Nous nous portons bien de pardeçà, fors que nous ne besonghons point: ie prie Dieu qu'ainsi soit de vous.

Vn de la Seree se print si fort à rire de ceste lettre, qu'il nous affeura auoir peur de mourir de trop rire, aussi bien que le Cardinelin, voyant vn Singe qui s'aidoit de la patte d'un chat pour tirer des chastaignes du seu. Et puis nous va dire que ceste lettre le faisoit souvenir d'une autre lettre (encores que ce ne sust pas à propos de la Seree) par laquelle un pere rescriuoit à son fils, sur la fin de la lettre, Dieu te donne ce que ton cœur desire, ma vie sauve. Quelqu'un voulant se remettre au chemin, dont il sembloit qu'on sut sort, commença à remonstrer qu'il n'y auoit rien qui fit plustost oublier la semme de son deuoir, & la mettre plus en phrenesse fureur, puis en ialousse, que quand elle se void mesprisee de son mary, & qu'il en aime une sutre : ce peché des-

plaifant tant aux femmes, que plustost elles endureroient estre batues, mai traictees, & rudoyees de toutes autres rigueurs, qu'estre frustrees de ce qui seur appartient, lors qu'on le porte dehors, estant necessaire en la maison. Lors que la jasousse faisit ces pauures ames soibles, c'est pitié comme elle les tirasse: elle s'insinue soubs tiltre d'amitié, mais depuis qu'elle les possed, les mesmes causes, qui seruoient de sondement à la bien-veillance, feruent de sondement de haine capitale, & la vertu & merite du mary sont les boute-seux de leur rage. Et comme dit vn docte homme de ce temps:

Il n'y a rien qui plus luy eschausse le caur,
Qui plus allume en elle vne iuste rancaur,
Ne qui d'vn sier desduin plus la rende embrasee,
Que de se veoir ainsi laschement mesprisee.
Si bien que son courage à vengeance irrité,
Vous recompensera de mesme indignité:
Et dira desormais, qu'elle n'est plus tenüe
De vous garder la soy que vous auez rompuë.

Le fanglier, dit vn Poëte, pourfuiuy des chiens, la lionne affamee, le tygre à qui on a defrobbé ses petits faons, ne sont pas plus terribles qu'vne semme offenseen cela. Et n'y a chose au monde pour laquelle les sémmes se facent plustost ennemies de leurs maris, que pour les voir émoureux d'vne autre. Toutes debtes, disent les semmes, reçoitent compensation en diuerses manieres, amour ne se paye que de vray amour. Que si d'adventuré les semmes s'abstienment de semblable excez & venture les semmes semmes s'abstienment de semblable excez & venture les semmes semme

geance, elles cacheront la fureur de leur courroux & ialousie au fonds de leurs estomachs. & cercheront tous les moyens de vous fascher : tellement qu'il vaudroit mieux au pauure mary estre tout à fai& cocu, que d'estre tourmenté de la sorte que i'en ay veu, vne obscure prison luy estant plus plaisante que sa maison : & penfant aller en son lict pour se reposer, qu'il s'arme hardiment de patience : car d'vne femme ialoufe, quelque chaste qu'elle soit, & mesnagere, il n'est action qui ne sente à l'aigre & à l'importun. Et tant s'en faut que les femmes des terres fauuages soient ialouses de leurs maris, & les hommes de leurs femmes, que leurs prefcheurs leur recommandent deux choses, la vaillance contre leurs ennemis, & l'amitié à leurs femmes. Et combien que nous les appellions Barbares, fi est-ce que les femmes de ce païs aiment tant leurs maris, que la melme ialousie, que nos femmes ont pour nous empelcher de l'amitié d'autres femmes, les autres l'ont toute pareille pour leur acquerir des amies : dautant que c'est vn telmoignage de la vertu de leurs maris, les hommes y ayans d'autant plus grand nombre de femmes qu'ils font vaillans. Aussi sainct Hierosme dit, adiousta-il, Ce qui n'est permis aux femmes, n'est non plus loisible aux hommes: & pareille obligation lie par raifon autant l'vn que l'autre. Et, comme dit Lacance, la femme doit estre enseignee à honnestement se comporter, par la continence du mary. Et n'y a rien, dit-il apres, qui donne plus d'occasion à la femme de s'oublier en son honneur, que quand elle void que fon mary en aime vne autre, s'ennuyant de garder la foy à celuy qui ne luy rend

pas l'amitié mutuelle. Si est-ce, luy sut il repliqué par quelqu'vn (qui aimoit autant la femme de fon voifin que la fienne) que pour peu que la femme foit (age, elle entend bien que la coustume donne vne telle liberté aux maris. Lors celuy qui parloit pour les femmes va respondre, que les femmes n'auoient pas du tout tort, quand elles refusent les reigles de la vie, qui sont introduites au monde: dautant que ce font les hommes qui les ont faicles fans elles. De faich, la femme estant d'ailleurs bien traicee, elle en fait plus de plaince de bouche que de cœur. Pource que la raison enseigne (ce que les femmes doiuent entendre) que, femme, est vn nom d'honneur, &, amie, vn nom de plaisir. Ce qu'a bien declaré Spartian, disant que Ælie Vere Empereur, respondit à sa femme, se plaignant à luy qu'il s'accostoit d'autres semmes, Souffrez-moy faire mes folies auec autres Dames que vous : car le nom de femme, est nom d'honorable dignité, non pas de plaisir. Ce que a bien monstré Liuia, femme de Cefar Auguste, qui voyant son mary aimer les fillettes, les alloit cercher, pour luy donner contentement. Et encores aujourd'huy, disoit-il, les Sauuages pour plaire à leurs maris, tant elles les aiment, mettent peine d'auoir plus de compagnes qu'elles peuuent : pour monstrer que ce n'est point le plaisir qui les mene : là où nos femmes empefchent, tant qu'elles peuvent de nous accoster d'autres que d'elles.

Vne femme qui estoit de la Seree, luy va respondre, que c'estoient aussi des Barbares. Il luy sut repliqué, Nous les pouvons appeller Barbares, eu esgard aux reigles de raison: mais non pas eu esgard à nous, qui les surpassons en toute forte de barbarie. Que les femmes, va dire vn autre, se donnent garde d'estre ialouses de leurs maris : car nous trouuons qu'elles en ont esté griefuement punies. Plutarque efcrit qu'en Theffalie y auoit vne grand' Dame, qui s'en alla cacher dans vn bois, pour fcauoir fi fon mary, qui ne bougeoit de la chaffe, ne chaffoit point à d'autres bestes. Les branches d'arbres se mouuans aupres d'elle, les chiens cuidans que ce fust vne beste, & tirans celle part, deschirerent ceste Dame. Ce qui aduint à vne autre en la ville de Sybaris, ville en Italie, dont fon mary fe tua fus elle. Puis adiousta, qu'il conseilloit aux semmes, qui ont des maris bas du deuant, de feindre, faire les borgnes, & passer par dessus, n'estant pas le deuoir de la semme d'espier & controoller les actions & deportemens de son mary : car au lieu qu'elle n'est prinse que pour le soulas & profit d'icelui, fi elle s'y fourre plus auant qu'elle ne deuroit, elle le gehennera & bourrellera de telle forte qu'elle le contraindra à faire redoubler vne autre folie. Et qui plus est, si elle monstre qu'elle peut en sçauoir quelque chofe, elle le pourra enhardir à faire à descouuert ce où il n'eut voulu se hazarder qu'en cachette. Et puis, adjouftoit-il, outre tout cela, la femme doit toufiours simer ce que son mary aime. La semme d'Hector est louee de ce qu'elle ne desdaignoit donner auoine, foin & paille aux cheuaux de fon mary, & les voir fouuent, parce que fon mary se delectoit en iceux. On raconte que monfieur Bude difoit que la femme effoit auffi fongneufe de fes liures que de fes enfans : pource qu'en iceux il prenoit vn fouuerain plaifir.

Apres tout cela, on va faire vn conte d'vn Docteur, qui vouloit bien perfuader à la femme qu'il estoit chaste, . a fin de la tenir en fon deuoir, & qu'elle ne fift comme luy. Cefte femme scachant que ce Docteur aimoit sa chambriere, & qu'il luy vouloit auancer son feruice pour neuf mois, pria fa chambriere, qui fe plaignoit à elle de son maistre, de luy donner affignation : pour donner à cognoiftre à son mari qu'il n'estoit pas si chaste qu'il disoit. Ce Docteur se trouua à l'assignation que sa chambriere luy auoit donnee, tout en chemife : laquelle blutoit, qui va dire à son maistre, Monsieur, prenez ce tamis, & tamifez, ce pendant que i'iray veoir si madame dort : car vous la pourriez bien auoir reueillee en vous leuant, elle fe doubte bien fort de nous. La chambriere s'en va à sa maistresse, luy disant, Madame, oyezvous point monfieur le Docteur, qui tamife plus que quatre? ie vous prie venez veoir sa grace, & s'il est bon bluteur. La maistresse descendant auec sa chambriere. va dire à fon mary : le ne m'esbahis pas si estes Docteur, car vous fçauez beaucoup de chofes, & estes bien sage de vous estre ainsi mis en chemise, de peur qu'on cogneust qu'eussiez ioué auec la boulengere. Le bon estoit, qu'en blutant il tiroit bien fort le cul arriere, dautant que son pistolet estoit bandé, & prest à faire seu, si la pouldre n'eust esté mouïllee : qui fut cause que la maistresse & la chambriere se prindrent si fort à rire, qu'il trouua moyen de s'oster de là. On conta, que la femme de ce Docteur, le trouve encores bien fouvent à dire la nuich, & qu'il se desrobe d'aupres d'elle, & que pour y remedier, quand il dort, elle could la chemife de son

mary auec la sienne : & se sentant prins, sa semme dit qu'il ne bouge, & qu'on diroit que c'est vn loup qui est prins au piege. Quelqu'vn prenant la parole commenca à parler ainsi : le vous affeure qu'il y a des maris, qui font si subiects à leur plaisir, qu'ils baillent occasion à leurs femmes de faire comme eux: & si en y a, tant ils aiment leur plaisir, qui se font eux-mesmes cocus, sans y penser. Car vous en trouuerrés qui pensent faire · quelqu'vn cocu, lesquels eux-mesmes se font cocus: estans contraints d'espouser celles qu'ils auoient engroffees auant leur mariage. Ce qui arriua aussi à vn de nos voifins, qui ayant promeffe de coucher auec fa feruante, coucha auec fa femme, penfant que ce fust fa chambriere, sa semme s'estant mise au lieu de sa seruante, comme elles auoient accordé entre elles. Ayant faict ce qu'il auoit voulu, il en fit part à vn fien compagnon d'armes, & l'enuova d'où il venoit, si bien que la femme pensoit que ce sust encores son mari qui estoit retourné : dont elle s'esmerueilla, pensant en soy-mesme, comme nous fommes plus ardens à ce qui nous est defendu, & à chose nouvelle, qu'à ce qui est accoustumé, & auons en nostre liberté. Que voulez-vous? Le lendemain sa femme luy conta le tout. S'il se trouua esbahy & fasché, ie vous laisse à penser si vous le seriez.

le m'en vay vous faire (commença à dire vn autre de la Seree) quafi vn femblable conte. En noître païs de Poictou il y auoit vn grand Seigneur de Gentil-homme, qui aimoit tant le change, qu'ayant vne des plus belles femmes & fages de fa Prouince, ne laiffoit à folliciter les femmes & filles de fes voifins, encores qu'elles fuffent fans comparaison plus laides que sa semme, tant nostre naturel est mal-heureux. Il s'accoste & presse vne des Damoiselles de sa semme, qui s'en plaint à sa maistresse laquelle prie sa Damoiselle de luy bailler assignation, & qu'elle se mettroit en son lieu. Cela faict, ce monsieur ne saut de se trouuer au lieu assigné, & se couche aupres de sa semme pensant que ce sust sa Damoiselle. Ie ne seave par quelle aduenture son cas se retira, tellement que fasché dequoy son instrument luy failloit au besoing, il le menaçoit de le couper, & le ietter sur les maisons comme vne peau de conil. Estant en ceste agonie, il entend rire sa semme & lors il va dire, Mon cas est plus sage & aduisé que moy, ayant bien cogneu que ce n'estoit que l'ordinaire, & qu'il n'y auoit rien de nouueau.

Ce ne fera hors du propos des cocus, va dire vn autre, fi ie vous recite vn conte d'vn ialoux : car on dit que les ialoux & les cocus font foubs vn mesme predicament. C'est d'vn gentil-homme, qui ayant ouy parler de la beauté d'vne semme mariee, enuoya en sa maison vn peintre, pour en auoir le pourtraidt. Ce que fon mary ne voulut iamais permettre, tant il effoit isloux de fa femme, difant que possible ce grand Seigneur de gentil-homme, ayant eu la copie de fa femme, voudroit puis apres en auoir l'original. le ne trouue pas mauuais, repliqua vn autre, qu'vn homme qui a belle femme se garde que sa teste ronde ne deuienne sourchue : c'est vne espouuentable metamorphose, si elle estoit visible & apparente: encores ne peut-on si bien s'en prendre garde, qu'on n'y foit surpris : tout chafteau eftant difficile à garder, quelque bon guet qu'on y face, quand il est affailly de beaucoup: estant victoire desesperce à celuy, qui estant seul, est contrainst de combatre contre plusieurs. Et puis, disoit-il encores, on void tant de femmes hypocrites cheminer le jour auec des chappellets & le Pater noster, le soir auec l'Aue Maria. & la nui& font auec Exultemus & latemur in ea. Tellement qu'il n'est pas de nouveau de voir croistre la nuist des cornes à tel qui ne les auoit pas en fe couchant : car quelques vns par la force de l'imagination fe font trouuez des cornes en la teste : comme il aduint à Cippus Roy d'Italie, ce dit de Montagne, pour auoir assisté au combat des taureaux, & auoir eu en fonge toute la nuict des cornes en la tefte. A propos de combatre, & des cornes, quelqu'vn va parler ainfi. Il n'y a pas long temps qu'il vint en ceste ville un charlatan, qui auoit vn Lion. Vn feigneur eut enuie de faire combatre vn Taureau qu'il auoit, fort furieux, contre ce Lion : difant au maistre du Lion que si le Lion estoit victorieux, il luy bailleroit le Taureau, & dix efcus: & au contraire si le Taureau l'estoit. Ayans les combatans esté mis en vne place publique, ils s'approchent l'vn de l'autre : mais le Taureau ayant fenty vne attainte de la patte du Lion, commence à reculer : fon maistre bien sasché, l'encourageant luy va dire, Courage, Rouget, mon amy, courage: puis tournant la teste, comme s'il eust eu des cornes, & qu'il euft voulu iouster, disoit, Pleust à Dieu que l'eusse des cornes. Tout le peuple se print si fort à rire, fçachant qu'il y auoit long temps qu'il auoit ce qu'il demandoit, qu'ils firent fi grand' peur à ces deux bestes, qu'elles ne voulurent plus se rencontrer. Rétournant à ce qu'on auoit diet, que les maris faisoient bien de se donner garde de leurs femmes, quelqu'vn va dire: le veux bien que le mary se donne garde de sa femme : car à la verité il en y a qui ne font pas confentans à leur coquuage, & ne trouuent pas bon fi leurs femmes fe font feruir à couvert : mais ils baillent occasion à leurs femmes de faire comme eux, ou bien ne regardent point à ce qu'elles font, leur baillant trop de liberté. Mais austi ie ne les voudrois pas estre si passionnez & tourmentez comme i'en ay veu aucuns. Car vne des plus violentes pássions qui regnent en l'homme, est la iáloufie, laquelle fuit amour, estant vray le prouerbe commun qui dit:

> lamais Dame, ne feigneurie, Se peut tenir sans ialousse.

Que fi vne fois cefte ialoufie s'enracine au cœur, prenant pied au cerueau, elle fait faire de grandes folies : encore que ce vice naiffe de la plus vaine & tempestueuse maladie qui afflige les ames & le corps, qui est la ialousie:

Quis vetat apposito lumen de lumine sumi? Dent licet assidue, nil tamen inde perit.

Croiriez-vous bien, adiousta-il, d'vn mary, qui deuint si extremément ialoux, & sur si tourmenté de ce mal, que pour s'asseurer de sa femme, & sçauoir si elle estoit impudique, il se sit chatrer, à sin que si sa femme se ruoit ailleurs, & en deuint grosse, il la peust iustement con-uaincre d'adultere?

Ce mary ialoux, & infensé furieux, repliqua vn de la Seree, deuoit estre puny tant par les Canons que par les Loix ciuiles, & Constitutions des Empereurs : n'estant permis à aucun de se chatrer, ne de faire chatrer ceux qu'il a en fa charge. Vipian condamne au quadruple celuy qui pour rendre son esclaue de plus grand prix, l'aura faict chatrer. Que si le maistre met son serf à l'examen de la copelle, il est puny de mort, ou sera condamné à la peine du talion, & de la pareille, & le coupeur de caillettes du fouet. Le droict Canon veut que ceux qui se sont rendus legers de deux grains, encores que ce fust par deuotion, si ce n'est par necessité, & pour euiter pis, foient forbannis & exclus des fainctes ordres, & des dignitez Ecclesiastiques. Mesmes Origene a esté reprins de s'estre faict chapponner, pour auoir mal entendu les paroles de l'Euangile. Et n'y a personne qui ne loue toutes ces Constitutions Canoniques : la charge des superieurs ne gisant point tant à entretenir les fubiects, qu'à empefcher qu'eux mesmes par leur

folie, indifcretion, & cruauté se messacent. Ce ne sera. point (adiousta quelque autre) hors de propos des cocus, & des chatrez, si ie vous conte l'invention d'vne semme lubrique, pour empescher la ialousie de son mari, & luv en ofter tout foufpçon. C'est qu'elle persuada à son. Curé, qui n'osoit l'accoster qu'à la desrobee, qu'il fit femblant de fe faire chatrer. A quoy il s'accorda. Et pour cacher fon ieu, il enuoya querir ses parents, fait fon testament, pardonne sa mort au Chirurgien & tailleur: auguel il baille cent escus pour ne faire rien, luy baillant le mot du guet. Le tailleur considerant la meschanceté de cest acte, & où il tendoit, en aduertit le mary, qui luy liure deux cents escus, & qu'il fit à bon escient. Ce qu'il accomplit : car ayant lié & garroté messire lan, il executa fon office realement & de faich, puis le paya de ceste raison: Qu'il n'auoit point accoustumé de se moquer en son mestier. On dit d'vn peuple, que les Latins appellent Nigri, & les François les Negres, qu'il est si ensorcelé de ialousie, qu'ils gardent la virginité de leurs filles, & la pudicité de leurs femmes, par futures, & autres œuures chirurgiques. Et ne doubte point qu'il ne se trouuast auiourd'huy des maris si ombrageux, qui voudroient practiquer cefte recepte, si les femmes le vouloient endurer, & qu'on peuft trouuer des Chirurgiens qui le voulussent entreprendre. Apres auoir esté affez parlé & de ceux qui ne gardent pas affez leurs femmes, & de ceux qui les contreroollent de trop prés, & en tombent en phrenesie: on va dire que les ialoux estoient affez punis & affligez par eux-mesmes: & que les maris aussi, qui laschoient trop la bride à leurs semmes,

eftoient en quelque pais punis, à fin qu'ils s'en prinffent garde de plus prés : & qu'à Catologne le mary cocu paye au Fifque certain tribut: en vn autre pais, il est mënë par toute la ville fur vn afne auec fa femme. La peur de cefte peine & infamie les contraignant de bien gerder leurs femmes, & de ne frequenter point ceux qui pourchaffent leur deshonneur. le m'enuois vous faire le conte d'un lourdaut, va dire quelqu'un, qui meritoit bien d'estre puny pour bailler occasion à sa semme de le faire cocu, permettant à vn forain, qui luy apportoit fouuent du porc & des tripes, de coucher auec luy & fa femme. Ce qui continua fi long temps, que quand le mary le voyoit arriver, il ne faifoit que luy dîre. Vous auez tué vos pourceaux, vous apportez du bodin à mafemme. Il arriua que ce mary, estant couché auec l'apporteur de bodins & fa femme, se resueillant en furfault, & cerchant ce qu'il ne vouloit pas trouuer, va dire à fon compere, qui faisoit semblant de dormir aussi bien que la femme, Mon compere ofte ton cas de là : car fi ma femme se resueille, ie m'affeure qu'elle enragera, & qu'elle t'arrachera les deux yeux de la teste.

Si est-ce, repliqua quelqu'vn, qu'on n'a gueres veu ne leu, qu'aucun ait esté courratier de ses propres amours: voire quand ce seroit pour gaigner vn monde: a si en y a beaucoup qui ne se sont iamais opposez aux Princes a Tyrans, sinon quand ils commencerent à tascher de corrompre leurs amours. I'ay veu des maris si isloux, va adiouster vn autre, que pour sçauoir a s'asseurer d'estre cocus, ils vouloient voir besongner leurs semmes deuant eux, cachez derriere vne tapisserie, si

bien qu'vn de mes voisins disoit par tout qu'il estoit cocu d'asseurance, & qu'il auoit veu besongner sa semme deuant ses yeux, & qu'il ne print iamais plus de plaisir qu'à cela, tant il estoit aise de sçauoir ce dequoy il se doubtoit, & que sa semme nioit à toute sorce : & que le plus souuent pour son plaisir il alloit voir ce passeurent, pour n'estre plus en doubte. Et de là en auant il ne s'en sascha plus : en se reconsortant disoit que Lucullus, Cesar, Pompeius, Caton, Antonius, & d'autres braues hommes estoient bien cocus, & le sceurent sans en exciter tumulte : & qu'il n'y eust en ce temps-là qu'vn sot Lepidus, qui en mourut de sascherie.

Les femmes scandalises de ce conte, prennent congé, & ce pendant qu'elles disent à Dieu à toute la compagnie, & à leur hoste, & à leur hostesse, en les remercians, on conta de deux Drolles qui auoient appressé à rire quasi à tous ceux de la ville. Le premier sut d'vn serviteur nouvellement marié, lequel essant rencontré par son maistre, & ayant vn chapeau autre que l'accoustumé, son maistre luy, va dire, Gilet (ainsi auoit-il nom) qui t'a afforty de ce beau chapeau? voilà vn vray chapeau de cocu. Ce serviteur sans y penser en mal, ou se sentant piqué, luy va respondre: Hé! monsieur, c'est vn de vos chapeaux que madame m'a donné.

La feconde drollerie estoit d'vn bon Drolle, qui à vn iour de marché, prenant vn pannier tout plein de cornes, couuert d'vne feruiette, s'en va par toute la ville, criant, A.mes beaux fruics nouueaux, à mes bons fruics, qui dit, qui dit i'en veux? Plusieurs l'appetlent: l'vn luy difoit, L'homme au fruick venez icy: l'autre, Approchez-

6

vous, que nous voyons ce beau fruich. Estans approchez; ils ostoient la seruiette, & descouurans le pannier, ne voyans que des comes dedans, luy disoient: Tu te moques de nous, vrayement voilà de beaux fruichs, tu en dois bien faire sette.

Le Drolle les regardant l'vn apres l'autre, leur refpondoit: le ne m'esbahis point si ne faictes pas grand
conte de ma marchandise, & n'estimez gueres mes
beaux fruits, en ayans bonne prouision en vostre maifon. Asin de ne descrier ceste belle marchandise, & que
s'ils se fussent faschés contre ce marchand, on eust peu
penser qu'ils en auoient leur prouision en leur maison,
ces marchands firent semblant de n'auoir rien veu, qui
ne sust bon & beau, & regardoient quelle mine seroient
les autres qui descouuriroient le pannier ou estoient ces
beaux sruices.

En fortant de cefte seree, on va demander à vne de nos Feffes-tondues, que s'il auoit à eftre cocu, lequel il aimeroit mieux, ou eftre cocu en herbe, ou en gerbe. Qui va respondre, ne l'va ne l'autre : combien qu'il le fust en l'va & l'autre. C'est de luy de qui on chantoit,

Il fe maria Ieudy
Estant cocu dés Mardy
Tout au rebours des autres.

Or cestuy-cy-n'estant gueres que marié, & voyant que sa semme estoit dessa grosse, s'en alla plaindre au pere & à la mere de sa semme, leur disent, Et comment, ma semme vostre sille est grosse? qui n'eust autre response d'eux, sinon: Tu es bien gasté, si elle ne l'eust esté, tu

ne l'eusses pas eue. Puis apres on va faire vn conte d'vn qui à ce matin auoit faict amende honorable, pour auoir mal parlé d'vne semme, & dit ce qu'il auoit veu. Lequel estant deuant les luges pour s'en desdire, va dire, le vous prie, Messeurs, ayez pitié de moy. Le Magistrat luy respond, La Cour te sait grace, on te deuoit saire pendre : faut-il ainsi dissamer vne semme de bien? Pardonnez-moy, Messeurs, va repliquer ce pauure homme : car ie pensois que ce que i'auois veu, sus fust veritable.

Ce conte m'a faict fouuenir, va dire vn de la Seree, d'vn autre, qui est affez commun, lequel fut aussi condamné à faire amende honorable, & à se desdire de ce qu'il anoit appelle vne semme putain. Parquoy deuant la lustice va dire, l'ay appelle vne telle putain, il est vray, elle est semme de bien, ie m'en desdis. Ces deux contes sirent tellement rire la compagnie, qu'il ne sut plus possible de deuiser, mais se retirerent auec le bon goust de ces deux dernieres rencontres.



(HETERETERETERETERETERE)

NEVFIESME SEREE.

Des luges, des Aduocats, des proces, & plaideurs.

7N plaifant conte fut recité d'vn procés intenté par vn Aduocat en action d'iniure, contre vn hofte, cabaretier & tauernier de Poictiers: lequel auoit achepté l'an mil cinq cents foixante & dix-fept, que le Roy y estoit, vn tableau, où il y auoit vne drollerie affez ioyeuse: C'est qu'en ceste pourtraicture estoit peint vn Aduocat, à qui vn homme de village bailloit d'vne main vn teston, & de l'autre de ses mains luy donnoit vn lieure, que l'aduocat prenoit aussi de ses deux mains, tout en vn coup, & si ne laissoit à prendre vn clystere que lui donnoit vn apothicaire. Et ceste drollerie faisoit dire à l'Aduocat, pour le moins il estoit escrit : le suis du meftier, ie prens à toutes mains, & si prens par le deuant & par le derriere, dont on m'appelle l'Aduocat à quatre mains, & dont est venu le prouerbe, il est degousté comme la gibbeciere d'vn Aduocat. Pour tout cela, il n'y eut point d'instance ny contre l'hoste, qui auoit achepté ce tableau, & mis en l'vne de ses chambres, ny contre le peintre : car encores que la drollerie fust publiee par toute la ville, les Aduocats en rioient aussi bien que les apothicaires.

Mais il arriua qu'vne Fesse-tondue voulant rire, apres auoir beu au cabaret où estoit ce tableau, va mettre le nom du villageois, qui bailloit des deux mains, qui à la verité ne bougeoit de la grand'boutique, le nom de l'Aduocat, qui prenoit veritablement à toutes mains. & par deuant & par derriere, & estoit vn des grands chiquanoux qui fust en tout le païs des Chaffourrez, & le nom de l'apothicaire, qui estoit vn grand mouueur. Cela estant venu à la cognoissance de l'Aduocat, qui en prenoit où il en falloit plustost mettre, Dieu scait s'il y eut faulte d'adiournemens, de relations, de defaus, d'adiournemens perfonnels, contre cest hoste à qui estoit le tableau, & le tout à intimation, & en adherant, pour auoir reparation de fon honneur, & de ce qu'on luy faisoit monstrer le cul tout barbouillé de registres & de requeîtes, & chaffourré de fentences bien fignees & feellees. Ceux qui alloient boire là dedans furent ous par information, & n'y eut qu'adiournement perfonnel. L'Aduocat concluoit à l'amende honorable, & au fouët, & qu'en sa presence la drollerie sut biffee & laceree: tant pour auoir acheté ce tableau diffamatoire, scandaleux, seditieux, & de mauuais exemple, que pour l'auoir mis à la veuë de tout vn peuple. L'hoste se defendoit, difant qu'il n'auoit pas peint le tableau. & que ce n'estoit pas luy qui y auoit mis, ne fait mettre le nom de l'Aduocat, ne de l'apothicaire, ny du client. L'Aduocat repliquoit, que l'hoste deuoit respondre de ce qui se faisoit en sa maison, & qu'il estoit à presumer que c'estoit luy qui auoit escrit les noms, s'il n'informoit de ceux qui les auroient, mis. Mais que le procés foit

vuide, disoit celuy qui faifoit le conte, & que cest Aduocat ait vuidé fon clystere, & que la fentence en foit donnee, ie vous diray le nom de l'Aduocat, celuy de l'apothicaire, & du villageois: cela s'entend fi l'hofte gaigne son procés : que s'il le perd, vous n'en scaurez autre chofe, tant le crains messieurs les chiquanoux. Ce conte pleust tant à la compagnie, qu'on ne parla en toute ceste Seree que de procés, de plaideries, & de luges, & principalement on en vouloit aux Aduocats, & si ne fçait-on pourquoy on les appelle pluftoft larrons que tous les autres de luftice: car quand on dit Breton larron, il y a de la rime: quand on dit larron musnier, il y a de la raison, que les musniers ont en leur moulin : mais quand on dit Aduocat larron, il n'y a rime ne raifon. A propos d'Aduocats, va dire quelqu'vn, i'ay eu vne fois en ma vie vn procés, & encores que i'euffe bon droict, & fuffe demandeur, fr ne laiffois-ie pas à auoir befoin de confeil, & de m'elmayer qui estoit l'Aduocat de Poictiers qui auoit le plus grand bruit. On m'en enseigna vn. qui à la verité auoit le plus grand bruit de Poidiers, estant logé au marché de la ville, prés d'une Eglife, où y auoit de groffes cloches, & vne femme qui parloit bien hault.

Vrayement, luy repliqua vn de la Seree, vous auez donc gaigné vostre procés, ayant tel Aduocat. Celuy qui auoit le procés va respondre, qu'il n'auoit perdu ne gaigné, & que le procés estoit pendu au croc : car, disoit-il, encores que l'eusse voe bonne donation, en bonne forme & authentique, bien signée du donateur, bien insinuee, mes partiés aduerses disoient que celuy'

qui m'auoit donné n'estoit pas sage, ny en son bon sens : n'estant pas sage, qu'il ne peuuoit disposer de ses biens; & encores moins donner, & que les Loix defendent à vn homme qui n'est pas sage de donner son bien. Lors ie penfay que ie pourrois bien perdre mon proces : dautant qu'on ne void gueres de gens fages qui donnent leur bien : confiderant auffi qu'on feroit en grand' peine de trouuer des perfonnes fages, pour juger fi celuy qui m'auoit faict le don l'effoit, veu qu'en toute la Grece, comme dit monfieur Bodin, il ne s'en trouve que fept, encores ne fçait-on au iugement de qui ils furent trouuez: fages. le laiffay là toutes mes procedures, voyant que si les luges eussent esté reculez, ils n'eussent pas iure qu'ils estoient sages. Vous ne semblez pas, va dire va autre, ceux qui fur va pied de moufche fondent va procés: car, comme dit Accurse, pro oue datur actio: comme vous pourrez apprendre par deux jugemens qui furent donnez à ce propos.

Le premier est, qu'on marchanda à vn peintre de pourtraire en vn tableau vn cheual estant à l'enuers, & ayant les pieds contre-mont, & l'eschine en bas. Le peintre figura tres-bien le cheual en ce tableau, mais ou par oubliance, ou que cela ne seroit pas beau, & que le peintre n'y auroit point d'honneur, il le pourtraict sur ses pieds, comme on a de coustume. Celuy qui auoit commandé le tableau, ne le vouloit prendre, & encores moins payer: parce qu'il n'estoit pas ainsi qu'il l'auoit deuisé au peintre. Le Magistrat pour faire cognoistre que le plus souvent on dispute de peu de chose, & comme on dit, de la chappe de l'Euesque, prenant ce tableau

ne fait que le tourner, monstrant à celuy qui ne vouloit payer le tableau, que le cheual essoit comme il le demandoit, c'est à sçauoir à l'enuers, & les iambes contremont: le condamnant de prendre le tableau, & payer le peintre le prix qui estoit accordé entr'eux. Si i'eusse esté le luge, repliqua vn autre, ie l'eusse condamné à en payer deux sois autant, comme ayant deux pourtraistures de cheuaux en vn mesme tableau: l'vn d'vn cheual sur se quatre pieds, l'autre d'vn cheual ayant l'eschine contre la terre.

Le fecond iugement, va-il dire en continuant, fut du mefme luge: mais d'vn autre cheual qu'on deuoit pourtraire aussi en vn tableau, estant conuenancé, & le marché faict auec le peintre, que le cheual feroit pourtraict en petit volume & espace, le plus furieux qu'on le pourroit peindre, n'ayant ne felle, ne mords, ne bride. Le peintre tira ce cheual fi au vif, que les cheuaux naturels vovans ce cheual artificiel, hanniffoient apres luy, & fi furieux, qu'ils s'oftoient de fon chemin, penfans qu'il deust fortir hors de son reclos, tant il sembloit furieux. -Toutesfois celuy qui l'auoit commandé ne le vouloit prendre ne payer, parce que le cheual auoit vne felle, vne bride, & vn mords, & il le vouloit tout nud, comme il l'auoit commandé au peintre. Le peintre disoit au luge, que le cheual se monstroit beaucoup plus surieux ainfi, comme fa partie aduerfe vouloit qu'il fuft. que fans bride ne mords. Le luge ordonna que le peintre feroit payé, dautant, disoit-il, qu'il estoit fort difficile de retenir vn cheual fi furieux, comme on le demandoit, en vn si petit lieu & espace, sans mords ne bride. Ce luge,

adiousta quelqu'vn, vouloit monstrer par la, que l'office d'vn bon Magistrat n'est d'attirer ou nourrir les hommes en procés, ains plustost les en reculer par tous moyens: comme Caton Censorius le declara bien quand on deliberoit au Senat de faire orner la Cour & Auditoire de Rome, estans aucuns d'aduis de construire des galleries pour tenir les parties à couvert, disant Caton, qu'il falloit plustost pauer les Cours & Auditoires de chausses trappes, à fin d'en essoigner les personnes le plus qu'on pourroit.

Et au contraire, vn Marcellus estant Edile, fils de la fœur d'Auguste, fit couurir de toiles fines toute la place commune, pour tenir à l'ombre ceux qui y venoient pour plaider. En quoy on peut voir, ce dit Pline, quelle mutation y auoit eu à Rome depuis le temps de Caton, iusques à ceste heure-là. Que si ces anciens pouuoient voir nos chambres dorees, là où auiourd'huy on rend la luftice: & les peintures, tableaux & tapifferies, verroient bien vne autre mutation. Combien que nous trouuons que Lycurgue fut loué de la defense qu'il fit de mettre pourtraicts ni peintures au lieu où le Senat deliberoit : parce qu'il aduient souvent, que la veuë de telles chofes distraict la fantalie, & transporte la raison, qui doit entierement estre tenduë à ce qu'on dit. L'esprit de l'homme estant en vn mouuement perpetuel, sans forme, & fans terme, fans arreft, & fans but: fes opinions, inuentions, conceptions, & iugemens s'eschauffans, fe suiuans, & s'entreproduisans l'vne l'autre :

Ainst void-l'on en vn ruisseau coulant, Sans sin l'vne eau apres l'autre coulant:

Digitized by Google

Et tout de rang, d'yn eternel conduit, L'yne fur l'autre, & l'yne l'autre fuit: Par ceste-cy, celle-là est poussee, Et ceste-cy par l'autre est devancee: Tousiours l'eau va dans l'eau, & tousiours est-ce Mesme ruisseau, & tousiours eau diverse.

Vous me faites souvenir, va dire vn autre, en parlant des procés qui s'intentent pour moins que rien, de deux gentils-hommes qui consumerent tout leur bien & leur temps en vn procés, qui tourna à la fin en rifee, mais non pas pour eux. C'est que l'en disoit ses armoiries auoir esté vsurpees par l'autre : le desendeur au contraire foustenoit que le demandeur auoit occupé les siennes. L'vn & l'autre se disant porter d'azur vne teste de bœuf en fon naturel. Toutesfois apres auoir bien plaidoyé & chiquané, il se trouua que l'vn portoit vne teste de bœuf, & l'autre vne teste de vache : & qui eust faict encores vne bonne enqueste, il se sust trouvé que tous deux portoient vne teste de veau auec ses cornes. Quelqu'vn luy va repliquer, que ce n'estoit pas petite chose, que le poin& d'honneur entre les gentils-hommes : & qu'il n'y auoit pas longtemps qu'vne damoiselle auoit intenté vn procés de moindre chose, contre vn gentil-homme, qui l'auoit appellee foireuse. Le defendeur, qui entendoit la chiquane, estant deuant le luge, & la demanderesse aussi, assistez de leurs Aduocats & Procureurs, voiant qu'il vouloit iuger ce differend, requiert auant que ietter la fentence, auoir montree, que sans cela il ne pouuoit faire sa preuue. La demanderesse resistoit fort à ceste

montree, difant au luge que sans cela il pouuoit bien donner sa sentence. Le desendeur disoit que sans cela on ne pouvoit bailler fentence qui valust, autrement protestoit d'en appeller : & si leurs Aduocats n'estoient pas fans replique. Le luge Pedanee ordonna que le tout feroit mis par deuers luy. Ie ne fçay quelle bonne fentence on pourra affeoir en vn fujet fi caché, obscur & tenebreux. le m'esbahis, repliqua quelqu'vn, comme il se trouve des Aduocats & Procureurs qui soustiennent des causes si friuoles, comme i'en ay veu. Auquel il fut respondu, le suis bien plus esbahy dequey il se trouue des gens fi fots, & de fi peu d'esprit, & fi opiniastres, qui mettent les luges, les aduocats, procureurs, greffiers, fergens, & autres de leur boutique, en befongne, & se destruisans les enrichissent, ayans le plus souuent mauuaife caufe, confumans leur vie & leur bien pour accroistre celuy de ceux qui ne viuent que du mal-heur d'autruy. Et le pis est, qu'encores qu'on ait obtenu & gaigné son procés, on peut seulement dire comme sit Panurge, I'en ay faict dire, mais il me coufte bon : fans confiderer que, Procés, est vne beste farouche, & difficile à manier, ayant l'iffue aussi douteuse que la guerre : chacun pouuant commencer à fa discretion de plaidoyer, mais y mettre fin n'est point en sa puissance. Car on trouue moyen à celuy qui a procés de le faire dependre ce qu'il a, le pourrissant d'esperance de gaigner son procés: puis quand il est enfourné, ils luy font confumer par dilations le meilleur de sa vie, chacun luy promettant faueurs, & apres tous enfemble le perdent : la plus grand' part d'entr'eux l'affeurent qu'il a bon droict, &

apres tous ensemble prononcent contre luy : de maniere que ce pauure miferable, qui est venu à se complaindre d'vn, s'en retourne en fon païs fe complaignant de tous. Mais, repliqua quelqu'vn, ie croy que c'est vne grande vtilité pour la Republique dequoy les procés font si chers, & fi longs, & fi laborieux : car s'il faifoit bon plaider, il y auroit dix fois autant de procés: estant vne bonne chofe pour les plaideurs, dequoi les procés font fi falez & espicez que personne n'en peut gouster. Et comme la mer, encores qu'elle foit terrible, ne laiffe pour cela à estre frequentee, elle en auroit mille fois autant si elle estoit paisible : ne plus ne moins, si la pitié des plaideurs estant si grande, ne descourage point les autres de prendre ce train, que seroit-ce si les plaids n'estoient conioincts auec tant de miferes? Et ie penfe, adiouftoit-il, que les procés n'estoient pas si fascheux, & pleins de foucy, si chers & dommageables, du temps d'vn Abbé, à qui vn Roy de France defendit entierement cest exercice, ayant confessé au Roy qu'il auoit bien trente procés : toutesfois il supplioit le Roy de lui en vouloir laiffer vne demie douzaine, pour fon baffetemps & recreation.

Vn de la Seree, qui estoit délla grande boutique, voulant desendre les Aduocats & Procureurs, qui ne faillent iamais par le bec, va commencer à dire qu'aucuns, suiuant l'opinion du Stosque Panetius, suiuie par Ciceron, soustenoient que c'est au luge de suiure la verité, mais qu'aux autres, suffit auoir la couleur du vray-semblable. Mais quant à moy, adiousta-il, encores que ie soye du mestier, ie pense pourtant tous les ministres de lustice estre astraincts à la loy de verité: autrement ils sont cause de grands maux, principalement les Auocats, qui sont bons orateurs, quand ils sont malins, par leur beau parler & doux babil sont de grandes meschancetez : saisans absoudre les vicieux, condamner les innocens, trouver le bon droict mauuais, & le mauuais bon : la loyauté ne demeurant pas volontiers entiere, quand on n'a autre but que le gain: que si les Aduocats disent que leur estat est noble, de peur d'estre vilains, qu'ils se donnent garde d'estre maneuuriers. Le mal que sont ces babillards de harangueurs, disoit-il, a donné iuste occasion à Euripide d'escrire ces vers :

Que pleust à Dieu que l'humaine semence Fust sans parole, & sans point d'eloquence.

Et ces autres.

O Dieux, que n'ont les affaires du monde Voix pour parler, à fin que la faconde Des harangueurs ne seruist plus de rien?

Ne sçait-on pas, adicustoit-il, qu'enuers les personnes de sage iugement, le parler disert & l'eloquence d'vn orateur fallacieux n'est pas plus estimee que le sard dont vne putain colore sa face, pour paroistre plus belle? Ne sçait-on pas que cest art n'est autre chose qu'vne tromperie & tyrannie des humains entendemens? Qui ne sçait que les Lacedemoniens reietterent cest art, disans que le parler des gens de bien ne doit venir de l'art, mais du cœur; & que Socrate iugea nul orateur deuoir auoir degré en vne Republique? Disant n'y auoir peste plus

nuifante en vn païs qu'vn bien-difant orateur, quand il veut mal vier de son art & douceur de langage. On ne trouveroit point tent d'Aduocats abusans d'eloquence. va dire quelqu'autre, pour cacher la verité, & furprendre les luges, & tellement les esblouir qu'ils ne puissent en iugeant mettre difference du iuste auec l'iniuste, si l'exemple des Atheniens estoit renouvellé : lesquels apres le jugement donné, informez qu'ils estoient d'auoir esté furprins, ils s'addreffoient aux Aduocats, & les puniffoient rigoureusement. Mesme le Senat Athenien, dict Areonagus, permettoit aux Aduocats alleguer feulement le faict des parties, fans vier d'aucun fard pour circonuenir les luges. Quand ils faisoient entrer l'Aduocat, l'huissier luy defendoit de ne mouuoir les affections des luges. Et à fin que les luges ne peuffent estre destournez par quelque affection de la verité, ils cognoissoient des causes criminelles la nuich, & en tenebres, C'est vne chose esmerueillable, disoit-il, qu'il ne s'est trouué pas vn, qui estant esleu Areopagite, n'ait laissé son vice, s'il en auoit : ses compagnons Areopagites estans si vertueux, qu'il auoit honte d'estre tout seul vicieux entre tant de gens de bien. Ce qu'aucuns ont attribué à vn certain Genie, qui prefidoit à vne tant honorable compagnie. Et à la mienne volonté, dit Budé, qu'en toutes nos Cours & Conseils il furuint yn tel Genie, auant ma mort. Le grand Roy François fut contrainct d'ofter aux accusez de crime tout ministere d'Aduocats, à ce que leurs artifices ne feussent instrumens pour destourner lustice. Il seroit necessaire qu'en toutes causes, où il est question d'vn faict, que les parties fuffent ouves par leur bouche, comme il se practique aux Marchands. Toutes ordonnances, repliqua vn autre, feroient inutiles, fi tous Aduocats effoient imitateurs de la faincteté de Papinian, qui refusa de defendre son Empereur Caracalla, qui fut accusé au Senat d'auoir massacré Geta son frere. Mais auiourd'huy les mœurs sont si corrompues, ce dit François Grimaudet, qu'il n'y a si meschant meurtrier, volleur, brigand, larron, de quelque condition qu'il soit, pourueu qu'il ait de l'argent, qui ne trouue vn Aduocat, qui hardiment se presentera à la desense de sa cause. Et s'il ne la peut faire trouver bonne, la fera durer si longuement, qu'on n'en verra iamais la fin. Là où les choses manisestement mauuaises ne doiuent estre par aucuns desendues en jugement : à sin que les hommes meschans sussent d'autant plus dessourcez de les faire, & de susciter vne mauuaise cause.

Et à ce propos, adiousta-il, il me soquient d'vn homme des champs, qui me demanda vn Aduocat, dont il ne squoit pas bien le nom : luy en ayant nommé cinq ou six des plus sameux, il me dit que ce n'estoient point ceux-là : mais que c'estoit vn si bon Aduocat, qu'il luy auoit promis que de sa vie il ne seroit contrainet de payer de l'argent qu'il deugit à vn homme, qui l'auoit faiet adiourner. Ie luy dis lors que cest Aduocat deuoit auoir bonne practique, aussi bien qu'vn Aduocat de Milan, qui estoit si rusé que les procés duroient tant qu'il vouloit. Dequoy aduerty Galeace, Duc de Milan, se conseilla à luy, disant qu'il deuoit mille escus à son boulanger, dont il estoit conuenu, a qu'il youdroit bien trouver moyen de ne payer point si tost. Cest Aduocat l'asseura qu'il ne payeroit de dix ans, tant il seroit durer la cause. Le Duc

fit pendre fon Aduocat, apres auoir cogneu comme il víoit de fuites.

Vn grand Seigneur de ce païs, commença à dire vn de la Seree, ne traicta pas ses Procureurs & Aduocats si rigoureusement : car vn iour ayant conuié tout fon confeil, voicy qu'il arriua, mais auant que le fçachiez, ie vous apprendray que les procés de ce Seigneur durerent fi long temps, qu'il eut moyen d'apprendre tous fes chiens à venir manger en fa chambre, quand vn de fes gens prenoit vn bafton, & frappant à la porte crioit, Aduocats, Aduocats, à la barre : entrans lors les chiens en fi grand'furie en ce lieu, qu'ils deuoroient tout ce qu'ils trouuoient deuant eux : ne leur baillans iamais à manger qu'en ce lieu-là, & fans frapper à la porte, & crier Aduocats à la barre. Or quand ces chiens furent bien apprins, ce Seigneur conuia tous ces messieurs de la Iustice, lesquels estans assis, & ne faisans que commencer à manger, fit signe à vn de ses seruiteurs : lequel s'en va à la porte, & auec vne verge va frapper contre l'huis, criant, Aduocats, Aduocats, à la barre, dont les conuiez ne se firent que rire: mais il n'eut pas si tost ouvert la porte, que les chiens entrent en la chambre, & passans fur tous ceux qui estoient rengez à la table, se iettent sur les viandes, & les mangent toutes, faifans aller les faulces & potages sur les grandes robbes de ces messieurs : qui leur feruirent bien, car fans elles, ils n'eussent laissé pas vne de leurs jambes, les chiens en mangeant ayans faict tomber des viures foubs la table : que si on les vouloit empescher, ils mordoient bien ferré. Il est vray, disoit-il en continuant, que nous accusons tousiours les luges, &

les Aduocats & Procureurs quand nos procés ne vont pas bien: mais bien fouuent la faulte vient de la mauuaistié des parties, qui font si malicieuses & opiniastres, que les luges, ne leur conseil, n'y peuvent rien faire, tant ils ont mauuaise conscience.

l'ay vn mien voifin, va dire vne Fesse-tonduë, grand chiquaneur, qui m'a dit, n'y a pas long temps, qu'il auoit eu beaucoup de procés, mais, me disoit-il, ie n'en ay perdu. Dieu mercy, pas vn de ceux où i'ay efté receu à faire preuues, & là où on s'est rapporté à mon serment. Quand ils font receus à iurer, adioustoit-il, & le serment est decisoire, ils ne font que dire, bride les cheuaux, tant la pieté & religion font en mespris : se moquans d'estre enfagoté seulement par vn serment : combien que les pariures violent toute faincteté & pieté enuers Dieu, & oftent la foy entre les hommes. Et si ay veu ces iours passez vne partie, à qui le luge faisoit leuer la main, qui leuoit la gauche: le luge luy ayant dict, Ce n'est pas celle-là, leuez la droicte : il fut si impudent de luy respondre, C'est tout vn, monsieur, ie iure bien à toutes mains. Regardez, va dire vn des nostres, là où nous sommes tombez, que de se moquer d'vne chose qui a esté estimee si faincte & religieuse, que anciennement il n'estoit pas' permis au prestre Flamin de iurer, & n'y estoit point contrainct. Mesmes en la religion Chrestienne, les prestres ont esté long temps sans estre contraincts de jurer, encores auiourd'huy les gens d'Eglife ne iurent point fur les Euangiles, & ont iurement feparé du commun : car ils mettent la main ad pedius, que les anciens François difoient au py. La raifon de tout cecy estoit, & est encores,

6..

qu'on estime vne chose absurde de doubter de la soy de ceux entre les mains desquels nous auons laissé toutes les chofes divines. Auffi, disoit-il, il me semble qu'on fait tort à vn homme de bien de le faire iurer, & que le iurement à vn homme libre, qui est homme de bien, est vne peine, & vne espece de torture : le lurisconsulte ayant eu le iurement en si grande reuerence, qu'il n'a pas voulu que les pariures fussent punis : mais a dit qu'ils auoient affez de Dieu pour vengeur de leur pariure. Toutesfois encores que les pariures ne fuffent punis par les Loix Romaines, si estoient-ils marquez par les Cenfeurs : combien que leur note & piqueure ne feruoit que pour leur faire honte. Mais quant à moy, adioustoit-il, ie ne trouve nulle difference entre le mensonger & le pariure: parce que celuy qui fe fera vne fois destourné de la verité, ne fera non plus de conscience de se pariurer en iugement, que d'y auoir dit vne chose faulse. Et me femble qu'Aulugelle parlant des juremens qu'on desere à vn debteur, l'appelle Emplastrum aris alieni : comme quand monfieur Cujas trouue quelque chofe adjoustee à vn Iurisconsulte, il appelle ceste addition Emplastrum Triboniani. C'est si grand cas du iurement, disoit-il encores, que le Roy Henry d'Angleterre se purgea vers le Pape Alexandre III. de la mort de fainct Thomas Archeuesque de Cantorbie: & le Roy Charles VII. se purgea par serment, qu'il n'auoit tué ne faict tuer le Duc de Bourgongne, comme il est rapporté au Concile de Bafle. Le Pape Marcellinus ayant esté accusé d'auoir facrifié & encenfé aux Idoles, il fut dit par le Concile de Constance & Balle, qu'il se purgeroit par serment de ce

dont on le vouloit taxer. Il en fut ainfi vfé enuers le Pape Sixte, foubs Valentinien : & enuers Symmachus, du temps d'Anastafie & Theodoric : & en la perfonne de Leon III. prefent l'Empereur Charlemagne, ce dit Platine.

Aulourd'huy, repliqua vn de la Seree, le mentir & le pariure n'est point vice en nostre France : car Saluianus Maffilienfis dit que de son temps les François disoient que mentir & se pariurer n'estoit point mai faict, & en faifoient vertu. Puis que les plaidoieurs d'auiourd'huy font si cauteleux & fins, & de fi mauuaife confeience, repliqua vn de la Seree, il ne faut trouver eftrange, fi aucuns officiers de lustice ne sont pas plus gens de bien qu'eux. Et me fouuient d'auoir demandé vne fois à vn Aduocat, pourquoy il perdoit fes caufes, & que tous ceux qu'il accusoit estoient absous : Pource, me dit-il, qu'il ne vient pas vn à moy de ceux qui ont bon droi&. Et lors il me fouuint d'vn Craffus qui perdoit tous fes procés, & estoit si malheureux en ses accusations, que iamais n'avoit accusé personne, qui ne sust enuoyé abfouls. A cefte cause l'Empereur Auguste ayant entrepris vn grand palais, dont il ne pouuoit venir à bout, va dire de cest Aduocat : Pleust à Dieu, qu'il eust accusé ma maifon. Il est vrav que la rencontre ne vaut rien en Francois: mais en Latin elle est excellente: car absolvere fignifie abfoudre & acheuer. Et l'Empereur l'entendoit en fa derniere fignification, qui est acheuer & mettre

Quelqu'autre prenant la parole, va dire (fans fortir hors du propos de la Seroe, & de la precedente rencontre) qu'vn honneste homme du bas Poistou, auoit

faich baftir vne grange si spatieuse & large qu'il ne pouuoit trouuer de bois de charpente pour la faire couurir : en forte que fon logis demeura long temps descouuert. Quelqu'vn de ses amis deuisant auec luy, raconta qu'il venoit de parler à vn Magistrat & luge des premiers des grands-lours de Poictiers, fort gracieux, qui n'auoit iamais voulu permettre qu'il parlaft à luy la teste nuë. Mais à chacune fois qu'il oftoit fon chapeau, autant de fois il le faifoit couurir. Pleust à Dieu, dit cestui-ci, que ma grange peust aller vers lui, & qu'il lui en eust autant fait. Il vouloit dire que ce Seigneur eust aussi fait couurir fa grange. Or parce, commença à dire quelqu'vn, qu'on met tout ce qui arriue és procés fur les Aduocats, efcoutez qu'il arriua à yn Aduocat és grands-Iours de Poi-&iers: c'est que se complaignant deuant messieurs, d'vne partie qui ne luy vouloit pas communiquer vne piece, commença à dire, malum est quod tegitur. Le Prefident luy va dire, couurez-vous donc, Aduocat. Ils font si accoustumez à estre blasmez, & principalement à estre appellez larrons, qu'ils n'en font autre compte : comme ie vous feray entendre par ce qui fut dit à vn Aduocat des plus fameux, qui estoit venu en son païs de Poictou. Il s'en vint vn iour à luy vn homme en confultation, pour intenter vn procés contre vn sien voisin qui l'auoit appellé larron. Cest Aduocat luy dit, qu'il ne falloit point pour cela plaider, & que c'estoit peu de chofe, & que tout l'argent qu'il y mettroit feroit perdu, n'estant rien que d'appeller vn homme larron : & quant à luy, qui estoit bien d'autre qualité, il ne passoit iour que quelqu'vn ne l'appellast larron, & qu'il auroit beau à en faire des procés.

Mesmes, disoit-il, dans le palais, ainsi que nous fortons, on nous appelle en nostre presence larrons : car il se trouve de petits mercerots, & porteurs de panniers, qui vendent des las, galons, & lacets de toutes fortes, & quand ils nous voyent fortir, ils crient, A mes las ronds, à mes beaux las ronds, & faut que nous endurions cela. encores que nous scachions qu'ils parlent à nous. Et à la verité, adioustoit cest Aduocat, nous donnons bien occasion qu'on parle mai de nous : car nous mettons souuent les personnes en procés, & les affeurons qu'ils ont bonne caufe, & quand ils ont perdu leur procés, on s'en moque: comme vne partie me conta, qu'ayant perdu fon procés il se vint plaindre à son Aduocat, qui l'auoit affeuré qu'il le gaigneroit, luy difant, Helas! monfieur, i'ay perdu mon procés : l'Aduocat luy va respondre, pour le reconforter, Dequoy vous plaignez-vous? d'auoir perdu vn procés? en auez-vous pas, Dieu mercy, encores cinq ou fix? Ce villageois luy replique, Ouy bien vous, qui estes du mestier, mais moy qui n'en suis point, penfez-vous qu'il foit de moy comme de vous? Et ainsi s'en va fort mal content de son Aduocat, & sans le payer : parce qu'il lui auoit dict qu'il perdroit tout ce qu'il y mettroit. Ce rustique trouuoit fort estrange qu'on appellast vn homme de bien larron, sans punition : car combien que l'iniure foit fausse, toutessois il en peut demeurer quelque impression à ceux qui l'auront ouye : dautant qu'encores qu'vn homme foit guery d'vne playe, fi est-ce que la cicatrice luy en demeure tousiours. Ce villageois deuoit payer cest Aduocat au double, va dire vn autre, qui pour s'enrichir ne faifoit point vn grand

cas de rien. Car ie n'estime pas vn Aduocat, comme aucuns sont, pour faire d'vne petite chose vne grande: non plus que ie ne trouue qu'vn cordonnier soit bon maistre, qui fait à chausse de grands souliers à vn homme qui a les pieds petits.

Escoutez yn petit conte, ya dire quelqu'yn, d'yn yillageois qui s'en vint à vn Aduocat, luy difant qu'il vouloit auoir vne confultation. Puis ya conter à son Aduogat son faict tout ainfi. l'estois appuyé ces iours passez contre la muraille d'un mien voisin, & sentant & voyant qu'elle trembloit, ie me suis osté de là : l'Aduocat luy va dire qu'il auoit bien faict de s'ofter de là. Le bon-homme replique qu'il le scauoit bien, & qu'il ne lui auoit rien dit de nouveau. Et laissant là son Aduocat, ne luy bailla rien. en difant, le sçauois bien que l'auois faict fagement de m'ofter d'aupres d'vne muraille qui tomboit, fans que l'Aduocat me le dist. Cestuy-cy, repliqua quelqu'vn, n'estoit pas de l'opinion des Celtes, qui estimoient vne chose vilaine de fuir la ruine d'une muraille; à fin que fuyans ils ne fussent veus craindre la mort. Ie voudrois. repliqua vn autre, que toutes leurs confultations fuffent aussi claires & faciles, & leurs responses aussi aisees à entendre, que ceste-cy: car nous trouuons des consultans qui desguisent si bien les matieres, qu'ils mettent les parties en grand danger, comme vous entendres. Il y auoit, commença-il à dire, vne Loy en vn païs, au moins ce dit monsieur Bodin, qui portoit que celuy qui seroit autheur d'yne fedition feroit puny de mort & que celuy qui l'appaileroit, auroit cipq cents escus. Il aduint que celuy mesme qui l'auoit faicle, & l'auoit aussi appaises,

vint au confeil. Les Aduocats luy dirent que l'argent promis à celuy qui appaiferoit la fedition luy effoit deu, encores qu'il l'euft commencee: ayant plus d'efgard au bien qui effoit prouenu d'auoir appaifé la fedition, qu'au mal qui effoit aduenu de l'auoir efmeue, & qu'il falloit effendre les faueurs, & reftreindre les chofes odieufes. Auec cefte confultation bien fignee, il s'addreffe aux Magistrats: qui ordonnerent que puis qu'il falloit auoir esmeué la fedition auant que l'appaifer, qu'il feroit puny de mort par la rigueur de la Loy, puis apres qu'il pourroit demander le falaire que la Loy bailloit à celuy qui auoit appaifé le tumulte.

Ceux de la Seree, à propos de cest exemple doubteux, & ayans veu monsieur Bodin en sa Republique, vont proposer des questions doubteuses & difficiles, pour monstrer quels luges il conuiendroit auiourd'huy mettre, attendu la malice & subtilité des esprits de maintenant. La premiere question sut, si Auguste sit bien de sauuer la vie à Crocatas, ches des voleurs en Espagne, & outre de luy bailler les vingteinq mil escus qu'il auoit promis à celuy qui luy apporteroit sa teste, quand luy-mesme se presenta à Auguste? Car Auguste luy bailla sa grace, à sin qu'on ne violast point la soy promise à celuy qui se representoit à lustice: & le prix promis, à celle sin qu'on ne pensast point qu'il l'eust said mourir pour gaigner les vingt & cinq mil escus.

Le fecond doubte effoit, si les Venitiens sirent bien de remettre le fils en ses biens & liberté, ayant apporté la teste de son pere, qui estoit banny comme luy: comme la Loy le permettoit à celuy qui apportoit la teste du banny. Le tiers propofa, si le marchand deuoit encourir la peine de la Loy, laquelle desendoit de n'amener en leur Republique des laines estrangeres, en y amenant des moutons, auec leur toison.

Le quatrielme proposa vn grand doubte, en ceste forte. Vne Republique tyrannifee ordonne entr'eux que celuy qui tuera le tyran aura dix mil escus pour recompenfe. Sur quoy aduient qu'vn ieune homme fait si bien l'amour à la femme du tyran qu'il iouit d'elle : & estant furprins fur le fai&, le tyran le veut tuer, mais il arriue que le ieune amoureux le tuë luy-mesme, de l'espee mesme du tyran. Parquoy demande à la Republique le salaire promis. La Republique respond, qu'il ne l'a pas tué pour la tyrannie, mais pour fauuer fa vie : estant allé là dedans pour iouïr de ses amours sans espee, & que ceux qui vont tuer s'arment de courage & de fer: que s'il l'a tué, c'a esté par contraincte, non de volonté, non par vertu, mais pour vice. L'amoureux disoit qu'il ne falloit point regarder en quelle sorte il l'a tué, & qu'il ne le pouvoit faire autrement, & qu'il falloit seulement confiderer qu'il auoit faict ce à quoy il estoit tenu faire pour auoir les dix mil escus, & que autrement il ne le pouuoit faire.

Le cinquielme doubte qu'on mit en auant effoit de deux filles, dont l'vne demande la mort du violateur, & l'autre le veut pour mary: la loy permettant qu'vne fille violee peut choifir, ou la mort du violateur, ou le prendre pour mary: mais il aduint qu'vn homme viola deux filles en vne mesme nuich: tellement que l'vne demande qu'il meure, & l'autre le veut pour mary: qui dit qu'elle est

la premiere iniuriee, & que la clemence est plus naturelle au sexe seminin que la cruauté, & que où les pretentions sont de sorces esgales, que la plus humaine est à preserer. Celle qui demande sa mort dit qu'on n'ouit iamais parler qu'aucun se saunait de la punition d'vn crime, par le moyen d'vn autre plus grand, & que le crime estant double, la seuerité de la loy doit estre redoublee, tu peux choisir qu'il ne meure point pour la faute commise en toy, mais tu ne peux commander qu'il ne meure point pour le crime qu'il a commis contre moy. Celuy qui a mis en lumiere les Epitomes des histoires tragiques, où i'ay prins ces derniers doubtes, s'est bien gardé de dire qu'il les auoit prins de Seneque, car à la verité il ne sçait si ces contes doubteux sont de luy, encores qu'on les ait mis aux dernieres œuures de Seneque.

Pour vuider ces differends, va dire quelqu'vn, il faudroit des luges de bon esprit, & sçauans, & bien versez aux affaires, comme estoit ce luge qui fauua vne pauure semme d'vn procés intenté contre elle : & voicy que c'est. Deux estrangers auoient baillé en garde à ceste semme de l'argent, à la condition qu'elle ne le rendroit à l'vn que l'autre ne sust present. De là à quelque temps, l'vn s'adressant à ceste semme, l'asseura que son compagnon estoit mort, & en bailla de si bonnes preuues, qu'elle luy rend tout l'argent qu'eux deux luy auoient mis en depost. Depuis celuy qu'on disoit estre mort reuenu, fait conuenir ceste semme, disant qu'elle ne deuoit bailler cest argent à l'vn sans l'autre, comme elle auoit promis quand on luy mit entre les mains, & comme elle le consessor. Le luge condamna ceste semme à rendre cest argent

и.

à ce nouveau venu, pourueu qu'il amenast son compagnon auec luy, & qu'elle ne s'en deferoit point qu'ils ne fuffent tous deux enfemble, felon la conuenance. Claude l'Empereur, va dire vn autre, ne tira-il pas vne bonne preuue d'vne mere, qui ne vouloit recognoistre son fils, quand il luy commanda de l'espouser. Aussi bien que fit Alphonfe, Roy de Naples, quand fur la denegation que le pere faifoit de recognoistre son fils, commanda qu'on le vendift à vn marchand de Barbarie. le vous affeure, repliqua vn de la Seree, qu'il y a bien à confiderer en ces doubtes : veu ce que dit Platon, que ceux-là entreprennent de couper la teste de l'Hydra, qui pretendent ofter des loix toutes incommoditez & inconveniens : les loix melmes de la lustice ne pouvans subsister sans quelque messange d'iniustice. Vous laissant à penser si les Atheniens firent bien de vouloir abfoudre vn leur citoyen, qui s'estoit habillé contre les loix de leur ville : croyans qu'il luy falloit pardonner, puis qu'il n'auoit habillement que celuy-là. Ayant mis fin à ces questions, on retourne d'où on estoit venu, & à demander dont pouvoit proceder la multitude des procés, & la grande longueur d'iceux. Aucuns tiennent que cela vient de l'ignorance des luges, les autres de l'affluance & grand nombre des luges, Lieutenans, Confeilliers, Aduocats, Procureurs, Solliciteurs, Notaires, Greffiers & Sergens, qui font en plus grand nombre en France, que tous les autres peuples n'en ont : si nous nous en voulons rapporter à monsieur Bodin. Mais qui me reconforte, disoit-il, c'est qu'il en y aura tant, qu'ils se mangeront les vns les autres. En adioustant, que le prouerbe ancien monstroit bien le

mal-heur où nous fommes : quand il dit, Vn Aduocat en vne ville, vn noyer en vne vigne, vn pourceau en vn bled, vne taupe en vn pré, & vn fergent en vn bourg, c'est pour acheuer de gaster tout.

Vn homme affez vieil qui estoit en ceste Seree, nous va affeurer que son pere auoit souuent conté, qu'estant logé à l'escu de France d'Orleans, l'hoste de ce logis luy auoit dit qu'il auoit veu qu'il n'y auoit dans Orleans qu'vn seul Sergent, & de ce, qu'il n'y auoit que quatre vingts ans, Et que son pere recitoit souuent des vers qui parleat des Sergens : tout ainsi que ie m'en vais les vous dire, s'il vous plaist de les escouter :

Charon demandoit à chacun
Des trespassez, qu'il scauoit faire:
L'vn dit, ie vendois du parfum,
L'autre i'estois Apothicaire:
Vn autre dit, i'estois Notaire,
Et nous, ce dirent deux Sergens,
Nous n'auions autre chose à faire
Que tourmenter de pauures gens.
Vrayment alors dirent les diables,
Nous sommes bien plus charitables:
Car nous mangeons tous les Sergens
Pour soulager les pauures gens.

Combien qu'il en y a aucuns qui ne trouuent point maunaise la multitude des luges : dautant, disent-ils, que le iugement de plusieurs est plus prudent, aussi estil moias subiest à la corruption, qui plus difficilement

entre en vne grande compagnie d'hommes, qu'en vn feul, estant meilleur que plusieurs soient proposez à l'obferuation de la Loy, qu'vn feul. Ce qui est confirmé par Aristote, qui dit qu'vn peu d'eau est plus aisee à corrompre que beaucoup. Et aussi que nous voyons l'opinion des hommes estre incertaine & variable. Vous gaignerez vn procés en vne Iurifdiction, ou en vne Chambre, & le perdrez en l'autre : & comme dit Tallebot à Robinea, ce que l'vn fat l'autre le defat : parquoy il est permis apres l'Arrest donné en vne Cour de Parlement de proposer erreur, & faire reuoir vostre procés par deuant autres luges. Mesmes il se trouue que les Romains se pensoient bien gratifiez de leurs Empereurs, quand à leur nouueau aduenement ils permettoient de mettre le procés deuant le Senat, encores que la cause eust esté iugee par cinq fois: qu'ils appelloient ius quinta relationis. Il fut mis en auant, pour approuuer la multitude des luges, que quand vn criminel est coupable, qu'à grand'peine peut-il s'accorder de luge, & que celuy qui accuse quelqu'vn faussement, en fait de mesme, l'vn & l'autre recufans les plus gens de bien : parquoy il femble que la multitude des luges est necessaire en ce temps. Les Romains pourtant, va dire quelqu'vn, auoient vne grande desfiance du defendeur, qui recufoit tant de luges, aussi bien que de celuy qui accuse, & les choisist. Et cela a aydé à Rome à condamner beaucoup de gens accufez, pour auoir recufé Caton Vticenfe. Dautant qu'on ne pouvoit penser ceux-là estre innocens, mais plustost coulpables, qui recusoient le iugement d'vn si iuste & homme de bien de Iuge. Ie penserois plustost,

repliqua vn autre, la multitude & longueur des procés estre venuë des Loix Romaines, & des escholes de droict, que de toute autre chose, ayans apprins de là le mestier de plaider : disant la Loy ab Anastafio, que ceux qui font grands plaideurs, & en font profession, sçauent beaucoup de maux & de meschancetez. Aussi nous lisons, adiousta-il, que Mathias Coruinus, Roy de Hongrie, marié auec la fille du Roy de Naples, fut confeillé par fon beau-pere de mener auec luy en ses païs grand nombre de Iurisconsultes, & de robbes longues, & qu'il n'y auoit rien de meilleur pour authorifer son regne, que la multiplicité de tels Officiers. Ce que fit ce bon Mathias. Mais voyant le mal que ces Legistes auoient apporté par leur chiquanerie, & la multitude des procés, & que tout le monde se mettoit de ce mestier, il les renuoya à Naples, pour fubtilifer, desguiser, & chiquaner tant qu'ils voudroient, remettant fon païs au premier estat.

Nous trouuons auffi, que Ferdinand Roy d'Efpagne, enuoyant Pedrarias gouverneur és ifles Occidentales, nouvellement descouvertes, luy desendit de mener ni Iurisconsulte, ni Aduocat, à fin de ne porter la semence de procés, où il n'en y auoit point : la Iurisprudence estant science de sa nature, generatrice d'altercation & diuision : iugeant auec Platon, que c'est vne mauvaise prouision de païs, que Iurisconsultes & Medecins. Car on dit qu'en ce monde nouveau, où ils vivent sans lettres, Magistrats, ne loy, qu'ils vivent plus legitimement & droi dement que nous Encores en tout l'Orient y a si peu de procés, qu'en la province de Guzala la populace cree

feulement aux jours de foire, vn Iusticier, pour afseurer le cours de la traffique : & aux lisieres du Royaume de Fez, les habitans de la montagne Magnan arreftent les passans pour receuoir Iustice d'eux. Que s'ils n'en trouvent, ils eliront vn Magistrat, lequel ira de village en village, iugeant & terminant les procés & querelles. Ce venerable Magistrat s'assied au beau mition de la place, fur yn billot de bois, fon biffac fur l'efpaule, & fon bafton entre fes jambes, & là tout enuelopé de plaintes de diuerfes façons, oit le demandeur, & celuy qui est le premier arriué, luy fait affermer sa demande estre veritable, & au desendeur sa desense, comme il se practique aujourd'huy en la Iurifdiction des Marchands. Et apres auoir ouy quelques voifins, il donne la fentence fur le champ. Pour recompense dequoy & espices, il a des oignons, ou des chastaignes, ou quelque autre fruict du païs. Nous trouuons auffi, adiouftoit-il encores, que Basile Macedonien, Empereur de Constantinople, defcendant ad Diatribam, où l'on rendoit la Iustice, le plus fouuent n'y trouuoit perfonne qui la demandast : parquoy enuoioit par la ville pour sçauoir s'il y auoit perfonne qui eust affaire de luy, tant il y auoit peu de procés. Anciennement les Princes d'Allemagne n'attendoient point, ce dit Tacite, qu'on leur vint demander lustice : mais elifoient des Seigneurs, qui alloient par les villages & par le païs rendre la lustice. Fredegaire dit que Dagobert en perdoit le boire & le manger pour vaquer à rendre la luftice. Eginard a laisfé par escrit, que Charlemagne y vaquoit mesme en s'habillant. Le Sire de loinuille dit que fainct Louvs la rendoit estant assis au

pied d'un chefne, & qu'il se laissoit tirer la manche par les ruës par le simple peuple, pour leur faire droict. Aussi la principale charge des Rois anciens estoit de faire lustice en personne, n'ayans anciennement autre qualité que de luges. Les Hebrieux demandans à Samuel un Roy, adiousterent, pour nous iuger comme les autres peuples.

A ce propos, il me semble que les grands Seigneurs de France, & les gentils-hommes qui ont Iurisdiction, ont fort mal faict de fe demettre de la lustice qu'ils doiuent à leurs subiects, & se rendre insticiables aux enfans de leurs fermiers. Regardez, disoit-il encores, quelle douceur & clemence deuoit estre en nos Magistrats, puis que nous la voyons telle aux Empereurs? l'ay veu vn Magiftrat fi graue, adiouftoit-il, qu'il ne vouloit iamais refpondre, ni melmes donner audience à aucune parole de ses citoyens, disant que la dignité du Magistrat ne permettoit telle humanité, & se persuadoit que sa robbe d'escarlatte l'auoit transformé en vne autre espece : menacant tout le monde d'yfer à l'encontre d'eux de fon office & Magistrat : ce qui sut cause que quelqu'vn luy dit vn iour, Tu peux dire à bon droict ton office, car tu l'as bien achepté. Mesmes il s'est trouué un President d'vne Cour, lequel faisoit tant le grand enuers ses compagnons les Confeilliers, qu'ils furent contrain as vn iour de luy prononcer cest Arrest : Monsieur le President, La Cour ordonne que tout presentement vous irez querir le falut que entrant vous deuez à ceste compagnie, & lequel vous auez oublié derriere la porte. Ce President, repliqua quelqu'vn, ne confideroit pas que tant plus que

le Soleil est hault, il a moins d'ombre. Mais ce n'est pas de ce temps feulement que les Magistrats se mescognoisfent : car nous trouuons en Lucian qu'vn luge appella en jugement vn pour l'auoir nommé par fon nom : pensant ce luge depuis qu'il estoit consacré, demeurer innommable & inappellable. Auec cela, à la moindre parole qu'on leur repliquera, ne faudront de faire mettre vn homme de bien en prison, & disent qu'autrement ils ne seroient craints & honorez, & qu'ils perdroient autrèment l'argent que leur a cousté leur estat : car à tous coups si vous ne leur obeissez pour leur argent, ils vous diront, le vous feray mettre là dedans : ne faifans cas d'emprisonner vn homme : combien que ce soit vn tel acte qu'en Athenes ceux qui mouroient en prison, ne pouvoient estre enterrez aux sepulchres de leurs parents : quasi comme s'ils vouloient inferer, qu'estans morts en tel lieu, ils pourroient foüiller les manes de ceux qui estoient morts auec honneur : mesmes en plusieurs citez fameufes, & entre autres à Paris, on obserue la Loy, que celuy qui feulement pour debte passe le guichet d'vne prison, ne peut iamais pretendre d'auoir Magistrat, ou autre dignité publique en ladite ville. Si vous escriuez à ces nouueaux & ieunes Officiers, il ne faut pas oublier leurs qualitez & tiltres, lesquels en vne si difficile ordonnance de diuers noms, noms d'honneur, ne peuuent estre oubliez, ne changez sans offense, estans si cherement acheptez. Auec tout cela, ce President faisoit l'habile homme & le sçauant, & se messoit de reprendre & corriger tout : tellement que lisant en son liure, Iustitia eft ars boni & æqui, il disoit qu'il falloit lire, Iustitia est

ars bouis & equi: & vne fois trouvant en l'intitulation d'vn liure, Cornelij Celfi de re Medica, dit que l'imprimeur avoit failly, & qu'il falloit mettre Celfi devant, & Corneli par le derriere.

Ils vouloient rire de ce fçauant Magistrat, mais ils en furent empeschez par quelqu'vn, qui commença ainsi. Il feroit bon pour obuier à la multitude des procés, & à leur longueur, & à fin que Iustice fust equitablement & efgalement renduë à tous, & aux plus pauures comme aux plus riches: que les grands feigneurs, qui laissent tout faire à leurs luges ouiffent, vne fois ou deux la fepmaine, les plaintes des plus pauures de leurs subiects, & leur rendiffent Iustice: comme nous trouuons d'Alphonse Roy d'Arragon, qui tous les Vendredis rendoit aux pauures la Iustice : la reuerence que nous deuons à nos Seigneurs empescheroit les riches & les grands de molester les pauures. A ceste cause, disoit-il, on sçait qu'Astree, qui est luftice, se mit entre le Lion & la Balance, quand elle vola au Ciel: pour monstrer que le Iuge doit estre d'vn vertueux courage, & auoir la force, & pefer les crimes d'vn chacun, fans respecter personne : c'est pourquoy on peint Iustice cachant la teste dans les cieux, aduisant à Dieu feul : les autres la peignent vierge, pour demonstrer qu'elle doit estre sans corruption : les autres la peignent auec vn bandeau, & la reprefentent aueugle, pour estre fans faueur : mais auiourd'huy la Iustice est si mal administree, qu'on dit qu'elle est aueugle, ne voyant rien en loyauté.

Puis que ce mal-heur, va repliquer vn de la Seree, est en nostre France, qu'vn procés en engendre vne

•

douzaine, par la fubtilité de ceux de ce temps, il feroit bon d'elire des Magistrats de bonne conscience, sages & squans, & qui suffient riches : les Carthaginois estimans que tout homme qui est affailli de pauureté, ne peut fidelement administrer Iustice : & aussi que le pauure sera mesprisé, & craindra la puissance des Seigneurs, ou bien deuiendra insolent & superbe. Que s'il est souffireteux, il sera contrainct de pouruoir plustost à la necessité de la vie, qu'à la commodité de la Republique. Et n'y a chose tant requise à vn luge que la fuite d'auarice : tellement que les anciens pour monstrer qu'vn Magistrat estoit homme de bien, ils se sont contentez de dire qu'il n'estoit point auaricieux : car Horace louant Lollius d'auoir esté bon luge, ne dit autre chose, sinon qu'il estoit

Vindex auaræ fraudis, & abstinens Ducentis ad se cuncta pecuniæ.

Et pour retrencher l'auarice & les corruptions, il fut faict vn Edict foubs Tibere, defendant à la femme de suiure son mary quand il alloit en vne Prouince pour adminiferer Iustice: pour la crainte qu'il ne suit gaigné par sa semme, laquelle accepte aisément les presens, & est plus auaricieuse que l'homme. Nous auons vn Iuge, repliqua quelqu'vn, lequel a achepté vn estat bien cher: mais encores qu'il soit bien auaricieux, on dit pourtant qu'il s'acquitte bien de son office. Et ie croy qu'ils veulent dire, que son office luy sert bien à s'acquitter de l'argent qu'il a emprunté pour auoir son office.

Et pour trouuer tout cele en vn luge, il me semble qu'il feroit bon de les elire & prendre des plus vieux & anciens, comme ont fait les Romains, qui baillerent ce tiltre de Senateur (fignifiant vieillard) à leurs Magistrats fouuerains. Car nous trouuons que les Hebreux, Grecs & Latins appelloient leurs Confeils publics de noms qui en leurs langues fignifient affemblee de vieux. Combien qu'Aristote reprouue les Lacedemoniens, de ce que leurs Senateurs iugeoient de toutes causes tant qu'ils viuoient : difant qu'il y auoit grand danger de commettre les grands affaires & les grands iugemens à l'opinion des vieilles gens, à qui le plus fouuent l'esprit s'affoiblift aussi bien que le corps. Et aussi que Pline dit, que nous nous deuons retenir les derniers iours pour nous, les Loix permettans aux vieux de se reposer : estant malfeant en l'extreme vieillesse se messer des affaires publiques, disoit Marcus Varro, Et pour confirmer cela, les anciens ont toufiours dit, Oeuure ou labeur du ieune, confeil de ceux qui font entre les ieunes & les vieux, & prieres des vieux : encores aucuns ont mis en lieu de preces senum, crepitus senum. Qu'on doiue mettre des gens de bien aux offices de ludicature, disoit-il en pourfuiuant, les Hebreux sous l'ont bien monstré, qui ont efté fi iustes luges, qu'ils disoient les Anges de Dieu estre prefens aux iugemens. Aluarez escrit qu'encores auiourd'huy en Ethiopie, les luges se mettent aux bas sieges, & laiffent les chaires haultes vuides, & affeurent que ce font les fieges des Anges. Mais en ce temps que tout le monde est receu aux offices de judicature indifferemment, les Magistrats bien souvent sont aussi vicieux

que ceux qu'ils veulent iuger, qui est la cause qu'on n'a nulle reuerence au Magistrat. A ce propos, disoit il, n'y a pas long temps qu'vn Iuge confrontoit des tesmoings à vn criminel & larron: auquel le Iuge disoit, Que dites-vous à ce tesmoing? quel reproche luy voulez-vous donner? Il dit, luy disoit le Iuge, que vous estes vn meschant homme, & vn larron. Le criminel va respondre à ce Iuge: Que voulez-vous que ie die, monsieur? il ne parle pas à moy, il parle à vous.

Que diriez-vous, repliqua quelqu'vn, d'aucuns qui dient, que les hommes deuenus bons, font meilleurs luges, que ceux qui ont esté tousiours bons? Il luy fut respondu cela estre faux: & que si cela estoit vray, qu'il faudroit que tout homme qui voudroit sçauoir que c'est d'estre bon, deust par necessité auoir premierementé mauuais & meschant. Les luges en France ayans toufiours efté fi gens de bien, & la Iustice anciennement y estant si bien administree, que les Estrangers mesmes s'y venoient volontairement foubsmettre. Federic second, disoit-il, sousmit au iugement du Roy de France, & de fon Parlement, la decision de plusieurs differends qu'il auoit auec le Pape Innocent quatriesme. Et du temps de Philippes le Bel, le Comte de Namur en fit autant, encores qu'il eust pour partie Charles de Valois, frere du Roy; tant il auoit de fiance en l'equité de tels Iuges. De mefme, Philippes de Tarente accepta volontiers pour luge le Roy feant en fon Parlement, fur le differend qu'il auoit auec le Duc de Bourgongne. Autant en fit le Duc de Lorraine, fur le procés qu'il auoit contre Guy de Chastillon, fon beau-frere, pour leurs partages. En l'an

mil quatre cents & deux, les Rois de Castille & de Portugal enuoyerent vn traicté & accord passé entre eux, pour le faire publier & emologuer en la Cour de Parlement. Et estoient les Iuges de nostre France en telle estime, qu'és moindres choses ils s'en rapportoient à leurs luges: comme nous trouuons que deux rustiques se rapporterent à vn Iuge, s'il falloit dire la bouche d'vn cheual, ou la gueule, & en firent vne gageure. Le Iuge va dire qu'à cause de l'excellence du cheual, il falloit dire la bouche. Celuy qui auoit gagé qu'il falloit dire la gueule à toutes bestes, & qu'il n'y auoit que l'homme qui eust bouche, va dire à ce luge, Monsieur, ie n'eusse iamais penfé qu'eussiez esté si sot d'appeller la gueule d'vn cheual vne bouche : mais ne laissez pour cela à venir boire auec nous, puis que i'ai perdu. Vous pourrez iuger, commença à dire vn autre, par vne grande mefchanceté faite par vn luge comme d'vn eschantillon, que peuuent faire les Magistrats qui n'ont Dieu ne leur honneur en recommandation, quand ils ont l'esprit pour conduire leur mauuais & malheureux desseing. Il aduint, disoit-il, du temps du Roy Philippes le Long, qu'vn Preuost de Paris, nommé Henry Lapparel, fit executer, à mort vn pauure homme prifonnier au Chastellet, luy impofant le nom d'vn riche homme coulpable & condamné, lequel il deliura. Penfez-vous, adiousta-il, combien il importe que les premiers luges, qui font les Notaires, foient gens de bien? Vous ne verriez autres procés que d'infcriptions en faux, de faux contracts, refilimens, & testamens, produits deuant les luges : puis ceux qui les ont produits, disent qu'ils ne s'en veulent

pas aider, quand ils voyent qu'il n'y fait pas seur. Si i'estois leur luge, disoit-il, ie ferois bien trouuer à ceux qui produifent ces beaux contracts leurs fabriqueurs : & qui leur a baillé ces belles pieces en main. Mais laiffant ces mal-heurtez-là, ie vous diray ce qui arriua entre vn Notaire & vn villageois, n'y a pas long temps. C'est qu'vn homme des champs, qui ne sçauoit pas figner, s'addreffa à vn Notaire de ceste ville, & luy apporta vn beau leuraut, & deux chappons. Le Notaire ne vouloit prendre ce present, ne cognoissant celui qui lui donnoit : difant au villageois, le ne fçai pourquoi vous me voulez donner cela, ie n'ay rien fai& pour vous. Le bon-homme contrainct le Notaire de prendre ce qu'il luy auoit apporté : & le Notaire en le remerciant luy va dire, le suis vostre obligé, ie ne fçay comment ie vous pourrois recompenfer : regardez fi ie vous puis faire plaisir. Le bon-homme lors luy respond : Si pouuez bien si vous voulez. Et quoy? ce dit le Notaire. C'est, respond le villageois, que ie vous prie, si me voulez faire vn grand plaisir, de ne m'obliger point que ie n'y foye, vous ne me fçauriez faire plus grand bien & feruice. Le Notaire se doutant bien de ce qu'il vouloit dire, le conuie à manger sa part de ce qu'il luy auoit apporté. Le bon-homme luy refpond, qu'il l'en remercioit, & qu'aussi bien il ne pouvoit manger, pource qu'on l'auoit bien bridé. Tous ceux de la Seree se prinrent à rire, & cussent ris dauantage, n'eust esté qu'vn de nos Magistrats, qui estoit en ceste Seree, va parler ainfi. Il feroit bon que tous officiers de Iustice fussent subiets à correction, & à rendre raison de leurs actions, & fyndiquez, comme il fe faifoit anciennement en Grece par deuant les Nomophylaces, à Rome par les Cenfeurs, en Lacedemone par les Ephores, en Athenes par les Areopagites, en Espagne par les Visiteurs, & à Venife par les Aduocateurs. Il y a vn païs, adiouftoit-il, là où le Prince est tenu à la partie de tout l'intereft, fi le luge qu'il a eleu a fait iniustice à quelqu'vn de fes fujets, ou si par ignorance il a mal iugé, & fait perdre le procés à celuy qui le deuoit gaigner : & n'est pas excufé le Prince de dire qu'il a eleu les plus idoines. Que si le Magistrat qui iugeroit mal par ignorance, estoit maintenant puni, & deuoit respondre de son iugement, comme par le paffé, les offices ne seroient pas à si hault prix, & à grand' peine trouverroit-on qui les voulust accepter. Il fut respondu que cela estoit yn peu rigoureux, & qu'il suffisoit aux luges de Grece de prester le serment à la Deesse Vesta, qu'ils ne donneroient jugement que iuste, entant qu'en eux seroit : pour monstrer la difficulté des jugemens.

Que voulez-vous, repliqua vn autre, c'est le mal-heur de ce temps, que tout le monde veut estre luge : ces ambitieux d'offices semblans ceux qui ont peur de faillir leur chemin : & par ce veulent, ce dit Plutarque, auoir des Massiers & Huissiers pour les conduire, de peur de s'esgarer. Et ne doiuent les Magistrats & Iudicatures se donner ainsi comme on fait auiourd'huy : parce qu'il faut autant de prudence à elire les Magistrats, qu'à saire & establir les Loix. S'ils ont si grand' enuie d'estre luges, luy sut-il respondu, ie m'esbahis qu'ils ne s'en vont à vn ieu de paume, & là ils iugeront sans appel, à la simple voix d'vn rapporteur : ou qu'ils ne se fe font mar-

chans, & ils feront luges & Confuls, encores qu'ils ne le veulent estre. Mais parce qu'il n'y a rien à gaigner, chacun fuit ces ludicatures, & se met à suiure la lurisdiction : où les presens sont receus des vns & des autres parties, contre l'ordonnance & les loix publiques : en quoy les marchands, à l'exemple des Suisses, nous deuoient seruir d'vn notable exemple : estant prohibé & à l'vn & à l'autre, sur peine de la vie, de rien prendre directement ou indirectement pour iuger. Pour ceste raison Moyse commandoit aux luiss qu'il establissoit pour vuider les differends du peuple, que sur tout ils eussent à se garder d'auarice : dautant que c'est la ruine & subuersion de lustice.

Que fi ceux, disoit-il, qui embrassent les affaires publiques, & acheptent les offices, sçauoient les inconueniens qui leur en arriuent, ils n'achepteroient pas leur feruitude à si hault prix : dautant qu'aucun n'est si tost eleué en dignité entre ses citoyens, que les yeux de tous ne se iettent sur luy : de sorte que non seulement les grandes & publiques actions, mais aussi les moindres & priuees font si diligemment observees en luy, qu'en temps du monde il ne peut estre seigneur de soy-mesme. Ce qui luy est, comme dit le seigneur Paul Paruta, autant plus grief & difficile, qu'il differe aux premieres esperances desquelles l'ambition est coustumiere combler l'esprit de ceux qui s'acheminent en ses sentiers. Outre cela, disoit-il, il faut pour exercer le Magistrat, & auoir lieu és affaires publiques, fuiure les vestiges du Prince & du peuple, & prifer non les meilleures choses & coustumes, mais celles qui font plus estimees d'eux, &

cercher par vne superstitieuse vie de leur complaire : car si vous faites bonne Iustice, vous offensez les hommes: si vous la faites mauuaise, vous offensez Dieu. Toutes ces confiderations, va dire nostre Magistrat prenant la parole, ne peuuent empescher l'ambition de maintenant. Et pour l'empescher, disoit-il, ie voudrois, comme ie vous ay dict, que les luges, qui iugent par ignorance, fuffent punis, ou pour le moins qu'ils fuffent tenus de respondre & soustenir leurs iugemens, à peine de tous despens, dommages, & interests. I'ay veu vn luge, adiousta-il, qui differa l'execution d'vn criminel condamné à estre pendu & estranglé, parce que le malfaicleur auoit recufé le bourreau ordinaire de la ville. & enuoya querir vn autre executeur de haute lustice. en vne autre Iurisdiction, & pource que c'est vne mort d'auoir affaire à eux, il n'en put fournir si tost : qui fut cause que le prisonnier eschappa. Ce luge monstra bien vn iour fon fçauoir, en vne compagnie où on loüoit Brutus d'auoir deliuré fon païs de tyrannie, reprenant celuy qui en disoit tant de bien, disant que Brutus ne meritoit point d'estre tant recommandé, & que c'estoit vn grand adultere, & le prouuoit par ce vers :

Obrutus insanis esset adulter aquis.

Ce luge estoit si conscientieux, qu'encores qu'il sust bien riche, il ne voulut iamais auoir de cuisinier, disant qu'il estoit desendu aux luges d'auoir vn cuisinier par disposition du droict, tit. vt ludices fine coquo. Le Clerc de ce mesme Magistrat bailla bien à entendre à son maistre sa

fuffilance. Car vn iour bien matin ce Iuge s'en allant au Palais, fuiuy de fon Clerc, fe laiffa tomber par terre, au moins, à fin que ie ne mente, fur le paué. Son Clerc en le releuant luy demande, Et bien, Monsieur, ne vous estes-vous point fai& de mal? Le Conseillier luy ayant respondu que non, son Clerc va dire, Hé! Dieu soit loue, & faince Eloy, de ce que n'estes point rompu de la cheute. Son maistre luy va dire, Va, va, tu n'es qu'vn fot, tu ne fcais que tu dis : fainct Eloy est pour les cheuaux. Et auffi pour les aînes, Monfieur, luy rafpond fon Clerc. Il n'y a pas long temps, adiousta-il encores, que ce mesme luge enuoya querir vn Predicateur, à cause qu'il eftoit vn peu feditieux : car vous fçauez que durant les guerres ciuiles les Prescheurs ne se peuvent garder d'invectiver, & dire des propos qui tendent plus à fedition qu'à edification; parquoy il luy va dire : C'est grand cas, que vous autres Predicateurs ne (çauriez prefcher fans dire mot. le vous fais inionction & commandement de par le Roy, sur peine de punition, que vous ayez par cy apres à prescher, & admonnester le peuple, sans dire mot. Puis il luy disoit, Vous estes bien habile homme, & d'esprit, mais vous auez les plus sots propos du monde. Ce mesme Iuge auoit vn Clerc qui s'appelloit le Musnier, qu'il aimoit fort, mais ce nom de Musnier luy faschoit, & presenta requeste à l'Euesque que son serviteur fust rebaptisé, & qu'on luy baillast vn autre nom : de peur, disoit ce luge, qu'on die, l'asne va deuant, & le musnier apres.

Ceux de la Seree ayans ris, ils mirent en auant vne question de l'Anacrise : à sçauoir s'il estoit meilleur que

le luge & l'Aduocat fuffent fçauans, & euffent bonne memoire, sçachans toutes les loix, ou qu'ils eussent bon entendement & iugement, & peu de memoire. Pour la memoire on alleguoit que les Legistes doiuent construire le texte de la loy, & prendre le sens qui resulte de la construction, & non autre, fans opiner felon son entendement : qu'ils ne doiuent affermer aucune chofe s'ils n'ont la loy, & pour ceste cause on dit, Erubescimus fine lege loqui. Que si l'authorité des loix, & ce qu'elles decernent, a plus de force & vigueur que toutes les raifons qui se peuvent alleguer au contraire, il semble qu'il est meilleur au Legiste d'auoir grande memoire, & scauoir les Loix, & auoir peu d'entendement, que beaucoup d'entendement, & peu de memoire : dautant que l'aduis d'autruy ne doit auoir plus d'efficace que la decision de la loy. Parquoy le Legiste, le luge & l'Aduocat ont congé de dire, le regarderay à mes liures fur ce faict, & ne faire pas comme le luge, qui apres auoir prononcé vne fentence, demanda à fon Greffier, Viençà, dy moi la verité : ay-ie pas donné vn bon arrest & appoincement fans y penfer? Ceux qui tenoient qu'il valloit mieux que les Iuges & Aduocats eussent plus d'entendement & iugement, que de sçauoir & memoire, le prouuoient de ce que Platon dit auoir veu par experience que ceux qui estoient lettrez & sçauoient beaucoup de loix, n'estoient pas si bons luges & Aduocats comme il fembloit, n'appliquans pas le droict comme il estoit convenable. L'Espagnol en rend la raison, que Platon a obmife, supposant que la memoire est contraire à l'entendement, & que la vraye interpretation des loix

& restriction se fait en distinguant, inferant, discourant. iugeant & elifant, qui font œuures de l'entendement : lesquelles le lettré, ayant grande memoire, ne peut faire aucunement : la memoire & l'entendement prenans leur force de qualitez contraires. Et aussi que l'astuce & cautelle des mauuais est plus grande pour inuenter faicts, que la prudence des bons pour se preualoir de desense : & les loix ne pouuans tout comprendre, le bon entendement est grandement requis au luge & à l'Aduocat, fe trouuant plus d'affaires & de faicts que de loix.

Le bon entendement estant comme le bon cousturier, qui a les cifeaux en la main, & la piece de drap en la maison. Et aussi qu'il y a beaucoup de remedes pour suppleer à la memoire, & estre scauant : mais à la faute de l'entendement & de iugement, il est impossible d'y remedier. Parquoy le Magistrat & Aduocat de grand entendement & iugement, encores qu'il n'ait la loy deuant foy, & toute prefte, ne fault gueres, ayant auec foy l'instrument duquel les Iurisconsultes & Empereurs ont faict les loix : les Anciens appellans la loy, raison & prudence. Et aimerois mieux, adioustoit-il, ceux-cy, qui ont bon entendement & iugement, que ceux qui l'ont prompt & fubtil, auec grande memoire : car ie ne fçache chose plus odieuse à la sapience, que la trop grande subtilité de l'esprit : c'est pourquoy les anciens seignent Pallas auoir en haine Aragné. Le Iuge, repliqua quelqu'vn, fera de si bon entendement que vous voudrez, si est-ce qu'il trouuera des questions si doubteuses, le pro & le contra remplis de si bonnes raisons, qu'il ne sçaura quelle part incliner. A ce propos, adiousta-il, le Seiaeur d la mai touuoit 12. Et os d' k debi macie beroit car no appelle doubte deux 1 roiftre cės (quela aifé i Potel euffe

femi

Poil

euff

eu j

ent

ua

la

1

gneur de Montagne dit auoir veu vn luge, qui mettoit à la marge de son liure, Question pour l'amy, quand il trouuoit quelque matiere agitee de plusieurs contrarietez. Et vouloit dire que quelquesfois il y a tant de raifons d'vn costé & d'autre, & la matiere si embrouillée & debatuë, qu'en pareille cause, il pourroit en saine confcience fauorifer à celle des parties que bon luy fembleroit. Cela n'est point nouueau, repliqua quelqu'vn, car nous trouuons que le iugement du Senat d'Athenes, appellé Areopagite, trouua vne matiere si difficile & si doubteuse, que ne la pouuant iuger, ordonna que les deux parties, à sçauoir l'accusateur & l'accusé, comparoistroient deuant eux de là à cent ans. Si c'est le procés que Dolabella renuoya aux Areopages, repliqua quelqu'vn, il me femble qu'il feroit auiourd'huy bien aifé à vuider, s'il est vray ce que dit la loy, Nemo ius potest sibi dicere. Car encores que le mary & son fils euffent tué meschamment le fils du premier mary de la femme accufee, si ne deuoit-elle pas d'elle-mesme empoisonner fon second mary & fon fils, encores qu'ils euffent occis fon fils : confessant l'auoir faict, mais auoir eu iuste occasion de le faire.

Depuis n'agueres vn Iuge ne sçauoit qu'ordonner entre vn mari & vne semme qui auoient procés par deuant luy: car quand le mary se plaignoit de sa semme, la semme disoit au Iuge, Monsieur, ie ne sçay qu'il me demande, ie veux ce qu'il veut. Le luge prenant droict de la deposition de ceste semme, les met hors de Cour & de procés, & sans despens: par faulte d'auoir veu Henry Estienne, quand il dit:

Quid me queritur coniux? quod vult, volo, dixit: Imperium is fibi vult, id volo, & ipsa mihi.

Ils n'auoient pas retenu ce que dit Martial, que iamais l'homme & la femme ne fe trouuent efgaux, finon alors que ceste-cy obest, & que l'autre commande :

Inferior matrona suo fit, Prisce, marito:
Non aliter fiunt fæmina virque pares.

A ce melme propos, va dire vn autre, vne femme fait conuenir fon mary pour l'auoir outragee. Le mary va dire au luge, Monsieur, ie vous diray la verité. Ma femme & moy estans à table, nous entrons en quelque debat : elle me dit que resolument tout iroit à sa teste, ie luy dis puis qu'elle le vouloit que ie le voulois aussi. le croy bien que tout ce que ie trouuay fur la table alla à fa teste. Quel tort luy ay-ie faich, puis qu'elle vouloit que tout allast à sa teste? Vn luge pedanee, adiousta vn autre, qui auoit ouy parler de la peine du Tallion, fut bien empesché à la vuidange d'un procés, qui est tel. Il y auoit vn recouureur, qui en recouurant vne maison, tomba fur yn homme qui passoit la rue, de telle sorte que cest homme sut griesuement blessé de la cheute de ce recouureur, & s'addreffant au luge demandoit alimens & medicamens, & reparation à l'encontre de ce recouureur, qui en tombant l'auoit offensé, & ne s'estoit sait nul mal : difant au Iuge qu'il ne deuoit pas fe laiffer tumber, & le bleffer, veu que c'est son mestier de monter sur les maisons, & de se tenir bien, & que ce n'estoit qu'vn esuenté, qui par sa faulte & coulpe s'estoit laissé tomber sur luy, possible lui voulant mal. Le pauure recouureur alleguant son innocence, disoit qu'il n'estoit en aucun dol, & qu'il n'y auoit aucune saulte de son costé, & que les meilleurs maistres de leur estat estoient sub-iects à tels accidens. Le luge apres meure deliberation, va ordonner que celuy qui auoit esté blessé par la cheute du recouureur, luy estant guery, monteroit sur la mesme maison, & que de la mesme hauteur, & du mesme lieu, tomberoit sur le recouureur qui auoit tombé sur luy. Je vous laisse à penser si le desendeur appella de ceste sentence.

Escoutez encores, adiousta-il, qu'il arriua à ce luge à quo depuis. C'est que deuant luy comparurent vne hostesse & vn passant, à qui ceste hostesse auoit baillé à disner : laquelle demandoit à fon hoste qu'il eust à luy payer vn lopin de pourceau, que le passant auoit faict mettre au feu, & estant cuit l'auoit tres-bien mangé. Ce qu'il confessoit : mais il disoit, que le prenant au crochet, & quand elle le mettoit en la broche, il auoit dict à ceste hostesse qu'il ne payeroit rien de ce que les mousches auoient mangé, parce n'en vouloit pas tant payer. Cefte hostesse luy accordoit sa protestation, mais qu'il n'an deuoit moins payer pour cela. Ce luge va condamner ce paffant à payer ce que son hostesse demendoit, sans auoir esgard à la confession de ceste semme. qui luy auoit accordé qu'il ne payeroit rien de ce que les mousches auoient mangé. Ce passant se voyant condamné, va dire au luge : Au moins, monfieur le luge, permettez-moy donc de tuer toutes les mousches quelque part qu'elles foient, puis qu'il faut que ie paye pour elles. Le luge luy respond, Helas! mon amy, tant que vous voudrez, & suffent elles sur le grand autel. Ce desendeur voyant vne mousche sur le joue du luge, s'approchant luy bailla si beau soufflet qu'il tue la mousche, & demeura escrasee: le luge sur si estonné du coup, que ce tueur de mousches eut loisir de s'en aller hors de là: disant n'auoir faid aucun tort au luge, puis qu'il luy auoit baillé permission de tuer les mousches quelque part qu'il les trouuerroit: disant que ceste beste estoit si sasciens en leurs sestins auoient des chasse-mousches.

Quelqu'vn lors va dire que fi ce tueur de mousches eust esté en vn certain païs on luy eust coupé le poing. Et voicy vn doubte que i'ay veu arriuer fur ceste execution en vn païs, où la loi porte que quiconque frappe vn Magistrat, doit auoir le poing coupé. Or il arriue qu'vn manchot pour auoir frappé vn Officier est condamné à auoir la main coupee, on ne put prouuer de quelle main il a frappé : ce manchot dit que c'est de la gauche, qui en effect est la main estropiee : neantmoins le luge luy veut faire couper la bonne, difant que peu de gens font gauchers, & que quand il le feroit naturellement, qu'il s'estoit necessairement accoustumé à la main droice, & que la loy n'auroit lieu si on le priuoit de la main de laquelle il y auoit long temps qu'il estoit priué. Le mal-faiceur dit qu'il a frappé de la gauche, qui n'estoit pas si maleficiee qu'on pense, & qu'il ne faut pas cercher l'autre pour payer la faulte de ceste-cy : & voyant qu'il n'auoit qu'vne bonne main, il l'espargnoit toufiours, la gardant pour quelque vrgente affaire. Et qui ne fçait qu'és chofes doubteufes il faut plus encliner à la douceur qu'à la rigueur?

De ces contes il s'esmeut vne dispute : assauoir, si vne maniere graue & quelque peu difficile, ou l'humaine & facile conuient au Iuge & Magistrat. L'vn disoit que la dignité du Magistrat ne permettoit telle familiarité. & que l'humanité leur fait perdre la reputation : confideré que la populace n'entend le mystere de la vertu d'humanité, estimant vn chacun autant qu'elle le veoid s'estimer foy-mesme. L'autre au contraire soustenoit que tant plus la personne est en degré plus grand, d'autant plus la vertu d'humanité & affabilité le fait reluire : qui est vn instrument pour luy donner vne vraye seigneurie, c'est assauoir, celle des amis : laquelle ne se peut acquerir par force, ains par humanité & courtoifie. Ce melme luge, à qui on tua vne mousche sur sa ioue, va dire quelque autre, nous appresta bien à rire. Car vn iour en pleine audience, ayant ordonné qu'vne partie feroit ouye fur quelque differend, on luy dit, Monsieur, il n'a garde d'estre ouy : car ie vous asseure qu'il est mort. Le luge va dire que cela estoit saux, & que si ceste partie eust esté morte, elle l'en eust bien aduerty : parquoy il donna defaut contre luy foubs quinzaine. Vne autre fois ce melme luge voyant vne partie qui luy, demandoit defaut contre vn absent : Allez, allez, dit ce luge, vous me voulez furprendre, & vostre partie aussi : voyez-vous pas bien que voître partie n'y est pas? attendez qu'il y foit, & puis vous aurez defaut. Ie vi ce luge, va dire vn autre, vn iour en fon siege bien empes-

8

ché : car ayant deuant luy deux parties, il ne scauoit qu'ordonner. Le demandeur disoit au desendeur, le demande auoir reparation de ce que tu m'as appellé larron. Le defendeur disoit, le ne t'ay point appellé larron, i'ay feulement dit, & le dy encores, que fi tu ne fuffes point venu auec moy pour m'aider à cercher ma bourfe que le l'eusse trouuee, & qu'elle ne se fust point perdue. On fe doubta bien aussi, adioustoit-il, que ce luge deuoit estre quelque sçauant homme, car messieurs de la Cour le voulans interroguer, s'estant presenté pour estre receu Lieutenant, leur va dire, que par la paix il estoit dit expressément qu'on ne s'entredemanderoit rien l'vn l'autre : & qu'estant seruiteur du Roy, il vouloit obeïr à fon Edict. Auant gu'acheuer le propos d'aucuns luges, on va faire vn conte d'vn Conseillier Presidial, lequel louant fon office, blafmoit celuy d'vn Confeillier de Bretagne, pource qu'il ne pouvoit faire plaisir à ses amis, n'estant Conseillier en son païs, & qu'il n'estoit respecté qu'en son Parlement, & qu'encores cela ne duroit que trois mois, & que tous les autres neuf mois, il ne faisoit que iouer aux trois. Ce Magistrat de Bretagne luy replique: l'aime mieux iouer aux trois neuf mois, que iouer toute l'annee à l'aîne. Lors vne Fesse-tondue oyant parler des luges de Bretagne, nous va affeurer qu'estant en la basse Bretagne, il auoit ouy crier en vn Bailliage, à fon de trompe, On ne tiendra pour ce iourd'huy la lustice en la caue, parce que l'Allouyer est yure.

Vn marchand, qui eftoit en ceste Seree, & pour lors Conful en la surifdiction des marchands, voulant conter ce qui estoit arriué en la decision d'vn procés, sut interrompu par vn de la grand' boutique, qui luy va dire que pour son honneur, & celuy des marchands, il n'eust à mettre en auant leurs belles sentences & arrests. Le marchand soustenant la Iurisdiction qu'il a pleu à sa Majesté leur donner, va dire à celuy de la grand' boutique, que la Iurisdiction des marchands estoit si bonne, si equitable, & bien administree, qu'il vaudroit mieux y perdre son procés, que de le gaigner és Cours Presidiales & Parlemens: à cause des srais & de la longueur. Et que pour desendre les Marchands de l'ignorance dequoy on les accuse, il estoit apres à rediger leurs sentences les plus notables, & leurs Arrests les plus signalez, pour les mettre en lumiere, à fin qu'on iuge si la lustice y est bien rendue.

Ceux de la Seree faifans ceffer ce debat, prient le Conful de pourfuiure ce qu'il auoit commencé. Ce qu'il fit, en difant : Les luge & Confuls des marchands, ayans condamné vne partie à payer vne iument qu'elle auoit, par fa faulte, laissé manger aux Loups, demandent à la partie aduerse, qui en demandoit la valeur, si la iument estoit bonne. Laquelle va respondre, que la iument estoit si bonne que les loups l'auoient toute mangee, & qu'ils n'en auoient laissé pas vn morceau. Nostre Consul voyant qu'on auoit trouué bonne ceste rencontre, leur va promettre de leur en dire vne douzaine à la première Seree. Et puis va faire vn vieil conte d'vn suppost de la grand'boutique, à qui vn client auoit escript, le vous enuoye mon sac, auec vn double du cas, ie vous prie voir bien tout, & me faire vn ample aduis : l'Aduo-

cat estant bien trompé, lequel pensant auoir vn double ducat pour son salaire d'vn gros procés qu'il auoit sueilletté, il ne trouua que le double du cas posé, & s'equiuoqua sur la lettre de son client. Et d'vn autre Aduocat lequel auoit esté desrobé par vn coupeur de bourse : ce qui sut prins en grande risee de tout le peuple : & ceux mesmes qui luy auoient veu couper sa bourse, ne pouuoient croire qu'vn Aduocat se sut laissé pipper à vn mattois. Sur ce, vn de la compagnie se leuant dit, Messieurs, ie suis d'aduis de n'en dire plus : car puis que les Aduocats ont esté trompez, il n'y a celuy de nous autres qui ne ne le peust estre.



CONDICATE SAFE CONTRACTOR OF SAF

DIXIESME SEREE.

Des Medecins & de la Medecine.

N facetieux conte qui arriua le iour de ceste Seree, fut cause que durant le souper & apres, on ne parla que des Medecins, & de leurs Medecines. Ce conte consiste en vne response gaillarde que fit vn Medecin à vn Chanoine qui vouloit rire & fe moquer : comme de tout temps les Medecins ont esté subjects à estre calomniez. Mesmes ceux de ceste Seree ne peurent se contenir d'en dire leur aduis. Et le premier commença ainsi. Nous trouuons que les Romains chafferent de Rome tous les Medecins par l'espace de fix cents ans, & n'vferent en tout ce temps-là d'autre medecine, que de choux en toutes maladies, qui ne se trouua iamais si saine, & ayans remis les Medecins, tout alla de mal en pis. Les Sycioniens ne permirent iamais qu'il y eust des Medecins en leur Republique, de peur de tuer les fains. Herodote dit que les Babyloniens n'yserent iamais de medecines, & n'eurent aussi iamais de Medecins, lesquels Cato hayffoit, ce dit Plutarque en sa vie : ce que verrez en Pline par ce qu'escrit Cato à son-fils Marcus Cato. Platon dit que Socrate defendoit la multitude des Medecins

en vne ville. A ceste raison la Loy Si duos. à son exemple, limite le nombre des Medecins, & combien il en doit auoir en chafque ville felon la grandeur d'icelle, & la quantité du peuple : comme estant vne charge inutile au peuple, & qui nuit plus qu'elle ne profite, Aussi ie ne voy nulle race de gens, dit le feigneur de Montagne, si tost malade, & si tard guerie, que celle qui est soubs la Iurisdiction de la Medecine : leur santé mesme estant alteree par la contraincte de regimes : les Medecins ne se contentans point d'auoir la maladie en gouuernement, ils rendent la fanté malade, pour garder qu'on ne puisse en nulle faison eschaper leur authorité. Et n'y a nation qui n'ait esté long temps sans Medecins & medecines: & du monde la dixiesme partie ne s'en fert pas encores à ceste heure. Infinies nations ne les cognoiffent pas, où l'on vid plus longuement & fainement qu'icy. Si on faifoit comme Herodote dit que fait vn peuple des Indes, où ceux qui font malades font tuez & mangez, il ne faudroit point de Medecins : car on ne fe confesseroit point estre malade, dautant qu'ils les tuent encores qu'on nie n'estre nullement malade. Ie ne sçay pas, repliqua quelque autre, qui mouuoit les Anciens à mespriser les Medecins: mais ie scav bien que si on les blasme de ce temps, ils en baillent bien les occasions. Ou trouuerrez vous gens d'vn meime estat de profession honorable, qui se portent plus d'enuie, dont est venu le prouerbe, Inuidia Medicorum, & qui detractent plus les vns des autres que les Medecins? Où prendrez-vous des personnes de mesme vaçation qui s'accordent moins ensemble? Et ce qui fasche plus Pline, c'est, dit il, de ce

qu'il n'y a estat au monde où y ait eu moins d'arrest, ni moins de solidité, qu'en cestuy-cy. Hippocrate mesmes, Prince des Medecins, ayant dist, que l'esperance des Medecins est fallacieuse: & neantmoins il n'y en a point qui apporte plus de prosit à l'homme: & toutessois les Romains se sont bien peu addonnez à l'art de Medecine, combien qu'ils se soient rendus consommez en toutes les autres sciences des Grecs: & ont laissé la Medecine aux Esclaues & aux Serse.

Comment fera-ce que le peuple les estimera experts & fcauans, veu qu'eux-mesmes s'entr'appellent ignorans & afniers? Qu'ils foient appellez à vn malade, l'vn apres l'autre, vous les trouuerez du tout contraires, aussi bien que tous ensemble, & à la cognoissance de la maladie, & à la guerison. Iamais vous ne verrez Medecin se seruir de la recepte de fon compagnon, fans y retrencher ou adiouster quelque chose. Mesmes qu'on regarde à leurs confultations, que Pline appelle maudites, l'vn dit d'vn, & l'autre d'autre, pour ne feruir de laquet les vns aux autres. De là vint la mort de l'Empereur, qui fit grauer fur fon fepulchre, Turbà Medicorum perij. Et ne fe faut fier aux contes des Medecins : regarde plustost l'effect & l'experience. Et ne s'en faut pas esbahir, car la plus grand'part des Medecins ne cognoist ne les fimples ne les compofez & laiffent cela aux Apothicaires, aussi habiles qu'eux. Mais, ie vous prie, qui ne se moqueroit de celuy, qui voulant faire quelque chofe, ignoreroit l'instrument auec lequel il la voudroit parfaire? De ce aduient, que la plus part des bien-aduifez de nostre temps, ne veulent se fier à des remedes & per-

fonnes où il n'y a nulle certitude : comme ceux-là mefmes le monstrent tous les jours qui practiquent, quand ils blasment ce qu'vn autre aura possible bien faict : ne voulans mettre leur vie, qui consiste en vn accord, entre les mains de ceux qui font à eux-melmes touliours contraires: & n'est dit sans cause, qu'on doit plustost auoir peur du Medecin que de la maladie. Vne des plus grandes fautes qu'ils font, à mon aduis, c'est d'ordonner auant que cognoistre la maladie, car ne la cognoisfans, ils ne sçauroient sçauoir la curation : mais de peur d'estre trouuez ignares, & estre sans remedes, & à fin d'attraper argent, ils ne font iamais fans ordonnances & receptes : qui font bonnes, & indifferentes à toutes maladies, ce difent-ils, comme leurs clysteres, leurs Catholicon, eau beniste de la Medecine : lesquels toutesfois le plus fouuent font contraires à la maladie qu'ils ignorent, maladie cogneuë, dit le prouerbe, vault prefque guerie : estant necessaire de cognoistre plustost les maladies que les remedes d'icelles. Que le plus fouuent ils ne les cognoiffent, il appert en ce qu'ils medecinent quasi toutes maladies d'vne mesme saçon, & de mesme medecine, les mesurans toutes à vne mesme aulne : encores que la maladie ne foit que d'yne fiebure tierce : de laquelle est escrit, De tertiana numquam pulsatur campana. Premierement marche le clystere, le lendemain vne saignee reïteree, qui est vne nouuelle practique, pour auoir double falaire: puis apres vient la purgation, qui n'est gueres sans reubarbe. Et encores en ces choses tant communes ils ne s'accordent pas : car aucuns purgent auant que faigner, & les autres faignent auant que

purger. Cela faict, ils font au bout de leurs fusees : & fans qu'il arriue quelque nouveau accident, le plus fouuent font contrainces d'effayer des remedes contraires aux premiers. Et tout cela par faute d'auoir cognu la cause de la maladie. Et si vous n'en voulez rien croire, que le cadauer foit ouvert, auant que la terre couvre leur faulte & ignorance, & on verra au doigt & à l'œil, que les remedes qu'on luy aura baillez, estans tous contraires à la guerison, auront causé la mort à ce pauure patient: & qu'il eust mieux valu le laisser à la Nature. qui guerit plus de maladies que ne font toutes les medecines: la Nature estent affez forte pour se desendre. & à maintenir cefte contexture, dequoy elle fuit la diffolution: Nature le plus fouuent enuoyant les maladies au iour de la Touffainces, & les Medecins les enuoyent au lendemain.

le voudrois, adiousta quelqu'vn, que l'on fist comme en vn certain païs, là où si les malades meurent, on fait payer les Medecines à leurs Medecins : ou comme portoit vne loy en Egypte, par laquelle le Medecin prenoit son patient en charge les trois premiers iours, aux perils & fortune du patient : mais les trois iours passez, c'estoit aux siens propres. Ce qui a esté practiqué à Petrus Leruinus Spoletanus, ce dit louio : lequel fut ietté en vn puits, pour auoir mal medeciné Laurent de Medicis. Qu'il y ait grande difficulté à la cognoissance des maladies, il n'y a pas long temps qu'à Paris vn gentil-homme sut taillé par l'ordonnance des Medecins, auquel on ne trouua ne pierre ne mortier : & là mesme vn Euesque auoit esté sollicité par les Medecins de se

faire tailler : quand il fut trespassé, & qu'il fut ouuert, on trouus qu'il n'auoit mal qu'aux reins. A vne fois que le malade se portera mal, les Medecins ne scachans où ils en font, diront qu'il a fai& quelque excés : car les Medecins accusent tousiours l'intemperance des malades, & des morts. Si d'auenture, ayans ordonné vne medecine, en venans voir fon operation, ils trouuent leur malade mort, ce sera à dire que ce sont les maladies. de ceste annec-là, qui sont si estranges & fascheuses à cognoiftre, qu'ils n'y entendent rien, ayans ces maladies auec elles quelque venin caché. Et me fouuient, adiouftoit-il, d'vn Medecin qui me venoit veoir, moy estant malade, & ne sçachant où il en estoit, non plus que moy, me dit que c'estoit vne maladie de ceste anneelà, fort estrange & differente des autres precedentes maladies. Ie ne me pu tenir de rire, & de luy dire: Vravement ie croy bien que c'est vne maladie de ceste annee, car ie ne l'auoye pas l'autre.

Qui me fasche le plus, va dire vn autre de la Seree, ce sont les interrogations que me sont les Medecins, & ceux qui me viennent veoir, ausquels il saut respondre: s'accordant auec moy Euripide, qui dit qu'il ne craint point tant la maladie comme les mots qu'il saut respondre & aux Medecins, & à ceux qui le visitent: l'enquerans combien de temps il y a qu'il est malade, comme est venu le mal? luy demandant auez-vous esté purgé, la teste vous sait-elle mal? allez-vous bien à vos affaires? dormez-vous bien? resuez-vous fort? trouuez-vous bon ce que vous mangez? & autres badineries. Vne autre saulte bien lourde, disoit-il en continuant, que sont les

Medecins, & où on ne regarde point, c'est de charger tant les fains & malades de medecines, que quand il est besoin de leur en bailler, elles ne seruent de rien : car l'accouftumance & familiarité des medecines les rend fans effect & force : comme il aduint à vn qui n'estoit point purgé par l'ellebore, encores qu'il en print plus qu'on n'eust ofé bailler à quatre, à cause qu'il s'estoit accoustumé par les menus à en prendre beaucoup. Tellement que plusieurs ont dit, qu'on se pouvoit de petit ·à petit si bien accoustumer à vser de poison, qu'à la fin on n'en pourroit point mourir, combien qu'Auerrois le nie. Mais laiffant ceste dispute si ancienne, & si debatuë, à fcauoir fi la medecine profite plus qu'elle ne nuit, fi elle fait plus de mal que de bien, & si ceux qui ne prennent point de medecine ne font pas aussi fains, & de longue vie, que ceux qui font de leur estomach vne boutique d'Apothicaire : quelqu'vn prenant la parole commença à nous faire le conte du Medecin & du Chanoine, qui bailla tout le fujet de ceste Seree, comme ie vous ay dit cy dessus, lequel il fit ainsi. Ce Chanoine, dont est question, ayant rencontré par la ville vn Medecin, l'arrefte, en luy demandant confeil en cefte forte. Monsieur, de grace, ie vous prie me dire, & ie vous contenteray bien, d'où vient que bien souuent quand ie pisse & tombe de l'eau, ie pette aussi, & ne puis gueres faire l'vn fans l'autre? Ce Medecin, qui n'endure pas facilement vne supercherie, & vn affront (comme l'on dit) voyant que son Chanoine vouloit rire, & se moquer de luy : sans s'esmoutioir. & comme le voulant affeurer de ce doubte, luy refpond, Monsieur le Chanoine, cela

n'est rien, mesmes les asnes en sont bien autant. Mon Chanoine, ayant eu son change, sans dire mot s'oste de là. Toute la ville sut tantost abbreuee de ceste matiere, le vent s'en espandant par tout, & faultant autant que la puce, & s'allongeant comme la main. Vous ne vistes iamais tant d'Epigrammes Latins & François, qui furent faicts sur cela: lesquels ont seruy depuis à la matiere dont ils traictoient. Et à fin que iugiez si ces poésses meritoient qu'on les traictast ainsi, ie vous en ay mis icy quelques vnes.

Vn Medecin par vn Prestre raillard Fut consulté dessus ce poinct icy, Pourquoy pissant tousiours petoit aussi : Cela n'est rien, dit-il à ce petard, Car bien souvent les asnes sont ainsi.

Autre.

Vn chanoine ignorant eut de gaudir enuie, Trouuant vn Medecin, luy demande en mocquant, Monfieur, à vostre aduis, est-ce point maladie, Que ie ne puis pisser suns peter quand & quand? Non, non, ce n'est point mal, respond le Medecin, Les asnes de nature en sont tousiours ainsin.

En Latin.

Quòd mingendo cacat, medico testunte Sacerdos, Hac naturam afini conditione tenet.

Apres que le conte eust esté conté à l'entree du fouper, & que chacun en eust ris, encores que le sujet fust vn

peu fale, si est-ce que ceux de la Seree ne laisserent à en tirer quelque fens. Car vn d'icelle voulant rendre raifon pourquoy on n'en pouvoit gueres avoir ne tirer fans vent, va commencer à parler en Medecin, c'est à dire naturellement & proprement, fçachant vn chacun estre subiect à cela aussi bien que le Chanoine. La proximité des vales vrinaux, commença-il à dire, qui font ioin as aux conduits du fiege & fondement, est cause qu'en efforcant les vaisseaux servans à expulser l'yrine, on efforce aussi ceux qui seruent à l'expulsion des excremens: tellement qu'encor que ne vouliez, en vous efforcant de tomber de l'eau, il fortira d'vn autre costé du vent : n'estans gueres l'vn fans l'autre. Et aussi que les muscles superieurs du ventre, auec le septum transuersum, ou diaphragme, qui seruent à l'expulsion de l'vn, feruent à l'expulsion de l'autre. Et ne sçay, adjoustoit-il, si sans cela les Turcs ne pisseroient point par les rues contre les murailles, comme nous faifons, ou si leurs grandes robbes boutonnees par le deuant en font cause : ou s'ils ne piffent point en public par vne pudicité & honnesteté, que mesmes ils blasment nos braguettes que nous portons, comme lasciues & impudiques. Celuy qui parloit en Medecin, nous avant tant baillé à fentir, auec fes raifons, & apres auoir allegué ce vers Leonin : Mingere cum bombis, res est suavissima lumbis, sans le mettre en autre rime ne langage, fut prié de laisser vn si fale fujet, & qu'il y auoit bien autre chose à dire fans cela. Nostre Medecin va repliquer, Ce sera d'un pet ce que voudrez, si est-ce que nous trouvons que l'asfemblee des Aruspices estoit vitiee, & estoit remis leur

deuinement, qui se faisoit par le vol ou cry des oiseaux. par le fon qui fort du ventre : aussi bien que le mal comitial faifoit ceffer l'affemblee des Comices. Combien que les Grecs, disoit-il, ne s'accordent pas auec les Aruspices Romains, car ils tenoient l'esternument & vn pet pour vn bon augure, & pour vn figne que tout fe porteroit bien. Et voicy qu'en dit Caton : Ouand en nostre maison nous contemplons les oiseaux en l'air, si quelqu'vn des feruiteurs & feruantes a faict vn pet foubs la couverture du lict, que les Latins disent sub centone, ce que ie n'ay point fenty, cela ne me rompt point mes auspices. Nous trouuons aussi que l'Empereur Clodius estima si grande chose vn pet, & pouuant tant nuire quand on retient fon vent, qu'il fit vn Edict, par lequel il estoit permis, fans infamie, à chacun de laisser aller fon vent. Mefmes qu'il s'est trouué plusieurs grands personnages, qui ne s'osoient trouuer és affemblees publiques, où ils eussent peu seruir, pource qu'ils estoient fubiects à peter, principalement en parlant & disputant.

Vne Feffe-tondue, qui auoit eftudié en la Philofophie Cynique, va dire au Medecin, que si on auoit esté escholier en l'eschole des Cyniques, on ne se sentiroit point soulagé de la loy de l'Empereur Clodius, & qu'on ne craindroit nullement de faire les choses naturelles. Puis sans fortir hors du propos du vent & des Medecins, & de la medecine, pria la compagnie d'escouter ce qui estoit arriué à vn Medecin. Il y auoit, commença-il à dire, vne ieune sille de Damoiselle qui auoit si fort la cholique, que sans auoir esgard au Medecin, aussi qu'il luy conseilloit, ne à ceux qui estoient en la chambre,

elle va faire vn fort petit pet, pardonnez-moy si i'vse des propres vocables, ne sçachant pourquoy on n'ofe nommer par leur nom, & craindre à dire, ce qu'il nous est permis de faire. Le Medecin, qui luy auoit conseillé de ce faire, voyant qu'elle n'auoit pas faict cela de fa teste, estant fort aise de ce pet, & pensant en faire son profit, va dire que ce petit pet valoit plus de cent escus. Vne groffe chambriere ayant ouï ce qu'auoit dit ce Medecin, en va faire vn austi gros que ceste Damoiselle en auoit faict vn petit, en difant, Celuy en vaut donc bien deux cents. Ceste pauure fille choliqueuse se print tant à rire, qu'elle guerit tout fur l'heure de sa cholique. Le Medecin attribuoit la fanté au petit pet, & à fa medecine: quant à moy ie foustenois par viues raisons que la guerison estoit plustost venue du gros pet que du petit : car la honte du petit pet auoit plustost refroidy la Damoiselle que de l'auoir eschauffee, là où le ris, à cause du gros pet, auoit si bien eschauffé les parties du dedans de ceste fille malade, en remplissant tous ses conduicts d'esprits & vapeurs, qui procedoient de force de rire, qu'en estans eschauffez & eslargis, la chaleur peut aifément chaffer les vents qui luy caufoient la cholique, prouenant d'vne chaleur imbecille. Et aussi, disoisie à ce Medecin, que le ris peut exciter & releuer la nature accablee & abbatuë du mal, esmouuant la chaleur languisfante, qui se met à combatre le mal procedant par faulte de chaleur : comme pourrez voir au liure du Ris de monsieur Ioubert. Si vous me dites, adiousta-il parlant à ce Medecin, que la modestie d'vne ieune fille ne permettoit pas vn ris si effrené de chose si sale, qui luy

peust tant eschauffer les parties qui seruent à l'expulsion, que le vent qui la tourmentoit en fust chassé : ie m'en vais vous monstrer que ceste Damoiselle estoit des plus honteules & pudiques. Car ce Medecin melmes vn iour entrant en sa chambre, où elle estoit malade de ceste cholique, s'apperceuant qu'il auoit sa main froide, la voulant mettre en vne decente temperature, la met en fa braguette, la voulant eschauffer par vne chaleur naturelle, puis en tirant sa main luy veult taster le pouls : mais elle ne luy voulut permettre, & retira sa main dedans le list toute honteuse, & muant de couleur. Ce Medecin auoit tort aussi, luy va repliquer quelqu'vn : car estant en vne chambre où il y auoit du feu, il deuoit laisser eschauffer sa main tout à l'aise. Et aussi qu'en entrant, le Medecin ne doit taster le pouls au malade, qui voyant à l'improuiste le Medecin, se trouble & s'esmeut, ceste perturbation pouuant augmenter ou diminuer le pouls. Et par auenture, disoit-il, cecy est vne des causes qui fait que les Polonois malades, voire à l'extremité, se leuent & vestent à l'heure que les Medecins les doiuent visiter. Si les Medecins, va dire vn autre, ne faisoient point de plus grandes fautes, que de mettre la main en leurs braguettes, on n'auroit pas tant d'occasion de se plaindre d'eux.

Il y auoit en ceste Seree vn Medecin, qui va respondre, que personne ne se plaignoit de luy. Vn sien familier luy dit: Hé! vrayment ie le croy bien, car tu les as tuez: &, comme dit Nicocle, adiousta-il, les Medecins sont heureux, de ce que le Soleil regarde leurs belles cures, & la terre couure leurs faultes: & si les plus sçauans

& experimentez ne laissent point languir & pourrir leurs malades. Et encores que les Medecins tuent les perfonnes, toutesfois ils medecinent, ce dit Sophoclés, parce que le meilleur & dernier Medecin des malades, c'est la mort. Le Medecin lui repliqua, qu'il s'esbahiffoit dequoi il parloit mal des Medecins, luy qui ne les auoit iamais experimentez. Son voisin lui respondit, si ie les auois vne fois effaiez & mis en befongne, ie n'aurois garde d'en dire mal, car ie ne ferois pas en vie. Puis va dire en continuant, que ce n'estoit pas de maintenant qu'on blasmoit les Medecins & la medecine : car Platon dit qu'il n'y a rien qui demonstre mieux vne Republique corrompuë & vitiee que la multitude des Medecins & Magistrats: car comme la multitude des maladies augmente le gain des Medecins, aussi la peste des procés apporte de l'argent aux Aduocats.

Le Medecin repliqua, que quand on vouloit faire peur aux petits enfans, on alleguoit Platon, ou Aristote: mais en tout cas, disoit-il, Platon n'escrit rien contre les Medecins & Magistrats: dautant que la multitude des vns & des autres ne venoit pas de leurs abus, ne de leur ignorance, ne de leur faulte: mais que le grand nombre des Medecins est entretenu par la gourmandise des hommes, comme l'affluence des Magistrats est nourrie par leur desloyauté.

Il y auoit en ceste Seree vn Aduocat, lequel nous va conter ce qui l'auoit vne fois guery estant malade. Et commença ainfi, le fus n'y a pas long temps si malade, que tous les Medecins de nostre ville me venoient veoir deux ou trois sois le iour, & me traictoient sans aucun

Digitized by Google

figne de guerison. Ayant peur de mourir, ie m'aduise vn jour de demander à quelqu'vn de ma maison, si les Medecins prenoient de l'argent : qui me respond que non, & que iamais il ne leur en peut faire prendre, combien qu'il leur en presentast, voire deux sois le iour. Ie conclus par là, que ie me portois bien : & n'y eust chose qui me baillast plus grande affeurance de ma guerison, ni qui aidast plus à me guerir, en me rendant les forces & les esprits, que de m'asseurer qu'ils ne prenoient point d'argent. Car ie syllogisois en moy-mesme : Ces Medecins ne prenans rien, pensent vn iour auoir affaire de moy, ou qu'estant guery ie les puis recompenser : c'est donc figne qu'ils ont bonne esperance que i'en reschaperay: au contraire, si ie me portois mal, ie m'affeure qu'ils eussent prins comme d'vne beste morte, & comme de celuy qui n'eust iamais sceu recognoistre le bien qu'ils m'auoient faict. On demanda à cest Aduocat, si c'estoit point plustost la ioye qu'il eust de n'auoir rien despendu durant sa maladie aux Medecins, qui luy auoit donné bonne esperance, & encouragé de guerir, que toute autre consideration : veu qu'on trouve d'vn autre Aduocat malade, lequel commençant à guerir, & voyant que les Medecins & medecines payees, il ne luy restoit plus rien, aima mieux se laisser mourir que de viure pauure. Nostre Medecin s'addressant à l'Aduocat, va dire, Si est-ce que Hippocrate tient que le Medecin doit commencer sa cure en prenant de l'argent : dautant que le malade pensera que le Medecin estant bien payé ne le lairra point. Et aussi que le Medecin estant bien falarié, trouus plusieurs remedes : à cause que la faculté de lire, laquelle reside au cœur, estant contente, donne de bon cœur les esprits vitaux & la chaleur naturelle, par la lumiere desquels se doiuent veoir les sigures qui font en la memoire; autrement l'art les fuit : aussi bien qu'au Legiste, auquel s'offrent plusieurs Loix quand il est bien payé, & s'il n'est satisfaict, vous diriez qu'il a tout oublié. Au contraire, repliqua l'Aduocat, voyant que mes Medecins ne prenoient rien, & confiderant pourquoy ils ne vouloient rien prendre, cela me bailla si bon courage, & si grand espoir de ma guerison, que renforçant mes forces, qui estoient au parauant debiles & petites, de la peur que i'auois de mourir, ie me portay tousiours de là en auant mieux, & fus par cest espoir si bien fortifié, que ma maladie en sut chassee : car il n'y a rien, à mon aduis, qui affoiblisse tant la nature que la peur & le desespoir qu'on a de pouuoir guerir. Vous voudriez donc dire, repliqua le Medecin, comme celuy qui a affermé, il y a defia long temps, que la medecine ne feruoit finon qu'ayant esperance en elle, personne ne desespere de sa guerison: & que la medecine ne guerit point, mais que tout ce qu'on a opinion qui puisse guerir soit medecine? Car ceux qui approuuent les herbes & enchantemens portez fur foy, disent profiter plus par l'imagination & confiance du malade, que par leur proprieté naturelle & occulte. Parce, disoit-il, que quand le patient imagine en foy que telles drogues & enchantemens ont puissance de le guerir, alors la vertu naturelle obeiffant à la faculté imaginative, meut & eschauffe tellement la chaleur naturelle, & les esprits, contre la maladie, qu'elle la confume & deschaffe. N'est-ce pas cela que vous voulez dire? demanda le Medecin à l'Aduocat: Ouy, dit l'Aduocat: car i'ay veu des personnes qui guerissient des malades, apres les auoir asseurez qu'ils gueriroient; toutessois on les estimoit sorciers, & pourtant ne l'estoient point.

A ce propos, va dire vn de la Seree, i'ay leu en Vierus d'vn bon compagnon, qui guerit vne femme de la chaffie, pour l'affeurer fur fa vie qu'il luy bailleroit vn escripteau, lequel porté à fon col, la gueriroit, mais qu'il ne fut ouuert ne leu. Sur ceste affeurance, & la femme fe fiant à ce breuet, elle ne pleure plus, fi bien qu'elle fe trouus guerie. Il aduint que ceste femme perd son papier, auquel, estant ouuert, on trouua en Allemand (pardonnez moy fi ie traduis fidelement) Le Diable te puisse arracher les yeux, & qu'il les remplisse de sa merde. Estant aussi vue grande follie de penser qu'on peut estre guery par paroles : tellement que nous lifons qu'il fut defendu à Athenes par vne Loy expresse, que personne n'eust à faire profession de guerir par certains mots. Ainfi, adiousta-il, és païs des Barbares & Canibales, les Prestres, qui y sont Medecins, demandent feulement aux malades s'ils croyent qu'ils les puiffent guerir puis barbotent pour les guerir certains mots par vne cane & farbataine : & font gueris par ceste imagination & opinion : dautant que la fiance qu'a le malade au Medecin, le peut aussi bien guerir que la medecine melme: & celuy est bon Medecin qui guerist plusieurs malades, & en qui plusieurs se fient. Et pourquoy est-ce que l'opinion que le malade s'est phantasié du Medecin, ne luy feruira à fa fanté, & que ceste

imagination ne le pourra aussi bien esmouudir, que quand nous conceuons en nostre esprit quelque chose afpre & forte, nos dents ne s'agacent-elles pas? le dy donc, adioufta-il, que le malade ayant fiance que fon Medecin est habile homme, scauant & expert, & qu'il l'a guery plusieurs fois d'autres maladies, ceste imagination renforce de telle forte la vertu naturelle du patient, qu'elle debilite la cause du mal : si bien que la nature bataillant contre la maladie, voyant l'aide du Medecin, fe rend plus forte à debeller & chaffer le mal : ce qu'elle fait auec fes esprits & chaleur naturelle : la vertu naturelle motiue esmouvant les esprits selon le commande-dement de la vertu imaginative. Et faut que le Medecin baille toufiours bon courage au malade, & qu'il l'affeure de sa fanté, & ne faire pas comme vn Medecin qui descouragea si bien vn hydropique, qu'il luy auança ses iours: cest hydropique ayant respondu à son Medecin. qui luy auoit demandé comme il se portoit, Helas! monfieur, ie m'enuois : le Medecin, au lieu de luy donner vn bon espoir de sa guerison, luy va dire: Vous y serez tantoft, vous vous en allez par eau. Ayant auffi esté reprins pour melme caule vn autre Medecin, pour auoir refpondu à vn malade qui luy demandoit s'il mourroit, ce vers d'Homere :

Mortuus & Patroclus, qui te multò præstantior fuit.

Les vns toutesfois voulans que les Medecins foient affables, les autres blafmans ceux qui parlent trop : alleguans ce vers d'Homere,

Medicus garrulus ægrotanti iterum morbus.

le vous prie, va dire vn de la Seree, de confiderer si la response d'vn Medecin qu'il sit à vn malade estoit valable, & l'excusoit d'vne forte medecine qu'il luy auoit baillee, qui l'auoit mis si au bas, que quand son Medecin sust de retour, il luy va dire qu'il s'en alloit mourir. Le Medecin luy va respondre, qu'il n'en estoit pas là, & qu'il l'aduertiroit bien s'il en deuoit mourir.

Et ceste asseurance fit guerir Alexandre, lequel se fioit tant à fon Medecin, qu'encores que Parmenio, vn de ses plus fauoris, l'eust aduerty de se donner garde de ses medecines, ne laissa d'aualler ce que luy auoit ordonné Jon Medecin, luy monstrant par apres la lettre de Parmenio. Mais quand on n'a pas confiance au Medecin, cela est cause que la vertu naturelle n'est pas obeissante à la vertu imaginative, pour faire bonnes operations, & pour reduire la medecine de potentia ad actum, comme les Medecins parlent. Ne faut donc trouuer estrange, repliqua nostre Medecin, si nous autres Medecins mentons bien fouuent, n'estant permis qu'aux Medecins le mentir, & auons vne escriture & vn langage à part, ne parlans pas aucunesfois clairement quand allons voir les malades. & se moguer, si nous scauons quelque mot de Grec, de l'alleguer, & si nous nommons les maladies, les herbes, les simples, & les composez, & les remedes, par noms incognus, Grecs, Arabes, ou Barbares; parlans Latin deuant les femmes, & vians de characteres Grecs, de mots Arabes, & de notes Latines abbregees, brouïlans quelquefois l'escriture si bien qu'on ne la peut lire. Ce que plusieurs toutessois blasment & reprennent, difans que nous faifons cela par oftentation. Mais cela fe

fait, disoit nostre Medecin, craignant que si on descouure nos receptes, on ne fist pas si grande estime de nostre medecine: & aussi à fin que les malades ayent meilleure fiance aux remedes de la medecine: dautant que si nous appellions vne racine, vne herbe, ou vne sleur, ou vne escorce, de son commun nom, & en François, & ils l'entendent, & sçauent que c'est vn simple, & vn remede qui croist en leurs iardins, ils n'y auront pas si grande siance: parce que, comme dit Pline, les hommes ont moindre soy & consiance és choses qu'ils entendent. Que si vous parlez en langage estrange, & qu'on n'entende point vos remedes, le malade, & les assistans penseront ces medicamens diuins, & venans d'vn autre monde: ce qui fortissera si bien la nature du malade, qu'elle en pourra chasser « surmonter le mal.

Mais auffi, repliqua vn de la Seree, qui n'vfoit que d'vne seule medecine, qui est de n'en prendre point, i'ay grand peur que mettiez vne de vos notes pour l'autre, principalement au charactere qui denote vne once, qui est faict ainsi 3, & à celuy qu'on met pour vne dragme, qui s'escrit comme cestuy-cy 3, car il ne faut qu'vne jambe & traict de plume trop ou peu, pour conduire vn homme jusques au lendemain de la Toussain&s: & ne me fie dauantage, adioustoit-il, à leur Scrupulus. que i'ay touliours en mon esprit & conscience : ne me fiant pas plus à leur femis, qui n'est qu'vne fi, trenchee : ny en leur Latin & langage incogneu, que bien fouuent les Medecins ne les Apothicaires n'entendent point : comme i'ay veu practiquer vne vieille recepte, où il y auoit, ponatur in pelle arietina, ils le mirent & fricafferent en vne poile d'airain.

Vn autre de la compagnie, pour confirmer ce qui auoit esté dist, que bien souuent autre chose peut guerir que les Medecins & medecines, va faire vn conte en ceste sorte, ou au plus prés. Il y auoit ces iours passez vne Damoifelle, fille de grande maifon, qui eftoit en grand danger de mourir, à cause d'vne areste de poisfon qu'elle auoit en la gorge : & laquelle tous les Medecins, ne leurs remedes, n'auoient peu mettre hors, ne faire aualler, ne faire pourrir & confumer, quelque peine & diligence qu'ils y eussent mis : soit en faisant aualler à ceste pauure fille vn morceau de pain mollet, ou vne figue feche vn peu maschee, ou la faire vomir, auec vn porreau huilé, & vn peu courbé, luy ayant coupé le bout de la teste, ou luy iettant dans le nez vn sternutatoire, ou luy prouoquant la toux auec choses aigres, ou luy mettant les pieds nuds en eau froide. Les Medecins de tout le païs estans hors de leur Catholicon, Caballe, & reception, dirent aux parents qu'il falloit laiffer faire à Nature, & au vouloir de Dieu. Nonobstant cela, l'oncle de la fille s'aduife d'appeller vn Medecin d'affez loing, qui se nommoit messire Grillo : toutessois apres auoir enchanté par charmes les arestes & les petits os arreftez dedans le gauion & en la gueule, felon que Aëtius, excellent Medecin autrement, l'a escrit & practiqué, ce messire Grillo auoit vn grand bruit en toute la contree, & voicy comment.

Il auoit vne estude secrette bien prés de la porte de fa maison, & par vn petit trou voyoit venir ceux qui luy apportoient des vrines : & estans entrez en la court, sa semme bien instruite se venoit asserir prés de l'estude, difant au porteur d'vrine que son mary ne demeureroit gueres à venir : ce pendant ceste Medecine l'interrogeoit du iour de la maladie, en quelle partie du corps estoit le mal, & consequemment de tous les effects & signes de la maladie. Parlans ensemble, le Medecin escoutoit tout par ce trou de son estude : & sortant par la porte de derriere, entroit par le deuant : où ayant regardé l'vrine, faisoit le discours de la maladie, comme il auoit entendu par son estude. Le porteur d'vrine estant de retour, contoit comme le Medecin auoit cogneu toute la maladie.

Or ce messire Grillo ayant acquis ainsi ce bruit. arriué qu'il fut, alla visiter la pauure malade, qui n'en pouuoit plus. Apres auoir entendu fon mal, va entreprendre sur sa vie de la guerir, & de faire sortir ceste areste de sa gorge Ce Medecin asseura ceste malade que ce n'estoit rien, & que s'il eust esté appellé plustost, qu'il y a long temps qu'elle ne sust pas là, & que les Medecins qui l'auoient traiclee n'y entendoient rien, & si n'estoient qu'asnes. Il va sur l'heure demander du beurre frais, & de ce beurre, fans autre mystere, va oindre & greffer toutes les parties baffes & honteufes de ceste pauure fille. Ceste pauure Damoiselle estant prés de la mort. & ne demandant que fanté, se laisse aisément manier & greffer là où le Medecin vouloit. Mais elle voyant que le Medecin ne faifoit autre chofe que la greffer & frotter en ces parties, où elle n'auoit point de mal, se prend si fort à rire, que de force de rire de la fottie du Medecin, & de sa recepte, elle mit & ietta l'areste dehors de sa gorge, dont elle sut incontinent gue-

u.

rie : à cause du ris qui eschaussa fi bien toutes les parties de fon corps, que la chaleur dilatant, melmement la partie où estoit l'areste, qui est plus essaeue par le ris qui en fort, qu'autre qui foit : ceste chaleur, dis-ie, dilata fi bien tous les conduits & pores, & furent si ouverts, que l'areste estant esmeüe & pousse par le ris, se laissa aisément pouffer hors : les vapeurs & esprits, qui vinrent du ris, rempliffans & elargiffans de telle forte les conduits de la gorge, que l'areste eut moyen de facilement fortir. Et aussi que ceste esmotion par tout le corps afpanduë, à cause du ris, esmeut tellement nature ja affoiblie, qu'elle en recouura fanté : estant rompu le hien, duquel les forces de nature effoient empeschees, par l'impetuofité caufee du ris. Aucuns estimoient que ce n'estoit pas le ris qui estoit la principale cause de la guerilon, mais que c'estoit l'esseurance que messer Grillo auoit donnée à cefte fille, avant si bien fortifié sa nature, ja affoiblie, qu'elle fut affez forte pour chaffer le mal & l'areste qui estoit cause de son mal. Les autres disoient que le beurre pounoit bien auoir guery ceste fille, à cause de quelque vertu occulte & latente, ou bien à cause de quelques esprits harmoniques, ou bien à cause d'vne fimilitude & femblance du beurre à l'areste du poisson. Quoy qu'il en soit, wa-il adjouster, ceste onction ayant si bien succedé à messer Grillo, il sut estimé & sçauant & expert, tellement qu'il estoit appellé à toutes maladies, principalement des femmes & des filles: aufquelles il ne faifoit que greffer leur derriere, & leur ie ne sçay comment, de bourre frais, quand autrement elles ne pouvoient recouvrer la fanté.

Depuis que l'ay leu, va dire vn autre, le liure du Ris de monfieur Joubert, ie n'ay nullement doubté qu'fi n'y ait des maladies qui peuvent efte gueries par le ris. Car il afferme en ce liure, qu'vn Medecin de Mont-pellier, estant bien malade, se print si fort à rire de son Singe, qui s'estoit sais & coessé de son chapperon rouge & sourré, imitant fes autres feruiteurs qui prenoyent tout fon bien, que le ris, causé d'un plaisant acte, & de la bonne mine que faifoit ce Singe auec fon capuchon, excita & releua la nature accablee, & comme estouffee de mal, de telle forte que ce Medecin fut du tout guery, au moyen de la foudaine & inopinee ioye, qui rectifia si bien le sang, & reuigora les esprits, que les humeurs se remirent en leur place, tant que le mal se perdit. Car telle ioye esmouuant la chaleur languissante & enseuelie, la respand par tout le corps, & la fait venir au secours de pature : laquelle empoignant ce moyen, & propre instrument, fe recognoist & renforce de tel fecours, qu'elle combat la maladie auec plus de hardiesse, iusques à ce qu'elle ait furmonté le mal.

Sans bouger le bonnet, va dire vn autre, ie vous conteray d'vn Medecin, qui fans beurre, fans medecine, ne fans rire, guerit vne femme paralytique de plus de cinq ans, & voicy comment. Vn iour ce Medecin apres auoir effayé plufieurs remedes à la fanté de ceste femme, fans aucun profit, va faire fermer les fenestres de la chambre, où estoit, il y auoit cinq ans, ceste paralytique: & tout foudain s'allumant vn grand feu, il fait veoir à l'improuiste à ceste malade son mary qui faisoit femblant d'accommoder sa chambriere. Ceste paralytique voyant

cela, en fut si esmeuë & irritee, que la chaleur s'espandant en tous ses membres, les nerss, qui estoient resroidis, furent si bien eschaussez, qu'ils r'entrerent en leur premiere action, & se leuant du lict, pour empescher son mary de ce qu'elle pensoit, sut restituee en sa premiere santé.

Il me souuient, va dire vne Fesse-tonduë, d'yn gentilhomme affez fignalé, qui fut guery quafi par mefme moyen. Ce feigneur reuenant de la guerre, demeura malade sur les chemins, & ayant à quelque peine vn Medecin, auant que ce Medecin entraît en la chambre de monfieur, les feruiteurs luy content que leur maistre n'estoit malade que de sascherie & cholere, & de despit de quelque supercherie & affront (comme on parle) qu'on luy auoit faict. Ce Medecin entrant en la chambre du malade, n'oublia pas ce qu'on luy auoit di& de la cause de la maladie de ce seigneur. Et apres luy auoir fai& la reuerence, & tasté le pouls au bras droi&, comme la partie plus chaude, & veu de fon vrine: pour faire l'habile homme, luy va dire que sa maladie ne venoit que de cholere, & qu'il estoit despit comme vn chat borgne. Or ce Medecin n'auoit pas apperceu que ce gentil-homme fust borgne : lequel se leue en grande cholere, pensant que ce Medecin se voulust rire de luy, & en prenant son espee court, tout malade qu'il estoit, apres luy, qui auoit desia gaigné la porte : si bien que ceste bouillante cholere appaisa & chassa la precedente, qui causoit sa maladie : de telle sorte qu'il monta à cheual de là à vne heure. Cela se fit, adjoustail, ne plus ne moins qu'au fils de Crefus, muet de nature, à qui la frayeur rompit l'empeschement de sa langue, voyant que l'on vouloit tuer son pere : car la frayeur composee de tristesse & cholere, & la chaleur bouillante au cœur soudain reuenant au dehors, put rompre & dissiper ce qui l'empeschoit de parler.

Quelqu'vn repliquant, & foustenant le Medecin auoir bien faict de s'estre esmayé du malade qu'il alloit veoir, va dire que bien fouuent les maladies viennent de l'efprit, & que les bons Medecins, bien experimentez, ont accouftumé de coniecturer & cognoistre les affections des malades, comme Galien a touché en son traicé de guerir les maladies de l'esprit. Et adioustoit, qu'en cefte facon Eriftrate Medecin descouurit l'abominable amour dont Antioque effoit espris à l'endroict de la maraître Stratonice. Car ce Medecin estant assis aupres de ce ieune Prince, & luy maniant le pouls, il print garde que fon pouls & battement d'arteres effoit fort vehement & vigoureux, quand Stratonice entroit en la chambre du malade, & quand elle fortoit, il demeuroit affoibly & languiffant: il apperceut aussi comme il rougisfoit en la presence d'elle, & si tost qu'elle estoit absente il palliffoit, dont il cogneut aisément la cause de la maladie. Ie voudrois de bon cœur, va adiouster quelqu'yn, qu'il y eust des Medecins pour remedier aux ennuis & maladies de l'esprit, ne plus ne moins qu'il y en a qui gueriffent les maladies & douleurs du corps : comme il fe trouue qu'il y en auoit en Grece : car il est escrit que Xenophon ayant faict bastir vne maison à Corinthe, il mit en vn billet fur la porte, qu'il faisoit profession, & auoit le moyen de guerir de paroles ceux qui estoient

ennavez & faichez : & leur demandant les caufes de laurs emuis, il les gueriffoit, les reconfortant & confolant de Jeurs douleurs & ensuis. Noître Medecia, qui eucit affez à faire à defendre les Medecins des faultes qu'on leur attribue, va dire, que bien fouvent on accuse les Medecins fans grande occasion, & que Razis kuy-mesime confesse auoir failly à la curation d'en malade, luy baillant à manger, là où il falloit pluftost ieusner, ce qu'il avoit fai& pour eviter le mavueis bruit que donne le peuple au Medecin : car si le patient de Razis sut mort, la commune euft dit qu'on l'auoit faich mourir de faim. Que si vous trouvez, disoit nostre Medecin, dans les liures, qu'on bisime les Medecins, ils ne parlent que des Empiriques. Car anciennement il y auoit trois fectes de Medecies: les Empiriques, qui rapportoient tout à l'experience & viage, & non à la raison : les Methodiques, au flux, & à fen empeschement : & les Logistiques & Rationels, qui auec l'experience mettoient la raifon. Or perce que les Empiriques, disoit-il, se messent de deuiner, la populace ne penfe pas qu'on fœut eftre bon Medecin, fi on ne devine tout ce qui concerne le malade, & la maladie : combien que la loy foit pour nous, qui dit, Divinare nemo tenetur. Il n'y a pas long temps, adiousta noître Mederin, qu'à ce propos vn villageois m'apporta de l'vrine : à qui ie demanday de quel païs effoit ce malade: lequel fe mocqua de moy de ce que ie ne cognoiffois pas à l'vrine de quel païs estoit celuy qui l'auoit faice. Vn autre n'en fit pas moins, fe mocquant de moy de ce que le demandois de quel estat estoit celuy qui auoit faict vne vrine teinte & coloree, qu'on m'auoit

presenté: car ayant sceu qu'il estoit teinturier, ie dy que son vrine ne denotoit point sa maladie, mais qu'elle satoit ainsi teinte, parce qu'il auoit tenu en la main de la Garance, dicte en Latin Rubia, en Grec Erythrodanum, & que la chaleur de la main l'auoit mise en operation, qui estoit cause qu'elle auoit penetré iusques en la vessie, par vne proprieté occulte, & si auoit ainsi coloré son vrine, se communiquant sa couleur par le dedans de nostre sorps en nos humeurs.

Vrayement, repliqua quelqu'vn, c'estoit vn homme de bien que ce Medecin, qui ne voulut point tromper es teinturier, ne voulant pas saire son prosit de ce qui n'estoit rien: comme fit vn de nos Medecins ces iours passez, qui tira de bon argent d'vn Prelat, auquel estoit arriué qu'en pissant il estoit tombé en son vrinal vn petit morceau de drap rouge, qu'on met aux braguettes pour les rembourrer. Car ce beneficié voyant son vrine si rouge, à cause du lopin d'escarlatte qui estoit dans le verre, manda le Medecin, disant qu'il auoit pissé de l'escarlatte. Et Dieu sçait la belle cure que ce Medecin disoit auoir faisse en ceste maladie deploree & incogneuë de tous.

A propos des Madecins Empiriques, va dire vn autre de la Seree, escoutez deux ou trois vieux contes de ces Madecins, qui ne sçauent qu'vne recepte pour tôutes maladies, où vous trouverrez plus de sens que de raifon. Il y avoit vn pauvre homme, qui ayant perdu son asne eust recours à vn de ces Madecins devineurs, pour le recouver. Ce Madecin luy baille cinq pillules, qu'il availla à fin de trouver son asne. Ce bonhomme retour-

nant en fa maifon, les pillules commençans à operer, il fe met hors du chemin pour aller à ses affaires, & là il trouve son asne, qui sans cela estoit en danger d'estre perdu. Ce qui bailla si grand bruit à ce Medecin, que plusieurs eurent enuie de son sçauoir, & sur tout pour apprendre à deuiner. Il conuint de marché auec vn, & ayant prins argent d'auance, il bailla à fon escholier, qui vouloit apprendre à deuiner, trois pillules communes, il est vrai qu'il y entroit vn peu de diamerdis. Ce Medecin mettant la premiere pilule en la bouche de son disciple, luy demande : Que vous ay-ie baillé & mis en la bouche? deuinez que c'est. Ce mache-merde, de peur de perdre fon argent, & à cause de la grande enuie de fcauoir deuiner, n'ofa cracher, mais il ne l'eust pas fi tost sur la langue, qu'il commença à deuiner, & dire à son Maistre. C'est de la merde. Et bien, va respondre fon maistre, tu n'as point perdu ton argent, tu deuines desia: es-tu pas content? Voilà pas, adiousta celuy qui faisoit le conte, vne bonne recepte, qui fait si tost deuiner, encores qu'elle ne soit que sur le bout de la langue? Regardez s'il eust masché ceste pilule, ou qu'il eust prins les deux autres, que c'eust esté? On luy va respondre, qu'il n'eust sceu mieux deuiner, encores qu'il en eust eu la bouche toute pleine, dautant, disoit-il, que le goust vient de la premiere partie de la langue, combien qu'aucuns veulent dire qu'il vient de la racine de la langue. Voyez, ie vous prie, commença à dire quelqu'vn, comme ces Charletans baillent leurs pilules & autres drogues, en nombre impair, aussi bien que nos Medecins Theoriques: comme s'il y auoit quelque raifon en ceste observance, & quelque secret comme en la Magie. Et non seulement les Medecins, adiousta-il, ont estimé que Dieu print plaisir au nombre impair, mais aussi les bons pinteurs de Grece en leurs chansons desendoient de boire quatre sois, estans en ceste superstition, que le nombre impair estoit plus fortuné en toutes choses. Et Pline dit, que Democrite composa vn liure, où il reprouva le nombre quaternaire, & rend la raison pourquoy il ne saut point boire quatre, six, ne huict verres de vin. Et Toxitus en Plaute conseille de boire sept septiers de vin. Nostre Medecin voyant qu'on s'attaquoit à luy, & à son nombre impair, va soustenir que cela ne se faisoit sans cause & raison: dautant, disoit-il, que le nombre impair est masse, & est honoré du nom de pere: & pair seminin, qui est honoré du nom de mere.

Il n'eust pas quasi acheue de parler, qu'vn de la Seree, qui auoit leu Bodin, lui va dire, qu'il estoit sorcier, à tous ses compagnons de Medecins de metre quelque vertu & force au pair ou à l'impair, au masse ou à la semelle, & de faire le chois de leurs drogues mysterieux d'uin : comme de prendre le pied gauche d'vne tortuë, du sang tiré de l'aile droicte d'vn pigeon blanc, le soye d'vne taupe, des crottes de rat puluerises. Parquoy le Medecin sut contraint d'amener autre raison touchant les pillules qu'on baille en nombre impair, disant que quatre se separent facilement, mais non pas cinq ou trois : car si vous donnez les pillules par vn nombre pair, elles opereront d'elles-messes en s'accordans ensemble, sans qu'aucune chose les y pousse : mais si entre le pair y a vn impair, ce moyen empeschera

l'accord du pair, & poussera l'vn & l'autre : si bien que ces pillules en nombre impair feront plus grande operation. Mais n'est-ce point aussi vne sorcellerie, demanda quelqu'vn à nostre Medecin, que quand vous baillez vne potion à vos malades, vous la meslez auec le doigt medecinal de la main gauche? Nostre Medecin, qui auoit dequoy payer, va respondre, que de toute antiquité ce doigt, le plus proche du petit, auoit esté honoré auec yn anneau d'or, & par ce appellé digitus annularis, à cause d'un artere (& non pas d'un nerf, comme tient Aulugelle) qui vient du cœur, y ayant telle affinité par cest artere du cosur à ce doigt, qu'il ne peut endurer aucune poifon. Et voilà pourquoy nous mellons ass medecines auec ce doigt plustost qu'auec les autres. Et à fin que m'en croyez, vous verrez les chiragres auoir douleur & tumeur en tous les autres doigts, sans que ce doiet medecinal s'en sente. Que si veus le voyez offensé, dites hardiment que toute vertu naturalle est affoupie & effeinte.

Et quelle raifon, repliqua vn autre, pourront rendre assouss Medecins, Apothicaires, & malades, qui tiensent auec les Anciens, que si on met vne medecine sur vae table, auent que le patient la prenne, qu'elle ne luy feruira à rien? R'entrant en nostre premier propos des Madecins, quelqu'vn nous va dire que le vulgaire pense que le Medecin doit tout sçauoir & desiner, & que le malade ne doiue pas faire vn pet, qu'ils n'en sentent quelque chose. Puis commença à dire: Il n'y a pas six iours, qu'vn villageois vint demander à vn de nos Medecins conseil pour vn sien parent qui estoit malade. Le

Medecin luy va dire, Apportez-moy de son date. Ce rustique luy demande, Qu'est-ce que du date? Le Medecin luy respond, Apportez-moy de ce qu'il fait? Le pitault retourné prend des estouppes, sait faire les affaires du malade là dedans, enueloppe si bien le tout qu'il ne s'en perd pas vn morceau, comme luy auoit dit le Medecin: auquel il apporte & les estouppes, & ce qui estoit dedans. Ainsi que le Medecin commençoit à despioyer ce paquet, celuy qui l'auoit apporté luy demande: Ple sçauriez-vous cognoistre quelle maladie a mon pasent, & deuiser qu'il y a dans ces estouppes, sans veoir le dedans? Le Medecin accoustumé à telles seuteurs & adeurs, luy sespond, G'est de la merde. Le pied gris luy ve dire, Veus estes ve habile homme, veus aues sort bien deutes.

Notire Fosso-améué seus vouleir entendre le reste, replique, qu'on n'auoit point faict de deshonneur à ce Medecin de lui apporter de la metiere fecale, puis que cele leur fort à suger de la meladie, ou de la santé, custi bien que l'vrine, a puis leur maistre Hippocrate, Prince des Medecins, en a tasté, à fin de cognoistre mieux le meaure de la maladie : dequoy on a faict deux vers,

Quum dicem culo merdam agrotante cacatam,

Et à le verité, adiousta-il, nous auons des Medecins qui meritent bien d'estre mocquez, & qu'on leur respende selon leur demande, peur se s'accommoder au commann, & parler à des personnes ignorantes, & qui ne furent iamais malades, comme à gens sçauans, & qui ne viuent qu'artificiellement. Ce que verrez par vn Medecin qui estant chez vn malade du populaire, apres l'auoir veu & visité, tasté le pouls, lui va demander, Mon amy, auez-vous rien prins du iourd'huy? Le malade lui va respondre, Monsieur, ie n'ay rien prins qu'vne mousche.

Ceux de la Seree vouloient rire, mais ils furent empeschez par cestui-mesme qui auoit saict ce conte, qui leur en promit vn autre, à fin de rire de tous les deux. Ce mesme Medecin, commença-il à dire, estant consulté pour vn malade, va dire à celuy qui faisoit la consultation, le ne sçaurois iuger de sa maladie, & ordonner, si ie ne vois de son vrine : qui luy demanda, Qu'est-ce à dire de son vrine? est-ce pas à dire de son pissat? Le Medecin luy replique, il ne saut pas dire ainsi : c'est que m'apportiez de l'eau qu'il fait. Et comment vous apporterai-ie de l'eau qu'il fait, repliqua le consultant, veu qu'il n'en boit point, & qu'il ne boit que du vin? Iamais le Medecin ne put saire à croire à cest homme que son malade pouvoit saire de l'eau, puis qu'il ne beu-uoit que du vin, & que le vin se peust convertir en eau.

Ceux de la Seree ayant ris vn peu, il fe va leuer vn de nostre compagnie, lequel n'ayant iamais esté malade, ne prins medecine, va dire que les Medecins ne l'aimoient gueres, n'aimans les fains ne les Saincs: Ils n'aiment pas, disoit-il, les fains qui sont en vie, car ils ne gaignent rien auec eux: ni les Saincs de Paradis dautant qu'ils guerissent les maladies. Puis parlant librement, comme n'ayant que faire d'eux, il va adiouster, que vi plurimum, comme ils prennent leurs Apho-

rifmes, les Medecins font naturellement auaricieux, & feroient mieux la gelee que les Apothicaires, car ils prennent bien : tesmoing le Medecin du Roy Louys XI. nommé Cotier, qui receut, ce dit de Commines, en cinq mois de luy cinquante quatre mil escus, & le Medecin de Boulongne, nommé d'Appour, lequel se faisoit payer par iour sortant de la ville, cinquante escus : ces Medecins ne daignans faire vn pas, si ce n'est pour de l'argent, ou qu'on les contraigne, comme sit Minos, qui mit prisonnier Esculape, le contraignant de luy saire reuiure son sils. Aussi le nom de leur Prince ne vient pas de l'equiuoque de, ce cul hape, mais, d'escu hape. L'epitaphe qu'on mit sur le Medecin Syluius, le monstre bien :

Syluius htc fitus est, gratis qui nil dedit vnquam: Mortuus at gratis quòd legis ista dolet.

C'est à dire.

Icy gift Syluius, auquel onc en sa vie De donner rien gratis ne prit aucune enuie: Et ores qu'il est mort, & tout rongé de vers, Encores a despit qu'on lit gratis ces vers.

Et ce qui arriua n'y a pas long temps entre vn Medecins et n gentil-homme, vous fera sçauant que les Medecins ont l'argent en recommandation. C'est que ce Medecin estant tombé malade se faschoit tout plein, non pas tant du mal, que de ce qu'il ne gaignoit rien. Le gentil-homme, qui aimoit ce Medecin, parce qu'il estoit habile homme, & cognoissant son naturel, l'alloit tous les

iours viliter, & en fortant laiffoit fecretement de l'argent fur le lick du Medecin: mais ayant long temps continué, on luy demande pourquoy il faifoit cela. Lequel respond, qu'il ne sçauoit point de meilleur moyen pour guerir son Medecin, que de luy bailler de l'argent. Ils sont, disoit-il encores, glorieux & superbes, tesmoing Menecrate qui s'accomparageoit au Roy Philippes, & disoit que le Roy gardoit de mai seutement caux qu'il pouvoit faire mourir, mais que luy il gardoit les sains de mal, & guerissoit les malades, & les preservoit de la mort. Demantage ce Menecrate disoit que Philippes estoit Roy de Mecedoine, mais luy qu'il estoit Roy de la Medecine. Dont le Roy ley estriuant sut contrain & mettre en vne Epistre qu'il luy enuoyoit, Philippus Menecrati sanitusem.

Cefte fuperbité & arrogance de Medecins, repliqua vn de la Serce, aft cause, à mon aduis, dequoy ils defdaignent guerir & ordonner des medecines pour les cheuaux, & autres animaux : combien que nous trouuions que les bons & anciens Medecins s'employoient à la cure des bestes aussi bien qu'aux maladies des hommes: telmoing ce que nous trouuons par escrit de deux Medecins, à qui leurs noms ne convenoient point, le nom d'yn conuenant mieux à l'autre : car Sofander flut appellé ainfi, pource qu'il gardoit les hommes par fa amedecine : mais il estoit Medecin pour les cheuseux. Hippogratés fut ainli appellé d'un mot Grec, spechant quelque chois de la curation des cheusus. Ce nom tousessois ne luy conuencit soint, d'appeller Medecia des cheumx, celey qui choit fi fameum Medecin des hommes. Et voiey l'Epigramme qui me l'a apprins :

Hippocrates hominum, tuque, ò Sofander, equorum Morbos edocti pellere ritè malos, Nomina mutate, aut artem, malè conuenit, alter Ex arte alterius nomen vt accipiat.

Ils font ords & fales, quelque véloux & taffetas qu'ils portent: car il est force que quiconque naist escarbot, se veautre & souille en la merde. Et si sont lunatiques, dautant qu'il n'y a mousche qui ofast approcher du lieu où ils escriuent leurs receptes & ordonnances. Athenee dit, adiousta-il encores, que s'il n'y auoit point de Pedantes & Grammeriens, qui sont le messas arragance, qu'on ne pourroit trouner des gens plus sots que les Medecina. Et veus diray encores des Medecina ce mot, Pedangescium se Medicinale indicina serve non possint. A ceste cause, les Medecins ont esté à Bossas si peus reconsmiendables, que ceux qui l'estoient & l'exerpcient, estoient ou Barbares, ou Grecs, ou venus d'estelsues.

le ne seav pourquoy, commença à dère vae Feffe-tondue, c'est aux Medecins, luges, à Adussats, mesmes à tous Chiquaneurs, vn grand deshenneur de porter vn escritoire pour mettre par escrit leurs ordonnances, às leurs iugemens às sentences, às leurs chiquaneries? Si ce n'est que par là ils confessent n'estre point clercs. Que si les Medecins le sont par gloire às arrogance, il se trouue vne glose qui dit, que les Medecins ne sont pas de plus d'estime às authorité que les matrones às sages-semmes.

Vrayement is le croy bien, repliqua vn Franc-à-tripe, que penfes-vous en quel honneur, grade & eftimation on doit auoir van laga-femme? Mais, pour dire qui fait les Medecins arrogans & fiers, c'est parce qu'vn docteur Medecin a dict, que le Medecin pitoyable n'a pas garde de guerir la playe. Que si les Medecins pensent estre quelque chose par dessus les autres, qui les rend pedans & superbes, ie n'y trouue pas grande occasion, mesme par la consession de leur Prince Hippocras, en son liure de Flatibus, qui dit franchement la medecine estre vn art vilain & sale: parce qu'il est contraint de traicer & verser en choses ordes, sales & deshonnestes. Comme reprocha vn de mes voisins à vn Medecin, qui luy reprochoit qu'il estoit grand mouueur: quand il luy dit, le ne suis pas si grand mouueur ni si sale remueur que vous

Ayant ainsi parlé librement contre les Medecins, il se prend à rire, & regardant nostre Medecin, qui estoit vn des plus frequents de nos Serees, luy va dire, qu'il ne parloit que generalement, & non particulierement, & qu'il seauoit bien des Medecins aussi sages & honestes, & aussi bien complexionnez qu'autres, mesmes Plutarque dit Herculés auoir esté Medecin: & qu'il n'auoit dit tout cela des Medecins, que pour en blasmer la plus grand part, à fin qu'on les cognoisse, & qu'ils se corrigent de quelques impersections qu'on ne peut endurer, & qu'il n'a rien dit qui ne soit escrit en bons autheurs.

Vn autre prenant la parole, nous va dire vne chole estrange, que ces Medecins, qu'on auoit blasmez & accusez de tout plein de vices, estoient meilleurs Medecins, que ceux qui n'ont point ces desaults, si le prouerbe est veritable, qui dit, qu'vn homme de bien le plus souuent n'est point bon Medecin, & qu'vn bon Medecin au contraire est communément vn mauuais homme &

vicieux. Mais laiffant là ce prouerbe doubteux, ie vous diray bien, adiousta-il, ce que plusieurs ont dit, que les Medecins les plus sçauans n'estoient pas heureux, ne les plus habiles à faire la medecine, & à guerir les malades : confirmant leur dire de Ian Argentier, l'vn des plus doctes, & meilleurs Medecins de nostre temps, qui toutesfois estoit infortuné en la practique. Si vous me demandez, va respondre quelqu'vn, pourquoy les Medecins fort lettrez, bien qu'ils s'exercent toute leur vie à guerir, ne feront iamais bons practiciens : & autres ignorans auec trois ou quatre reigles de medecine, scauront mieux practiquer & faire la medecine. le vous refponds, à fin que les ignorans Medecins gaignent aussi bien que ceux qui font doctes (encores qu'il me fasche de fauoriser l'ignorance) qu'Aristote dit que cela venoit de ce que les Medecins Logistiques & raisonnables, qui font les fçauans, auoient vne commune cognoissance de l'homme, & qu'ils ignoroient la nature du particulier, que l'Empirique, & celuy qui n'en sçait, s'estudie de fçauoir, fans s'addonner à l'vniuerfel. Aussi, adiousta-il, que l'Espagnol en son Anacrise dit qu'vne partie de la medecine confiste en raison, à quoy est requis l'entendement, l'autre en experience, où est requise la memoire: & parce, dit l'Espagnol, qu'il est difficile d'asfembler ces deux puissances, & auoir bon entendement. qui confiste en chaleur & ficcité, & bonne memoire ensemble, qui consiste en humidité, l'vne qualité destruifant l'autre, il est mal-aisé d'estre bon theoric & bon practic : parce aussi qu'il y a repugnance entre l'ententendement & l'imagination, de laquelle le Medecin fe

fert à la cognoissance du particulier, & non pas de l'entendement. Il s'ensuit donc bien, acheua-il de dire, que le Medecin qui sçaura beaucoup de theorique, ou pource qu'il aura beaucoup d'entendement ou grande memoire, fera indubitablement mauuais practicien, parce qu'il doit auoir faulte d'imagination : & au contraire celuy qui fera grand practicien, par confequent fera mauuais theoricien: l'art de medeciner s'apprenant par vne puissance, & par vne autre ce mesme art se met en execution, la grande imagination ne se pouvant assembler auec beaucoup d'entendement & de memoire, prouenans de qualitez contraires. A ce propos, adiousta-il, il se void par experience, que les Medecins guerifient mieux le menu peuple que les grands Seigneurs : à cause de la crainte du Medecin, laquelle par fa froideur offense l'imagination, qui confiste en chaleur, la practique de medecine appartenant plus à l'imagination qu'à la memoire & entendement.

Vne Feffe-tonduë, qui n'entendoit rien en tout ce difcours, s'addreffant à nostre Medecin, luy va dire, que toute la medecine de ce temps, & tous les Medecins, auec leurs Apothicaires, ne tendent qu'à vne fin, qui est de faire bien chier (ainsi parloit-il) & sans cela, ie ne voy point à quoy seruent leurs receptes & drogues. Qu'il soit ainsi, adiousta-il, ces iours passez vn mien voisin se courrouçant à vn Medecin, ne luy dit autre chose, sinon, Monsieur le Medecin, ie ne te crains en rien, que me sçaurois-tu faire ni toy, ni ton Apothicaire? Vous ne me sçauriez rien faire que de me faire bien chier.

Il y auoit en ceste Seree vn Apothicaire, qui estoit

riche, lequel voyant que ceste Fesse-tonduë l'attaquoit sans occasion, va repliquer, Regardez à qui vous parlez : ie mets la main en des lieux, où vous n'oseriez mettre le nez. Et auoit si bien gaigné à bailler des clysteres cest Apothicaire, & à mettre les mains où personne n'eust ofé mettre seulement le bout du nez, qu'il se sit sort riche, lequel auoit vn sils qui despendit tout à mettre autre chose par le deuant, dont ont esté saists ces quatre vers:

Le fils d'un bailleur de clystere En amours tout son bien despend: Le pere acquiert par le derviere, Le fils despend par le deuant.

Cela n'empelcha point que cefte Feffe-tondue pourfuiuant fon propos ne vint à dire: Aussi en sommes-nous venus iusques-là, que si le malade, qui a prins vne medecine, ne rend force excremens, il iugera qu'il est mort, ou pour le moins que la medecine ne vaut rien, & qu'il a perdu son argent, mesme le Medecin faisant de l'entendu, en accusera l'Apothicaire qui n'en pourra mais.

Si bien que l'ay veu plusieurs malades à qui il falloit apporter le poneau pour veoir s'il y auoit bonne operation, & s'il en y auoit assez pour leur argant. Entre autres, deux Medecins trouuerent leur malade, qui visitoit sa matiere secale, & luy demanderent, Que saitesvous là, monsieur? Les excremens sont aussi fallacieux que les vrines, luy dirent-ils. Le malade, sasché de ce que la medecine n'auoit point sait bonne operation, comme il luy sembloit, leur respond, le regarde s'il en y a assez

pour vous deux. Nostre Medecin se prenant à rire, va dire, Apres ces Medecins, tant qu'ils dureront : n'y a-il plus rien? Si a, ce dit vn autre, de mon Medecin, lequel m'ordonna vn iour vne medecine, dont m'estant bien trouvé, aduint que pour mesme maladie, ie prins la mesme medecine, qui ne fit rien. Ie demande à mon Medecin, pourquoy à ceste sois la medecine ne m'auoit faict aussi grand bien qu'à la premiere sois. Il me respond brusquement, parce que ie ne l'ay pas ordonnee. L'autre sois ayant mon Medecin long temps esté sans me veoir, & sans rien m'auoir ordonné, me va dire, Mon Dieu que vous estes deuenu vieil. Ouy, luy dis-ie, dautant que ie ne me suis serve vous, ne de vos medecines, ne de vostre Sotera.

Apres toutes ces rifees, quelqu'vn commença à dire. que veu l'ignorance de nos Medecins, il feroit de befoin que chasque Medecin ne guerist qu'vne maladie, ou de la maladie d'vn feul membre, comme faisoient les anciens: encores, disoit-il, seroient-ils bien empeschez. veu que Galien dit que l'œil, qui est des plus petites parties du corps, peut estre molesté de cent douze manieres de maladies. Pour vous monftrer la suffisance d'aucuns Medecins, va-il dire, escoutez vn vieil conte d'vn vieil Medecin, apprenant la practique à vn ieune Medecin, aussi scauant que luy, parla ainsi à ce ieune Medecin: Vne des choses, luy disoit-il, qui fait plus admirer le Medecin, c'est le prognostique, & quand il iuge bien de la maladie, & de ses symptomes, & accidens. Par ainfi, difoit-il à fon disciple, quand tu entreras en la chambre d'vn malade, regarde si tu verras point en fa chambre quelque chofe pour affeoir ton iugement : comme si tu veois soubs la table quelques pelures de poires ou de pommes, ou quelques noyaux de prunes ou pesches: ayant veu cela, dy au malade qu'il est en partie cause de son mal, ayant mangé telle chose & telle, felon que tu auras veu en fa chambre. Alors le malade & les assistans te trouverront plus divin qu'humain, si bien que mettans leur espoir sur toy, ils t'estimeront bon Medecin, & ne faudront à te bien payer. Ce ieune Medecin mettant cela en la gibbeciere de sa memoire, allant vn iour veoir vn malade, & regardant par tout, comme luy auoit di& fon maistre, il ne void en sa chambre autre chose, dont il peust faire son profit, que le bast d'vn aîne foubs le lict : parquoy pensant auoir trouvé la febue au gasteau, va dire au malade, qu'il ne s'esmerueilloit pas s'il se trouuoit si mal, veu qu'il auoit faict excez, ayant mangé d'vn aîne : car, dit-il au malade, i'en voy là le baft.

Tous ceux de la Seree se prinrent à rire, fors nostre Medecin, qui sit semblant de vouloir desendre l'asne & son bast. Parce, disoit-il, qu'on permet bien aux malades, principalement és longues maladies, de manger des choses dont les malades ont enuie, encores qu'elles ne soient bonnes. Car par l'ardeur qu'a le malade de manger telle chose, la force & vertu de nature, para-uant endormie, est tellement resueillee, que prenant ses sorces elle combat mieux son mal. Toutessois nous va dire nostre Medecin, ie croy le maistre & le disciple estre quelques Medecins d'eau douce. Il n'eut pas si tost acheué ce mot, qu'il se leue vne question, pourquoy

c'eftoit qu'on appelloit vn Medecin d'esu douce, celuy qu'on mesprisoit, & qu'on n'estimoit gueres sçauant & expert. Quelqu'vn va respondre, qu'appeller vn Medecin d'esu douce, c'est autant que qui diroit, C'est vn asne : pourautant qu'il faudroit luy faire aueller sorce esu douce, & de sontaine, auec des roses fraisches, & de l'anis, & des sueilles de laurier, à celle sin qu'il ne sust plus asne, selon l'antidote d'Apulee : aussi qu'aucuns tiennent que l'homme tourné en besse perd sa figure bestiale estant baigné en eau viue. L'autre disoit que c'astoit à cause qu'Asclepiadés se sit appeller Medecin d'eau fraische, selon que dit Varro : voulant auoir l'honneur d'auoir trouué le moyen de donner l'eau fresche aux malades.

Vne Feffe-tonduë va affeurer qu'on appelle les Medecins d'eau douce, parce que quali en toutes maladies ils defendent le vin, & font boire aux malades de belle eau douce & clere, & que c'est la premiere & plus grande chose qu'ils sçachent faire. Ne vous mocquez point de cela, luy replique quelq'yn, car nous trouuons que Celse guerissoit les fiebures auec de l'eau froide : aussi bien qu'vn Medecin passant guerissoit toutes les femmes & filles par vn feul simple ingredient, principalement celles qui languissoient, & auoient la jaunisse, & qu'on laisse là fletrir pour graine. On luy demanda comment ce Medecin appelloit ce fimple, dont il guerifioit les filles. Celui qui faifoit le conte respond, que le Medecin l'appelloit Groffellon : & qu'il ne vouloit que ce seul simple pour guerir les semmes & filles : car il disoit, que le messange de tant de simples empeschoit la vertu de l'vn & de l'autre. Mais il arrius que beaucoup de femmes & filles ne guerirent pas, à cause de l'ignorance des Apothicaires, & de ce qu'ils n'entendoient pas, & ne cognoiffoient pas ce fimple de Groffellon, qui faifoit prendre à l'Apothicaire vn qui pro quo. Possible que ce Medecin ne s'estoit pes addressé, replique wn autre, à vne bonne boutique d'Apothicaire. Le mal, va respondre celuy qui faisoit le conte, ne venoit pas de là : car à fon arriuee, apres auoir demandé la meilleure boutique de la ville, on luy en enseigna vne, comme la meilleure: dautant qu'il y auoit à besongner pour vn maistre & cinq compagnons. Mais tout le mal. & ce qui empeschoit la fanté de ces pauures femmes & filles. c'estoit de ne cognoistre pas, & de n'entendre pas ce mot Latin de Groffellon. Car à la vérité, disoit-il, la science la plus importante qui foit en noftre viage, comme celle qui concerne nostre santé & vie, est de mal-heur la plus incertaine, la plus troublee & agitee de plus de changement. A ce propos, adieufta-il, le feigneur de Montagne me plaift bien, quand il dit, que mellans leurs ingrediens enfemble, il est mal-aifé à croire qu'ils puiffent faire quelque chose de bon, & que cela puisse seruir, & ne croy pas ce que les Medecins difent de tous ces ingrediens, que l'vn eschauffera le cerueau, l'autre refreschira le foye : que l'vn humectera le poulmon, l'autre affechera l'estomach : l'vn a sa charge d'aller aux reins, l'autre au lieu où il est destiné : ce simple, afpipicit illam partem, l'autre, aspicit aliam : si bien que ce breuuage mixtionné confus trira & diuisera ses vertus felon leurs charges diuerfes, & felon la propriété qu'a chacun simple par sa vertu occulte. Mais, comme il dit, il est à craindre que tant d'ingrediens, & si diuers, ne perdent ou changent leurs etiquetes, & troublent leurs quartiers. Comme aussi la Montagne reprouue le Mithridat, lequel Mithridates ne composa que de quatre fimples, où maintenant il entre de trois cents fortes de drogues pour le composer, & ne peut penser que tant de fortes de simples puiffent loger ensemble dans vn estomach, sans se faire ennuy l'vn à l'autre : & ne scaurojent faire meilleur accord que trois cents musiciens chantans tous enfemble. Il y a bien plus, disoit-il, en ce Mithridat du iourd'huy, il y entre du gist & de l'albastre, I'vn & l'autre estant indigestif, & quand ils sont calcinés, ce n'est autre chose que plastre, qui est mortel, estoupant les conduicts. Par mesme raison il blasmoit la sottife & auarice des Medecins en leurs restaurans d'or, qu'ils ont prins des Arabes, en leur or potable, & Electuaires, qui font faicts de pierres pilees : car ce qui ne se digere point, ne peut seruir à l'estomach : ce qui ne se putrifie point & consomme au corps de l'homme, ne peut seruir de medecine ne de restaurant : or est-il qu'ils tiennent que l'or ne se consomme point, car il ne diminüe iamais de sa bonté ni de son poids aux restaurans. Et ne sert à rien de dire que les pierres precieuses feruent à reparer les esprits vitaux, à cause quòd à tota specie viuant, & à cause de leur lumiere, qui symbolise auec les esprits : car il est certain que ces compositions font perdre aux pierres precieuses totam speciem, & toute leur lumiere: dont s'enfuit que leur force & vertu en est perduë.

le m'esbahis, repliqua vn autre, que puis que ces compositions ne seruent à rien, & coustent tant, comme il se traune des Medecins qui les ordonnent : si ce n'est pour se rendre admirables, & que le malade pense que l'or & les pierres, tant estimees & cheres, ont plus de vertu que toute autre chose, pource qu'on ne les donne qu'aux riches. Vraiement, adiousta-il encores, i'aimerois mieux le Medecin que ie rencontray chez vn malade. dautant qu'il ne met point les patiens en frais, & en danger, les chargeans de beaucoup de medecines & fortes, comme fait la plus-part. Car quand le malade luy disoit, la fiebure m'a prins en vn grand froid, il ne faisoit que dire, tant pis : puis quand il disoit, elle ne m'a gueres duré, il respondoit, tant mieux, & non autre chose. Si le malade disoit, ie boy du vin qui n'est gueres bon, tant pis, disoit le Medecin : i'en ay bien de meilleur, disoit le malade, tant mieux, respondoit le Medecin. Ce Medecin estant appellé à vn malade, & ne sçachant qu'y faire, pria vn sien voisin, qui se messoit de bailler quelques receptes, d'ordonner quelque chose : qui luy va respondre, qu'il n'en feroit rien, parce, disoit-il à ce Medecin, que ie n'ay pas lettre de tuer comme vous,

Nostre Fesse-tondue nous va faire vn plaisant conte d'vn Medecin passant, appellez le Charletan si vous voulez, qui se messoit de bailler ie ne sçay quels morceaux
de papier, mis en petits rouleaux, dont il asseurcit guerir toutes maladies, & plusieurs autres. Or couroit-il de ce
temps vne maladie populaire, qui molestoit fort les semmes & les silles, assez sascheuse, dont le peuple couroit
apres ce trompeur : lequel leur mettoit au col vn breuet,

и.

:

auec du fflet hon encore mis en œuure, iargonnant ne loay quelles paroles : mais fur tout leur defendoit de n'ouurir le breuet, que les quinze iours ne fussent expirez, autrement il leur disoit qu'il perdroit toute sa vertu : dans lequel temps il s'en alla. Or comme les femmes font curieufes de sçauoir ce qui leur est defendu, plusieurs leurent les breuets, & y trouuerent ces mots : Dame, fi tu files, & le fuseau te chet des mains, lors que tu te baiffes, tien le cul clos. Voila pas vne tromperie digne de ceux qui s'y fient? Si les Loix des Romains, difoit nostre Medecin, estoient bien observees, il n'y auroit pas tant d'Empiriques & Charletans, & nos Medecins regarderoient mieux à leurs affaires, & à celles du peuple : parce qu'ils feroient tenus de leur ignorance par la Loy Illicitas, l'ignorance tenant le lieu de coulpe, par la Loy Imperitia: encores que le Medecin fist la medecine gratis, ce dit Accurfe. Et le chapitre Exhibita, dit que plusieurs meurent par la faulte & ignorance des Medecins : lesquels, disoit nostre Medecin, ie prie regarder bien à ce que dit Celfus au liure troisiesme, où il blasme fort les Medecins, encores qu'il fust de nostre mestier. Et aussi à la verité, adjousta-il, ie ne m'esmerueille point de nostre ignorance, veu que nous laissons Hippocrate, Galien, Nicander, Aetius, Scribonian, Largus, Seranus, Paul Aeginete, pour fuyure Auicenne, Auerrois, Serapion, Meſué, & les autres Arabes, ou bien Apponense, ou lacobus à Partibus, à cause de la plus-part de nos Medecins, qui ne sçauent rien en Grec, & gueres en Latin.

A propos de l'ignorance (disoit nostre Medecin) qu'on

noes impute, it vous conteray vne replique picquante que me fit mon Curé. C'est que ceste annee-là, encores que ce ne sust de peste, il mouroit tent de gens qu'on ne voyoit que nous autres Medecins & les Prestres par les ruës. Or vn iour allant visiter mes malades, ie trou-usy le Curé & les Prestres, qui alloient & deçà & delà aux confessions, enterremens, & services, & n'estoient pas encores à demy : & en me riant ie leur dy; Messieurs, vous saites bien vos orges & vos choux gras ceste annee icy? Lors mon Curé me va respondre, en se riant aussi, Ouy bien, monsieur, Dieu mercy & vous. Ce sut à moy à m'oster de là, & conter à mes compagnons de Medecins ce scomma & sals disterium.

Ceux de la Seree retournans à la fuffisance que doit auoir vn bon Medecin, vont reciter beaucoup de qualitez requifes à ceux qui traictent la medecine : entre autres vn prenant la parole, va dire. La ftatuë d'Esculape, qui estoit en Epidaure ville de Grece, monfircit bien quelles parties doit auoir vn Medecin. La statue de ce lieu, comme Paulanias a descrit, estoit assie en vo beau fiege, auec vne grande barbe, pour desseigner que le Medecin doit estre experimenté : avant vn baston en vne main, qui estoit tout plein de nœuds, qui fignifie la difficulté de la medecine : & tenent l'autre main sur la teste d'vn serpent, pourautant que c'est vn animal fort vigilant, comme il est necessaire que soit le bon Medecin: auec vn chapeau de laurier, à cause que cest arbre fert & est bon contre plusieurs maladies. Les autres baillent à Esculape en vne des mains deux coqs aussi pour la vigilance. Et voilà la raison, disoit

noître Medecin, pourquoy Platon laisse par son testament vn coq à Esculape.

Sur la fin qu'on se vouloit retirer, vn Drolle nous va conter qu'vn fien voilin enuova fon feruiteur à fon Medecin, que ce Drolle appelloit fon Medecin, combien qu'il n'eust iamais prins de medecine. Ce feruiteur monstra de l'vrine de son maistre à ce Medecin, lequel l'ayant bien speculee, tournee & viree, auec des interrogations qu'il auoit faictes à ce valet, de la maladie de fon maistre, va dire à celuy qui auoit apporté l'vrine, Mon amy, dites à voître maistre qu'il est tout plein de flume, qu'il est etique, & que s'il ne prend garde à luy, il s'en va hydropique. Le feruiteur estant de retour en la chambre de fon maistre, où i'estois, va dire: Monsieur, le Medecin dit que vous estes plein de plume, & que vous estes heretique, & si vous n'y remediez, vous en allez estre hypocrite. Celuy qui pensoit estre malade, se print si fort à rire, auec moy, qu'il ne fut ne plein de plume, ne heretique, ne hypocrite, estant feulement malade par imagination : & Seneque dit que nous fommes plus fouuent en peine & malades par opinion qu'à la verité : & que plus de choses nous espouuentent, que d'autres ne nous pressent & tourmentent. Estans les hommes communément ennemis d'euxmesmes : sinon ceux qui scauent resiouïr leurs esprits d'vne honeste recreation, telle que celle qui se prenoit en l'affemblee de nos Serees : laquelle ayant fur ce prins fin pour ce foir, fut continuee au lendemain.



CHENCHENCHENCHENCHENCHEN

VNZIESME SEREE.

Des Cheuaux, des lumens, des Asnes, des Mules & Mulets.

TN des premiers de nos Serees, qui le plus fouuent reuenoit des champs, où il auoit vne belle maison, pour s'y trouuer, nous conuia vn iour tous d'y aller : & nous en pria de si bon cœur, que luy accordasmes. Le lendemain estans tous à cheual, à fin de vous aduertir qu'il y auoit bien des bestes, nous acheminons, & par le chemin voicy qu'il aduint. C'est que les eaux estans vn peu groffes, il fallut paffer vn gué, dont vn chacun se tira le mieux qu'il put : fors vn des nostres, lequel pensant estre le mieux monté, & le plus affeuré pour paffer ceste eau, à cause de son cheual qu'il estimoit sur tous les autres, ne laissa à tomber luy & fon cheual, si auant en l'eau, qu'ils furent en danger de se noyer : vous affeurant que l'vn ne l'autre n'estoit point forcier, car ils allerent bien iufques au fond : combien que Dieu mercy, le maistre & le cheual se sauuerent. Estant remonté sur son cheual, vn de la compagnie luy va dire: l'av veu que vous aimiez tant vostre cheual, que vous vantiez d'estre le mieux monté de toute la ville, & que tous les autres cheuaux n'estoient que

bestes au prix du vostre : mais ie croy qu'auiourd'huy vous luy voulez grand mal. Le maistre du cheual en foufriant luy va dire: Non, ie ne luy veux nul mal, nous fommes appoinctez, nous auons beu enfemble n'y a pas long temps. Ceste response & rencontre fut trouuee si bonne, qu'elle nous ofta la fouvenance de la peur (qui nous tenoit encores) qu'auions eu que le maistre & le cheual ne fuffent noyez : & fi fut caufe qu'arriuez en ceste maison rustique, on ne parla en toute la Seree que des cheuaux & autres bestes qui portent. Les vns disoient, qu'ils n'estimoient pas moins le cheual qui estéit tombé pour cela, & qu'vne fois n'est pas coustume, & qu'il arriue des chofes vn coup, qui n'arriuent iamais par apres: & puis on dit, Vn cheual de cent escus tombe bien : & qu'il ne falloit que pour vne seule faulte fon maistre le laissast, & qu'il luy voulust mal, puis qu'ils auoient beu tous deux enfemble. Les autres difoient qu'il y auoit tromperie par tout, fort en femmes & en cheuaux. Et à ce propos quelqu'vn nous va conter comme vn marchand & vendeur de chenaux, eftant de bonne conscience, en difant les vices des cheuaux qu'il vouloit vendre, tacitement disoit leurs bontez : & voicy comment. Vn grand Seigneur s'en allant à l'estable de ce marchand, marchande vn des plus beaux cheuaux qui y fust. Le courratier va dire lors, qu'il en auoit tant refulé d'vn tel gentil-homme, mais qu'il luy auoit touflours gardé : car il est fort comme vne tour, difoit-il à ce Seigneur, il va comme vn garrot, il despesche comme vn moulin : & combien que foyez bien riche & grand Seigneur, fi tous vos cheuaux mangeoient auffi

bien que luy, ils vous destruiroient. Mais parce que ie ne voudrois pour rien du monde, disoit-il à ce Seigneur, vous tromper, ie vous diray ce que ie trouue de mauuais en luy : c'est qu'allant par les champs il ne fait que hannir : tellement que si vouliez parler de secret, comme vous autres meffieurs auez de bonne coustume, vous ne sçauriez en façon du monde, tant le cheual est gaillard & ioieux, & ainsi il vous deceleroit si vouliez aller en embuscade, & bailler la Diane : & s'il falloit aller à la guerre, & à la charge, ou passer vn gué, il vous mettroit en danger, car il n'endurera iamais qu'vn autre cheual marche deuant luy. Il y a bien plus, difolt ce marchand, il baue toufiours, tant foit longue la traide, & parce que vous autres grands feigneurs eftes le plus fouuent habillez de foye, ce cheual en tournant la teste d'vn costé & d'autre, comme il sait, il gasteroit de sa baue tous vos vestemens. Que si vous l'abbreuez, il met si auant le museau en l'eau, que vous penserez qu'il vous vueille nover. & kuy auss.

Quelqu'vn de la Seree prenant la parole nous va conter d'vn autre marchand de cheuaux, qui voulant recommander son cheual de courage & vitesse, & auec cela d'estre doux, disoit à celuy qui le marchandoit : Voyez-vous bien ce cheual, vous ne luy sçauriez si tost monstrer vn fossé, que le voilà dedans, & est si doux, que s'il est vne sois en vne sange où en vn bourbier, n'ayez pas peur qu'il bouge de là : & le piquez tant que vous voudrez, encores que le cheual soit sort à teune. Alors vn Drolle nous va dire, qu'il auoit chez eux vne vieille beste, laquelle estant ieune ne se teuoit sans estre

piquee; mais maintenant qu'elle est vieille, disoit-il, elle se leue bien sans la piquer. Ce mesme marchand vendant vne haquenee, disoit à celuy qui la vouloit achepter: Prenez-la hardiment, elle est bonne pour iouer à trente & vn, car elle ne passe point: n'ayez aussi peur qu'elle vous destruise, car ie vous asseure qu'elle ne va pas grand train: & tant plus elle est chargee, elle a les pieds plus prés de la terre.

Il y auoit en ceste Seree rustique vn des nostres, qui estoit venu fur vne Caualle, c'est pourquoy il commença à preferer les iumens aux cheuaux, & comme Gargantua, homme d'esprit, choisit vne Caualle pour sa monture, plustost qu'vn cheual. Premierement, disoit-il, vne iument va plus viste, & si vous mettra mieux hors du danger qu'vn cheual, faisant plus grande traicte & iournee, à cause qu'en vrinant elle ne laisse à courir, & le cheual s'arreste en vrinant : que si vous le pressez tant qu'il ne puisse pisser, il deuiendra malade, & mourra d'vne difficulté d'vrine. Dauantage, disoit-il, les iumens vont communément plus doux, & si trébuchent moins que les cheuaux : car i'estime vn grand vice à vn cheual, le broncher, veu les inconueniens qui en arriuent tous les iours, & bien plus grand que ne signifient les hieroglyphiques & facrees lettres, qui par le cheual bronchant ne representent sinon qu'vn mauuais commencement en affaires : qui le plus fouuent monstrent la fin que le commencement. Aussi les iumens ne sont si difficiles à boire, ni à manger, ni à traicter, ni si subiectes à morfondure, ni aux auiues, à la morue, à la pousse, au farcin, & à estre recreues, que les cheuaux : combien qu'on die que les iumens font molestees d'vne espece de rage, quand elles voient leur image dans l'eau, estans surprinses d'amour, & par cela laissans le boire & le manger. Que si auez peur que vostre iument emplisse, & estant pleine qu'elle ne vous puisse seruir, pour empescher d'entrer en chaleur, il ne luy saut que tondre le crain, & cela seul la rendra sans chaleur.

Si est-ce, luy repliqua vn autre, que les Anciens n'ont point tant parlé des femelles que des masses, car ils ont laissé la memoire des cheuaux, & leur nom, en leurs liures, ce qui durera à iamais : ne s'estant trouvé qu'vn cheual malheureux, qui est le cheual de Seian. Que si la iument de Gargantua a esté renommee pour vn temps, elle n'a point pourtant esté chantee comme le cheual d'Alexandre, auguel son maistre bastit vne ville qu'il nomma Bucephale, du nom de son cheual, & là sut la fepulture du cheual : qui mourut en vne bataille contre les Barbares, aagé de trente ans : Alexandre l'ayant honoré de sepulture, comme aussi ont faict Cesar & Auguste. Ces gens-là toutesfois estans dignes, en ce faich, d'estre enseuelis auec tels animaux. Si est-ce, repliqua quelqu'vn, qu'on trouue que Cimon fit vne sepulture honorable, aupres de la sienne, aux iumens auec lesquelles il auoit gaigné par trois sois la course aux ieux Olympiques, & qu'Echecradités emporta le prix de la course és ieux du mont Olympe, auec vne iument, encores qu'elle fut pleine : & que Poppea, femme de Neron, ferra fes iumens de fers d'or. Puis adjoufta. mais que diriez-vous de Caligula, qui bailla vn nom à fon cheual, & par ce nom le faifoit inuiter à foupper,

10.

& là on luy bailloit de l'orge d'or, le designa Consul, & le fit fon collegue au Pontificat? Il luy fut respondu, ie ne sçaurois vous dire autre chose, sinon que c'estoient deux bestes. Et les laissans là, ie vous prie de me dire pourquoy on imposa le nom de Bucephal au cheual d'Alexandre : car la dispute n'en est pas encores vuidee entre les doctes. L'vn disoit, qu'on luy donna ce nom à cause qu'il auoit le regard de trauers. L'autre, pource qu'il auoit la teste faicte comme vn taureau. Le tiers, affermoit que, c'estoit à cause qu'on marquoit les cheuaux de Theffalie, qui font bons & genereux, auec des fers chauds, où estoit engrauee vne teste de bœuf, qu'on leur imprimoit en la cuisse, & que les cheuaux ainfi marquez estoient appellés Bucephales. Et en quelle estime on auoit les cheuaux de Thessalie, vous le pourrez fçauoir, disoit-il, par l'oracle Delphique, qui est en Strabo:

Theffalius præftat sonipes, muliérque Lacana,

Puis que nous fommes sur les bons cheuaux, va dire quelqu'vn, & sur les cheuaux qu'on marquoit par leur bonté, ie voudrois bien sçauoir pourquoy les anciens ont eu en recommandation les cheuaux qui estoient marquez auec les dents d'vn loup, qu'ils appelloient Lycopsudes, c'est à dire, recous & guarantis de la dent ou de la patte d'vn loup: car encores auiourd'huy on tient qu'ils sont meilleurs, & plus legers & courageux que les autres. Ne seroit-ce point, luy sut-il respondu, que se souvenans du danger où ils ont esté, ceste crainte

les rende ainsi legers? Ou bien que s'ils n'eussent esté bons, courageux, & legers, ils ne se fuffent iamais sauuez du loup? estans plus genereux & agiles quand ils se font esprouués à l'encontre du loup, Combien, adiouflail, que les cheuaux foient rendus couards, pefans & tardifs, quand ils mettent le pied fur le vestige du loup : ayant si grande contrarieté entr'eux, ce dit Pamphile, que le loup mort & enseuely fait peur au cheual, tant genereux foit-il, & si le cheual ne passera iamais où les entrailles du loup soient enseuelies. Qui est vn moyen dont aucuns vient enuers les grands leigneurs, qui veulent auoir les cheuaux des autres : car voyant cela, on pensera que le cheual foit retif. Et y a vn autre miracle de nature, adioustoit-il encores, que le cheual ayant douleurs & trenchees de ventre, se guerit quand on l'enuironne de l'intestin d'vn loup : que Pierius dit auoir veu tenir prest à cest vsage en plusieurs endroids de Rome. Mais s'il est vrey, demanda quelqu'vn, ce que dit Çadamoste, que les magiciens & forciers peuvent rendre vn though plus vifte & leger? Ce qu'il femble affeurer, quand il efcrit, que les cheuaux Negres font rendus plus forts, plus affeurez, & meilleurs, par le moyen de quelques charmes.

Ce doubte fut cause d'en saire d'autres : & pource qu'on n'osoit asseurer ce qui se trouve par escrit des cheuaux, quelqu'vn commença à dire : Est-il vray que pour empescher vn cheual de hannir, qu'il na saut que luy attacher vne pierre percee à la teste, & à wn asse à la queuë? L'autre demanda, si ce que Razis & Albert ont dit estoit veritable : o'est que le cheual est randu

viste & leger estant serré du ser qui aura tué quelqu'vn, & que le mords de bride saict de ce mesme ser, retiendra le cheual, & le rendra doux & passible, tant surieux soit-il: & en adioustant, leur demanda s'ils croiroient bien ce qu'vn Escuyer d'escuyrie luy auoit asseuré, que si on mettoit vne petite pierre aux oreilles d'vn cheual, il se laissera panser & serrer, tant surieux soit-il.

Le dernier des doubteux s'aduisa de demander, que seruoit au temps de la monte, quand on fait faillir les iumens, de leur sonner vn certain chant, qui s'appelle Hippothoron. Et celuy voyant que personne ne luy respondoit, va interroger ceux de la Seree, s'ils croiroient bien ce que sont les Sarmates, lesquels voulans faire sur leurs cheuaux quelque grand chemin, les sont ieusner le iour deuant, leur baillans seulement quelque peu à boire, courans leurs cheuaux par ce moyen cent cinquante mille: là où au contraire, quand nous auons affaire de nos cheuaux, c'est lors que nous les pansons bien, leur baillans à manger plus que de coustume.

Vne Feffe-tondue va dire, que sur tout il voudroit bien vn cheual tel que celuy qu'on trouua au pillage, quand Probus eut vaincu les Alains: car au rapport des prisonniers, ce cheual faisoit cinquante lieuës par iour, a continuoit huid iours: combien que l'Empereur n'en sit pas grand conte, & le resus, jugeant qu'il conuenoit mieux au soldat fugitif qu'au vaillant. Puis adiousta, qu'il ne voudroit point de ces cheuaux qui sont si courageux & si hardis, ne de ceux qui sont si legers, & vistes, estans subieds à chopper, & qu'il se contenteroit d'vn cheual qui ne laisseroit point tomber la somme, comme

auoit faict celuy du matin, & n'amafferoit point les bourfes, & qui ne feroit point retif: & fur tout disoit-il. ie n'aime point les cheuaux qui font fascheux au montouër, & qui mordent & qui ruent. Le grand Sforce, adiousta quelqu'vn, a tant eu à contre-cœur les cheuaux vicieux, qu'il en fit vn aduertissement à son fils, auec deux autres. Le premier, qui ne sert à ce propos, est de ne toucher à la femme d'autruy : & le fecond, de ne battre le seruiteur qui aura demeuré long temps en sa maison, s'il est homme de faict, sinon qu'à l'instant il luy donnaît congé apres l'auoir payé. Et le tiers aduertiffement estoit, qu'il ne se seruist iamais de cheual qui ruaft, regimbaft, ou qui fust fascheux. A ce propos, va-il dire en continuant, il me souvient d'vn petit conte, que ie commencerai ainst. Il n'y a pas long temps que i'estois en la maifon de deux honestes & scauantes Dames, s'il en y a au monde, où les gens d'honneur, de bon esprit & sçauoir font bien venus. Difcourant auec elles, il vient en leur chambre vn villageois pour quelque affaire : qui estant demy entré, & n'ofant approcher, commençe à leur conter ce qui l'auoit amené là. Vne de ces Dames, accorte comme elle est, luy va dire : Hé i dea mon amy, approchez vous, ie ne ruë ni ne mords. Cest homme des champs, que ie pensois rustique & simple, luy va dire en fon Poicteuin: Pardé, ô feroit donc bon montre fur ine itau beste. Ie ne sçay qui trouua meilleure la rencontre ou elle, ou moy : car nous nous prinîmes à rire comme vous faites maintenant, dautant qu'il n'y a personne icy qui ne souhaitast, sur tout, de trouuer vne beste qui fust douce au montouër, sans ruer ne mordre.

Et voves-vous pas, va-il dire en continuant, à quels gages on entretient les escuyers, pour dompter les cheusux, & les rendre doux, paifibles, & de creance? Si bien que caux qui les ont maistrifez, les faisans servir aux homenes, ont esté estimes si courageux, pour auoir rangé des beftes li furioules (que les anciens ont estimé indomptables) qu'on les a appellez Ceptaures. Vous vous trompez, luy fut-il repliqué, vous trouverrez qu'ils n'ont pas efté appellez Centaures à cause de leur hardiesse & audace à dreffer les cheuaux, mais de ce qu'ils ont efté les premiers qui les ont piquez : car centao, mot Grec, vault autant à dire que flimulo, pungo, ce dit-on. Et ne trouve point, adiousta-il, que les cheuaux ayent iamais esté si farouches qu'on les fait, m'affeurant tous les autres animaux n'estre que bestes aupres de ceux-ey. Car il ne laisse par sa hardiesse à estre docile, & se soubsmettant à la loy, ne refuse la bride, comme dit Virgile :

> Ce neantmoins le cheual s'est offert D'estre accouplé, & le mords a souffert.

Et à cause de sa hardiesse les Egyptiens par leurs lettres hieroglyphiques, a escritures sacrees, significient par le cheual la guerre, a de son nom sont dicts cheualiers, coux qui estans dessus se sont portez vaillamment. Aussi les Poëtes reçoiuent le cheual comme donné des Dieux : car Noptune en srappant sur le riuage de la mer Thessale, le produit, comme servant grandement à la guerre, les meilleurs cheuaux estans ceux de Thessale: que si nous trouvons qu'ils se troublent en vn grand bruit, comme en vne bataille, aussi saits bien l'homme. Les Scythes sont

fi grand cas de leurs cheuaux, qu'ils disent qu'vn de leurs Rois estant tué en vn combat, le vainqueur, venant à la despouïlle, sut dessait du cheual du vaincu, à coup de pied, & de la dent. Ils difent auffi que le Roy Nicomede ayant esté tué, son cheual se laissa mourir de faim : & que Philarche regite, que Centeurete de Galetie gaignant le cheual d'Antioche, tué en la betaille, monta dellus comme triomphant : mais que le cheual embrafé de courroux, de peur d'estre maistrisé par l'ennemy de son maistre, prenant le frein aux dents, se precipita dedans des barricaues, là où ils moururent enfemble. Et si les Scythes afferment qu'vn cheual de leur pais fe tua cognoiffant auoir failly fa mere. Ces nouueaux peuples des Indes, ce dit de Montagne, estimarent tant les cheuaux des Espagnols, que ces Indois estans vaincus, & demandans la paix, firent des presens aux hommes, & puis à leurs cheusux. Le cheusi succ tout cela, aime fon maistre & si le recognoist : comme nous trouuons du cheual d'Alexandre, qui ne vouloit permettre qu'autre montaît sur luy que son maistre : cela s'entend quand il estoit paré & fellé, car quand il estoit pud, il enduroit bien que le palesrenier montast à poil deffus key, autrement il eust fallu qu'Alexandre mesme eust abbreuué son cheual, ou qu'on le menast boire par le licol. Pline dit, adioustoit-il, que les cheusux portent si grande affection à leurs maistres, qu'ils en font le dueil estans morts, & de regret iettent des larmes : comme Virgile dit de Pallans,

Depuis ayant laissé Aethon ardent destrier Son harnois, va pleurant son vertueux guerrier.

Et Homere dit que les cheuaux de Patrocle, apres sa mort, ne voulurent plus obeïr à Automedon, tant ils trouuoient estrange l'absence de leur maistre. I'ay ouy affeurer, adiousta il, que si vn cheual se trouue en quelque peril, ou en vne bataille, s'il n'a dessus luy son maistre, ou celuy qui a de coustume de le mener, deuient rebours & mauuais, & qu'on ne s'en peut aider. Et si trouuons par la doctrine des Augures, que comme le cheual qui nasquit en la maison de Cesar, ayant la corne du pied fendue en forme de doigts, luy predit fon Empire, qu'aussi il luy predit sa miserable fin : car vn iour deuant fa mort, il trouua les troupes de cheuaux (qu'il auoit confacrez paffant le Rubicon, les enuoyans fans maistre) qui s'abstenoient de manger, & pleuroient. Combien que les deuins, repliqua quelqu'vn, veulent que les cheuaux emportent fignification d'Empire & maiftrife, si est-ce que les Onirocrites, & qui se messent d'interpreter les fonges, difent que si on songe auoir vne teste de cheual, que cela fignifie seruitude & pauureté. Celuy qui estimoit tant les cheuaux, reprenant fes premiers arremens, va dire que le cheual auoit quelque raison, & qu'il ratiocinoit entre toutes les autres bestes, à cause du temperament de son cerueau : dautant, disoit-il, qu'on trouve des cheuaux qui sçauent combien de feaux d'eau ils ont tiré ce iour, & combien ils ont accoustume d'en tirer, si bien qu'ayant fai& leur tasche, on ne leur en sçauroit faire tirer dauantage. Si vous n'estes contents de cest exemple, adioustoit-il, nous trouuons qu'vn cheual, auec sa charge de sel, tomba de fortune dans l'eau : estant rechargé, & trouuant que sa

charge n'estoit pas si pesante que parauant, à cause que l'eau qui s'eftoit meslee auec le sel en auoit faict fondre vne partie, ne failloit iamais de se coucher en l'eau quand il paffoit les ruiffeaux ou riuieres, fe fouuenant que sa charge diminuoit. Thalés ayant entendu du maistre de ce cheual tout ce discours, se doubtant de la malice & de la ruse du cheual, le voulant corriger, & qu'il ne se couchast plus en l'eau, le fait charger de laines & esponges en lieu de sel. Le cheual ainsi chargé ne faillit comme de couftume à se coucher dans l'eau : mais estant releué, & rechargé, & sentant la charge plus pefante qu'auparauant, là où il auoit accoustumé de la trouuer plus legere, par apres ne se coucha plus en l'eau. Ce Thalés, adiousta-il encores, auoit l'esprit bien percé aussi, quand il cogneut que les cheuaux qui portoient le faffran deuenoient tous effourdis par fon odeur : parquoy il ne bailla gueres de saffran à chasque cheual, & fi vn en estoit chargé, il le faisoit aller le dernier : ce que nos muletiers font bien encores auiourd'huv.

Vn autre prenant la parole va dire qu'il ne se falloit esmerueiller de cela : veu que Amatus Portugais sur Dioscoride, dit qu'vn homme s'estant couché vne nuict sur vne balle de saffran, sut trouué tout mort le matin. Il sut repliqué, qu'on ne faisoit pas doubte que le saffran par son odeur ne peust essoute que le saffran par son odeur ne peust essoute que le sortent : mais que les sigues chargees sur asnes & cheuaux les sacent succomber au saix, & perdre toute sorce, on ne le pouvoit croire. Pleust à Dieu, commença à dire quelqu'vn, qu'il y eust vn autre Thalés encores en vie :

10..

pour scauoir de luy pourquoy on pend au col des bestes des formettes, des cloches, des campanes, qui les chargent beaucoup. Quant à moy, disoit-il, qui y veois à la bonne soy, a n'y prens garde de si prés, ie n'en scay autre raison, sinon que c'est à fin que les petits ensans s'oftent du chemin, oyant ces campanes : ou bien à fin que les voituriers s'auancent ou retardent, de peur que les mulets se rencontrent en vn' chemin, où ils soient contrainds l'vn ou l'autre de reculer : comme és montaignes ils se trouvent de tels chemins. Seroit-ce point, luy fut-il repliqué, que les cheusux & mulets de charge prennent plaifir au fon & mulique de ces brimballes? parce qu'on trouve en Strabo, que les Elephans obeiifent à leurs gouverneurs par quelque chant, & par le son des tympanes. Que si par vsage on a trouté que les bestes de charge prennent plaisir à la musique & accord de ces campanes, la derniere en ayant vne si grosse au col qu'elle sert de basse-contre, & les autres estans de diuers tons, tout fon estant vniforme & de mesme facon desplaisant à nature, on s'est apperceu aussi que ces bestes en endurent le trauail plus allegrement, ceste mufique & fon leur faifant trouuer le chemin plus court, & moins ennuveux, les bestes se resiouissans d'ouir des sons. Que si ces campanes ne seruoient que de piasse, comme font les plumars, ce seroit grande solie de les charger de si pesantes brimballes. Vrayement, va dire vn autre. ie me fuis trouué autresfois qu'en oyant ce tintamarre, ie pensois encores quir la feste des Oribantes, ou la Carauanne des Turcs, quand ils vont au sepulchre de Mahumet. Et bien, adioustoit-il, que le son leur face trouver

le chemin plus court, & de moindre trauail, quand ils cheminent, si m'est-il aduis que ces clochettes qu'on leur laisse la nuich, les empeschent de reposer, si nous croions ce qui est escrit d'vn Roy, lequel eut si grand'enuie de vaincre és ieux Circenfes, qu'il commanda par fes foldats à tous les voifins, où estoit logé son cheual, de ne faire aucun bruit, à fin que son cheual reposast mieux. Que si ces campanes soulagent les bestes de charge qui les portent, pourquoy n'en met-on au col des cheuaux qui tirent vne charrette, ou vn coche, ou portent vn homme? On demanda terme pour en venir : ce pendant quelqu'vn va dire qu'il rendroit bien raison pourquoy les cheuaux attellez en vn coche, ou charrette, ensemble, & de front, tirent mieux & de meilleur courage, que quand ils font desaccoublez, ou qu'ils tirent l'yn estant apres l'autre : parce, disoit-il, que l'enuie qu'ils ont à qui courra le plus fort, leur eschauffe le courage, augmente la force, & leur fait oublier le trauail : non que ce foit, comme aucups ont voulu dire, que plufieurs cheuaux s'eflançans ensemble fendent mieux l'air, ne trouuans fi grande refistance. Bien, ya dire vn autre, ie reçois vostre raison, à la charge que vous me direz comment il se peut faire, qu'vne herbe, dicte en Latin Lunaria, en François Lunaire, puisse deferrer vn cheual tout à plat, s'il passe par dessus, tant bien serré soit-il. comme l'a escrit le Seigneur du Bartas :

Lunaire où cachez-vous Cet Aymant, qui le fer si puissamment attire? · Lunaire où cachez-vous la tenaille qui tire Les fers si dextrement? Lunaire où cachez-vous La mareschalle main, qui arrache les clous Si doucement des pieds?

Et comme il se peut faire qu'vne semme ayant son catamini sace auorter vne iument pleine, en la touchant & regardant. Il luy sut respondu que cela se faisoit par vne occulte & secrette vertu de Nature, aussi bien qu'infinies autres choses, dont la faculté demeure cachee: combien que plusieurs disent que c'est le pont aux Asnes de recourir à ces vertus occultes: parce qu'il y a beaucoup de choses qui sont accessoires, que nous pensons estre cause des principales, qui pourtant ne le sont pas, & que nous voyons plusieurs euenemens, qui s'entresuiuent l'vn l'autre, lesquels sont reputés causes, & ne le sont pas: comme du Remora, qui se trouue en la mousse quand on nettoye le nauire: la mousse empeschant le nauire d'aller, & non ce bestion de Remora.

Ceux de ceste Seree rustique, reuenans à leurs bestes, vont demander pourquoy les mules & les mulets viuoient plus longuement que les cheuaux, estans aussi grands & gros les vns que les autres. Il fut respondu, que c'estoit à cause de la sterilité des mules & mulets, qui ne perdent point de semence : les vns disans leur sterilité venir de ce que leurs conduits sont corrompus en leur geniture, les autres que c'est à cause de la mixtion des semences, qui sont de matiere trop liquide & molle, combien que Theophraste die que les mules de Cappadoce portent.

Vn de nostre Seree, qui estoit des plus grands & des

plus gros, prenant la parole, va demander, si on vouloit inferer que les plus grandes bestes & les plus groffes viuoient plus que les petites, pource que nous voyons que l'Elephant, la plus grande & groffe beste du monde, qui porte autant que trois mulets de ce païs, vid plus longuement que tout autre animal : les animaux tant plus ils font grands & gros, tant plus ayans de chaleur, & en la chaleur confiste la vie. Que si cela est vray, disoit-il, tant mieux pour moy. Mais qui m'en fait doubter, c'est que le trouve les hommes qui habitent le Midy, mesmement les Numides, viure plus long temps que les Septentrionaux, non pas que les vns foient plus grands que les autres, & par confequent ayent plus de chaleur, où confifte la vie, mais c'est à cause de la chaleur de ce païs-là, qui est cause que ceux qui y habitent n'ont pas grands excremens & superfluitez : & aussi qu'on ne trouve que vers l'Auster des Elephans & cornices, qui viuent plus que toutes les autres bestes.

Puis il va dire, pour reuenir au sujet de la Seree, qu'il ne se sentit point iniurié, quand on luy disoit qu'il estoit vne grosse & grande beste : veu qu'encores que l'Elephant soit la plus grosse beste du monde, si est-ce qu'il approche plus de la raison que les autres, & qu'il s'appriuoise plus aisément. Il s'est trouué des Elephans, disoit-il, qui ont mis hors de la bataille leur conducteur & cocher, estant tombé, & l'ont sauvé. Que si d'auenture par cholere ils ont tué leur gouverneur, de sascherie ils ne mangeront point, & bien souvent en mourront. Le chameau, qui est aussi vne grosse beste, est si raisonnable, qu'il se met de genoux pour estre chargé, &

ne refuse sa charge, mais l'ayant, il se leue de luymesme : ce que i'ay apprins de ceux qui ont prins le chameau pour leur deuise, en y mettant ceste ame :

le ne porte que ce que ie puis.

Et à propos de moy, adiousta-il, ie trouuay vne grande beste qui faisoit bien du suffisant, ie luy demande dequoy il guerissoit, & qu'il sçauoit faire, il me respond, qu'il saisoit les mules & mulets: & ie luy dy, Vrayement ie le croy bien, car tu es vn bel Asne.

Ayant acheué son conte, & voyant qu'on ne rioit point, il en va faire vn autre sans sortir du propos de la Seree rustique, commençant ainsi. Il n'y a pas long temps qu'vn Prince de France demanda à vn gentil-homme Breton, s'il y auoit point moyen de luy faire recouurer de son païs de Bretagne quelque petit cheual, pour se pourmener prés sa maison, ou estant en Cour. Ce gentil-homme luy asseura qu'ouy, & qu'il luy en seroit auoir de si petits, qu'ils n'auroient que deux ou trois iours.

Celuy qui auoit faict ce conte, regarda si vn de nostre Seree en auoit ry: dautant qu'il ne rioit de chacun propos, mais seulement de ceux qui venoient bien à la rencontre, & estoient aigus & subtils: car luy estant de grande imagination, il ne rioit de choses communes: mesmes encores qu'il fut facetieux, & eust grace à parler, il ne rioit iamais de ce qu'il disoit: parce qu'il auoit l'imagination tant delicate & subtile, que la grace de se paroles & gentils deuis, ne luy aggreoit & plaisoit comme il eust bien voulu; & aussi que celuy qui a telle imagination auant qu'acheuer de parler, il sçait desia

ce qu'il doit dire, & fouuent ce que les autres veulent dire : qui l'empesche de rire d'yne chose qu'il spauoit auant qu'elle sust dicte.

Vn de la Seree ayant ouy parler des petits cheuaux, nous va dire & affeurer qu'il estoit bien aifé de juger à la naiffance des cheuaux, s'ils feront grands ou petits : car, discit-il, Xenophon a escrit, & ceux qui se messent de nourrir des cheuaux difent, que le poulain qui aura les iambes haultes, estant forty hors du ventre de sa mere, fera fort grand, que s'il les a petites, il fera fort petit : car les os des iambes des cheuaux nouuellement nex, mules, mulets, & aines, ne leur croiffent plus. Or celui qui auoit faict le conte des petits cheuaux de deux ou trois iours, voyant que cestuy-cy qui rioit peu souvent, l'auoit trouvé bon, en va faire encores vn autre, fans vouloir attendre qu'on diroit d'vne chose que beaucoup ne trouuent pes credible, qui est qu'vn cheual est aussi hault des offemens quand il naist, qu'il est en sa sorce. Ce conte sut d'yn fien voifin, qu'il auoit veu monté fur fon cheual. si maigre, si despris, & si deshallé, qu'il s'esbahissoit comment il pouvoit seviement porter sa felle, à qui il auoit dit : Il en y a qui disent que pauureté ne se peut celer, mais ie veoy bien maintenant du contraire. Ceftuy n'eust pas si tost acheué, qu'vn autre commença à nous dire : l'ay vn mien voilin, qui est de son païs, comme ie fuis du mien, lequel me demanda, n'a pas trois iours, mon cheual à prester, pour aller iusques à Myrebeau. En luy baillant, ie l'affeuray qu'encores que mon cheual fust petit, qu'il le conduiroit fort bien iufques à Myrebeau, où il vouloit aller. Deux fours apres,

ramenant & me rendant mon cheual, en lieu de me remercier, il se courrouce & fasche à moy, me disant, Vous estes vn fort habile homme: vous m'auiez affeuré que vostre cheual me porteroit & conduiroit fort bien à Myrebeau, & il m'a mené à Chastelleraut, où ie n'auois point affaire. Faisant semblant d'estre fasché, & que tous ceux de la ville sceussent ceste risee, ie le say adiourner deuant les Marchands: où il contesta, & afferma qu'il ne payeroit point le loüage du cheual, mais au contraire tendoit à tous despens, dommages, & interests, soufferts, & à souffrir, de ce qu'il n'auoit pas faict ses affaires, luy ayant asseuré que mon cheual le conduiroit bien à Myrebeau, où il auoit affaire, & qu'il l'auoit mené à Chastelleraut, où il n'auoit que faire.

Vn Gentil-homme de la Seree se prenant à rire, nous va conter que depuis peu de temps il auoit achepté vn cheual affez cher, pour la guerre, & que l'emmenant en sa maison, le cheual trouuant par le chemin vn gros chesne, il se met à tournoyer tout autour. Du commencement ie ne trouuay point cela mauuais, pensant qu'on l'eust apprins à aller & picquer en rond: mais ne voulant aller autrement, il se trouua que mon cheual nou-uellement achepté auoit esté à vn huilier.

Apres que ceux de la Seree eurent ris de ce conte aussi bien que de l'autre, il sut conté d'vn hoste, qui est sur les limites de Bretagne & d'Anjou, qui a nom Mico l'Abesté, ainsi nommé parce qu'il ne vouloit loger que ceux qui estoient abestez, c'est à dire, que ceux qui auoient des bestes, & non les gens de pied, encores que de quatre ou cinq lieuës de là il n'y ait pas vne hostel-

lerie. Arrivant yn foir bien tard en fon logis yn homme de pied, bien las & mouillé, ce Mico, fans ouurir ne porte ne fenestre, luy demande s'il estoit abesté : ce pasfant luy respond que non, mais qu'il payeroit aussi bien que s'il estoit de cheual : l'hoste Mico luy replique, que fon logis n'estoit que pour ceux qui estoient abestez. Ce pieton faîché au possible, s'aduisa que la monture de Mico estoit dans les prés, ayant la bride à l'arçon de la felle : montant dessus, il retourne demander à loger. Mico luy demande s'il estoit abesté, ayant dict qu'oui, il ouure sa porte, Mico luy-mesme prend son cheual, l'estable, & le panse. Mico fait bonne chere à son hoste bien huict iours, n'ayant peur qu'il s'en allast sans payer. penfant auoir fon cheual en l'estable. Les huict iours paffez, fon hofte s'en va fans luy dire Adieu. Mico fut fi bien abesté, qu'il nourrist bien quinze jours son cheual à l'estable sans rien faire : car il fut bien huict jours à le cercher, & autre huict iours fans le pouvoir recognoistre. encores que le plus fouuent il le panfast : & depuis a toufiours esté nommé Mico l'Abesté. Cela estoit bien deu à Mico, & dauantage, va respondre quelqu'yn, pour faire coucher vn homme à l'erte, ou sur la fretille, ou sur la dure, pour n'estre abesté. Et me souvient m'estre trouué en ceste peine. Car vn soir, deux ou trois de mes compagnons, & moy, fortans d'vn batteau, nous allons cercher à loger en vne hostellerie. L'hostesse nous va demander, Messieurs, estes-vous de pied ou de cheual? le vais respondre, Non, madame, nous fommes d'eau. Or ce nous dit ceste hostesse en fermant la fenestre, puis que vous estes d'eau, retournez coucher 11

Digitized by Google

dont your venez. Et fulmes contraincts, parce que n'estions pas abestez, de retourner coucher en nostre beteau, & à la verité fulmes d'eau. Auant que fortir des abestés & ceux qui ne le sont pas, escoutez, va dire vn de la Seree, un ioyeux conte d'un de mes compagnons, lequel auoit tant faict à vne hostesse, encorés que suffions à pied, qu'elle nous logea auec les gens de cheual : mais ayant reçeu ceste faueur de ceste hostesse, il auoit si grand peur de luy desplaire, de peur d'estre deslogé du logis, qui ne logeoit que les gens de cheual, qu'apres foupper, chacun fe voulant retirer, il va demander à nostre hostesse, Madame, où chient ceans les gens de pied? Vn de la Seree retournant à ses bestes va demander, s'il estoit vray qu'vn homme fentant la fiente des cheuaux puisse iuger de leur bonté, comme on peut faire par leurs couleurs? Car plusieurs iugent des chéuaux s'ils font bons ou mauuais par leur poil : parce, dit Columbre en son Hippiatrie, que les couleurs des cheuaux viennent de la domination & abondance de quelqu'vne des humeurs : tellement que le cheual naistra rouge, si l'humeur fanguine domine sur les autres: il fera noir, fi l'humeur cholerique, qui est chaude & feche, excede : il fera blanc, si c'est l'humeur slegmatique, qui est froide & humide : si les couleurs sont mixtes & bigarrees, elles fe font d'humeur melancholique, qui est froide & feche, Mais parce qu'on n'auoit iamais ouy parler de tout cela, on se mit à demander, dont yenoit ce mot de Destrier : si frequent dans les vieux Romans. Quelqu'vn respond auoir apprins de Montagne, que Destrier est venu des cheuaux que les

Latins appelloient dextrarios, & funales, qui se menoient à dextre, ou à relais, pour les prendre au besoin, & de là vient que nous appellons Destriers les cheuaux de service.

Nostre Fesse-tonduë va dire qu'il vouloit parler des Asnes, aussi bien comme on auoit parlé des cheuaux. l'ey trouué en Pline, disoit-il, que si quelqu'vn est mordu d'vn Scorpion, & qu'en passant il die en l'oreille d'vn asne qu'il est mordu du Scorpion, il fera incontinent guery. Car l'on tient que de toutes les bestes, il n'en y a point qui entendent mieux, comme l'Asne d'Apulee dit de luy-messe. Aussi Ceelius dit, que si vous trouuez vn Asne en vn champ qui mange les bleds, si vous luy dites à l'oreille quelques paroles enchantees, il sortira à l'heure messe du champ, tant les Asnes sont doctles & bons.

Vn autre de la Seree foustenoit que l'Asne estoit vne beste mal-heureuse & dangereuse, parce qu'on dit que si vous tombez de dessus vn Asne, vous en sentirez plustost le mal, que si vous vous laissez cheoir de dessus vn grand cheual. Il y a bien plus, disoit-il encores, quand on veult faire vne grande ignominie à quelqu'vn, on le mene pourmener par toute la ville sur vn Asne, estans ceux-là insames toute leur vie: l'Asne estant vn indice de moquerie: dautant qu'il semble se moquer quand il dessue ses dents. Encores auiourd'huy, si vne semme a battu son mari, on en cheuauche l'Asne. Et y a vn peuple, qui s'appelle en Latin Cumani, qui ne punit la semme adultere qu'en la mettant sur vn Asne, & la pourmenant estant dessus. Et cete semme estoit

infame, & l'appelloit-on Onobatis, c'est à dire, celle qui a cheuauché l'Afne. Andronicus Tyran fut mis fur yn Afne par ignominie, auffi bien que Crefcence Conful Romain, & que Beatrix Auguste, femme de l'Empereur Fredericus Aenobarbus, par les Milanois, qui la mirent fur yn Afne, le vifage vers la queuë. Et à caufe que l'Afne est la beste la plus stupide de toutes les autres, il est prins pour l'ignorance, aucuns le deriuant de d & finos, c'est à dire, sans sens : parquoy en memoire de ceste lourde bestife, on feint que les oreilles de Midas, pour auoir mal iugé, & estre ignorant, luy deuindrent oreilles d'Afne. Les Egyptiens auoient l'Afne en si grand mesoris & ignominie, qu'ils luy faisoient mille maux : & à cause de son impurité, il est consacré à Priapus. Vn Drolle voyant que personne ne prenoit le parti des Afnes, craignant qu'on penfast que ce fust le sien mesme, va dire: Si trouuons-nous que l'Afne d'Apulee auoit bon esprit, & apprenoit bien, mais qu'il ne pouvoit le dire, & que l'Afne auec fon conducteur Nico, que rencontra Auguste allant à la bataille Actiaque, luy fut vn bon presage de victoire, & si les Molosses surent mis en suite par le feul cri des Afnes. Et si vous dirai que les Afnes font grands Aftrologues: car ils nous predifent infailliblement mutation de temps, & ne faudrons, avans tant foit peu de sympathie auec eux, de cognoistre à leurs oreilles fi le temps fe doit changer : car ils dreffent pluftost leurs oreilles lors qu'il veut pleuuoir, qu'en autre temps, à cause de leur nature melancholique : & de leur naturelle humidité : qui empesche leur ouie, & la voulans chaffer, ils remuent fouuent les oreilles.

Quelqu'vn va repliquer à ce Drolle, que s'il n'augit autre chose à dire de son Asne, qu'à le faire Astrologue, ·& à deuiner les choses à venir, qu'il luy monstreroit que la vertu de deuiner ne peut estre qu'à tort attribuee aux bestes: car leur chant & le geste de leur corps, comme l'Aine dreffant ses oreilles, ne denote rien à venir, mais feulement ce qui est present : assauoirvne humide influxion du ciel, que par vn instinct naturel ils fentent dans leurs corps, fi tost qu'elle se concree en l'air : ce qui n'apparoist pas si clair és hommes, s'ils ne voient quelque nuee, ou autre figne, qui a accoustumé d'accompagner la pluye. I'ay pourtant veu, adiousta-il, vn aueugle de nature, à qui on demanda quelle chose du monde il aimeroit mieux veoir. il refpondit vn Afne: dautant, disoit-il, que ie n'entens autre chole que dire, c'est vn Asne, & quand ie suis par les rues, ie n'oy autre cas finon, Aueugle, garde l'Afne : & chacun parlant des Afnes, il faut bien, disoit cest aueugle, que ce foit quelque grande chofe qu'vn Afne.

Vn de la Seree ayant veu en Cardan, ou ailleurs, les loüanges de l'Afne, va dire premierement que l'Afne n'eftoit point glorieux, allant la teste baissee : qu'il ne se fasche point contre celui qui le frappe, & ne regimbe point : s'il aduient que celui qui est sus lui tombe en terre, il ne rue point & ne s'en suit, comme sont les cheuaux : il n'est sascheux au montouer : encor qu'il soit dessié, il ne bouge : il est patient, & ne se courrouce, aussi les Naturalistes escriuent qu'il n'a point de fiel, & pour signe de patience, il porte sur les espaules le signe

de la croix : il n'a fon pareil en grauité, cheminant pas à pas : il cognoist la voix de son maistre, aussi bien que le chien: l'Afne aussi a bonne memoire, recognoissant le chemin où il a passé: il boit aussi sagement qu'vne nouvelle espousee : il entend le changement de l'air comme bon Aftrologue, feruant d'horologe, & demonftrant les heures par son brailler. A ceste cause, adioufloit-il, ne se saut esmerueiller de ce que dit M. Varro, qu'vn Aine à Rome fut vendu foixante festerces, lesquels, selon Budee, se montent à mille cing cents escus, & quatre Aines furent vendus quatre cents mille sesserces. Ce qui est confirmé par Pline, qui escrit qu'en Celtiberie (païs d'Espagne, qui s'appelle auiourd'huy Arragon) vne Afnelle fut vendue quarante mille festerces, qui valent cent mille liures d'argent, seulement pour engendrer mules. Le laict d'Ainesse estant beu, fert contre les venins, à la phthifie, à la goutte, felon Pline, & à la dysenterie, estant messé auec la pouldre faice de la corne de fon pied. Le foye de l'Afne, comme dit Dioscoride, estant mangé à ieun profite au mal caduc : ce que fait 'pareillement la corne de fon pied brovee & beuë: sa fiente aussi meslee auec vin-aigre restreignant le flux de sang.

Puis le laiét d'vne Afneffe est fouuerain pour les tabides, goutteux, & enuenimez, comme aussi pour rendre net, blanchir & polir le teint aux femmes, comme nous lisons que Poppea, semme de Neron, en faisoit des bains pour auoir le teint plus beau, & la charnure plus polie & blanche. Il y a des venins qui ne peuvent estre contenus en aucun vaisseau, qu'en la corne du pied d'yn Aîne. Albert dit auoir effayé, que celuy qui fera femeler fes fouliers du cuir fur lequel l'Aîne aura long temps porté la charge, il ne se consommera point. Et si trouuons par escrit, que les faiseurs de flutes anciennement reiettoient les os des cers & biches, & choisificient ceux des Aînes, & disoient que le son en estoit bien meilleur.

Ceux de la Seree, pensans estre hors de toute asnerie, furent esbahis que celuy qui en auoit tant dict de bien? & loüange, recommença de plus belle à nous dire. qu'on ne trouuoit escrit que aucun des autres animaux ait eu ceste faueur de parler, & de porter nostre Seigneur, fuyant en Egypte, estre à sa naissance, & le porter le iour des Palmes. Il adiouftoit que les Prophetes & tous les Saints, n'auoient point monté que sur des Asnes : comme nous lifons qu'Abraham equippa fon Afne pour aller à la montagne faire facrifice d'Ifaac fon fils : & que Moyfe auoit mis fa femme, & fes enfans fur l'Afne, pour aller en Egypte. Aussi que la fille de Caleb, allant à fon pere, s'y achemina fur vn Afne. Quand Saül, difoitil, fut oint Roy par Samuel, il eftoit allé cercher les Afneffes de fon pere. Abigail s'en allant appaifer l'ire de fon pere, s'y achemina fur vn Afne. Siba dit au Roi Dauid, ayant conduit deux Afnes chargez de pain, de vin, & fruicts, les Afnes font domeRiquez & priuez, à fin que ie vous fuiue desfus. Les grands Seigneurs, adioufloit-il encores, aussi bien que les Prophetes, cheuaucherent les Afnes, comme on lit de Mifibofeth, fils du Roy Saul, qui commanda de luy apprefter l'Afne. L'a Sunamite, riche femme, s'en alla fur l'Afne trouuer le

prophete Elifee. Les trente enfans de lair Galaadite, luge d'Ifraël, & Abdon, ayant bien quarante nepueux, cheuauchoient des Afnes. Et pour la fin, difoit-il, il est faicte speciale mention de l'Afne aux commandemens de la Loy.

Ie ne îçay, va repliquer vn autre, fi Lucian dit vray, quand il dit que l'Afne ne fçait nager. Reuenans des Afnes aux cheuaux, comme dit le prouerbe, quelqu'vn commença à parler ainfi. Ie louë grandement les Anciens, qui estimoient vn larcin, & en donnoient action contre celuy qui auoit vsé d'vn cheual, ou autre beste, à autre viage qu'à celuy qu'on l'auoit prins : melmes Brutus condamnoit celuy de larcin, qui eust mené vne beste outre le lieu qu'on auoit accordé, & luy auoit faict faire plus de chemin que de l'ordinaire. Et vrayement, adiousta-il, il y a des personnes qui sont pires que les bourreaux : car si vous leur prestez ou louëz vn cheual, c'est grand'pitié des excez & des iournees qu'ils font faire à vne pauure beste, qui ne se peut plaindre : & regardez y bien, vous trouuerrez tous ceux qui n'ont nulle pitié des bestes, & qui les traictent si mal, n'estre pas plus pitoiables ne meilleurs enuers les hommes. Et quand i'en ferois creu, & que le tort qu'on auroit faict à vne pauure beste seroit prouué, ceux qui l'auroient fai& en seroient punis, aussi bien que Sforce duc de Milan fit punir ceux qui defrobboient l'orge & l'auoine qu'on deuoit donner aux cheuaux.

Il me fouuient, va dire Franc-à-tripe, d'vn mien voisin, à qui ie dis que mon cheual estoit bien las : lequel me demanda s'il estoit venu à pied. Ainsi qu'on rioit de ceste solie, quelqu'vn commença à dire qu'il ne scauoit pourquoy les Egyptiens abhorroient le cheual, animal tant genereux, vtile & familier: qu'en leurs lettres hieroglyphiques, & figures facrees, il fignifioit l'homme profane, & vn temps fut, que les prestres ne l'eussent ofé toucher, veu que les Perses ont tant estimé le cheual, que leur Royaume fut donné à celuy de qui le cheual hanniroit le premier, qui fut à Darius, par la finesse de son palesrenier. Il luy sut respondu, que cela procedoit de l'accoustumee superstition des prestres Egyptiens, parce que le fiel du cheual est veneneux : ou bien c'est pour monstrer que le prestre ne se doit iamais absenter: ou bien affin qu'on entende que le prestre ne doit aller & suiure la guerre. Puis sut adiousté, que Modestinus faisoit si grand cas des cheuaux, qu'il manda à fon maistre Vipian estant proconful en Dalmace, quelle action il y auroit contre celui qui auoit fait faillir fa iument à vn cheual d'autruy.

Il faut que ie vous die, va dire vn de la Seree rustique, de la generosité & bonté d'vn cheual, qui alloit sans piquer, & amena son maistre tout mort iusques dans vne hostellerie, loing d'vne demie iournee. Et affin que n'en doubtiez, Poge dit auoir veu vn cheual, qui entra en Constance, durant qu'on y tenoit le Concile, ayant sur luy vn homme mort de froid, lequel estoit aussi droict que s'il eust esté viuant: & ce cheual ayant accoustumé de loger en vne certaine hostellerie, le conduit iusques au dedans: où l'on apperceut que son maistre, qui estoit dessus, estoit tout

roide mort, par la force du froid. Il fut encores adioussé, que les cheuaux qu'on tient à l'estable sans rien saire se gastent les pieds : à quoy on remedie, si on met de l'ache parmy leur sourrage.

Sur la fin de la Seree, aucuns se souvenans de la frayeur qu'ils auoient euë de la cheute d'vn de leurs cheuaux, se mettent à discourir des piteux euenemens aduenus par le chopement, par la cheute, & peur des cheuaux, ou par leur retiueté & opiniastreté : apres auoir dict qu'entre tous les cheuaux on estime les cheuaux Turcs de Natolie, les Tartares de Scythie, les Frisons d'Allemagne, les coursiers de Naples, les courtaux de France, les genets d'Espagne, les barbes de Numidie, les haquenees d'Angleterre. Que s'il fe void de ces cheuaux aux haras des gentils-hommes, yous scauez si on est curieux de leur faire couurir leurs iumens: mesmes les villageois pour auoir de bons & beaux poulains, tafchent à faire couurir leurs caualles à des cheuaux genereux. Et pource que nous voulons entrer en des contes tragiques, ie vous diray qu'yn homme de village pria bien fort une Damoiselle, laquelle auoit vn bon cheual, de luy prester pour emplir fa iument, luy difant, Madamoifelle, faites-moy ce bien, que voître cheual donne deux ou trois venuës à ma caualle, il n'en fera pas pire, & ie vous en rendray autant quand il vous plaira.

Le premier conte tragique fut du fils de Louys le Gros, lequel porté en bas par fon cheual, ayant peur d'une truye, aux faux-bours de Paris, mourut de la cheute. Vn autre fut de Louys de Bauiere, Empereur,

qui tombant de cheual à la chaffe d'vn Ours, fe tus. Le tiers euenement se conta de Pribislaus, qui à son retour de la guerre de Hierusalem publia vn tournoy. & en courant la lance, fon cheual va faillir des quatre pieds, tellement que ce pauure Roy fut tout froiffé. Puis on adjoufta que Calimirus fecond Roy de Pologne, pourfuiuant vn Cerf à force d'esperons, en vn lieu rabe-· teux, par le chopement de fon cheual, fe rompit & bras & iambes, dont il mourut. Fulgo Roy de Hierufalem estant à la chaffe, comme il poursuiuoit vn lieure, fon cheual cheut fi lourdement par terre, qu'il rompit le col à fon maiftre. Thomas Triuet, grand Seigneur Anglois, du temps du Roy Charles fixiefme, fut trainé par vn cheual farouche, & emporté mal-gré luy, & renuerfé par terre fit rompre le col à ce Milourt. Iean premier Roy de Caftille, tombant de dessus son cheual, se trouus mort. Alexandre le tiers, Roy d'Escosse, en courant, fon cheual & luy tomberent de si-grande roideus, qu'il se cassa le col. Iean premier, Roy de Catalongne, fe tua par la cheute d'vn cheual. On n'oublia pas Foulques, Comte d'Anjou, lequel estant en la Terre saincte, & affiegeant vne ville, fe print à courir vn lieure, dont la cheute de fon cheual luy auança fes iours.

Ayant acheué les mal-heurs des cheuaux à de la chaffe, vn de la Seree va dire: En cecy nous voyons que ce que les grands Seigneurs aiment le mieux, à fçauoir les cheuaux à la chaffe, leur a esté fouuent dommageable: faifant veritable le prouerbe qui dit, Qu'vn cheual courant porte auec soy le fepulchre tout ouvert à fon meistre. Et fut dist, que les cheuaux auoient esté aussi

bien cause de la mort des semmes que des hommes. Et pour exemple, on amena Marie, fille de Charles de Bourgongne, femme de Maximilian premier, Empereur. laquelle estant grosse d'enfant, & ne pouuant moderer fon cheual, qui vouloit courir auec les autres cheuaux. tombant à la renuerfe, apres estre auortee, mourut de la cheute. De nostre temps, Loys Borgia, Cardinal & nepueu d'Alexandre fixiefme, faifant voltiger vn courfier de Naples, le cheual le precipita en terre si rudement, qu'il en mourut : comme aussi fit le Duc de Beau-preau, Prince de France, fils vnique de monfieur de la Roche-fur-yon, en iouant vn ieu qui se fait à cheual, par le chopement de sa monture mua sa vie en la mort. Quelqu'vn va dire, qu'il ne s'esmerueilloit point des cheutes qui arriuent à ceux qui courent la poste, qui vont à la chaffe, qui courent la lance, veu que fans courir & allant le pas, vn cheual peut en beau chemin tomber : & que bien souvent aussi en la guerre les cheuaux causent la mort à leurs maistres, ou pour estre retifs, ou pour auoir peur, ou pour ne les pouuoir retenir, ou pour broncher. Et pour cela notamment les Anglois en toutes les journees affignees fe mettoient à pied, pour ne se fier à autre chose, qu'à leur force propre, de chose si chere que la vie : & comme dit de Montagne, bataillant à cheual vous engagez vostre valeur & vostre fortune à celle de vostre cheual, ses playes & fa mort tirent la vostré en confequence : & aussi se mettoient à pied pour oster toute occasion aux foldats de fuir. Et croy, disoit-il, que c'est la seule cause pourquoy les Suysses n'ont fait iamais la guerre

qu'à pied, au contraire de plusieurs autres nations, qui la font plus à cheual qu'à pied, & trouuent maniere de dompter, & meimes fans bride ne felle, les plus furieux cheuaux. Iouio dit, adiousta-il, que Ismael Sophy fit vne chaffe aux cheuaux fauuages, qui estoient en Perfe, qu'il dompta, & s'en seruoit à la guerre, & estoient de fi grand feruice, qu'on les eust menez deux iours sans estre lassez. Les autres disent que les iumens de Glaucus & les cheuaux de Diomede, Roy de Thrace, qui effoient nourris de chair humaine, deuoient estre de ces cheuaux fauuages dont le Sophy faifoit la, chaffe : ce que ie croy, disoit-il, parce que ie ne pense point que nos cheuaux, qui aiment leurs maistres, & les recognoisfent, les voulussent manger, comme on dit que Diomede fut mangé par les cheuaux melmes : & austi ie ne croy pas qu'on puisse accoustumer les cheuaux à se paistre de chair humaine : combien qu'il y a vn peuple, qui s'appelle à ceste cause Hippophagi, qui vse de la chair des cheuaux, comme nous faisons de bœuf & de mouton. Quelqu'vn va dire, qu'en ce païs on ne mangeoit point les cheuaux, mais qu'il y en auoit qui les defrobboient d'vne estrange façon : les autres ne les veulent defrobber, mais fi vous courez vn office, rendront & vostre cheual, & ceux de poste, inutils & comme morts. Estant prié de reciter par quel moyen cela se pouvoit faire, va dire qu'il y avoit des hostes, lesquels voyans vn beau cheual en leurs estables, messeront parmy leur foing d'vne certaine herbe, que les cheuaux aiment naturellement. Et peu apres que le cheual en a mangé, il tombe comme mort par terre, sans grquiller

ne respirer aucunement : si bien que les medecins de chevaux, & le maistre, le laisseront là pour mort. Ceste herbe avant fai& fon operation, & fa vertu finie, le cheual reuiendra comme au parauant. Celuy qui iouera ce mystere, ne le sera pas escorcher, comme sit vo paffant, à qui on vouloit faire vn tel tour : car estimant que son cheual sut mort, ne voulant tout perdre, le sait deferrer, & escorcher. De là à quelque temps, l'herbe qu'il auoit mangee, n'ayant plus de force, le cheual fe leue, & commence à marcher, tout escorché qu'il estoit : ce que ceux qui l'auoient veu mort prinrent à grand prodige, Et ne doubteray plus, adiousta-il, des Sorcieres de monlieur Bodin, qui auec leurs greffes, font long temps mortes & fans fentiment aucun. Puis va dire, le vous prie ne me presser de vous reciter quelle herbe c'est dont vsent ces maiheureux, car vous feriez cause de grand mal: mais ie vous dirav bien le remede à cela : c'est que si vous vous trouuez en ceste -peine, il ne faut que frotter les genitoires du cheual auec vin-aigre, car incontinent il fe reuiendra.

Matthiole à ce propos, adiousta vn de la Seree, dit que si les Asnes mangent de la ciguë, on les prendra pour morts: ce qui trompa le maistre de l'Asne, qui se leua tout debout ainsi qu'on l'escorchoit. Sur la fin de ceste Seree il sus remarqué, que tout ce iour-là on n'auoit rien serui sur table qui ne sut prouenu de la maison où nous estions: Horace loüant la table sur laquelle il n'y a rien qui ait esté achepté. A ceste cause les anciens, qui ne mangeoient que ce qui croissoit principalement en leurs iardins, & en leurs champs, &

en leurs maifons ruftiques, blafmoient le pere de fámille qui acheptoit quelque chofe, laquelle il pouuoit auoir en fa maifon, & en fon labourage. Cefte fentence fut fort approuuee de la compagnie : laquelle encores qu'elle aimaft à dire apres fouper le mot pour rire, viuoit neantmoins en toute frugalité, qui effoit cause de faire durer plus long temps nos afsemblees, dont ceste derniere print icy fin.



Caterete reterestete (eteretete)

DOVZIESME SEREE.

Des Babillards & des Causeurs.

าง cefte Seree, il fe trouva quelqu'vn, qui parloit fi hault, que nous pensions tous auoir la Deesse Echo en nos oreilles, nous faschant autant, que l'Echo est nuifant aux mousches à miel : & ne semblans pas les cheuaux de trompettes, qui ne s'estonnent point pour le bruit, il nous effourdiffoit: & auec cela effoit si grand babillard, que durant le fouper il nous auoit si fort rompu la teste, que nous susmes quasi contrainds de nous leuer de table : car en vn banquet on n'est point forcé d'endurer d'vn homme fascheux, comme on est en vn nauire. Estant ce jazard encores pis que l'Echo: car si vous ne parlez point, il ne dit mot, si vous le prouoquez, il respond, mais cestuy-cy parloit touliours encores qu'on ne parlast point. Que si i'eusse eu la queuë d'vn chameleon, aromatizee de cedre & de myrrhe, liee à vne verge fourchue de palmier, i'en eusse frappé ce babillard, ayant vertu de faire taire ceux qu'on en touche, ce dit Pline. Or pour faire taire

ce bauard, vn chacun se taisoit, à fin de ne luy bailler point occasion de parler, ou bien nostre propos ne s'addreffoit ismais à luy, & quand il parloit, on ne luy respondoit point : & mettions en auant des discours où il n'entendoit rien, pensant que lors il se tairoit : dautant qu'il ne faut iamais parler qu'en deux temps, le premier, quand il est necessaire de parler, ou qu'on parle à nous, l'autre, quand on parle des chofes que cognoissons & sçauons affeurément. Que si quelqu'vn parle d'vne chose qu'il n'entend point, il tombera enl'erreur d'Alexandre le grand, lequel discourant de la peinture en la maison d'Apellés, & disant plusieurs chofes hors de propos, & contraires à l'art, le fage peintre luy dit à l'oreille, qu'il ceffast son discours, ou qu'il parlast plus bas, parce que les garçons de la boutique se mocqueroient de luy. Et de vray, c'est vne grand'follie, à qui que ce soit, se penser maistre sans iamais auoir esté apprentif. Alexandre, comme il estoit homme d'esprit, cognoiffant sa faulte, ne parla plus de ce où il n'entendoit rien : mais nostre causeur encores qu'on luy eust dit cinq ou six sois, Ne sutor vitra crepidam, ne laissoit à bauarder : tellement que nous fusmes en deliberation de le laisser là tout seul : car il n'y a si fol, ne si grand babillard, qui estant feul ne se taise. Toutessois de peur de fascher nostre hoste, & aussi que c'estoit durant le souper, où estions empeschez ailleurs, nous aduifalmes de le laisser parler tant qu'il voudroit, les banquetans ne deuans estre ni trop grands jaleurs & parleurs, ni trop muets auffi : & qu'apres le fouper nous parlerions si bien des babillards, que si

ce caufeur n'estoit du tout sans lugement, il cognoistroit fa faulte, & possible qu'il iroit à l'eschole de Pythegore. D'entree le maistre de la maison en se riant disoit qu'il n'aimoit point, principalement à sa table, les babillards, pourautant, disoit-il, que le silence n'altere point, comme fait le babil & le parler : & aussi que ceux qui parlent beaucoup font chauds, & ainfi boiuent dauantage, & ceux qui se taisent sont froids de cerueau, & ainsi ne sont gueres alterez. A qui il sut repliqué, qu'il devoit plustost souhaiter à sa table des babillards que d'autres, fi la Loy des Lacedemoniens eftoit gardee : qui ne donnoit point de vin à celuy qui parloit, de forte que pour en boire il falloit garder filence : & que ceste Loy seroit fort à propos en ce temps, où les festins & banquets font fi pleins de bruit qu'on ne s'entend point I'vn l'autre : bien contraires aux consiues que faisoient les Aeginetes en l'honneur de Neptune, où dix ou douze iours en banquetant ils gardoient si grand silence qu'on les appella Monophagi, c'est à dire, viuans folitairement, comme on m'a faict à croire. Vn autre, à fin de faire taire nostre bauard, mit en auant ce que nous apprend Zenon, que ne dire mot à table estoit vne grande fagesse: comme il fit entendre à vn Ambaffadeur, qui luy demanda, voiant qu'il ne disoit rien en soupant, Que rapporteray-ie au Roy de toy? Rapporte luy, va-il respondre, que Zenon estant vieil fe taift blen à la table. A mesme fin quelqu'vn accomparagea les babillards & grands parleurs, que Platon appelle larrons du temps, aux flustes : que si vous en oftez la langue, tout le refte fera inutile, & ne feruira

à rien. Et fut dit que mesenes és choses bonnes on pounoit trop dire : & qu'Alexandridas reprocha iustement à celuy qui tenoit aux Ephores de bons proposimais trop longs: Tu dis ce qu'il faut, autrement qu'il ne faut. Et fut adjoufté, que le monde n'estoit que babil. & qu'on ne vid iamais homma qui ne die plus toft trop, que moins qu'il ne doit : & iamais parole proferee ne feruit tant, comme plusieurs teuës ont profité: car toufiours pouuons-nous bien dire ce qu'auons teu, & non pas taire ce qu'auons publié. Et Menandre aimoit tant le silence, & haissoit le babil, qu'il disoit qu'il se falloit taire, ou dire quelque chose meilleur que le filence. Et pource que n'aujons point de rencontres & exemples modernes, pour faire ceffer noftre mouveur, nous fulmes contraints nous feruir de l'antiquité.

Parquoy vn de la Seree nous va conter, qu'il y auoit en Macedoine vn barbier, grand babillard, qui demanda à Archelaüs Roy de Macedoine (pource que tous ne se faisoient pas tondre de mesme forte) comment voulez-vous que ie vous tonde, Sire? Le Roy luy respond, Sans dire mot. Vn autre voulant reciter les maux qui viennent de trop parler, ou dire quelque chose hors propos, que les Latins appellent, non opportune dictum, va parler ainsi. Vous sçauez que comme les gens sçauans & doctes se trouvent souvent chez les Imprimeurs & Libraires, qu'aussi la populace s'affemble en la boutique des barbiers. Il arriua du temps de Dienysius le Tyran, que quelqu'vn va dire en la boutique d'vn barbier, que sa tyranne estoit bien affeuree,

mais que le maistre de la boutique ne se put tenir de dire, le m'esbahis comment vous dites cela : veu que ie passe souvent le rasoir sur sa gorge. Ce n'estoit point, disoit-il, que ce barbier voulust couper la gorge à Dionysius, ne que le Tyran pensast qu'il le voulust faire, qui fit mourir ce barbier, mais ce fut fon feul babil. Que seruit à Antiphon, adiousta-il, voyant qu'on estoit en dispute lequel estoit le meilleur cuiure, de dire que c'estoit celuy dont les Atheniens auoient faict des statues à Harmodius & à Aristogiton, pour auoir tué le Tyran Pifistratus? La ville d'Athenes sut prinse par Sylla; estant aduerty par son espion du babil de quelques vieillards, lesquels deuisans en la boutique d'vn barbier, auoient parlé de l'endroit de la ville le plus foible, & mal gardé. Vn feul homme, adioustoit-il, engarda par fon trop parler, que Rome ne fut deliuree de la tyrannie de Neron: car cest homme icy voyant yn des prisonniers de ce Tyran se desconsorter, il ne put se contenir de luy dire, Prie Dieu qu'il te garde feulement iufques à demain. Fulue fut reprins par fa femme, de ce qu'il n'auoit sceu cognoistre par le long de temps qu'ils auoient vescu ensemble, sa legere complexion; ou l'ayant cogneuë, s'estoit fié en elle de ce que luy auoit communiqué l'Empereur Octavius. Nous apprenons à la verité, repliqua quelqu'vn, des hommes à parler, & des Dieux à nous taire. Et croy que c'est la feule & vraye raifon pour laquelle les Pythagoriens ne mangeoient iamais de poiffon : leur portant ceste reuerence, à cause de leur silence, & qu'ils sont muets. A cefte cause on mit sur l'image de Pythagore ce quatrain:

Le peintre eut peint Pythagoras Disant quelque parole infigne: Mais Pythagore luy sit signe Que luy-mesme ne parloit pas.

Et pour monstrer qu'il est bien difficile de refrener nostre langue, adioustoit-il, Anacharsis à vn conuiue de Solon estoit situé à table de sorte qu'il sembloit de la main gauche comprimee refrener les parties honteuses, & de la droicte la bouche : pour nous bailler à entendre qu'il faut vn frein plus fort à la langue. Qu'il soit vray, quand Aristote sut enquis de la chose qui luy sembloit plus difficile, il respondit que c'estoit le taire : l'Egyptien à ceste cause ayant le secret en telle reuerence, qu'il l'adore comme vn Dieu, le depeignant le doigt en la bouche. Et ie ne sçay où i'ay veu ces quatre vers :

Qui veut viure au monde auiourd'huy, Et sagement son profit faire, Il doit auoir trois cas en luy, Tout veoir, tout ouyr, & se taire.

Il nafquit, disoit-il, ie ne sçay en quel temps, vn Philosophe parlant peu, qui nasquit ayant les deux doigts si fort attachez à la bouche, qu'il fallut les coupper & desioindre. Ce que nous auons deux yeux, adiousta-il encores, & deux oreilles, & n'auons qu'vne langue, & que les ensans voyent & entendent premier que de parler, tout cela ne demonstre-il pas qu'il nous saut ouyr & veoir beaucoup plus que de parler? Zenon estant interrogué combien il y auoit d'espace du vray au faux, respondit, autant qu'il y a de la bouche aux oreilles. Si est-ce, repliqua quelqu'vn, que la seule langue és plus aagez ressent moins de foiblesse & diminution de ses actions que les autres parties, & si ne s'vie ni laffe en les actions, encores que les autres parties par vieillesse, deulennent foibles & lasches, les fon-&ions d'icelles parties deperissantes, perissant le corps. Que si la langue n'eust esté à l'homme aussi necessaire. que l'ouir à le veoir, elle se fut perie & amoindrie auec l'aage, comme font les autres parties de nostre corps, qui s'affoibliffent plus auec l'aage, fans comparaifon, que le parler. Quelqu'vn lors recita ce qui estoit aduenu de nostre temps pour auoir trop parlé, C'est qu'vo gladiateur & maistre d'espee apprint si bien à escrimer & combatre à vn sien disciple, grand babillard & vanteur, qu'il eschappa à son escholier de dire qu'il en sçauoit plus que son maistre, & que pour le monstrer il ne demandoit autre chose que venir aux mains contre ce maistre. Son maistre pour fauuer son honneur & reputation, & pour le punir de son ingratitude & gloire, & de fon trop parler, l'appelle au combat, luy voulant foustenir par les armes qu'il s'estoit vanté d'en scauoir plus que luy. Mais le disciple ne s'en pouuant desdire, combien qu'il le niast, il sut arresté que le maistre & le disciple combatroient en certain lieu: où tout le peuple estant assemblé, le maistre s'y trouua le premier, qui s'aduise d'yn stratageme, & d'vne rufe (car à la verité oe difciple eftoit bon escrimeur & bon soldat) c'est que voyant venir son

grand babillard au combat, il luy va dire, le n'ay pas entreprins de combatre contre toy & ton compagnon que tu as amené. Cependant que son disciple regarde derriere luy, pour veoir si quelqu'yn le suiuoit. fon maistre s'auançant, luy coupe la teste, en disant, Pour le moins ie ne t'auois pas apprins ce tour-là : tu ne scauois pas donc tant que moy. Et là fut cogneu que les maistres ont tousiours quelque chose plus que les escholiers: & que là où les ans ostent la vigueur aux hommes vieils & grifons, ils leur donnent neantmoins si grande prudence, qu'ils peuvent par icelle furmonter la force des robuftes & ieunes hommes. Ce conte acheué, aucuns blasmoient l'ingratitude du disciple, les autres disoient que si ce maistre estoit si expert, & qu'il en sceust plus que ce disciple, il ne deuoit pas y proceder par fineffe, mais ouuertement, attendu que son maistre disoit, que ce n'estoit que babil de tout le cas de fon disciple, ces grands vanteurs & babillards en difans toufiours plus qu'ils n'en font : car, disoientils, où il y a moins de cœur, il y a plus de caquet & de babil, comme on veoid par les femmes, qui estans trois, peuvent faire vne foire. Mais ie vous prie, va dire vn autre, celuy-là n'estoit-il pas grand babillard, qui voyant vn homme en l'eau, prest à se noyer, s'amusoit à luy demander, comment il estoit tombé, & cependant ne luy aidoit à fe fauuer? Quelqu'vn demanda d'où venoit ce mot de babil : à qui il fut respondu, qu'on tenoit ce mot du nom qui fut donné à la tour de Babylone, ainfi nommee de l'ignorance des langues, & de la confusion de parier, & qu'appellons babilier. quand on ne scait qu'on dit, quand ce qu'on dit ne fert à rien, & qu'on ne s'entend point.

Vn autre pria ceux de la Seree de luy dire pourquoy on dit que les babillards, & ceux qui ne peuuent se taire, ont la langue grande. Et aussi que les oiseaux qui parient ont la langue plus large que les autres. Il fe contenta quand on luy eust dit, que c'estoit à cause que ceux qui ont la langue courte, & ceux qui ne peuuent pouffer la langue bien auant hors la bouche, ne peuuent parler, ou parlent difficilement : à cause d'vn ligament nerueux qui retient la langue, quand il est plus court qu'il ne doit : & faut couper ceste attache nerueuse, dice vulgairement le filet : & de là vient que quand vn homme parle beaucoup, on dict, Il n'a point le filet en la langue. Et que le Crocodil estojt aux Egyptiens pour hieroglyphe de silence, à cause qu'il n'a point de langue. Sçauez-vous pas qui me fasche, repliqua vn de la Seree, qui ne parloit qu'à taftons, c'est quand vn homme veult tousiours parler, veult dire tout, & n'escoute rien : & n'est sans propos que quelques vns ont tenu pour vne espece de tyrannie parler toufiours, & ne vouloir entendre les autres quand ils parlent. Il me fasche bien encores plus, repliqua vn autre, principalement en mangeant, quand ie veov que les affiftans parlent tous enfemble, que quand yn feul parle, encores qu'il parle toufiours : car on est lors forcé pour ne se monstrer trop particulier, de regarder ores l'vn, ores l'autre, & faire semblant par signe de les ouyr tous. Et m'esbahis, entre amis, quand l'vn parle que l'autre ne luy cede, le laissant parler : car si

c'est vne chose honeste, adiousta-il, & ioieuse entre amis de parler l'yn auec l'autre, de tant plus on doit ceder la parole aux amis, deux pouvans bien chanter enfantble, mais non pas parier. Mais i'ay peur, va repliquer quelque autre, qu'en me taifant on m'accufe d'ignorance. C'est tout le contraire, luy sut-il respondu, car le propre d'vn ignorant est ne sçauoir se taire : si bien que nous voyons en toutes compagnies ceux-là parler, crier, & contester le plus, qui sçauent le moins : aussi dit-on que la plus meschante roue du charist, est celle qui mene le plus grand bruit. N'est-il pas sscript, adiousta-il, és Prouerbes, Vbi verba funt plurima, ibi frequenter egeftas? Vous affeurant qu'on ne scaurost arguer vn homme d'ignorance pour se taire, & encores moins le peut-on accuser de follie, car vn fol ne se peut taire. Aussi que c'est, adioustoit-il, vn traict de fagelle, de pouvoir couurir fa follie & fottife fous filence, & vn grand fcauoir, de cacher fon ignorance en se taisant : car affez sçait celuy qui sçait se taire : & n'apparoilt-on moins feauant en fe taifant qu'en parlant : le foi reffemblant au fage lors qu'il se taift.

On dit, pourfuiuoit-il, que iamais homme ne fœut tant qu'Epaminondas, & que iamais homme ne parla moins : tout au contraire de la plus-part, qui parle le plus & le plus haut tant moins elle en fçait : comme fait le vaiffeau vuide, qui a plus de fon que le plein : mais fi on y met quelque liqueur, dit Plutarque, à mefure qu'elle y entre, l'air vain en fort, & lors le vaiffeau n'a pas le fon si haut. Et comme dit le seigneur de Montagne, il aduient aux sçauans comme és espics

и.

de bled, qui vont s'efleuans & se hauffans la teste droicte & siere, tant qu'ils sont vuides: mais quand ils sont pleins & grossis de grain en leur maturité, ils commencent à s'humilier & baisser les cornes. Et comment est-ce, disoit-il, que ceux qui parlent tousiours pourroient sçauoir quelque chose, veu qu'ils n'entendent point parler les autres, & parlans tousiours, comment apprendront-ils des autres?

Vn de la Seree prenant la parole, va dire luy fouuenir auoir leu de deux architectes, qui estoient deuant vn grand Seigneur pour luy deuiser & faire vn superbe bastiment: dont I'vn parloit tousiours, & se vantant, disoit à ce Seigneur, le feray cecy, ie feray cela : tellement que s'il eust peu faire ce qu'il disoit & promettoit, c'eust esté un habile homme en son art : l'autre architecte au contraire, l'oyant ainsi babiller & se vanter, ne disoit rien. Le Seigneur voyant que cestuy-cy ne parloit point, luy demande, Et vous que sçauez-vous faire? Leguel va respondre, le seray tout ce que l'autre a dict. Voulant dire que ce babillard d'architecte n'eust sceu faire ce qu'il disoit, & que luy, fans tant se vanter, le pouuoit faire. Vrayment, fut-il repliqué, ie loue grandement la brefueté Laconienne de ce maistre masson, & blaîme le long parler de l'autre : la brefueté approchant du filence, & se taire estant vn grand bien. Que si le long parler, adiousta-il, n'est bien-seant à vn artisan, regardez que ce sera des plus sçauans de ce temps, qui font grandement taschez de ce vice? Lesquels prennent leur course de si loing, qu'on ne les void point reuenir, & s'ils reuiennent, font desia si las, que mal-aisément

ils franchissent le fault, & si ennuyent tant ceux qui les escoutent, encores qu'ils disent le mieux du monde, qu'on ne prend pas garde à ce qu'ils difent : & cela procede de ne sçauoir pas que la mesure de parler confifte à ceux à qui on parle, & non à ceux qui parlent : & que ceux qui veulent auoir beaucoup d'auditeurs, tout le monde les fuit. Que si ces longs parleurs se faschoient autant de parler, que les auditeurs s'ennuyent d'escouter, ils ne seroient leurs oraisons si longues, & abbreuieroient leur Quanquam : car comme on commence à parler auec raison, il saut aussi finir à parler auec jugement & discretion. Ne sçauez vous pas, disoitil, qu'on ne loue pas vn ioueur de violon, de luth, ni yn chantre, pour auoir longuement ioué & chanté, mais bien? Aussi ne faut-il pas estimer vn homme pour auoir long temps parlé, mais bien. Ne dit pas Ciceron, Nostre parole soit douce, & non point opiniastre : & quand nous ferons des discours, qu'ils ne soient point si longs qu'ils empeschent les autres de parler : car entre autres chofes le parler doit estre esgal ? Si est-ce que le mesme Ciceron, luy fut-il repliqué, dit à celuy qui luy demanda laquelle des oraifons de Demosthene estoit la meilleure, que c'estoit la plus longue. Si est-ce aussi, luy va dire celuy qui parloit auant luy, qu'en si grand langage il est bien difficile qu'on ne mente, tant le long parler & le mentir s'entresuiuent : Nigidus disant, selon le recit d'Aulugelle, qu'vn homme de bien ne mentira iamais, & que l'homme fage ne dira iamais mensonge : verité ne se pouuant dire qu'en vne forte, mais mensonge en plufieurs fortes.

Et d'autant que le François, adiousta-il, est grand babillard, il a esté blasmé aussi par Saluianus Massiliensis, qui effoit du temps de Valentinian Empereur, d'effre grand menteur : si bien que l'ay veu quand vn François vouloit parler, on le dementoit : & s'il difoit, le n'av encores rien dit; on luy respondoit. De ce que tu diras par cy apres. Et aussi, adioustoit-il, auec le mentir des grands parleurs, ils font le plus fouuent mesdisans, & ne scauent faire autre office és compegnies où ils se trouuent, que d'y seruir de tesmoings de ce qui s'est faict ou dit, ou plus toft, à la maniere d'vn Echo, rapporter toufiours les paroles d'autruy. Et ce font, va repliquer quelqu'vn, à ces grands babillards & menteurs, à qui ie voudrois plustost dire tout mon secret, & declarer toutes mes affaires, dautant qu'ils ne seront point creus en les rapportant. Retournans aux orateurs & harangueurs, il fut dit que la plus grand'peine qu'ils doiuent prendre, c'est de retrencher quelque chose de ce qu'ils ont à dire : car en beaucoup de langage, outre les choses fuperflues, fottes & ennuyantes, il y a toufiours quelque menfonge ou abfurdité, comme il arruia à vn grand parleur & vanteur, qui se vantoit par tout d'estre seul & premier en son art. Et si sut dit, que ces longues harangues, tant bien agencees, polies & pleines de toutes fleurs, semblent aux toiles des araignes, qui ont besucoup d'artifice, toutesfois fans vtilité ne profit. Plus, on adiousta que les anciens ont trouué la taciturnité de si grand prix, & chose si excellente, qu'ils daignerent bien eriger vne statue sans langue, de la main d'Iphicrate, à Leæna, combien que ce fust vne courtifane. Que Hyppocrate auec ferment contrainct les Medecins à taciturnité. Que les doctes Egyptiens adorerent le Dieu de filence, sa statue tenant le doigt en la bouche: encores que chacun peut se taire quand il veut, mais il ne peut pas dire toufiours ce qu'il veut. Que les Atheniens bien aduifez portoient en leurs armoiries la Chouëtte, parce qu'elle parle peu, & va & voit la nui& qu'on ne parle point. Que le babillard est pire que l'yurongne : car l'yure parle follement à table, & le babillard par tout. Qu'il auoit leu quelque part, que la Deesse Eugerona se fermoit la bouche d'vne cles. estant ainsi peinte à Romme. Que le taire est vne grande vertu, comme le monstre Minerue, chassant loin de foy la corneille, qui est vn oiseau lequel ne faict que iazer & caqueter : que si la statue de Minerue. adoree par les Messeniens, tenoit vne corneille en sa main, c'estoit pour signifier que la parolle doit estre en la main de l'homme fage, en forte qu'il la puisse retenir, allonger & abreger felon qu'il verra bon, & que l'occasion se presentera. Que l'arondelle babillarde est le hieroglyphique des iazeurs, qui ne font que caqueter : personnes qu'il faut suir, ce dit Pythagore. Que les anciens fur le foir presentoient à leurs Dieux des langues en leurs sacrifices, à fin de leur estre aidans à garder filence. Celuy qui auoit parlé de Minerue, voyant que tous ceux de la Seree attendoient qu'il se deust mettre fur le babil des femmes, leur va dire, Messieurs ne pensez pas que i'entreprene à blasmer le babil des femmes, & à vous en faire des contes : car le ferois plus grand babillard qu'elles, si ie voulois traicer de


ce dequoy effes font accusees: & encores moins que ie veule entreprendre de vouloir faire taire des femmes, comme fit vn estranger, qui estant à la seste d'Adonis voulut impofer filence à Gorge & à Praxinoa, dont il fut mocqué, comme estoit Theocrite : qui dit qu'il y a mille inuentions pour faire parler les femmes, mais pas vne seule pour les faire taire. Si est-ce, replique vn de la Seree, que nature nous enfeigne que les femmes ne doiuent gueres parler, & qu'elles ne parlent pas tant que les hommes : la plus part des femelles, des oifeaux, ne chantant point, & ne parlant point, ce dit Aristote : fi bien que nous voyons que ceux qui acheptent des oileaux pour parler & chanter, choififfent toufiours des malles: & que la femelle du perroquet ne peut gueres estre apprinfe à parler. Ce que tout le monde ne croit pas: parce qu'on ne voulut iamais permettre aux semmes d'aider à dire la Messe, & à respondre au Prestre, parce qu'il n'y eust iamais eu de fin : d'autant qu'il n'y a que cinq Kyrie eleison, & le prestre le commence & l'acheue, & la femme eust tousiours voulu auoir la derniere parole: & ainsi on n'eust iamais trouvé la fin.

Cefte Seree ne fut pas longuement continuee, perfonne n'ofant plus parler, de peur d'eftre reputé babillard, & tomber au vice qu'eux-mesmes reprenoient & blasmoient. Qui sut cause que ceste cy sit prendre sin, pour ceste heure, à toutes les autres : aidee en cela de l'Esté, qui les surprint, leur ostant le seu, le vin doux, & les longues nuics : sans lesquelles choses nos Serees ne peusent estre. Que si Dieu me faict la grace de viure iuíques à ce qu'elles reuiennent en leur faison, ie mettray peine de vous en faire voir encores vn pareil nombre, moyennant que ie sois affeuré de ne tomber point en la reprehension de ceste cy : craignant fur tout qu'on ne m'appelle babillard : mesmement parce que (si Claudian dit vray) Rhadamante condamne les grands causeurs à deuenir poissons. Ce que pour rien ie ne voudrois m'arriuer, de peur que deuenu poisson ie perde le moyen de vous en conter encores en mon second Liure, que ie vous prepare, si ie cognois que ce premier vous soit agreable.

Fin du premier Liure.

ET NVGAE SERIA DVCVNT.








LES SEREES QVI SONT

contenuës en ce premier Liure (fin.)


VI.	Du Poisson Feuillet	: 1
VII.	Des Chiens	39
VIII.	Des Cocus, & des Cornards	75
IX.	Des Iuges, des Aduocats, des proces, &	
	plaideurs	124
x.	Des Medecins & de la Medecine	173
XI.	Des Cheuaux, des Iumens, des Ajnes, des	
	Mules & Mulets	221
XII.	Des Babillards. & des Causeurs	256

(Legis)















THE UNIVERSITY OF MICHIGAN GRADUATE LIBRARY

DATE DUE





DO NOT REMOVE OR TE CARD

Digitized by Google

